

COMPENDIUM
PHILOSOPHIAE NATURALIS,

✠
SEV.

*De Consideratione rerum Naturalium, earumq;
ad suum Creatorem reductione,*

LIBRI VII.

Auctore FRANCISCO TITELMANNO Hafs-
sellensi, ordinis fratrum minorum, sacrarum
scripturarum apud Louanienses
Prælectore.

IN
VIR-
TUTE,



ET
FOR-
TUNA.

LYGDVNI,
APVD GVLIELMV M ROVILLIV M
SVB SCVTO VENETO.

1574.

Virtutis fortunæ virtus.

ORDO, ET MATERIA
librorum duodecim sequentium.

*

Liber primus tractat de principiis rerum naturalium.

Liber Secundus, de causis rerum naturalium.

Liber Tertius, de motu & accidentibus eius.

Liber Quartus, de infinito, loco, vacuo, & tempore.

Liber Quintus, de generatione & corruptione rerum naturalium.

Liber Sextus, de meteorologicis impressionibus.

Liber Septimus, de cælo & mundo.

Liber Octavus, de anima in generali, & de potentiis vegetatiuis, deque longitudine & breuitate vitæ.

Liber Nonus, de sensibus exterioribus, & eorum sensibilibus.

Liber Decimus, de sensibus interioribus, deque somno & vigilia.

Liber Vndecimus, de intellectu & præcellentibus eius officiis.

Liber Duodecimus, de appetitu sensitivo, & voluntatis præcellentia.

OPTIMAE STUDIORUM
PARENTI, SEMPER
VENERANDAE ARTIVM

liberalium Facultati, in praclara Louanienſi

Academia creditos alumnos fideliffimè

educati, Frater Frãciſcus Titelmãnus

Haffellenſis, humilis eiufdem diſci-

pulus, cū omni reuerentia

humile offert ob-

ſequium.

*



VM ante annos aliquot, optima ſtudiorum pa-
rens, è tuo gremio ad ſacram Minorũ Fratrum
religionem me contuliſſem, ac nò multo poſt
ſuperiorum imperio (quibus reſiſtari nec po-
teram, nec debebam) compellerer ad eam do-
ctrinam fratribus cõmunicandam, quam è tuis ſuxeram be-
nigniſſimis ſecundiſſimisque vberibus, id eſt, ad prælegen-
das Philoſophicas diſciplinās, vt mihi injunctum obedientiæ
mandatum pro fratrum ſimplicium vtilitate, quàm poſſem
fideliffimè perficerem: viſum fuit hoc mihi bonum cõſilium,
vt ea quę olim tuo inſidēs gremio, partim à doctiſſimis præ-
ceptoribus (cuiuſinodi ſemper plurimos alii) viuz vocis ma-
giſterio acceperā, partim ex mutorũ magiſtrorum ſcriptis,
id eſt, eruditorum Philoſophorũ libris, pro ingenioli mei te-
nuitate hauſeram, ſuccinctè breuitérque velut in cõpendium
colligerẽ, & nihilominus lucidè & ordinatè quantũ poſſem
omnia diſponēs, nihil eorũ quę eſſent neceſſaria omitterem.
Sic enim ſimplicium fratrum cõditioni iudicaui vtilius, vt pote
quibus bona diei, noctiſque pars diuinis hymnis decātandis,
ſacris peragendis myſteriis, & circa proximos exercendis hie-
rarchicis actibus foret impēdenda, ita vt ad Philoſophiæ ſtu-
dia minimũ temporis ſupereſſet, neque vaciret eorũ qui ple-
nius illa tractarũt, prolixos & difficiles cõmentarios euoluere.
Ad phyſicam autem diſciplinam in compendium contra-
hendā meum deſiderium peculiariter etiam illud accēdit,
quòd hanc rem à nemine haſtenus tētatam cõſpicerẽ. Nam
in Dialecticis, vel uſque ad nauſeam abũde multos inuenias,
qui totā librorũ ſeriem per ordinẽ ſunt proſequuti. Haſte.

nus autem qui Physicæ disciplinæ amplitudinem cōpendio strinxisset (quod ego quidē sciam) extitit nemo. Ac proinde videbar mihi operæ precii facturum, si tam commoda oblata occasiōe, quod animo infederat, opere perficerē. Neq; enim minimā præstare mihi videntur studiis utilitatē, qui ea quæ à prioribus multa prolixitate & obscuritate tractata fuere, sua industria atque diligentia in compēdiosam ordinatāmq; breuitatem laborant contrahere. Quos enim inuoluta prolixitas molestāque difficultas deterrent, plerunque grata breuitas & compendiosa facilitas ad honesta studia inuitāt. Super hæc vero propositū nostrū vehementer adiuvit, animūmq; addidit, quòd videbam physicā disciplinā, si recte & pro sua dignitate tractaretur, ad sacram Theologiam plurimū omnino habere momenti, & ad Dei pleniorē cognitionē: neque ad Dei tantum cognitionem, verumetiā ad Dei excitandū amorem, mirum in modum conducere: quæ duo (nēpe Dei cognitio & amor) omniū debent esse honestorū studiorum ultimus atque præcipuus finis. Et gestiebat animus, hac in parte aliquam tibi, optima mater, ostendere gratitudinē: videlicet demonstrādo eas disciplinas, quibus tibi creditos alumnos instituis, nō solum ad eruditionem absolutam esse omnino necessarias, verumetiā ad pietatē (quæ ad omnia utilis est) plurimum conducentes: ut merito sanxerint venerandi Theologorum Magistri, neminem vllō Theologiæ titulo insigniendum, itidem & medicinæ honorandi ex sacræ paginæ instructione professores, neminem ad suæ professionis vllum gradum admittendum, qui non prius in tuo gremio fuerit, tuoq; saluberrimo lacte pastus fuerit, imò & ab lactatus: videlicet hoc ipso suo iudicio manifestissime attestātes, qd nulla omnino disciplina (neque quæ ad corpus, neque quæ ad animā spectat) absque tuæ institutionis præiactō fundamentō solida possit cōsistere. Nūquā enim viri prudentissimi id statutis editis cauissēt, nisi prorsus solido veritatis cibo inepros iudicassent, quos nō tu prius tuo lacte potasses. Itaque, cū hos Physicæ cōsiderationis libros, Physicæ disciplinæ hoc cōpendium, multorū precibus importunis diu multūmq; sollicitatus, tandem acquiescens amicis postulationibus, in lucem edere decrevissem, post Deum omnis boni primum auctorem & omnis parentem veritatis, nō inuenire potui inter ris, cui hunc laborem iustus possem quàm tibi, mea nutrix,

mea,

mea fotrix, mea optima mater, dedicare ac nuncupare. Est enim hæc Dei institutio, vt singula vnde effluunt, illuc & refluant. Ad locum (inquit sapientissimus ille rerum naturalium inuestigator Ecclesiastes) vnde exeunt flumina reuertuntur, vt iterum fluant. Quæ nos ergo primū quidē à Deo omnis veritatis doctore, post hunc autem ex tua institutione accepimus, iustum est illi vt primario datori per gratiarum actionem accepta referri, ac deinde in te quoque vnde nobis effluerunt, refluere. Si verò hunc nostrum laborem tibi non ingratum, ac tuis alumnis nō iuutilem cōpererimus, quod nunc in Physica disciplina egimus, forsitan & in Dialecticis aliquando tentabimus. Puto enim & illic laborem superesse Christiano operario, hætenus à nemine susceptum, quo mirum in modum illius quoque disciplinæ dignitas possit exaltari. Qui te suorum puerorum nutrice instituit, ipse te quoque felici statu conseruet, & multa semper prole fœcundet, vt sis quasi vitis abundans in lateribus domus eius, sintque filij tui sicut nouellæ plantationes oliuarum, in circuitu delicatissimæ mensæ tuæ.

PSALMVS NVNCVPA-
TORIVS OMNIVM CREATORI,
TRINO ET VNI DOMINO.



IDEBAM ego librum latum pulchrum, & magnum, & vterum eius quasi grauidatum, & tanquam pregnantem conspiciebam in visione mea.

Intendi mentis aciem, & vidi de vtero eius enasci libros plurimos: & contemplebar si non imminueretur partu tam multiplici grauidatus vterus.

Non potui considerare imminutionem eius: quanto plures prodiebant fœtus, eo magis videbatur intumescere.

Dimicabant secum intra me cogitationes meæ: & cogitabam varia, volubamque plurima, quoniam tenebar rei miraculo.

Mulierum partus me docuerant, fœtu egresso abscedere collem vteri: monticulus, quem gignit latens in occulto, cadere solet egresso vagiente.

Propterea tenebat me rei noua miraculum: & luctabar ego cum cogitationibus meis, neque inueniebam exitum.

Feci mihi scalas altas, vt introspicerē in vterum libri. erat enim

excelsus & eleuatus longe supra paruitatem meam.

Datum est mihi post laborem multum introspicere à longè : contemplantus sum (sed plusquam caligantibus oculis) quid inhabitaret in vtero, aut quæ esset huius causa miraculi.

Contemplans video vterum velut abyssum: & qui sedebat in eo, nō poterat videri, neque mensura, neque erat finis magnitudinis eius.

Desij admirari postquam videram: dixi enim, quomodo minuetur vterus, qui in se habet inhabitantem infinitum & immensurabilem?

Quid enim si egrediūtur ex illo fœtus parvuli, quādo manet intra vterum ipse de quo fœtus procedunt, maximus & implem omnia?

Parabola hæc quam assumpsi, confitetur gloriam illi, qui creator est, & dominus omnium, tibi dominator domine, pater sancte, rex cæli, terra, & marium.

Tuam gloriam eloquitur similitudo mirabilis libri huius: & ad te pertinet gloria inhabitantis in eo.

Tu fecisti librum magnum & latum: vniuersam hanc mundi machinam spatiosam & speciosam valde tu creasti.

Scrīpsisti in eo mirabilia multa & magna, incerta quoque & oculta sapientia tua impresisti in eo.

Immensam potentiam tuam, & incomprehensibilem sapientiam descripsisti in eo: inestimabilem quoque bonitatem & perfectionem tuam.

Singula quæ sunt in eo creatura, singula sunt pagina libri. singuli sunt characteres, singula perfectiones, quæ inueniuntur in illis.

In oculis omnium legendum exposuisti librum istum: volumen hoc volui facis atque reuolui, ante conspectum omnium populorum.

Legunt in eo quibuscunque leuare placuerit oculos: intellectum quoque das omnibus, qui pro corde abs te poposcerint.

Veruntamen intra vterum illius tu posuisti habitationem tibi: intimus enim es & præsentissimus machine quam creasti, quicquid est creatum penitissime inhabitans.

Considerauerunt librum hunc plurimi, & viderunt quoniam esset fœcūdus nimis: & de libro hoc ediderunt libros sine numero.

Viderunt quoniam ad intelligendum esset liber difficilis: selectioribus suis multiplicatione verborum atque librorum conati sunt explanare illum.

Magi, Sophi, atque Philosophi innumeri, operam impenderunt in considerandis paginis libri huius: te quoque autore inuenerunt non pauca veritatis tuæ, quam descripsisti in illo.

In uis

Inuisibilia enim qua de te cognosci poterant, per facturam tuam fecisti intellectui ab illis conspici: sempiternam potentiam, virtutem, & bonitatem tuam.

At te procedebat quicquid describebant veritatis tua: à te namq; pater luminum est omnis veritas, & tu manifestasti illis.

Veruntamen vanitates multas immiscebant veritati modica: erroribus multis ac vanis opinionibus nimium erant permixta eorum omnia.

Non enim lumen plenum erat in oculis eorum: & quasi sine lumine excecatis oculis legentes, non potuerunt qua descripta erant penitus cognoscere.

Excacauit enim eos affectus non bonus: nequam oculus totum corpus fecit esse tenebrosus.

Dicentes enim se esse sapientes, stulti facti sunt, quia non dederunt gloriam deo cæli, qui creauit omnia.

Cum adorare debuissent, populisque adorabilem predicare, quem in lectione libri huius cognouerant: dissimulare maluerunt, seque glorificare magis concupierunt, quam creatorem deum.

Quomodo paruuli in libro formulis pulchris decoro harent in flosculis paginarum, neq; perpendunt qua descripta est in eo, veritas:

Ita aspiciebant isti in creaturarum pulchritudinem, suntq; oblectati in eis: veritati autem qua continebatur, quæq; parata sese erat aperire legentibus, non intenderunt culm debito.

Propterea non sunt inuenti digni ampliore lumine: quoniam acceptis male rsi deprehensi sunt.

At vero, ubi venit plenitudo repositis, ut sanaretur cecitas generis nostri: misisti tu domine lucem tuam, qua illuminat omnem hominem.

In hoc lumine salubriter iam legimus librum istum qui ante fuerat sterilis: docet enim nos scientia salutaris fidei, in vniuersa te venerari creatura tua.

Qui attentè in lumine spiritus tui considerauerit opera tua, delectabitur suauissime deus, autor omnium, in factura tua.

Inueniet in ea materiam laudis quam recitet tibi confessionis, amoris, & sancti desiderij.

Qui enim opificem diligit, quomodo non delectabitur in opere eius? quomodo non refricabit operis contemplatio memoriam artificis, & confirmabit desiderium eius?

Ita pater sancte, creator omnium, hoc animo descripsimus considerationem creatura tua in adminiculum simplicium, quibus placitum erit tuorum operum attentius aliquid perspicere.

Que veteribus illis Philosophis qui ante lucem surrexerant manifestasti: ubi consentanea inuenimus veritati, vindicauimus in usum nostrum.

Nihil enim immundum putamus, quod sanctificatur & purificatur in fide tua: non sunt abominandi thesauri Aegypti, cum consecrantur tabernaculo tuo.

Que verò supra sensum sunt hominū, & que ratio monstrare non potuit, ex viris quos sacer tuus illustrauit radius, desumpsimus ea.

Ita pater collecta hac labore nostro offerimus tibi: propter tuam gloriam descripsimus, tue quoque mancipamus glorie.

Confido enim, quod falsitas non inueniatur in opere isto, neque mendacium: omnis autem veritas debet tibi consecrari, qui es Deus veritatis.

In hoc autem potissimum tu nosti fuisse cenatum nostrum: ut formulam praberemus philosophari cupientibus, qua in te discerent regere omnem considerationem suam.

Non enim ignoras, quanta sit in te ista abissio: & quam rarus sit qui sic doceat contemplari creaturam tuam, ut tibi accedat gloria, tu optime habes cognitum.

Praua curiositas in facies abducit multos: in profundum facit immergi, ut ad te non leuent oculos.

In spinis & reprobis harent plurimi, & dilacerantur in cogitationibus & adinventionibus ingenij sui.

Qui autem te quaesierint in horto creaturarum tuarum, inueniēt fragrantiam flosculorum bonorum: & qui cognitioni tue maiestatis aptauerit omnia studia, ipse pascetur in delicijs tuis.

Suscipiat itaque dominus meus que offert tibi seruulus tuus: seruum de rosis horti tui suscipe de manibus pueri tui.

Fac pro sit olfacientibus illud, & excitatos odore creature tue, subuehe in amorem sanctum tuum.

Ego verò sperabo in misericordia tua: & adijciam semper super omnem laudem tuam.

Gloria patri, & filio, & spiritui sancto.

Sicut erat in principio, & nunc, & semper, & in secula seculorum, Amen.

FINIT PSALMVS.

PRÆ

9

P R Æ F A T I O I N S E Q U E N T E S D V O D E -

C I M L I B R O S D E C O N S I D E -

ratione rerum naturalium.

* *
*



AD omnipotentis Dei gloriam, patris, filij, & spiritus sancti, omnium & spiritualium, & corporalium conditoris æterni, rerum naturalium considerationem pertractare cupientes, congruū existimauimus, ea quæ à Philosophis naturę inquisitoribus longè latèq; disputata, atq; modis variis diffuse tractata sunt, succinctè breuiterq; colligere, ac veluti in compendium redigere, vt qui ad creatoris meliorē pleniorēq; notitiā creaturarū considerationem fortè exquisierint, nostro hoc compēdio præcauere valeant temporis omnium preciosissimi damnosa dispendia. Neq; enim dubium est, quin creaturarū visibilibus, & rerum naturalium recta cognitio plurimum omnino habeat momenti ad omnipotentis dei pleniorē cognitionē, apud eum qui fidei lumine illustratus interius, quæcunque oculis foris cōtemplatur, aut naturali etiam ratione ex eisdem venatur, in deum studet creatorem regerere, adq; eius potentiam, sapientiam, & bonitatem contemplandam omnia referre. Siquidem inuisibilia dei (quemadmodum Apostolus ait Romanis scribens) à creatura mūdi per ea quæ facta sunt intellecta

Rom. 1.

conspiciuntur, sempiterna quoq; eius virtus atq; diuinitas: ita vt inexcusabiles sint, qui ex creaturarum cognitione non studuerint dignas creatori gratias referre, cultūq; debito famulari. A magnitudine enim speciei & creaturæ (vt Sapiens

Sapiens. 13.

alius attestatur) cognoscibiliter poterit creator operum mirabilium, quæ mundus iste habet, videri. Neque difficile erit iis in quibus est scientia dei, cum specie delectantur mirabilium quæ habet mundus, virtutēq; & opera eorum mirati fuerint, intelligere ex his quanto eorum dominator est speciosior, qui hæc omnia constituit: & quāto fortior est illis, qui de nihilo fecit omnia. Hunc ergo nostræ considerationis scopum habentes propositū, ex iis quæ à naturalium rerum tractatoribus fusius tractātur, velut ex immensa sylua, præ-

cipua quælibet colligere curabimus: ea potissimum quæ nostro maxime deferuere queant instituto, iis reiectis, aut certe relictis, quæ minus videbuntur nostro proposito opportuna. Solent enim ex iis qui naturalia tractant, nonnulli acuta quidē & subtrilia multa differere, quibus sua ingenia ostentādo aliena exercitent, ea vero in quibus pietatis est quæstus vberior, vel negligere, vel sicco pede pertransire. Nos verò institutum contrarium animo propositum habentes, nemo calūniatur, si quæ eiusmodi sunt nos videat vel prætermisisse, vel parcius attingisse. Ob quam etiam causam in libris sex posterioribus, multa verborum copia, & similitudinū multiplicium adductione, conati sumus pro virili nostra, quā lucidissime plenissimēque omnia tractare: cum in libris prioribus (maxime autem in tertio, quarto, quinto, & sexto) breui plerunque sermone rem tantū perstringētes, potius eam indicemus, quā penitus explicemus. Videmus enim ea quæ in posterioribus libris tractantur, multo magis ad dei cognitionem & sciētiam veritatis esse vtilia atq; necessaria, quā ea quæ in prioribus illis enumeratis libris traduntur. Proinde nemo nostrum calūniatur propositum, vbi præter quorundam consuetudinem (qui prioribus maxime inhaerent, posterioribus, vel in totum, vel certe magna ex parte neglectis) nos viderit egisse. Si quidem non tam ad ingenij exercitationem, quā ad pleniorē de deo cognitionem & pietatis qualemcunq; venationem, noster iste labor defudauit. In scribendo autem hac libertate vti sumus, vt nullius scriptoris ordine nos patere-mur constringi: sed nostro iudicio, vbi commodissimus visus est locus, singula locauimus: quæ prolixius dicta videbantur plurima abbreviantes, vt cōpendij scriptorem decebat, nonnulla contractius dicta, quātum vtile videbatur, latius explicantes, nonnunquam humanis diuina, temporalibus æterna, ex fidei illuminatione commiscentes, vt ne purus esset philosophiæ hic tractatus, sed philosophiæ pariter & Theologiæ commixtio. Non est enim dignum, vt ab vllius Christiani scriptoris operibus alicubi absit deus, qui cœlum & terram sua maiestate adimplens sicut creauit, ita & continet omnia, qui est benedictus in secula, Amen. De rebus igitur naturalibus hac ratione tractare volentes, ab ipsis earum principiis exordiemur determinationem, si prius quid res naturalis sit, quidque natura, breuiter explicauerimus.

LIBER PRIMVS,

QVI EST DE PRINCIPIIS

rerum naturalium.

*Quid sit res naturalis, & de quibus sit in præ-
senti libro tractandum.*

CAPVT I.



*ES naturalis dicitur, quæ ex naturis
constat.*

Quæ secundum Græcam appellationem, *Hæc tra-*
alio nomine corpus physicum, siue res physi- *stat. A-*
ca solet appellari. Siquidem Græcis *quæis, ristot. ini-*

Idem est quod Latinis natura. Res naturales sunt, omnia cor- *tiq. 2. libri*
pora quæcunq; ex materia & forma componuntur, vt coeli, *Physicor.*

elementa, & quæcunq; sub eis sunt mixta, siue animata, siue

inanimata. Angeli autem res naturales non sunt, eo quod ex

naturis non componantur, sed puri & simplices sunt, & formæ im-

ateriales. Et de his quidem rebus quæ naturales non sunt,

in his libris per se tractare non intendimus, sed de rebus tan-

tum naturalibus, quæ sunt subiectæ sensibus. Nonnunquam

tamen ubi se occasio obtulerit, si de illis quoq; nonnihil dixe-

rimus, non prorsus nostro instituto contraibimus, quando-

quidem proximæ sunt deo mētes angelicæ, & corporeis om-

nibus illi accedunt vicinij. Atque ob hoc, cum à corporeis

rebus ad deum transire contendimus, commodius nonnun-

quam spiritualium mētium considerationem velut mediam

intericimus, quod sic velut gradatim, ab imperfectioribus ad

perfectiora, in deum qui est perfectissimus, ordinarius diriga-

mur. Erit ergo rerum naturalium determinatio nostræ con-

siderationis præcipua materia: Dei autem cognitio, conside-

rationis ipsius primaria intentio: angelicæ verò naturæ sicu-

bi admiscebitur mentio, ad priora nonnihil præstabit adiu-

menti.

Quid sit natura & quotuplex.

CAP. II.

*N*atura est substantiale principium, mutationū atq; acci-

dentalium formarum rei conuenientiū, vel effectiuium

vel susceptiuum. In qua definitione posita distinctiua coniun-

ctio duplicem innuit naturā, quarū altera sit principium effe-

ctiuum, nepe substantialis forma: altera vero susceptiuū prin-

cipium

in separatione elementorum. Atque agoræ uti ut

quædam et corruptio. Vide Philonem lib. de placit

Aristophor. 5.

cipium, nempe materia. Omnis enim mutationes & dispo-
 sitiones accidentariæ quæ formæ rebus naturalibus conue-
 nientes, efficiuntur ab earum formis substantialibus, & con-
 servantur ab eisdem: quemadmodum calor ignis, à forma substā-
 tiali est eius, & cum aqua violenter calefacta ad frigus redit,
 à forma substantiali frigus illud efficitur. similiter & cū ipsa
 nimium rarefacta, ad iustam densitatē se reducit. Ignis quo-
 que per formam suam se mouet sursum: lapis deorsum item
 per suam formam. Non solum autem qualitates conuenien-
 tes, & motus ad proprias perfectiones, à forma sunt, verum-
 etiam operationes omnes & motus omnes illis naturaliter
 conuenientes, quibus agunt in exteriora. Vt cum ignis agit
 in aquam, aut in aliā quamlibet materiā, calefaciēdo, incen-
 dendo, sibi assimilando, à forma substāciali fiunt hæc omnia.
 Materia verò est subiectum & receptaculū, in quo cōseruan-
 tur & permanent quæcunque rei cōueniunt, ad actionem au-
 tem non cōcurrit. Propter quod, passiuum tantū principium
 est, non etiā actiuum. Cæterum, quod in definitione diceba-
 tur principium substantiale, excludit accidentia omnia, quo-
 minus naturæ dici possint. Sunt enim quædam accidentia, quæ
 videntur quarundā mutationū rebus conuenientiū quædam
 esse effectiua principia: quemadmodum (exempli gratia) ipsa
 ignis leuitas, causa quodammodo est & principiu quoddam
 motus eius sursum: & ipsa lapidis grauitas, principiu quod-
 dam est motus eius deorsum. Sunt enim quædam principia,
 & quædam causæ secundariæ horum motuum, & velut in-
 strumenta, quibus mediantibus formæ ipsæ substantiales vt
 principalia principia & causæ primariæ, motus eiusmodi ef-
 ficiunt. Non sunt autem naturæ, quoniam principia substan-
 tialia non sunt. Est enim principium substantiale, quod rem
 substantialem cōstituit atque cōponit, quemadmodū vide-
 licet ex materia & forma cōponitur res naturales, tāquam
 ex suis partibus essentialibus atque substantialibus, à quibus
 naturis duabus res naturales dominantur. Non autem ex
 leuitate, ignis constat, neque ex grauitate lapis. Quare neque
 naturæ rerum dicendæ sunt, sed potius entia secundum na-
 turam, quemadmodū infrā plenius declarabitur. Cæterum
 Aristote. in 1. lib. de Physico auditu, obscuriorem quidē ver-
 bis, sed in sententia æquiualentem ponit definitionē, quæ ex
 prædictis euadet faciliior. Sic itaque naturam definit Aristor.

Natura est principium quoddam & causa, vt id

moueatur atque quiescat, in quo primo per se, & non
per accidens inest.

Quæ quidem definitio, conformiter ad prædicta sic de-
bet intelligi: Natura est principium quoddam, id est, substan-
tiale principium, siue effectiuum, siue susceptiuum: & causa,
siue materialis, siue formalis, siue effectiua, siue conseruati-
ua: principium (inquam) & causa, vt id moueatur atque quie-
scat, in quo ipsum tale principium inest, hoc est, motus vel
quietis rei naturalis, in qua tale principium est: primò, id est,
principaliter per se, id est, tanquam pars essentialis ipsius rei
naturalis: & non per accidens, id est, nõ sicut aliquid acciden-
taliter inexistens, vel essentia extraneum. Vbi hoc peculiari-
ter notandum est, coniunctionem copulatiuam, atque, loco
disiunctiue coniunctionis accipiendam esse, vt sit sensus, prin-
cipium quoddam vt id moueatur vel quiescat, &c.

Que dicantur habere naturam & entia secundum naturam.

CAP.

III.

Naturam autem habent, quæcunque tale princi-
pium habent.

Hoc est, Naturam dicuntur habere, quæ formam substantia-
lem & materiam sub nomine naturæ prius definitas habent
tanquam partes essentielles sui. Huiusmodi sunt omnes & so-
læ substantiæ corporales, quæ suprà dictæ sunt res naturales.
Excluditur autem ab hac definitione materia (quæ formam
in se videtur habere) eo quod ipsam non habeat tanquã par-
tem essentialem sui, cū sit omnino simplex & incomposita,
tamen si cum forma vnum tertium constituit, cuius pars ex-
istit. Definitio autem entium secundum naturam hæc est,

Secundum naturam sunt, & hæc ipsa, & etiam ea
quæ hisce per se competunt.

Quæ definitio sic intelligitur, Entia secundum naturam
dicuntur hæc ipsa, id est, res habentes naturam, & ea quoque
quæ rei secundum naturam conueniunt, &c. quemadmodum ac-
cidentariæ dispositiones & motus rebus naturalibus conue-
nientes, dicuntur esse eis secundum naturam: vt igni secundum
naturam sunt calor, siccitas, raritas, leuitas, motus sursum, ca-
lescere, exsiccare: aquæ secundum naturam sunt frigus, densi-
tas,

tas, grauitas, humiditas, motus deorsum, frigefacere, atque
 ita in cæteris. Quæ verò natura rei nõ conueniunt, non sunt
 entia secundum naturã, vt quæ ab extrinseco per violentiam
 rei cuilibet imprimuntur, quemadmodũ in aqua calor, & in
 lapide motus sursum, ignis percussio ad locum deorsum.

Quid ens cõtra naturã. Et quidem si forma rei contranitante, per violentiã præ-
 dominantis agentis fiat impressio, dicuntur entia contra
 naturam, quemadmodũ exemplũ est in iis quæ statim posita
 sunt. Contranitur enim forma aquæ, ne calorẽ suscipiat, li-
 cet præualēs ignis imprimat eũ violẽter: & lapidis forma, ne
 ipse moueatur sursum cõtranitur, quærens magis moueri
 deorsum. Iridẽ & forma ignis, motui deorsum reluctatur. Si
 verò id quod ab extrinseco imprimitur, non repugnat natu-
 ræ, neque introducatur contranitante natura, sed permittente
 (eò quòd sicut nõ conuenit, ita ei nec aduersatur neq; offi-
 cit) præter naturã id esse dicendũ est, quemadmodũ impres-
 sus in lapidẽ impetus ad motũ lateralem in loco plano. Hic
 enim motus sicut lapidi secundũ naturã non conuenit, ita se-
 cundum eam nec aduersatur, vnde præter naturam dicendus
 est. Hæc vt magis clareant, ponit Arist. hanc diuisionem,

*Rerum quæ sunt, quædam sunt natura, quædam ob
 alias causas extrinsecas.*

Cuius hic est sensus, Rerum productarum, quædam à na-
 tura naturaliter agente producuntur: aliæ aliis à causis, quip-
 pe ab arte, à libera voluntate, casu aut fortuna, quorũ exem-
 pla ex sequentibus patebunt.

*De rerum naturalium principijs in genere, atque tribus eorum
 conditionibus. CAP. IIII.*

DE numero & assignatione principiorũ rerũ naturalium,
 varie admodũ senserunt veteres Philosophi, quorum vt
 non est admodũ operæ pretiũ, ita neque propositum singulas
 figillatim sententias adducere, aut errores impugnare. Si
 quem fortè oblectant eiusmodi, is Aristotelem consulat i.
 Physic. lib. quem de principiis rerum naturalium scripsit, &
 abunde illi (ni fallor) forsitan & vsque ad nauseam, erit satisf-
 actum. Nos verò Aristotelis sententiã (qui cæteris certiora
 magisque consentanea in Philosophicis rebus descripta reli-
 quit) in sequentes, atque adeo veritatẽ ipsam quã fidelium do-
 ctorum omnium vnanimis firmat cõsensus, duo tantũ rerũ na-
 turalium

*principia materia & forma, principia quæ non sunt
 rerũ naturalium sicut sunt autem non principia*

turaliū principia ponimus, nēpe materiā & formā, quā sub-
 stantialiter (vt suprà dictū est) rē naturalē constituūt. Prima-
 tio cū materiā (vt post dicitur) principiū trāsmutationis re-
 rum naturalium admittatur, nō tamē principiū rē naturalium
 admitti debet, cū res naturales ex priuatione nō cōponantur.

Principia igitur prima rerum naturalium sunt
 quæ neque ex sese mutuo, neque ex alijs fiunt, & ex
 ipsis omnia esse oportet.

Ex qua descriptione tres colliguntur eorum condiciones:
 quarū prima est, vt simplicia sint penitus, & ex alijs non com-
 posita. Quod intelligi debet de partibus alterius rationis, si-
 ue de partibus essentialibus. Nā materia omnis, ex partibus
 componitur tanquā integrantibus ipsam, non autē ex parti-
 bus alterius rationis sine essentialibus. Quælibet enim ma-
 teriæ pars, eiusdē rationis & speciei est penitus cum tota ipsa
 materia. Nō tamen componitur ex alijs partibus essentiali-
 bus, quasi ex alia vltius materiā ipsa cōponeretur: alioqui
 processus fieret in infinitū. Sic & formæ substantiales omniū
 rerum naturalium, præter animā rationalem, partes habent in-
 tegrantes ex quibus cōponuntur. Sunt tamē etiā ipsæ rerum
 principia, neque ex vllis partibus essentialibus componuntur.

Secunda conditio est, vt non cōponantur ex se inuicē. Ma-
 teria enim non est ex vlla forma cōposita, neq; formā vllam
 in se habet ex qua cōponitur, neq; itē formā materiā habet
 pro parte sui. Ex quo patet, secundū eos qui formā corporei-
 tatis distinctā ponunt in corporibus à formis vltimis, cōpo-
 situm illud ex materia prima & forma illa corporeitatis, non
 esse principiū rei naturalis, tametsi pars sit ipsam componēs,
 quoniā simplex nō est, sed ex materia & forma cōpositū. Ter-
 tia verò conditio est, vt ex ipsis res omnes naturales substantia-
 liter constituātur. Quā conditionē manifestū est materiæ, &

formæ cōuenire. Omnis liquidē res naturalis ex materia, &
 formā, tanquā ex partibus essentialibus, æque substantiali-
 bus constituitur. Huius autē conditionis defectū, formæ arti-
 ficiales (vt forma statuar) principia nō sunt, quoniam ex ipsis
 nulla res naturalis cōponitur, sed tantū artificialis, vt ex for-
 ma statuar cum materia cōponitur statua, quæ est opus artis,
 nō res naturales. Hic animaduertendū est, illud esse principiū
 rei naturalis, ex quo videlicet ipsa res (tanquā parte essentiali)

Tres condi-
 tiones prin-
 cipiorū pos-
 itæ ab Ari-
 stot. in Phy-

101

101

101

101

101

101

101

101

101

101

101

101

in intrinseco componitur iuxta interpretationē conditionum positarum, & principiū transmutationis rei naturalis: quod videlicet ad rei naturalis generationē seu productionem requiritur, siue in generato postmodum maneat. siue nō. Priuatio siquidem formæ substantialis ad generationē requiritur: in producto tamen nequaquam manens. Nihil enim potest generari substantiale, absque formæ præexistentis in materia expulsionē. Nam ex homine cadauer non fit, nisi rationali anima migrāte: nec ex aëre aqua, nisi aëris forma substantiali cedente. Si quidem impassibiles hæ formæ sunt. *77* idem in cæteris videre est. Sunt itaque tria transmutationis *77* rerum naturalium principia, sed non item tria rerum natu- *77* raliū principia. Duo enim sunt, & non plura.

De materia, vt est alterū principiū rerū naturalium. CAP. V.

Nota diligenter.
Aduertendū est autem hoc loco, cum materiā dicimus rerum naturalium esse principium, eamq; alteram esse naturam, accipi debere non (vt vulgo solet) pro qualibet materia etiam artificiali, quemadmodū aurum, argentum, siue lignum statux ex aliquo ipsorum factæ, dicitur esse materia. Pro quo est intelligendum duplicem distingui solere materiam, nempe primam & secundam. Secunda materia dicitur, quæ ex alia vltcrius materia tanquam ex parte essentiali componitur, neq; pura potentia est, sed formam etiam in se includit, vt partem substantialem sui. Quemadmodum cum in exemplo supra adducto, aurum vel argentum dicitur materia statux aureæ siue argenteæ, quoniam ex ipsa & forma per artem introducta, vna cōponitur res artificialis, quæ statua dicitur. Non est tamen aurum materia prima, sed secunda tantum, quoniam priorem habet aliā, in quam vt in partem resoluitur, ex qua simul cū forma sua substantiali cōponitur. Sic item compositū ex materia prima & forma corporeitatis, materia prima nō est, sed secunda tantū. Atque hanc quidem materiā secundā, non est difficile ne rudibus quidem intelligere. Cæterum ad intelligendum secundum veritatem & proprietatem, quid sit prima materia, quæ hic natura esse dicitur, & principium alterum substantiale rerum naturalium, sub tōrem adhibere oportet mentis cōtemplationem, & intelligētiæ acie fixius intendere. Neq; satis rectē potest intelligi, nisi per cōparationem ad formam, quemadmodum ait Aristoteles, materiā per analogiam ad formam esse

esse cognoscibilem, id est, per comparationē & relationem ad formam, sicut & omne relatiuum per collationem cum suo correlatiuo melius atque perfectius intelligitur, neque satis vnum absque altero potest agnosci.

us autem fit
in categoria

Quid sit materia prima, & quomodo cognosci debeat, quod
que non sit propriè ens nominanda. CAP. VI.

EST igitur materia prima, primum vniuscuiusque subiectum, ex quo quippiam eo fit pàcto, vt nō per accidens insit: & si corrumpitur, ad hoc vltimum sanè proficiscetur.

Quorum verborum hæc est sententia, materia prima est subiectum primum & vltimū omnis formæ, eā substantialis quā accidentalis, & velut nouissimū substerniculū, quod in se formā substantiāle recipit, formæq; substernitur, cū ea re naturalem pariter componēs: ita vt si quam rem naturalem per ablationem omnium formarum corrumpere contingeret, ad ipsam materiam nudam deueniendum esset: verū hoc impossibile, quemadmodum & ipsam materiam omni forma spoliari. Vbi cum dicitur subiectū primū & vltimū, excluditur omnis materia secūda. Ipsa enim tamen alterius formæ subiectū sit, subiectum tamen primum siue vltimū non est, quod ex sua materia & sua forma tanquā ex partibus componitur, sed vltius siue prius subiectū habet, illud formæ habitaculum & substerniculum, quod in re formam nullam habet tanquam sui partem, sed tantū accidentaliter velut hospitem recipit formam substantialem, vt vnā cum ea non seipsam, sed rem naturalem componat. Materiam ergo primam intelligere volens, ad illud substerniculū vltimū debes intellectum cōvertere, in quo non includatur tanquam pars eius vlla omnino forma. Donec enim formam simul intelligis vt partem, materiam primam non concipis. Materia enim ex sese pura potentia est, & quasi nihil per se, hoc est, nullam formam sibi habens intrinsecam, ex qua componatur, neque ad aliquod particulare esse determinata, cum formam nullam habeat intrinsecam, cuius est dare esse determinatum, sed fieri ex ea potest quodlibet, secundū aduenientium formarū varietatem. Itaque per se quidē nihil esse videtur materia, nec simpliciter ens dicenda, neque simpliciter res, neque bonum, sed quasi nihil. Est enim nihilo viciniss.

Materia pri
ma nihilo vi
cinissima.

forma, & inter omnia quæ à Deo creata sunt aut facta, imperfectissima. Quare inter omnia, ab optimo & summo & verissimo ente Deo domino quâ longissimè distat, cum ipse sit esse plenissimum & perfectissimum, actusque purissimus, nihil habens potentiae admixtum. Illa verò est mera potentia, nullam habens essentiae stabilitatem, nullumque proprium esse, sed à forma tantum quodammodo esse mutuatur accidentale, ut quoties de forma in formam transit, toties suum quod habet accidentarium esse, commutat. Quæadmodum accidentium subiecta, quoties de accidente in accidens transeunt, prius esse accidentale, quod secundum formam abeuntem habebant, perdunt, & novum esse accidentale, secundum qualitatem aduenientem, acquirunt. Veluti cum homo qui albus erat, fit niger, perdit esse album quod habebat, & acquirit esse nigrum quod non habebat. Ita cum materia prima de forma aquæ sub qua fuit, mutatur, ut sit sub forma ignis, definit esse materia aquæ, & fit ignis.

Quemadmodum materia non sit actiua, & à Deo longissimè distet.

C A P. VII.

Illud verò de materia diligenter considerandum est, quod mera potentia sit, nihil actus in se essentialiter habens, ac proinde susceptiua tantum est atque passiva, nulla autem ratione actiua. Forma enim à qua est esse, ipsa etiam est, à qua omnis procedit actio atque motio, & omne quod agit, per formam agit: quæadmodum & omne quod est, per formam est hoc ipsum quod est. Vnde quanto formæ rerum sunt perfectiores, tanto res ipsæ quarum sunt formæ, nobiliores habent actiones, atque dispositiones perfectiores. Quemadmodum anima rationalis (quæ est omnium formarum nobilissima) nobilissimas dat homini præ omnibus creaturis operationes, quemadmodum & cælestes formæ suis corporibus dant potētissimas. Vnde & formæ illæ immateriales (cælestes dico spiritus) quæ sunt formæ per se subsistentes, & actus puri, non potentes cum materia commisceri, potentia atque virtute longe superant cætera creata omnia, atque adeo rationalem ipsam animam, quatenus cum materia habet naturale commercium. Et super omnia benedictus deus qui est forma perfectissima, & actus purissimus, super omnes formas alias creatas, materiales & immateriales, nihil prorsus habens admixtum potentiae, in infinitum potentia, virtute, sapientia, & omnibus perfectionibus supereminet creatis omnibus quam

tumuis in suo genere præcellentibus. Qua in re meditatio se *Transfusio*
 se offert non iniucunda, ei qui materiam velit tâquâ entium *Elia in confu*
 infimum & nouissimum ac nihilo proximum, cū Deo qui *deratione dō*
 est entium primū supremū atque perfectissimum, & à nihilo *nine perfe-*
 lo prorsus elōgatissimum, velut ex opposito cōparare atq; *tionis.*
 contrā opponere. Quemadmodū enim materia, pura exi-
 stens potentia, nihil habens in se actus intrinseci, omniū ma-
 ximè passiuā est, & tantū passiuā, nullā verò ratione actiuā;
 sic ex aduerso Deus purus actus existēs, & forma perfectissi-
 ma, nihil omnino habens admixtum potētiz, maximè acti-
 uus est super omnia (iuxta Apostoli dictū) in omnibus ope-
 rans omnia, nullā tamē ratione passiuus, ut à quoquā quic-
 quam possit suscipere. Et quemadmodum materia cum ab
 omni agente naturali passibilis sit, & ad quālibet suscipien-
 da indifferens, quæcunque à quolibet fuerint prædomināte
 agente impressa, non potest tamen per se quicquā omnino
 agere: ita econtrariō Deus cum ad quālibet agenda sit indis-
 ferens, & omnis actionis principiū, omnia agens ac mouēs
 pro suo libito, non potest tamē pati quippiā à quouis agen-
 te, imò nec à seipso, quemadmodum nec in seipsum aliquid
 agere potest materia. Et quemadmodū cum multa accipiat
 in se materia, nihil tamen ipsa cuiquam donat: ita econtra-
 rio omnipotens Deus cū omnia donat omnibus, omnibū-
 que rebus suum esse instillet, & cæteras perfectiones omnes
 dispenset, nihil tamen ipse à quoquam accipit, neque acci-
 pere potens est. Est ergo materia, omnium entium imperfe-
 ctissima, à Deo quā longissimè distans, & nihilo atque
 non enti vicinissima, neq; vicinius quicquam nihilo potest
 imaginari homo, aut Deus fabricare. Imò nō ens simpliciter
 dicenda est, & non ens in actu, sed tantum ens in potentia, ta-
 li nimirum dimouente determinatione adiecta.

1. Corin. 12.

*Quomodo Deus materiam creare potuerit, & an dignū fue-
 rit, tā imperfectissimā rem illum creare. CAP. VII.*

Cum autem inter agens & effectū oporteat esse similitu- *Questio.*
 dinem, forsitan mirū cuiquā videri poterit, quem ad-
 modum Deus perfectissimus atque purissimus actus & for-
 ma simplicissima, aut potuerit aut voluerit hanc impuram
 potentiam creare. Nā inter infinitam & purā formā, & fini-
 tam potētiam nihil actus habentem, nihil apparet similitu- *Solutio qua-*
 dinis. Soluitur autem ista dubitatio hoc pacto, quoniā ma- *stionis.*

teriam non per se creauit Deus, quasi ens aliquod per se subsistens, aut quasi hoc aliquid: sed concreauit potius cū re naturali, cuius in creatione erat materia, fecitq; eam Deus esse sub forma, quā in se recipit, sub qua quodammodo esse habet: atque ita etiam quodāmodo Deo assimilatur, quatenus est sub forma ipsius rei naturalis, cui ipsa substernitur. Neque simpliciter creatura dicenda videtur, neque simpliciter creata, sed potius concreatura siue concreatum aliquid cum re naturali. Ex quo consequi videtur satis manifeste, quod ab initio conditionis rerum Deus materiam non fecerit, neque creauerit absque formis substantiālibus, sed omnem materiam sub aliqua certa forma produxit: cōlestem quidem materiam sub forma cōlorum, elementarem verō sub forma elementorum, tamen si formis vltioribus, per subsequentes sex dies diuinæ operationis, postmodum fuerit completa. Ex hoc etiam patet, materiam non posse sine forma secundum naturam existere, neque esse possibile, vt materia omni prorsus forma sit nuda atque spoliata, neq; vna vnquā posse spoliari, nisi adueniente altera. Imō neque Deum hoc posse (vt materiam videlicet sine forma creet, aut concreatā per se seruet absque omni forma) probabilis quorundā sententia est. Aiūt enim, à quo omnis forma auferitur, ab eodē similiter omne esse auferri, cum forma sit, quæ dat esse rebus. Aliis cōtrā sentiētibz, Deo nō esse impossibile, quod naturæ possibile non est, sed potuisse Deum & ab initio sine forma creasse materiam, & etiam nunc eam sine omni forma seruare, licet sub forma creatam. Vera verō sententia sanior debeat haberi, nō stro non stat iudicio: quapropter utrāque in sua probabilitate relinquimus. Nemo verō existimet Deo perfectissimo in dignum, quoddā tam vilem rem creare voluerit, quæ sit nihilo vicinissima. Imō verō hac in re admodum magnificauit potentiam suam qui est omnipotēs, dum eam sic demonstrat validam, vt possit etiam in vltimum illud & imperfectissimum quod à sua essentia quā longissimè distat, attingens à fine vsque ad finem fortiter, id est, à perfectione naturæ angelicæ, vsque ad imperfectionem huius propē nihili.

Nulla creata virtute fieri posse materiam, sed in omni actione naturali eam presupponi.

*Dictū Ari
stotelis notā
dum.*

N Vlla verō est tam potens creatura, quæ possit creare vel minimā quantitatem materiæ. Insuāit enim hoc est

vir

est virtutis tantum, nempe diuinæ, facere aliquid ex nihilo, quemadmodum innuit Aristoteles, cum ait ex nihilo nihil posse fieri. Nam si creatura aliqua materiam primam faceret, necesse esset illā ex nihilo fieri, sicque creari. Non potest autem creatura creare, neque ex nihilo quippiā efficere. Potest enim creatura cum influxu dei cooperante, rem quæ aliqualis est in potentia, efficere vt talis sit actu: quæadmodum ignis ex ligni materia, quæ est in potētia ad formā ignis, potest facere ignē actu, introducēdo in eā, formam suæ forme simile. Cæterū quod in potētia nō est creatura facere nō potest vt potētia sit. Hæc ergo causa est quare cū agēs naturale aliam rē naturalem possit efficere, quæadmodum de igne alium ignē producente iam mōstrauimus: materiam tamen producere non potest, quoniā maioris potētiz est hoc, quā illud. In omni itaq; actiōe quæ sit à re naturali, præsupponitur materia, in qua forma suscipiatur: quæadmodū & omnis artifex, nō nisi ex materia quicquā efficit, neq; itē agēs naturale quodcūque. Quæadmodū ignis nūquā nisi ex præiacenti materia ignē facit. Sicut autem diximus de creatione, ita & de annihilatione dicendum est. Rē enim quæ actu est aliquid, potest agens naturale efficere vt talis actu nō sit: hoc est, potest formas rerum destruere atque expellere: nō potest autem efficere, vt res potētia talis nō sit. Illud enim (népe formam expellere ex materia) finitæ virtutis est. Hoc verò (scilicet materiā in nihilum redigere) infinitæ, quæ nulli cōpetit creaturæ. Quin & illud probabilior tenet sentētia, nō posse talem aliquam creaturā à deo, licet potentissimo, creari, cui virtus illa competat creandi siue annihiladi: neque virtutem hāc vlli creaturæ quantūvis nobilissimæ siue creatæ, siue creandæ, cōmunicari posse, sed eius solius omnipotētiz cōuenire. Solus est Deus in cælestibus sursum habitans, qui potuit vniuersam hanc mundi machinam & molem permaximam, ex nihilo & materia nusquā præinuenta creare, & eandem potest, cum voluerit, etiam nunc vsque in nihilum *Sap. 12.* redigere. Subest enim illi, cum voluerit, posse.

Ex materia ingenerabili & incorruptibili secundū sese, trās-
itur ad diuinitatis considerationem.

CAP. X.

Meditari hoc in loco possumus, quā sit stabilissimus in sua essentia Deus, actus purissimus & perfectissimus, ipsūque suum esse infinitū existēs, si sic permanet ita

bilis, quantum ad se attinet, imperfectissima ista materia, quæ à Deo est longissima, & nihilo vicinissima, sola sic eam conseruante diuina voluntate. Tamen si enim secundum formas tam substantiales quàm accidentarias plurimùm ipsa varietur accidentaliter, in se tamen essentiali mutatione & intrinseca manet prorsus inuariata, neque corruptioni est aut generationi, vt cætera corpora naturalia inferiora, subiecta; adeo vt ab initio creationis rerum, de immensa illa mole materiæ, sub qua creata fuerunt cælum & terra, & quæ in eis sunt omnia, nulla materiæ illius particula ne minima quidẽ deperierit, actione naturalis agentis, quemadmodum neq; minima particula adiecta est, eadem virtute. Idq; nõ ob aliud, nisi quod secundum suam existentiam vel non existentiam, soli subest diuinæ volutati: agentibus verò naturalibus, nõ nisi secundum formarum & accidentium transmutationes, est subiecta. Quantumuis enim humana potentia szuiat, quantumuis ad perditionem omnimodam conetur, nunquam vique ad annihilationem pertinget. Poterit quidẽ efficere vt moriatur homo, & quæ materia erat hominis, iam esse incipiat materia cadaueris: deinde & hoc poterit, igne adhibito cadauer ipsum in cinerem atque puluerem redigere. Verum etiam si mille sylvas in vnius consumptione cadaueris adhibeat, ad hoc nequaquam pertingere valebit, vt puluerem annihilaret. Dispergere quidẽ poterit in aërem, aut in aquam, aut in terram abdere: facere autem vt aliquid materiæ perdatur, in omni virtute sua & cõsilio nõ poterit. Atq; hinc rursus ratio humana cõsideret, si omnis creata virtus aduersus ipsam quod est omnium vilissimum non possit præualere, quodq; est nihilo proximum ad nihilum nõ potest reducere, is qui est actus purissimus, forma perfectissima, esse infinitum atq; plenissimum, qui que est à nihilo in infinitum elõgatus, Deus omnipotens, quam sit prorsus creatæ omni virtuti subiectus, & quàm aduersus illum omnis creata virtus, etiam si miliecuplo augmentetur, omnino nihil præualere possit.

Consurrectio in vniuersum Dei affectum, ex præcedentium contemplatione mirabilem. CAP. XI.

Tibi ergo soli, domine Deus, debetur creationis honor & gloria. Tu solus non eges quopiam, vt tibi præparet in tuo opere materiã. Nihil erat mūdus, & solo eū verbo suscitasti, prodijtq; de nihilo hæc amplissima creatura. Sed nec quis

*Alia con-
sumptio.*

Gen. I.

quisquam est, qui nobis possit auferre vel pilū de capite, ut in nihilū pereat, pręter te, qui solus es potestatē habens creādi & annihilādi. Quare ergo piissime domine, timebimus vllā huius mūdi potestatē? cū nec animā interimere, nec corpus annihilare valeāt? Vnū hoc tu domine reliquisti impiis persecutoribus, ut possint animā te sitientē ab inimica foedissimāq; carnis huius molestia separare. Quo quid possit homini te verē agnoscēti gratius euenire? Cęterum neq; corpus neq; animā creata vlla potestas annihilare potest. Igitur in te domine sperātes, tu oq; validissimo fultū auxilio, nullā omnino mūdi huius pertimescimus, quātūvis pręcellentē potestatē: illud firmissimē sciētes, quoniā tua virtus superuincit inimmensum: sed confidenter in doctrina benedicti filij tui perstamus, expectantes beatam spem, & aduentū tuum gloriofum, ō maxime deorū Deus, quē ipse repromisit nobis.

De forma, ut est alterum principium rerum naturalium, & obiter de materia cęlestium atque inferiorum, an eiusdem sint species.

CAP. XII.

QUOD ad materiam pertinet, res omnes cognatę sunt, & secundū speciē aut genus penitus iudistinctę. Siqui dē in omnibus naturalibus, pręcipuē inferioribus istis vna est eadēq; materia. Nā de materia cęlestiū corporū, propter ipsorum incorruptibilitatē dubitari solet, ob hoc potissimū, quod nō videatur cęlestiū corporū materia esse alienarum impressionū susceptiua, neq; videtur transire de forma in formā, sed perpetuo sub eadē forma, eisdē dispositionibus permanere: quod longē est ā materia corporū horum inferiorū, elementariū atq; mixtorū. Qua ratione permoti opinantur quidam, distinctionē esse ponendā specificam vel genericā inter materiā cęlestiū ingenerabiliū & incorruptibiliū, & inter materiā elementorū atq; cęterorū mixtorum generabiliū & corruptibiliū. Aliis econtrario dicētibz non esse ponendam distinctionē vllam talem, siue genericā, siue specificam: sed omnē materiā eiusdē esse rationis: aliis dicētibz, illā cęlestis materię intransmutabilitatem nō ex ipsa sua natura provenire, sed ex conditione & virtute formarū in ipsis inhabitantiū, quibus tantā Deus naturę virtutē contulit, ut nullā extraneā impressionē patiātur materiā in qua creatę sunt, suscipere, neq; de forma in formā trāsire: quę ad modū in rebus quoq; naturalibus videmus, quāsdā ex sua

Luca 21.

Mat. 10.

Res cognatę
quę ad m
teriam.Contraria
opiniones de
materia cę
li.

natura ad annorū centenarios perdurare secūdam formam inuariatas, dum aliæ breuissimo intereant spatio: quod non dubiū est ex formarū prouenire varietate. Quamquā autem his modis de materia cœlestium & inferiorū diuersa sententia est, illud tamen vno ore astruūt omnes, rerū inferiorū omnium vnā eandemq; esse materiā, atq; ita quantū ad hāc, esse secūdū speciē indistinctas. Ceterū, ipsa rerū abinuicem distinctio substantialis atq; specifica, à formis est substantialibus. Siquidem forma est, per quam res a cœtu est, & in certā alī quam speciē redigitur, quæ ex materia prorsus indeterminata est, & in potētia ad quodlibet. Forma itaq; in materia suscepta & producta, cum ea pariter rem vnā substantialiter componit, & materiæ quodammodo esse comunicās accidentaliter, & composito dans esse substantialiter & essentialiter. Ab anima enim rationali habet homo, vt homo sit: materia verò prima, tantum hoc, vt materia humana sit.

NB. Ex massa cere & impressione sigilli per analogiam declaratur formæ officium. CAP. XIII.

Analogia. **V**T autem clarior fiat formæ cognitio, analogiam quamdam & comparationē assumimus cere & formæ sigilli, per quam vecūq; comprehendi poterit formæ officium atq; natura. Sicut enim massa cere ex se nullam habet imaginem aut formā, sed iuxta sigilli variā sculpturam nata est suscipere diuersas formas, siue hominis, siue leonis imaginē, siue alterius cuiuslibet animalis: dū tamen sub vnā qualibet est, pariter nequit esse sub alia, nisi prior abiiciatur, vt cum in cera impressa est leonis imago, nō potest in eam introduci hominis imago, donec abiiciatur prior leonis, successiuē tamē indifferenter quamlibet suscipere potest impressionem. Ita sanē materia, ex sese ad omnem prorsus formam indifferens est & indeterminata iuxta autē agētis supra ipsam dominij obtinentis naturā, impressionē recipit formæ: iuxta autē formæ varietatē esse varium suscipit. Forma verò esse accidentarium dat materiæ, & eius indifferentiā suo aduentu sic stringit, vt pariter secū aliam suscipere nequeat. Quod quidē de formis vicinis debet intelligi. Nā inconueniens non est plures formas substantiales simul eidē inesse cōposito, cum ambæ nō vicinæ fuerint, aut etiā cum altera fuerit nō vltima. Quēadmodū forma corporeitatis, secūdū eos qui eā distictam ab vltima forma in omnibus corporibus ponūt, simul

Unatū fa^a vltima nō ē p^r m^a

est

est cum anima rationali, & secundū eorū sententiā qui tres animas distinctas reponūt in homine, simul sunt anima vegetatiua, sensitua & rationalis. Formas aut vltimas, impossibile est eidem simul inesse, cuiusmodi sunt forma hominis, equi, & asini, forma ignis & aquæ. Successiue tamē pōt quaslibet formas quantūuis cōtrarias æquē recipere, modo adit agēs quod formā introducat, alia quæ prius inerat expulsa.

Quomodo forma esse aut non esse dicenda sit. CAP. XIII.

Rursum & illud in proposita analogia aduertendū est, quod sicuti figura illa aut forma quæ in ceræ massa per sigilli impressionē relinquitur, non apparet esse in sigilli imprimētis sculptura: ita forma cum det esse rei naturali, ipsa tamē nō hoc esse dicitur, qđ cōposito donat vt sit: quæ admodum (exēpli gratia) donat homini anima rationalis, vt homo sit, ipsa tamen homo nō dicitur, neq; est. Imo forma cū det esse rebus, ipsa tamen nō tam esse per se, quā corxi ftere vel inesse dicēda videtur. Non em̄ est forma eo modo quo hoc aliquid siue cōpositū naturale est, aut quasi per se subsistēs, sed tanquā inexistēs: quemadmodū de accidēte dici solet, qđ eius esse sit inesse. Accidēs enim quodlibet esse dicitur, nō quia ipsum per aliquid est, quomodo res naturalis per formā est: sed magis qđ per ipsum subiectū cui inest, aliquale est. Sic etiā substantialis forma, eatenus est, quatenus per ipsam res naturalis est, nō quatenus ipsa per aliquid est, vt magis propriē dici debere videatur ipsa inesse rei, aut rem informare, quā simpliciter esse. Loquimur de formis purē naturalibus, & quæ nullā habent per se subsistentiam. Rationalis etenim anima, quatenus per se subsistēs, à corpore separatim potest permanere, eatenus per se ens nō solum inexistēs, rectē nominari potest. Et formæ illæ immateriales angelicæ, per se entia: & quidem nobilissima entia sunt. Super omnia verō forma illa purissima, & actus perfectissimus atque inextimabilis, ens primum est atque supremum, imō totius essentia plenitudo, nō per se tantum felicissimē subsistens, sed omnium insuper rerum essentias in suo esse plenissimo benignissimē continens atque concludens.

Comparatur forma aliquatenus cum Deo secundum similitudinem & vicinitatem. CAP. XV.

Quemadmodū verō suprā diximus de materia, quod à Deo quāmlōgissimē distet, & pene nihil habeat cu

illo similitudinis, ita e contrario de forma videtur, eam nimis
 esse Deo ad similem: id eoq; vicinam, cum sit etiam ipse
 forma quędam perfectissima, & actus purissimus. Neq; dif-
 ficile fuerit ei qui recte intellexerit supra positā materię ad
 Deum comparationē, quę secundum dissimilitudinē fiebat,
 formę quoq; ad Deum per similitudinē applicare. In omni-
 bus enim iis cōparari forma secundum similitudinē cū Deo
 poterit, in quibus materia dissimilis fuit declarata, tamen si
in immensum semper excellat diuina perfectio, & in infinitum
ab ea deficiat formę similitudo. Nō fuerit autē inutile
 ad formę clariorē habēdā notitiā, & potissimū ad Dei per-
 fectiorem aliquanto habendā cognitionē, adiuuicē ista cōpa-
 rare, & in quibus similitudo sit atq; etiā dissimilitudo osten-
 dere. Deus itaq; sicuti actus purus est & simplicissimus, ex
materia non compositus: ita & forma rei naturalis actus pu-
rus est & simplex, ex materia non compositus. In hoc tamē
 a Dei perfectione deficit, quoniā cū materia quę est potētia
 purā, cōmunicat atq; societatem habet, in ea inhabitans, &
 cum ea pariter rem naturalem componens, cum Deus nullā
 omnino potētiā secū admittat, neque cōpositionem sciat.

Rursum quęadmodum Deus summē actiuus est, omnia ope-
ras in omnibus, quatenus actus purissimus & perfectissimus
atq; infinitus: ita forma omnis substantialis, virtutem habet
agendi, operatūq; in corpore omnia quę sunt rei, quā con-
stituit, cōuenientia. Verum in hoc deficit, quod limitata sit
 eius actiuitas, vt non quēlibet possit effectum indifferenter
 operari, sed rātum quę rei conueniunt quam cōponit, cū
 Deus infinita & illimitata sua virtute operetur omnia in o-
 mnibus, & nulla omnino sit actio, quę ab eius non emanat
 immēsa virtute. Iterū in hoc cū Deo cōuenit, quoniā prin-

cipium actiuū existēs, pari non potest, neq; aliunde quicquā
suscipere. Sic enim forma principū rātum actiuum est, non
 autem passiuum, quomodo materia tantum passiuā est, non
 autē actiuā. Neq; ipsa alias nouit in se formas, potissimum
 corporeas suscipere, neq; secundum eā res naturales patitur.
A diuina tamen perfectione adeo deficit, vt etiam ad cōtu-
pionem, cōtrariante virtute perueniat, cum eam prędomi-
nari contigerit. Amplius, quęadmodum Deus esse donā re-

bus, & omnia omnibus elargiens, nihil ipse recipit, neq; reci-
 pere potens est: ita forma substantialis cū esse donā rebus,
 atque

atq; ipsi etiam materię, & omnia in eis quę conueniunt ope-
retur, atque elargiatur, ipsa tamen à materia vicissim nil re-
cipit. In hoc tamē deficit, quoniā ille omnia largitur omni-
bus: hęc autem suo tantum cōposito, atq; etiā peculiariter,
quantum ad materiā, nullum illi donat esse intrinsecū, cum
Deus rebus omnibus hoc ipsum donet, quod substantialiter
sunt. Et Deus quidem nec recipit aliquid ab his quibus bene-
facit, neque commodum vllum accipit. Forma verò in mate-
ria, vt in domo necessaria inhabitat, & ea vitur vt officina,
extra quam prius nec existere possit, neq; quicquam ope-
rari, nullo certe amplius quā materia ipsa sine forma. Pa-
ter ergo, quemadmodum forma Deo sit adsimilis, eique se-
cundum qualemcunq; similitudinem, tamen si deficientem,
vicina possit demonstrari.

Quemadmodum materia dicatur appetere formam, tam ab-
sentem quā presentem. CAP. XVI.

SVperest nūc, de mutuo amorē atq; appetitu materię ad
formā, & formę vicissim ad materiā, vt aliquid dicamus.
Neq; em̄ nihil huius rei cognitio, Dei gloriā magnificabit.
Aduertendū ergo est, quod sicut rationalib' creaturis Deus
appetitum dedit rationale, quę voluntas nominatur, per
quam ea quę secundū rationem sibi cognoscunt vtilia appe-
tunt, absentia desiderando, pręsentia amādo, ea verò quę in
conueniētia fugiūt, absentia detestādo, & de pręsentibus tri-
stando: brutis verò animātib' appetitum sensitiuū, quo ea
quę per sensum vt comoda apprehendūt, prosequerētur,
itidem & incommoda fugerent: sic rebus naturalibus sensu
atq; ratione carentibus, naturę autor Deus naturalē quen-
dā instillauit indiditq; affectum siue appetitū, atq; deside-
rium, quo res quęlibet naturaliter suam perfectionē appe-
tis, atq; id quod sibi secundū naturā conueniens est, diligit:
ita vt si adhuc in eo cōplaceat, & velut oblectetur: si verò ab-
sit, desideret, atq; ad ipsum acquiēdum quantum ex se est,
tēdat atq; conetur. Quemadmodū aqua, naturaliter frigus
desiderat, & locum deorsum. Et quidē vbi pręsens adest fri-
giditas, oblectatur, & gaudet in ea, eāq; quo ad valē seruā-
re conatur. Si forsitā abfuerit, ab extrinseco nimirū agente
expulsa, non quiescit donec illam rursū in sese recuperet.
Sic lapis si in naturali est loco, quiescit & oblectatur in eo si
ne violentia. Si verò extra illum alibi detineatur, desiderabit

nihil

nihilominus eundem, & ad eum quantū ex se est conabitur
ut tendat atque perueniat: moxque ubi forte impedimētum
ipsum detinens fuerit subtractū, illuc motu festinabit, quo
prius tēdebat desiderio. Hoc modo imperfectum omne (ut
diximus) suā amat perfectionē, & illud appetit, atque deside
rat, à quo habet perfici. Quapropter cum ex supradictis eua
dat manifestum, materiā accipere suā quandā perfectionem
à forma, per quam nimirum eius infinitas finitur, & indiffe
rentia stringitur atque limitatur, & à qua esse accipit acciden
tarium & accidentarias alias dispositiones, quibus suo quo
dam modo perficitur, nō est difficile intelligere, quo modo
materia formā appetat ac diligat, ita ut absentem desideret
atque ad eam tendat: præsente verò amet, inque ea complaceat,
nempe ut id quod imperfectū est, suā appetit perfectionem.

Quemadmodum forma appetat materiam. CAP. XVII.

Ceterum, quomodo forma perfectior, materiā rem im
perfectissimam ac nihilo vicinissimam appetat, mirum
forsitan cuiquam id videatur. Oritur autē hæc admiratio ex
humani cordis perversitate. Sic enim vani sunt filij hominū,
ut nō ament neque desiderēt nisi eos à quibus emolumentū ali
quid sperent. Neque nisi vilem hunc nouerunt & mercena
rium amorem, quo materia formam, & inuicē se filij huius
seculi amant. Nimirum vilissimis rebus & infimis (mate
riz, & crassis carnalibus) vilis eiusmodi & infimus competit
amor. Ceterum, est præter illum alius amor longē nobi
lior, quo perfectū omne imperfectum amat atque desiderat,
non ut ab ipso accipiat aliquid, sed in hoc magis ut ipsam
perficiat. Et sic sane forma gaudet egenti atque nudæ mate
riz, quod ab optimo creatore accipit gratis, libenter elargiri,
quasi intelligat bonum quo communius, eo melius ac per
fectius esse. In hoc enim diuinæ largitati multum assimila
tur, quæ nos non ob nostra diligit (siquidem bonorum no
strorum ipsa non indiget) sed ob seipsam potius diffunden
dam, suāque immensam bonitatem in nobis cōmunican
dam. Quanquā ex supradictis constet, materiam etiam for
mæ esse necessariam, & maximo omnino vsui, ut in ea habi
tet, & quasi in officina omnem suam operationem operetur
atque seruet, ut hac quoque ratione ipsam merito debeat
expetere, quemadmodum non solum semina appetit vi
rum, sed e conuerso vir etiam, licet perfectior, seminam.

Propo

Proponitur questio de rationali anima, an etiam ipsa materiam appetat. CAP. XVIII.

Verum, quantum ad hanc rem attinet, peculiaris quædam *Questio de*
dubitatio de rationali anima (quæ forma substantialis *anima ratio*
est hominis) moueri rationabiliter potest, num etiã ipsa, *animæ in ma-*
ceteræ substantiales formæ, à materia inseparabiles, materiam *terrenam*
appetat naturaliter. Videtur enim & ratione & autoritate
môstrari, quod ipsa magis odio debeat erga corpus affici, in
quo inhabitat. Ratione quidẽ sic. Omnis enim res, naturali
ter in eo magis sibi esse desiderat, in quo sibi melius esse
sentit, & in quo operationes sibi cõuenienter magis debite,
magisque rite possit exercere. Rationalis autem anima, per
corporis huius crassitiẽ ita obuoluitur, vt operationes suas
nobilissimas quas habet, nempe intelligere & velle, minus
recte possit exercere, quã si ipsa à corpore foret separata. Sic
enim anima rationalis corporis crassitiẽ impeditur, quomo
do oculus alioqui recte dispositus, pellicula obuolutus clare
rem ipsam cernere nequit. Iuxta illud sapientis, Caro quæ
corrumpitur, aggrauat animã, & deprimit terrena inhabita-
tio sensum multa cogitantem. Videtur ergo anima naturali
ter desiderare magis vt à nube carnis huius separetur, quã
vt ei coniungatur. Neq; præsens corpori videtur in eo pos
se oblectari, neque absens ipsum desiderare, quod in præstan
tissimarum sanctorum operationum exercitio sibi nouit præbere
impedimentum. Rursum, videmus formas illas immateria
les spiritus coelestes materiam nõ appetere. Videbitur ergo &
anima rationalis, tametsi forsitan in materia oblectetur, do
nec in ea inest, cũ tamen fuerit separata, iam illis modo quo
dam per se subsistendi assimilata, nõ vltra ad materiam tra
hi desiderio. Accedit his, sanctorum scripturarum auctoritas,
sanctorumque patrum testimonia. Beatus enim Paulus dissol
ui cupit, & corpore magis exui, vt Christo domino possit cõ
iungi. Et idem ipse de corpore mortis huius alio loco quæ
rit liberatorem, atq; alio rursus, in hoc corpore grauatus in
gemiscit, sciens quoniam si terrestris ista domus corporalis
huius habitationis per mortem dissoluatur, domum habitu
rus sit à Deo non manu factã, id est, gloriæ æternæ acceptu
rus mansionem. Sancti quoq; patres, corpus istud quod cir
cunferimus, carcerem siue ergastulacũ & exilij locũ, atque
aliis huiusmodi variis nominibus nominadũ putauerũt. Ne

Philip. I

Rom. 7

2. Cor. 5

mo

Corpus locus exilij:

mo verò est, qui nō de ergastulo & loco carceris libenter ve-
lit liberari, neq; liberatus quisquam ad locū eiusmodi quæ-
rit redire. Videt ergo anima quæ in corpore est vt in carce-
re, nec in eo debere oblectari, neq; ipsum absens desiderare.

*Falsitas in
maly, prop
d'opinionis
anigijum
ma.* **P**onitur differentia inter formas materiales & immateriales,
quantum ad appetitum materia. CAP. XIX.

*ma' ab iure
maly, ab
d'opinionis
anigijum
ma.* **R**esolutione autē huius dubitationis sciendū est diuer-
sitate esse (quātum ad hanc rem) inter formas prorsus
imateriales, & quæ prorsus cū materia cōponi nō possūt,
cūiusmodi sunt spiritus angelici, & inter animā rationalem,
quæ tameti non ita sit materialis vt ceteræ corporeæ, quæ
extra materiā non possunt subsistere, est tamen eatenus ma-
terialis, quatenus ex sua natura habet, vt cum materia quid
Differentia vnum (nempe rem naturalem) possit cōstituere. Quæ enim
anime ratio prorsus immateriales sunt, & cum materia cōponi non pos-
sunt, his procul dubio nullus inest ad materiā appetitus.
malis à for- Quorsum enim appetitus esset rebus à natura datus, qui nū-
mis alijs im quam posset impleri? Anima tamen rationalis, quoniam ex
materiali- sua natura hoc habet, vt cum materia simul rem possit com-
bus. ponere, & quidem rem inter res omnes naturales nobilissi-
mam, nempe hominem: idcirco dubitandum non est, quin
ad materiā habeat naturalem appetitū, ita vt & absentem
desideret, & præsentem amet. Tameti enim videatur anima
rationalis separata aliquatenus celestibus spiritibus simili-
or, dum per se subsistat extra corpus, cō quod tūc sine ma-
teria sit, atque ita forsitan perfectior in eo statu videri pos-
sit, separata existens: quia tamen ab optimo conditore non
separatim ipsa, neque per se, neque propter se creata est, sed
in corpore propter hominem ipsum totum, vt ipsa videlicet
cum corpore hominem componeret (partes enim propter
totum sunt, & non propter partes totum) idcirco suæ cōdi-
tionis memor, semper corpus desiderat & amat. Logè verò
diuersum est de formis illis celestibus, quæ neque in mate-
ria creata sunt, neque ad simul cum alio rem aliquā compo-
nendam, sed vt per se subsisterent, conditæ sunt ab initio.

*aia qmā par
laris, cōm nō
anm cōstans
E, nō opor* **S**oluitur proposita superius obiectio, & quomodo carnis corruptio-
nem odio habeat animā, nō corpus ipsum declaratur. CAP. XX.

ADea verò quæ in contrarium obiecta videntur, respon-
deri debet, ex procedere cōtra corruptæ carnis miseriam,
quæ nō ex ipsa cōditione primæ materiæ, neq; ex corporis

*Quod aut corpus impudens &
obscenitas, id nō est carnis
et carnis eius facta creata, sed ex accidentibus
et inobedi.* **Q**uod aut corpus impudens & obscenitas, id nō est carnis
et carnis eius facta creata, sed ex accidentibus
et inobedi.

natura, sed p accidēs ex primi parētis inobediētia, in ipsum corpus intrauit, & per propaginē in omniū posterorū corpora deriuatur. Vnde quoties cōtra carnē vel corpus, in scripturis aut in patrum scriptis fit exclamatio nō contra ipsam corporis naturam, neq; aduersus corpus ipsum per sese, sed aduersus corruptionē & peruersitatē & multimodam miseriam in carae humana post peccatū inhabitantem, intelligi debet indignatio. Vnde non simpliciter corpus, sed corpus quod corrumpitur, *Sapiens dicit aggrauare animam. Neque Paulus à corpore simpliciter vult liberari, vt ipsum nunquā recipiat: sed à corpore mortis huius, id est, à corpore, vt nūc est, hoc est, ab ista miseria multimoda, quē in corpore adhuc inhabitat.* Neque Paulus dissolui cupit à corpore, vt corpus nunquam velit recipere: neque sic ingemiscit in hoc corpore, vt prorsus velit expoliari, & corpore omnino priuari: sed ad hoc vult corpore exui mortali & misero, eōq; ad tempus permanere priuatus, vt absorbeatur mortalitas à vita, & recipiat aliquando ex Dei munere gloriosum, quod sordidum atque sordidum olim deposuerat. Sic etiā corpus istud, in eo statu miseriæ quo nunc est, obscurum, crassum, corruptibile, & tardum, rectē carcer nuncupatur, insuper & ergastulum, & locus laboris atq; exilij. Quia donec in eo secundum statum in quo nūc est anima inhabitat, magni laboris opus habet in prauis ipsius cupiditatibus refrēnandis, atque expugnandis, propter corruptionē quæ ex prima inobedientia in ipso inhabitat. Verum hæc omnia nihil aliud probāt, quā in animā merito carnis ista corruptionē, & omnē quæ ex corruptione est miseriā, detestari. Nō autem consequitur, quòd per se corpus ipsum odio habere aut detestari debeat. Similiter & quod de impedimento dicebatur à corpore in animā veniente, ad corporis miseriā & crassitiē referri debet. Cum esū resurrexerit olim virtute diuina corpus hoc nostrū in in corruptione, in virtute, in subtilitate, in agilitate, ceterisque perfectionibus, omni crassitie atque imperfectione ex Dei dono deposita, nullum erit animæ rationali ab ipso impedimentū, quin in corpore posita eiq; reunita glorificato possit beatifica visione Deum etiā facie ad faciē contemplari, & amore inestimabili eo dulcissimē perfrui. Et erit tunc quidē animæ plenū gaudiū, cū ipsam carnē, quadū viueret homo velut ministra vsa fuerat, ad hanc gloriā apud Deum bonis

*Paulus à corpore
exui & corpus
Sapient. 9
Rom. 7*

*Philip. 1
1. Cor. 5*

*Corpus & se ad
in habitandis*

1. Cor. 11

1. Cor. 3

actio

actionibus promerendam, sibi viderit in præmij quoque iu-
cunditate consociatam, & gaudebit indubie videre in conso-
lacione sociam, quam in labore vitæ habuerat ministrā at-
que adiutricem. Ex his ergo manifestum relinquitur, quem
admodum rationalis anima æquè atque cæterę substantia-
les formæ, materiam appetat atque desideret.

*De priuatione, vt est principium quoddam transmutationis re-
rum naturalium.* CAP. XXI.

Concl.
Appetere atque
rationem materiam
non nisi esse
minatam quam
libet appetit
fieri.
Quoniam autē (sicut iam diximus) forma perficit ma-
teriā, & ad omnē formā est materia indifferens, peni-
tus ex se indeterminata, ad eò vt quælibet materia omnes o-
mnium rerū formas suscipere per successionē nata sit, quā-
quam simul eas continere nequeat: hinc fit, vt materia inde-
terminate quālibet formā desideret & amet. Vnde & præsen-
tem formā atq; hospitata materia amat, & seruari eam abs-
que fastidio cupit: & tamen quoniam indeterminata est, eas
quas nō habet, similiter desiderat, atq; conatur habere, & ge-
nuino quodā natiuōq; conatu ad eas tendit, cupitq; de for-
ma trāsire ad formā, quasi hac ratione suæ quærēs imperfe-
ctioni mederi. Atq; ita fit, vt collaboret ad eius formæ quā
habet destructionē, dum aliā quærīt, quæ hanc est expulsura
quā habet. Et licet non hoc per se intēdat, consequēs tamen
est, vt adueniente forma alia, prior licet perfectior emigret,
atque abscedat: atque ita per accidens, dum eā desiderat ac
quirere formā quā non habet, se ipsam priuat ea quā habe-
bat. Sanè materia omnes pariter formas, si id fieri posset, li-
bens sustineret, optaretq; (si fieri id posset) impleri simul om-
nibus: sed formæ plures se pariter non cōpatiuntur (de vlti-
mis rerum formis loquimur) sicut nec pluriū sigillorum im-
pressiones pariter in eadē massa coëxistere valent. Atque ita
adueniente vna, necessariò pellitur altera. Atq; ex his patet,
quemadmodum priuatio formarum absentium in materia,
earum videlicet quas ipsa nata sit habere, & actū nō habet,
causa quædā sit, quare res transmutentur, & materia rerum
naturalium de forma transeat in formā. Quā ob causam di-
xit Philosophus, priuationem conari ad maleficium rei. At-
que hinc est, quòd vulgo priuationem tertium principium
ponunt trāsmutationis rerum naturalium. Quia enim ma-
teria formis aliis substantialibus caret, quas non habet, &
nata est habere, hinc est, quòd ad eas tendit desiderio, quas

non

Distū
ristotelis no
tandum.
Cur priuatio dat primum.

non habet, sicque per se ad nouæ formæ acquisitionem, ac proinde ad nouæ rei generationem tendit, per accidens verò ad prioris formæ amissionem, atque ex consequenti prioris rei maleficium & corruptionem. Non debet tamen priuatio ista principium dici rerum naturalium, sed tantum principium transmutationis rerum naturalium. Non enim rem ipsam substantialiter componit, neque in re manet, postquam generata est: sed quoties res aliqua generatur, priuatio illa abiicitur, quæ ad prioris maleficium machinata fuit. Quemadmodum cum in subiectum quodlibet habitus introducitur priuatio eiicitur, cum nequeant opposita simul inesse eidem. Vnde cum principia rerum naturalium (vt supra patuit) res ipsas naturales debeant constituere atque substantialiter componere, manifestum est, priuationem non esse dicendam principium rerum naturalium. Transmutationis tamen earum principium, ratione supraposita poterit admitti.

Quomodo intelligendum, priuationem esse transmutationis principium, & ad rei maleficium conari.

CAP. XXII.

Cum verò in præcedentibus diximus de priuatione, quòd ipsa ad maleficium rei machinetur: & de materia, quòd conetur atque laboret ad nouæ formæ acquisitionem, sicque *meta p. ang. la* per accidens ad veteris expulsionem, & rei perditionem: nemo ita intelligat (quemadmodum verborum facies forsitan *coram facis* prætendit) quasi priuationem dicamus vim aliquam habere *abijcere.* agendi, per quam ipsa conetur & operetur rei naturalis corruptionem, aut materiam virtutem aliquam actiuam similem habere, ratione priuationis, per quam ipsa aliquid efficiat ad formæ vnius expulsionem, & acquisitionem alterius. Quo enim pacto priuatio ipsa (quæ ens verum non est, sed entis potius priuatio, & non existentia tantum formæ in subiecto apto eam habere) poterit vllam habere actiuitatis efficaciam? Sed & de materia iam supra declaratum est, agendi virtutem ei minimè competere, neq; generare quicquid aut corrumpere, neque destruere posse, neque producere. Quod ergo de priuatione dictum est, eam ad rei maleficium machinari, intelligendum est secundum occasionem. Si quidem priuatio formæ substantialis in materia ipsa est occasio, ob quam corruptioni res est obnoxia. Quod ex eius diffinitione facile intelligi potest, quæ est hæc:

Forma priuatio est, non existentia eius in subiecto
eam habere nato.

Quemadmodum cæcitas, carentia est & non existentia vi-
sus in hominis oculo, qui aptus est potentiam talem in se ha-
bere. *unde cogit
det priuati
et imita.* Hoc itaque modo, quoniam materia apta & nata est ha-
bere quamlibet formam, non tamen habet nisi vnā sub-
qua existit, constat aliarum omnium formarum in ea esse priua-
tionem. Et quoniam sic quamlibet aliarum æquē habere a-
pta est & nata, atque vnā hanc pro tempore inexistentem,
hinc fit occasionaliter, vt quacunque virtute agentis natura-
le superueniente, si ipsam prædominari contingat virtuti for-
mæ ipsius quæ inhabitat, materia ipsa statim agentis prædo-
minantis impressionem acceptet, nullo vtique formæ prioris
odio, sed ratione inexistentis priuationis, quoniam videlicet
& formam istam quæ introducit non habebat, & habere
apta erat æquē atque eam quam tenebat. Vnde propter hanc
indifferentiam, iuxta virtutem prædominantis agentis, sem-
per ipsa materia parata est de forma transire in formam.
*Cōparatio
ad propo-
sam rem, ac
commoda.* Quemadmodum ciuitas, quæ in medio duorum regnorum
posita neutri est addicta, sed quali mediā & neutra ad utrūq;
est indifferens, propter suam hanc indifferentiam frequenter
cōtrarios habet siue hospites siue dominos. Vtrūlibet enim
regnorum illorum prædominari contigerit, non reluctatur
ciuitas illa neutra. Sed & si alter ex regibus in eam ingressus
fuerit, superueniēs autem alter virtute superauerit, victorem
suscipiet, pulso altero, non vtique prioris odio, sed ratione in-
differentiæ, quoniam prædominatus est superueniēs. Et quo
modo hac in re dici potest indifferentia illa, causa esse & occa-
sio expulsionis regis prioris, non tamen quicquam efficit ne-
que egit illa indifferentia, siue (vt ita dicam) neutralitas, ita &
de priuatione dicendum videtur.

*An in materia corporum celestium insit etiam supradicta
priuatio.*

CAP. XXIII.

DE celestium verò corporum materia dubitari potest, num
habeat etiā ipsa huiusmodi in se priuationem. Si enim
similem habere dicatur, videbuntur celestia corpora corru-
ptioni quoque subiecta, cum sit ista priuatio principium trans-
mutationis in rebus naturalibus. Vbi autem eadem est ratio,
idem videtur consequi effectus. Quòd verò ista priuatio in
celest

cœlestium corporū materia ponenda sit, eorum maximè sententiam consequi videtur, qui materiā ponūt eandē specie in cœlestibus atque in his inferioribus. Nam si vnius eiusdēque speciei sit omnis materia, videbitur, quomodo inferiorū istorū materia ex sua natura est indeterminata & indifferens ad omnem formā, & quamlibet apta & nata habere, eā etiam quam nunquā habuit neque est habitura: ita etiā cœlestium materiā aptā & natā habere quamlibet formā, atque ita cū aliis omnibus careat præter eam quā habet, omnium aliarum in ea esse priuationem. Quod si admittatur, questio deinde fiet, cur minus sint obnoxia corruptioni cœlestia corpora quā inferiora, & quam ob rem illorū materia non ita de forma transire possit in formā, quemadmodum materia inferiorum istorum.

Solvitur questio proposita, ex unde cœlestibus corporibus sua sit incorruptibilitas monstratur.

CAP. XXIII.

Propositæ verò quæstioni responderi poterit, admittendo priuationē, quā diximus etiā in cœlestiū corporum inueniri materia, neque tamen conueniri, ut materia ipsa ratione huius priuationis transire possit à forma in formā, ac proinde corpora ipsa cœlestia transmutationi, quæ est secundum generationē & corruptionem, sint obnoxia. Formæ enim substantiales cœlestiū corporum cum sint perfectissimæ in informando suā materiā, sic eam sua perfectione implent, & (licet ex se indifferentem) solidissima dispositione validissimisque qualitatibus stabilūt, tamque potēres sunt ad se seruandum in ea sub qua ab initio creatæ sunt materia, ut nullū sit agens naturale creatū tantæ virtutis, quod aduersus ipsarū aliquam possit prævalere. Neque patiuntur in suam quam inhabitant materiam, vllā omnino extraneā impressionē vllō pacto repugnantem introduci: atque ita propter formæ perfectionē fit, ut de forma in formā transire non possit materia. Et quidē rectius videtur, ac rationi magis cōsentaneū, ut cœlorū impassibilitatē & incorruptibilitatē assignemus ex parte formæ, quā ex ipsa natura materiæ. Quod ut intelligatur clarius, suprapositam libet analogiā resumere. Ciuitas enim illa indifferens & neutra, quā capite xxi. proposuimus duorum regnorum velut mediam, tamen si ex se sit indifferens & neutra, & iuxta prædominantis regni virtutē, tēporis successu, nunc huic, nū

privatio in ea
natura cœlestis
ob eam tamen
non patitur
transire for
mam.

perfectissimæ
solidissimæ
validissimæ
qualitatibus
stabilūt.

illi subiicitur, transiſſetque de domino in dominum: poteſt ta-
men, ſi præpotentem admodum regem contigerit illam oc-
cupare, ita validiſſimis turribus, arcibus, caſtris, muris, vallis
& firmiſſimo præſidio muniri, diligentiſſima quoque adhibi-
ta cuſtodia fideliffime obſervari, tam utique potentem, ſapienter,
& valide, ut ſpes ultra nõ videatur contrario domino ali-
quãdo ſe poſſe illius potentie prævalere. Quod ubi fuerit, ci-
uitas illa quæ primũ erat indifferens & neutra, atque etiam
num quantum ex ſe talis permanet, per virtutem nimiam, &
fortiſſimam munitionem occupantis & prædominantis, facta
eſt modo quodam eius iam regno & poteſtati addiſta. Ne-
que poterit ultra de domino tranſire in dominum, aut de re-
gno ad regnum, non utique ratione ipſius ciuitatis, ſed ratio-
ne occupantis, cuius potentie nimie non videtur ſpes ut ali-
quando poteſtas contraria reſiſtat. Sic ſane & de cœleſti ma-
teria dicendum, propter perfectionem & potentiam formæ
potentiſſimæ in informando, quæ illi data eſt ab initio, eam
de forma in formam tranſire non poſſe: quoniam agens na-
turale deſt, quod illi poſſit vel aliam imprimere, vel ſuam
aufferre.

ſoluitur ſuperius obiecta ratio.

C A P. XXV.

Rondely ad
obſeruationem

AD rationem verò quæ in oppoſitum obijciebatur, pro-
ponentem, ubi eadem eſt cauſa eundem etiã conſequi
effectum: reſpondebitur, non eſſe niſi occaſionem ſimilem in
cœleſtibus & inferioribus, cum priuatio (ut ſuprà dictum eſt)
non ſit vera cauſa per ſe effectiua ipſius tranſmutationis de
forma in formam, ſed tantum occaſio, & cauſa ſine qua non.
Niſi enim in materia eſſet priuatio formarum abſentium, &
niſi eas eſſet apta habere quas non habet, nunquam de for-
ma tranſmutaretur ad formam. Atque eatenus dicitur priua-
tio occaſio eſſe, & cauſa tantum ſine qua non, ac cõſequenter
principiũ quoddam tranſmutationis huiusmodi. Ceterũ hu-
ius tranſmutationis verã & efficientem cauſam diximus eſſe
agens naturale, quod prædominans impreſſiones formæ in-
exiſtenti cõtrarias, & formæ, quã ipſum vult introducere, con-
uenientes imprimi in materiã, ſicquẽ de forma tranſire facit
ſua actiua virtute in formã. Quãuis ergo eadẽ admittatur oc-
caſio tranſmutationis in cœleſtibus atq; inferioribus iſtis, nõ ra-
mẽ eſt cauſa eadẽ. nõ eſt aut necelle, quotieſcũq; eadẽ occur-

Collocatio in reſponſione tranſmutationis, licet priuatio
ut illi nota in eẽ conueniat, eſt in tantũ occaſio
et cauſa ſine qua nõ, verũ in aſſectũ, nimirũ
intranſiunt agens inq; cõdominans, non ad eẽ.

rit occasio siue eadē causa sine qua nō, vt idē ponatur effectus: quēadmodū securis acuties occasio quēdā est, & causa sine qua nō sectionis ligni. Nō enim secaret securi, nisi acuta. Nō est tamē necesse, vt semper fiat sectio, donec est securis acuta: sed veram causam adesse oportet, & sectionem efficiētem (hoc est, ipsum secantem) priusquam fiat sectio. Vbi autē de fuerit secans, quantumuis acuta iaceat securis, non fiet ligni sectio. Ita & in proposito, quia agens inueniri nullū potest, quod effectum eiusmodi producat in cōlesti matetia, nempe transmutationem in formam aliam, nihil proficit occasio sola. Nihil enim prodesse valet pręsentia causę sine qua non, vbi defuerit causa quę effectum ipsum operetur.

Quomodo vim nullam patiantur corporum cęlestium materia, in eo quod de forma non transeant in formam.

CAP. XXVI.

Sed videri forsitan poterit vim pati cęlestium materia, & violenter cohiberi a formis, ne transeat in formas alias. Cū enim ex sua natura dicatur materia cupere transitum de forma in formā, si ab hoc cohibeatur atque impediatur, videtur id non carere violentia. Apparet autem inconueniens admittere perpetuam talem in nobilissimis illis corporibus violentiam. Verū diligentius attendentes comperiemus cęlestium corporum materiam prorsus nullam vim a suis formis perpeti, imō quietem bonam & stabilitatem congruam sic eam accipere: id quod supra positę analogię consideratio faciliē monstrat per similitudinem. Quomodo enim ciuitas illa ex se indifferens & neutra nullum patitur violentię incommodum, ex eo quod potens ille imperator sic eam sibi firmat munitionibus validis atque diligenti custodiā, ad eum modū quem supra expressimus, imō magis quietem dulcem & bonę commodā cōsequitur, dum a perpetua illa instabilitate liberatur, & stabili mansiōe in ipsa habitantis imperatoris ornatur, diratur, perficiturque plurimum: ita per omnem modum nulla sit materię cęlesti violentia, cum per nobilissimas formas stabili mansiōe in ipsa inhabitantes, ab instabilitate eiusmodi liberatur, perfectissimis qualitibus & nobili dispositione semper plenissima, eō quod nobilissimari in formarum sit habitaculum. Ex imperfectione enim est, quod ita instabilis existens materia, semper quęrat de forma transire in formam. Neque

Obiectio.

*non in celo
nam in celestibus
est violentia
sub suis formis*

Obiectionis

*solutio. nimirum
quia materia
est in se indifferens
& neutra
ergo non patitur
violentię incommodum*

desiderium 38
 malè comparari
 tibi cum de
 siderio pri
 orum.

malè puerorum cupiditati, materiæ hoc desiderium potest comparari, quos videmus nonnunquam ea quæ in manibus habent, siue cibaria, siue alia quælibet, proicere, vt alia quæ fortè porriguntur, item apprehendant. Neque rarò panem aut carnes abiciunt è manibus, vt lapidem aut carbonem aut aliud vile quippiam apprehendant. Quorum cupidæ instabilitati parentes bene consulunt, neque vim vllam eis faciunt, dum pro cibo quem tenent, aliud nihil apprehendere eos sinunt. Sic sane & materiæ frequenter euenit, cum sua instabilitate semper transire gessit, pro forma nobilissima & perfectioribus qualitatibus sub quibus stabat, formam imperfectiorem & viliore dispositiones vti recipiat, canis illi Æsepico non admodum dissimilis; qui pro carnis vmbra quæ videbatur in aqua maior, carnis substantiam sibi permittit dentibus excidere. Huic verò instabilitati dum forma cœlestis sua perfectione medetur, non solum vim non facit materiæ: verum etiam quiete bona eam perficit, & magno afficit beneficio.

Instabilitas
 ex imperfe-
 ctio est.

Canis, Æ-
 sepicus.

Quemadmodum corpora glorificata post resurrectionem sub suis formis sempiterna atque dulcissima quiete requiescunt.

CAP. XXVII.

*materia in cor-
 poribus glorificatis,
 post resurrectionem,
 sub suis formis
 immortalitatis
 firmatur.*

QUod autem nunc de materia & formis cœlestium corporum diximus, idem etiam de materia in hominibus glorificatis post factam resurrectionem dicendum videtur, nulla videlicet violentia eam à suo illo transitu in varias formas cohiberi, neq; violenter detineri, sed quiete summa atq; dulcissima ex immortalitatis dono sub suis quamq; formis ita firmari atque stabiliri, vt nullo amplius transitu perdere valeant quam habent, vel quam non habent acquirere. In hoc tamen est consideranda diuersitas, quòd in cœlestibus corporibus, formæ ipsæ ex sua perfectione naturaliter, ita materiam quam informant, perficiunt atque stabiliunt, vt extraneam impressionem recipere non valeant. In hominibus autem post resurrectionem futuris gloriosis, non ipsa naturalis animæ virtus hoc præstabit, sed Dei voluntas & beneplacitum, ita vt in beatorum corporibus hoc sit præstatura gratia, & Dei bona voluntas, per immortalitatis donum gratuitum, quòd cœlestibus orbibus ipse naturæ autor, secundum primam cōtulit institutionem. Et quidem quod d

dant

damnatos attinet, quos etiam necesse erit (iuxta sacratissimæ catholicæ fidei confessionem) tuba canente, in suis corporibus ad iudicium & ultionem exurgere, si in eis ponamus violentiam perpetuam, nullum sempiternum videbitur inconueniens, illic nimirum, ubi horror & terror: nullus vero ordo inhabitat, ubi diuinæ voluntatis iustitia, violenta (quæ natura perpetuò non sustinet) suæ diuinitatis potentia ad ultionem eis in æternitate sustentabit. Cæterum, in corporibus beatorum gloriosissimo illo immortalitatis dono ex diuini conspectus consortio factis immortalibus, dulcissima utique pace & quiete suauissima nihil dubium est quiescere pauperculam ex se & egenam illam materiam, cum sua hospita rationali anima, cui ut in peregrinatione laboris olim fuerat ministra, ita in patria dulcissimæ tunc beatitudinis erit socia. Si enim potest cœlestis corporis forma ab institutione naturæ, suam quam inhabitat materiam in se stabilire, eamque in pace & quiete perpetuè possidere, poterit & hoc rationalis anima in deum iam absorpta, cum plenitudinē acceperit inhabitantis in se diuinitatis, ex Dei voluntate, eam videlicet quæ illi restitueretur habitationem, stabilem sibi atque perpetuam seruare, sicque sibi firmo sœdere & solidissima colligatione connectere, ut ultra ab ea pelli non possit. Similiter & in impiis, ad æternam exercendam vindictam, colligationem hanc faciet iustus ille ultor, ut perpetuis tormentis & suppliciis inestimabilibus, ultra à corpore anima, quantumcunque desiderauerit, separari omnino non possit. Illis quidem ad gloriam æternam, ut ab ea ad quam semel admissi fuerant, beatitudine non possint excidere. His verò ad sempiterna supplicia, ut cruciatibus diabolo & ministris eius ab initio præparatis nunquam valeant abesse. Et hæcenus quidem quæ de rerum naturalium principiis, ad omnipotentis Dei notitiam & gloriam conducere videbantur, pro nostra paruitate tractauimus. Proximum est, ut ad earum causas utcumque explicandas, altero libro, transeamus, si prius in ipso libri huius termino, ex iis quæ diximus, laudis qualescunque canticum cecinerimus altissimo rerum omnium domino, qui super omnia uiuit benedictus in æterna secula. Amen.

*Finit ad Dei omnipotentis gloriam Liber primus
considerationis Physicæ.*

PSALMVS LAVDIS, AD CON-
clusionis terminum, primo & optimo rerum
omnium principio.

Confitebor tibi domine in toto corde meo, meditabor in omni-
bus mirabilibus tuis.

Non est similis tui in dijs domine, & nō est secundum opera tua.

Tu solus inhabitas eternitatem cum vnigenito tuo, in sancto spi-
ritu semper perfectus atque beatus.

Caelo tibi opus non erat, vt sederes in eo: terra verò & vniuer-
sa quae sunt in ea, quem tibi vsum praebeere poterunt, qui rebus nul-
lis indiges?

Quia voluisti, quando voluisti, sicut voluisti, ita verbo dixisti, &
surrexit vniuersa hac machina, magna nimis.

Ecce non est in omnibus gentibus vir industrius, aut potens ar-
tífex, vt suscitet de nihilo vel puluisculum terre.

Tu autem ex nihilo fecisti quaecunque nostris sunt obiecta sensi-
bus, molem magnam valde.

Sub materia, non ex materia constituisti hac omnia, suum cuique
pondus librans.

Materia quidem cognata erant, & indiuisa: formarum autem
varietate separasti ea.

Quam vnico opere demonstrare nequisti infinitam pulchritudi-
nem tuam, variatis sic rerum speciebus, vt manifestam faceres.

Ecce verò in hoc mirabilis dulcedo sapientia tua, dum sic diuer-
sissima nativo neclis amore.

Et quae per sese inimica videntur, tuo iussu, inseparabilis sunt con-
glutinata dilectione.

Verè magnus es tu, & faciens mirabilia, tu es Deus solus creator
omnium, creator caeli & terra.

Tibi soli laus, honor, & gloria, tu es solus adorandus, domine
Deus noster.

Vt quid domine permittis alienis honorem tuum, & quare eum
praeripiunt tibi creature tuae, quae adorantur in terris?

Intende ad visitandas omnes gentes, & agnoscatur gloria nomi-
nis tui super omnem terram, vt non deficiat laus tua de ore nostro
in sempiternum.

Gloria patri & filio & spiritui sancto.

Sicut erat in principio, & nunc, & semper, & in secula seculo-
rum. Amen.

FINIT PSALMVS.

IN LIBRVM SE- CVNDVM PHYSICÆ CONSI- DERATIONIS DE CAUSIS RE- RVM NATVRALIVM, PRAEFATIO.



OMNE quod creatum est, aliquam necesse est suae existentiae habeat causam, etiam angelica ipsa, licet nobilissima creatura. Omnia siquidem quae creata sunt, manifestum est ab eo qui ipsa creauit atque effecit, suum esse accipere, & suum effectorem suae existentiae causam habere. Necesse item est ad finem omnia ordinari, propter quem creata sunt, & ad suam singula existentiam perducta. Acque ita quidem efficientem & finalem causas, omnia quae sunt creata & visibilia & inuisibilia, spiritus & corpora, necessum est habere. Cæterum res corporeæ, & naturales, præter supradicta duo causarum genera, conspiciuntur & alia duo requirere. Materialem causam dico ex qua consistunt, & formalem per quam suam accipiant existentiam. Et de his quidem posterioribus in priori libro, quatenus principia sunt rerum naturalium, coëptum est determinari: propter quod non ita prolixa nobis præsentī hoc libro de eis faciendā erit determinatio, nisi quantum ipsa causalitatis ratio exposcet. De prioribus autem duobus prolixior restat tractatus. Ad gloriam ergo eius qui est omnium causarum prima atque nouissima, & *α & ω*, principium & finis *Apos. 1.* omnium, ex materia componens singula, & suis formis in sua existentia ligans vniuersā, rerum istarum iam aggrediamur determinationem.

Definitio causa, & quomodo ab occasione separanda causa.

C A P V T I.

CAusa definiri solet, ad cuius esse consequitur *Causa definitio prior.*
aliud.

Qua definitione indicatur, omne illud esse alterius causam, quod ei quomodocunque dat esse, siue ut sit, aut à quo hoc alterum accipit quomodocunq; ut sit. Quemadmodum (exempli gratia) ad Dei esse consequitur omnium esse creatu-

*Causa ē ppim quod per se importat in finem
ad esse causati.*

rarum, id est, à Deo omnia accipiunt ut sint, & Deus omnibus esse donat, atq; ob hoc est Deus omnium causa. Similiter res omnes naturales, à materia & forma accipiunt ut sint, & materia ac forma modo quodam dant rebus naturalibus ut sint, dum ex illa & per hanc necesse habent subsistere, atq; ob id omniū rerum naturalium causæ sunt, materia & forma. Sic & finis quatenus agentē mouet ad operandum effectum, quodammodo dat effectui ut sit, cum propter finem agens eundem operetur. Aduertendum est autem (quemadmodum in libro priore obiter indicauimus) distinguere solere duplicem causam, alteram proprie dictam, quam nunc definiuimus, & de qua principaliter loqui intendimus, cum de causis rerum

Causa occasio facimus sermonem: alterā verò improprie causam nominationis non tam, quæ est occasio siue causa occasionalis, aut causa sine qua non. Quemadmodum in ligno, siccitas vehemens occasio est accensionis, inflammationis, & combustionis eius: & in stipula leuitas, occasio est facilis agitationis sursum: in globo rotunditas, occasio est facilis motus: in culro occasio bonæ scissionis est ipsa eius acuties: atq; ita in similibus. Non sunt tamen hæc nisi occasiones talium effectuum & occasionales causæ (quod cum diminutione dicitur) atque etiam causæ sine quibus non, hoc est, sine quibus effectus eiusmodi vel non fierent, vel non ita commodè & faciliè fierent: quemadmodum non fieret, aut fieret, aut non faciliè fieret ligni accensio, nisi esset in eo siccitas: neque faciliè globus laterali motu agitari posset, nisi rotundus: neque rectè scindere culter, nisi acutus: atque ita in aliis. Causæ tamen veræ non sunt, sed tantum dispositiones quædam, quas necesse est adesse, si agens ipsum & præcipua causa debeat effectum operari, aut quæ ubi adfuerit, rectius ac facilius agens & præcipua causa suum effectum operetur.

Quomodo in moralibus utile sit dignoscere causam ab occasione.

C A P. II.

EST verò in moralibus diligentissimè attendenda ista distinctio, ut non pro occasione causa, aut econtrariò pro causa existimetur occasio. Multum enim hæc distinctio valet ad peccatorum discretionem. Quemadmodum (exemplum datum, pli gratia) in scandalo dato, quod est vera causa ipsius scandalizationis passiuæ, & in scandalo non dato, sed accepto, ubi opus ipsum ex quo scandalizatur alter (quod scan-

*Quid scāda-
lum datum,
& quid ac-
ceptum.*

da' una

dalum acceptum nominant) non est causa scandalizationis passiuæ, sed tantum occasio: vera autem causa huius passiuæ scandalizationis est, ipsa praua voluntas eius qui ex eo scandalizatur sua prauitate, vnde scandalizari merito nec potuit, nec debuit. Sic & in consideratione finis, distinguenda frequenter venit occasio & vera causa. Quemadmodum (exempli gratia) propter temporale præmium, actum aliquem sacrum faciendo, si præmium istud temporale, tantum occasio quædam est, & finis quidam occasionalis, & occasionale motiuum: sic verò Deus finis verus & vera causa finalis, non est actus ille malus vel illicitus. Sin temporale illud præmiū vera est causa finalis, & motiuum præcipuum, non autem Dei honor aut gloria, indubiè illicitus iudicabitur. Quapropter huius rei proderit exacta consideratio. Excluditur verò causa occasionalis à definitione supraposita: per hoc quòd nō sic ad eam effectus consequatur, vt ipsi det aliquo modo esse. Nullo enim modo occasio dat esse effectui, sed tantum est dispositio quædam, qua mediante causa præcipua facit effectum esse. Quemadmodum ignis agens, dispositione, & occasione siccitatis, faciliè inflammāt lignum, & manus proicientis globum rotunditate dispositum, faciliè agitāt. Nemo autem dixerit siccitatem inflammare lignum, aut globum à sua rotunditate moueri.

Adia ponitur cause generalis definitio, ex qua speciales eliciuntur definitiones quatuor generum causarum. CAP III.

*S*olet etiam hoc modo causa definiri:

Causa est ex qua, aut per quam, aut à qua, aut propter quam, res quæpiam efficitur, vel est.

Cause altera definitio

Quæ definitio, dum sub quadruplici datur distinctione, quatuor indicat causarum genera, id est, causæ diuisionem in quatuor sub se contentas species. Diuiditur enim causa in causam materialem, causam formalem, causam efficientem, & causam finalem. Nam ex qua, respicit causam materialem: per quam, causam formalem: à qua, efficientem: propter quæ, finalem. Ex quibus faciliè colligi possunt singularum specierum harum definitiones.

Causa enim materialis est id ex quo quippiam fit eo pacto vt insic.

Causa materialis

Id est, principium naturale vel artificiale ex quo res naturalis

lis vel artificialis fit, ita vt in ipsa maneat. Siquidem ex materia cum forma, res omnis componitur, res (inquam) siue naturæ, siue artis. Vt ex ligni materia, cum forma ignis in eam introducta, fit ignis: ex auro, per formam idoli infusam, fit idolum. Per quam, causam formalem respicit. Per eam enim & secundum eam res dicitur esse substantialiter quod est, & in suo item peculiari esse per eam res cōseruatur, vt per animam rationalem homo est homo: & per formam idoli, ali- quod opus dicitur idolum. Quod si forma aufertur, oportet & homini & idolo esse similiter auferri, vt nō amplius sit ho- mo vel idolū, quod prius erat, donec inexistere forma. Pro- pter quod ab Aristotele dicitur, Forma est species, exemplū, & ratio quidditatis, id est, essentiz rei naturalis. Sic enim ille solet essentiam rei exprimere. Species quidem, quia per eam res in certam speciem constituitur, atque artatur, quemad- modum in priore libro latius tractauimus. Exemplum, quo- niam secundum formā res sibi similia efficiunt, quemadmo- dum ignis per suam formam generat ignem alium sibi simi- lem. Ratio autem dicitur, quoniā essentiam rei constituit, & secundum eam res accipit suæ essentiz rationem, & secun- dum eam etiam res definitur: quemadmodum homo defini- tur esse animal rationale, & animal corpus animatum sensi- bile, vbi rationale & sensibile animam rationalem & animam sensitiuam (ex quibus essentia hominis ac bruti est) respiciūt. Tertia autem disunctionis particula, nempe à qua, ad cau- sam efficientē spectat. Ab ea enim primū fit motio exterior, vt opus fiat, & in materiam ipsa habet suo motu & actione formam introducere: idque tam in rebus artis, quā natu- ræ, licet primus motus interior à causa finali procedat. Quē- admodum in domo construenda, quæ est opus artis, non se- ipsos lapides componunt, sed est domificans, qui manum admolitur operi, quisque suo motu & actione materiā com- ponens, & debito modo coaptans, formam domus efficit. Item non seipsum ignis gignit, neque materia seipsam ac- cendit, sed ab alio agente succenditur materia ad formam ignis. Definitur autem ab Aristot. hoc pacto:

Causa efficiens est id vnde primum principium.
mutationis & quietis.

Cuius est hic sensus, causa efficiēs principalis, est primum prin

principium, à quo motus & quies exterius procedit, vel effectus positivus aut privativus producit: quod tam ad artem quàm ad naturam applicari potest. Ultimè verò particula propter quam vel cuius gratia, finem signat: qui mente quidem conceptus, tacitè intrinsecus efficientem movet causam, & veluti in exterius opus mittit: quemadmodum propter inhabitationem homines domos ædificant, propter defensionem & tutelam ab hostium incursibus cines muros, valla, turres, aliæque fortalicia construunt. Mouet enim mentem finis iste conceptus, & ad opus procedere facit exterius. In naturalibus verò agentibus, in quibus non est ratio, finis ipse vt naturaliter intentus & desideratus, hoc est, quatenus res agens ad finem naturaliter inclinatur ac fertur, movet rem ad operandum effectum tali fini congruum. Quemadmodum forma lapidis movet ipsum deorsum, propter finem ad quem naturaliter inclinatur, id est, propter quietem in loco naturali. Definitur hoc modo:

Causa finalis est cuius gratia omnia fiunt.

Id est, finis est principium ad quod diriguntur & destinantur omnia media, eidem congruentia, veluti in scopum quandam.

Quomodo & causa efficiens & finalis utraque dici possit causarum prima. 18.

CAP. IIII.

EX quibus patet, utranque causam, nempe & efficientem & finalem, rectè dici posse causarum primam, sed differenter, aliæque & alia ratione. Finis enim est prima causa secundum intentionem, quatenus agentis virtutem effectivam (in rationalibus, per rationem intentus, siue in naturalibus per naturalem inclinationem desideratus, atque naturaliter propositus) sollicitat interius ad operationem ex *Finis qd est prima causa*
teriori cuiuslibet effectus. Quemadmodum aues, tempore coitus & procreationis, ipsa suæ speciei multiplicatio, & conservatio (vt naturaliter intenta atque desiderata) extimulat & movet ad coeundum, nidos construendum, & quæcunque sunt opportuna tali fini operandum. Cæterum efficiens, primum est in exteriori operatione, & motione materiæ. *avus a conservatio sicut natura fertur*
Vnde sicut finis semper est intentione prior efficiente, interius movendo & sollicitando efficiens, ita e contra-
 rio

rio efficiens secundum tempus prior est sine. Quemadmodum sanitas ipsa atque sanatio, tempore est posterior ipsa porione siue balneatione, ad sanitatem ordinatis, tanquam ad finem: & operatio bona Deo dignæ conuersationis antecedere debet æternæ felicitatis retributionem, quæ est illius finis, cum hæc sit illa intentione prior.

De effectus definitione & diuisione per oppositum ad causam.

C A P. V.

QUæ autē de causa dicta sunt, eadē effectui possunt omnia per oppositum aptari. Sunt enim causa & effectus relatiua, quemadmodum pater & filius. Vnde ex suprapositis causæ definitionibus effectus potest hoc modo definiri:

Quid effectus.

Effectus est, id quod sequitur ad esse alterius.

Hoc est, quod quoquo modo ab alio accipit, vt sit: hoc est, quod ex aliquo est, aut per aliquid, aut ab aliquo, aut propter aliquid. Est autem effectus nomen generale, non quidem oppositum relatiuè causæ efficienti in particulari (quemadmodum ex nominis ratione videri poterat, eò quod inter efficiens & effectum secundum nominationem & terminationem videatur interuenire relatio) sed generaliter causæ opponitur secundum relationem. Vnde quemadmodum superius causa quadruplex distincta fuit, sic ex opposito quadruplex item effectus venit distinguendus. Sed quia propria nomina non habentur, ideo adiecta causarum distinctione, necesse est circumloqui. Est enim effectus causæ materialis, est effectus causæ formalis, est effectus causæ efficientis, & est effectus causæ finalis.

Quadruplex effectus.

Effectus causæ materialis est, quod est ex aliquo.

Vt homo hoc modo est effectus iux materiæ, quoniam ex sua materia cõponitur: & idolum, effectus auri vel argenti est, tanquam materialis causæ.

Effectus causæ formalis est, quod per aliquid est.

Vt homo per formam: quapropter homo respectu suæ formæ, & idolum respectu suæ formæ artificialis, effectus dicitur causæ formalis.

Effectus autem causæ efficientis, qui fit ab aliqua.

Vt domus à domificante, ignis genitus ab igne ipsum generante, filius à suo patre. Vnde domus, ignis genitus & filius respectu domificantis, ignis generantis, & patris
gignen

gignentis, effectus dicuntur causæ efficientis.

Effectus deinde causæ finalis est, quod est aut fit propter aliquid, siue alicuius gratia.

Ut ambulatio quæ fit propter sanitatem consequendam, & bona operatio quæ exercetur propter vitam æternam. Et regulariter medium ipsum quod ad finem ordinatur, & quod ad finem peruenitur, effectus dicitur causæ finalis, respectu eius ad quod ordinatur, & ad quod perducit: quemadmodum bona operatio ad æternæ vitæ consecutionem ordinatur, & ad ipsam perducit operantem: similiter & ambulatio, ad sanitatem. Videtur tamen difficile hoc intelligere, quemadmodum medium causæ finalis, siue ad finem, dicatur effectus illius, eò quod plerunque, ut post latius declarabitur, sit verum efficiens illius. Sed facile vitatur difficultas, si attendatur, effectum generale esse vocabulum, & in vnoquoque causalitatis genere causæ relatiuè opponi. Unde coniequitur manifeste, si sanitas respectu ambulationis sit finalis causa, econtrario quoque ambulationem effectum esse causæ finalis respectu sanitatis: similiter & de bona operatione, respectu felicitatis.

Quemadmodum eiusdem rei possunt esse plures causæ. CAP. VI.

AD maiorem autem prædictorū cognitionem, tres ponuntur solent causarum conditiones. Quarum prima est:

Eiusdem rei plures possunt esse causæ.

Quod si de diuersis generibus causarum intelligatur, etiā sensui est manifestum. Siquidem omne agens naturale causas materialem, formalem, efficientem, & finalem habet. Si verò in eodem genere causæ accipiatur, etiā sic verum est. Nam idem homo filius existens, causas efficientes habet, patrem, matrem, corpora cœlestia, & super omnia Deū. Homo enim non generat hominem sine concursu causarum vniuersalium, id est, corporum cœlestium, & causæ vniuersalissimæ quæ est Deus. Sic plures esse possunt eiusdem rei fines, ut corpus est propter animam, propter hominem, propter Deum. Terræ gramina & herbæ, sunt propter iumentorum pastum, propter ipsius terræ ornatum, & propter hominum cōsolationem, atque in Deum ex ornatu illo prouocationem. In genere autem causæ materialis istud absurdum videtur, si de materia totali sermo fiat. Omne enim ens

Prima proprietas causarum.

Quidam dicunt, quod non potest esse causa nisi per se.

Homo generat hominem & sol, et habet Aristoteles 2. Physico.

Quidam dicunt, quod non potest esse plures rei causæ materiales, nisi totales.

natura

naturale non nisi ex vna materia totali componitur. Et si-
 militer nullum opus artis vnum, duas totales habet mate-
 rias. Neque enim simul eadem statua, & tota aurea, & tota
 argentea esse potest. Possunt tamen commisceri aurum &
 argentum, sed tunc non nisi pro vna totali materia reputabi-
 tur. Similiter & de causa formali dicendum, maximè si
 de forma substantiali & vltima sermo fiat. Quemadmo-
 dum enim ex primo libro patet, nulla res naturalis plures
 substantiales formas habere potest. Neque item res quæ-
 cunque artificialis plures simul totales formas artificia-
 les habere valet. Nequit enim statua, leonis imaginem ha-
 bere simul & bouis. Quod si formarum fiat commixtio,
 veluti cum humano capiti ceruicem equinam pictori iunge-
 re libuerit, non plures sunt formæ artis totales, sed vnica tan-
 tum. Si tamen causam formalem largè acciperemus, vt etiam
 ad formas accidentarias se extenderet, sic dubium non es-
 set, plures etiam formales causas simul posse existere. Plu-
 rimas enim accidentarias formas idem simul in se continet
 homo.

Causas posse sibi esse inuicem causas.

CAP. VII.

*Horatius
de arte poe-
tica.*

78.

*Secunda con-
ditio cau-
sarum.*

Secunda conditio est:

Causæ possunt sibi inuicem esse causæ.

Quod quidem in diuersis causarum generibus est indu-
 bitatum. plerumque enim quod in genere causæ finalis est
 causa, hoc ipsum in genere causæ efficientis est effectus:
 & quod in genere causæ efficientis est efficiens, hoc est
 in genere causæ finalis effectus. Veluti cum non rectè
 quispiam valens, propter acquirendam sanitatem deambu-
 lat, aut medicinam bibit amaram, deambulatio ista
 in genere causæ efficientis causa est sanitatis, quæ per
 ipsam & ab ipsa efficitur. Similiter & amaræ medicinæ
 potio causa est sanitatis quam efficit, atque ita ex conse-
 quenti sanitas ipsa admitti debet in hoc causalitatis gene-
 re ipsius ambulationis atque potionis effectus. Econtra-
 rio autem, in genere causæ finalis causa est sanitas vt inten-
 ta & desiderata. Ipsa enim est, quæ non rectè valentem mo-
 uet ad ambulationem atque amaræ potionem. Atque per
 consequens, in hoc causalitatis genere, ambulatio effecta, &
 potio illa amarioris medicinæ propter sanitatem, admitti
 debent

debent effectus. Est autem in genere causæ finalis effectus ipsum mediū quod est propter finem, & quo ad finem peruenitur, quem admodū in proposito est, de ambulatione & potione respectu sanitatis. Paret ergo, quemadmodum in diuersis causarum generibus causæ sibi inuicem possint esse causæ. Amplius verò, etiam in eodem genere causæ inuenire possumus causas esse sibi inuicem causas. Nam habitus ex actibus generantur, quemadmodum virtutes habituales ex actibus virtutum frequenter iteratis, & nihilominus habitus cum generati fuerint, actus vicissim faciunt. Faciunt enim habitus, eos quos habent secundum ipsos operari, & delectabiliter operari. Verū istud secundum speciem est tantum. Nam actus qui præcedunt habitū, eūque efficiunt, numero diuersi sunt, ab iis qui sequuntur & efficiuntur ab eo. Profundius autem considerando, inuenire poterimus, vbi causæ eadem secundum numerum sibi inuicem sint causæ. Eadem enim caliditas, quæ in manu à calido quod tenetur manibus producit, vicissim cōseruat in ipso quod tenetur manibus, calorem. In eodem autem genere causæ efficiētis sunt causa produciens & causa cōseruans. Vtraque enim causa & produciens & cōseruans, dicitur efficiens. Similiter etiā dicendum videtur in contemplatione rei iucundæ, quæ gaudium atque lætitiā in animo producit, à qua vicissim cōseruari ipsa rei iucundæ contemplatio videtur. Cōseruat enim contemplationis actum absque fastidio, & permanere facit in animo, lætitiā interior, quæ in eo inde exoritur.

Eandem posse esse causam contrariorū effectuum.

CAP. VIII.

Etiā conditionem causarum ponunt hanc:

Eadem potest esse causa contrariorū effectuum.

Quod quidem ad oculum promptum est videre in solis actione, qui vnus & idem mediante calore, quædam facit liquefcere, alia indurans. Ceram enim & butyrum, glaciē, atque similia, liquefacit: lutum verò & lutea vasa, hisque similia, facit indurescere. Et eadem potio in quibusdam efficit sanitatem, in aliis ægitudinem, imo etiam in eodem successiue. Huius autem ratio est varia dispositio subiecti in quo recipitur actio. Quemadmodum ea quæ pro homine complexionis sanguineæ bona est potio, & sanitatis effectiua, fieri

49 *mediū ē effectū cā finalis.*

Causæ sunt sibi mutuō causa.

Habitūs et actūs eorū qui habentur species id ē numero sō diversi.

Cā eadē cōseruat bī cā

Tertia proprietas causarum.

potest vt homini complexionis contrariæ (nempe melancholice) sit noxia, atque ægritudinis effectiua. Et frequenter portio quæ distemperatam complexionem ad temperamentum reducit, eadem distemperamentum facit in eo qui recta est valetudine. Sic eadem præmissæ in vno generant scientiam, in alio generant tantum opiniones, iuxta quod vel circa præmissas vel circa consequentiæ rectitudinem variè fuerint affecti. Ita seculi scientia aliquo modo perficit intellectum, quoniam omnis veritatis cognitio, quantum ex se est, intellectum perficit. Imperficit tamen affectum, eò quod in statum reddat. Et quidem in rebus naturalibus hæc contrariorum causalitas prouenit, vt diximus, ex parte variæ dispositionis subiecti, in quod sit actio. In voluntariis autem, ex varia dispositione agentis pro sua libertate. Idem enim homo vult & non vult, non solum ratione rei mutatæ, sed pro sua etiam libertate, absque rei vlla mutatione.

De causa diuisione in vniuersalem & particularem, propinquam & remotam.

CAP. IX.

Solent quoque de causis nonnullæ assignari diuisiones.

Causarum enim quedam sunt vniuersales, quedam particulares, quedam remotæ, quedam propinquæ.

Causa vniuersalis & particularis. Idem nominem

Et considerantur hæc rursus, vel secundum nominationem, vel secundum rem. Secundum nominationem quidem quando causa & effectus nomine vniuersali vel particulari assignantur, vt cum dico, Bonum est finis rerum: Ex materia, fit res: Forma, facit esse rem: Res est, per formam: Artifex, efficit opus: Finis, mouit operantem. In his & causæ & effectus vniuersaliter nominantur seu generaliter. Cum autem dico ex auro facta est hæc statua, particularis causa, & effectus exprimuntur. Item cum dico, artificem fecisse hanc domum, aut viuentem aliquem esse patrem huius pueri, nominatione causas remotas ab effectibus dico. Causas enim nomine vniuersali designans, effectum particularem demonstro. Cum vero huius pueri hunc hominem dico esse parentem, aut hunc artificem causam huius rei, aut domificatorem domus esse causam, & statuarii statuæ, propinquius nomino & exprimo causalitatem. Interdum verò nuncupamus causas vniuersales vel

part

particulares secundum rem, ob rei generalem videlicet aut
particularem, remotam vel propinquam causalitatem.
Hoc autem pacto causa vniuersalis dicitur, vel generalis,
quæ plurimos habet diuersorum generum effectus, quemad-
modum sol, & cœlestia corpora, & super omnia Deus bene-
dictus. Habent enim effectus plurimos diuersorum gene-
 rum, cum omnis creatura corporalis sine illorum concu-
 rsu non efficiatur. Non est autem necesse ad hoc vt causæ
 dicantur vniuersales seu generales; vt prorsus nullus sit effe-
 ctus, cuius ipsæ non sint causæ. Sic enim Sol & cœlestia cor-
 pora non dicerentur causæ vniuersales, cum non sint causæ spi-
 rituum, neque spiritualium rerum: sed sufficit quod multos
 valde habeat diuersorum generum & diuersarum rationum
 effectus. Quamquam Deus super omnia benedictus, ob hoc
 vniuersalissima & generalissima causa per superlationem re-
 ste dicitur, quod prorsus nihil neq; corporale neq; spiri-
 tale eius causalitati sit subtractum. Videtur etiam homo secun-
 dum genus causæ finalis esse causa vniuersalis, eo quod pluri-
 mos videatur habere diuersarum rationum secundum hoc ge-
 nus effectus, id est, plurima ad ipsum ordinata. Cum omnia
 hæc interiora, imò & cœlestia, ad hominem vt finem referan-
 tur. Causa autem particularis dicitur, quæ non plurimos ha-
bet diuersorum generum effectus, vt homo, causa particu-
laris est respectu filij quem gignit, etiam si mille genuisset nu-
mero filios. Oportet enim in causam vniuersalem siue genera-
 lem, multos admodum habere effectus diuersorum generum
 atque diuersarum rationum. Individuorum autem quan-
 tuncque multitudo, non sufficit ad faciendam causam vniuer-
 sale. Causa verò propinqua secundum rem nominatur, illa
quæ effectui prope est, & per se effectum attingit: quem ad-
modum pater, causa propinqua est sui filij, quem per se ini-
nis decisionem gignit. Causa verò remota est, quæ ab effe-
 ctu est elongata, neque ad effectum nisi alia causa priore
 mediante attingit: quomodo auus causa est remota nepo-
 tis, eo quod ad eius causalitatem non attingit, nisi median-
 te efficientia filij sui, qui est pater nepotis filius, & causa
 propinquior. Magis autem remotæ causæ sunt proauus,
atauus, critauus, atque ita consequenter. Similiter si ignis
 aliquis secundum produxerit, atque hic rursus tertium, ille
 quartum, qui deinde quintum: primus omnium causa est

Causa vni-
uersalisIdem ge-
neris

F. D. gra

Deus cau-
sa vniuer-
salissima.Hoc cau-
sa vniuer-
salisQuid cau-
sa particu-
laris.Causa pro-
pinqua &
remota.

Remota

propinqua secundi, & secundus tertij, atque ita consequenter, sed omnium aliorum præterquam secundi, est ignis primus causa mediata, & secundus causa mediata est quarti & quinti.

Causa vni- Sunt autem causæ vniuersales etiam causæ propinquæ & quæ
versales sūt atque particulares. Sol enim & corpora cœlestia, effectibus
propinquæ. prope sunt, & secundum causalitatem effectum attingunt per
se, non tantum mediante aliis particularibus agentibus.
In omni enim effectum naturali, immediatè per se Deus cōcurrit, similiter & corpora cœlestia.

De causa per se & per accidens secundum nominationem.

C A P. X.

Causa per se & per accidens. **I** Terum autem diuiditur causa in causam per se, & causam per accidens. Idq; rursum vel secundum nominationem, vel secundum realem considerationem.

Quid causa per se secundum nominationem. Secundum nominationem est causa per se quādo causa exprimitur sub ratione causalitatis, id est, sub ea ratione secundum quā talis ei effectus competit. Quemadmodū dicimus lucidum per se esse causam luminis vel illuminationis, calidum per se esse causam calefactionis, iugulationem per se esse causam interitus, summum quoque bonum per se finem esse omnium. Atq; ita cū dicimus lucidū illuminare, calidū calefacere, iugulatū interire vel interiisse, summū bonū appeti vel desiderari, causa per se exprimitur secundū nominationē.

Quid causa per accidens ex nominatione. Lucidū enim quatenus lucidū, illuminat, & calidū quatenus calidū, calefacit: atque ita in ceteris. Per accidēs verò dicitur causa secundū nominationē, quādo causa nō exprimitur secundū rationē causalitatis, neque sub ea ratione secundū quā ei effectus talis cōuenit, sed sub ratione aliqua extranea & impertinenti. Quemadmodū (exēpli gratia) si quis dixerit calidū causam luminis, aut lucidū causam caloris, dicatq; lucidum calefacere, & calidū illuminare, percussū interiisse, omnia creatorē appetere & desiderare, In his enim ratio causalitatis non exprimitur, sed aliquid impertinens effectui. Non enim lucidū quatenus lucidum calefacit, sed quatenus calidum: neque percussū quatenus percussū interiit, sed quatenus iugulatum: neque creator quatenus creator, sed quatenus summum bonum & finis omnium vltimus, ab omnibus appetitur ac desideratur, quasi ordinatis ad ipsum.

De

De causa per se & per accidens secundum rem. CAP. XI.

Secundum realem verò considerationem dicitur causa per se, quæ ad effectum aliquem ordinatur, siue secundum naturalem inclinationem; siue secundum rationis propositum. Per accidens verò, quæ ad certum effectum non ordinatur, sed accidit ei effectus præter intentionem & ordinationem. Quem admodum (exempli gratia) forma lapidis aut ligni per se mouet lignum ipsum aut lapidem deorsum. Ad talem enim effectum est secundum naturam determinata; atque ob hoc ipsa est causa per se motus talis deorsum. Cæterum si cadens lignum in ignem contumpatur, & inflammetur; per accidens fit talis effectus. Non enim intendebatur à forma deorsum mouente rei corruptio, sed accidit hoc præter inclinationem naturæ. Item si cadens lapis frangat vas terreum, per accidens hoc euenit. Item cum propter sanitatem recuperandam quis deambulat, hoc ipsum intendens; ipsa ambulatio causa per se est sanitatis; ad quam ordinatur, ex ratione & proposito ambulantis. Cæterum si inter ambulandum contingat pedem offendere, aut aurum reperire in via, aut simile aliquid; præter intentionem effectus eiusmodi per accidens est. Sunt præterea causæ quædam potentiales, vt ædificator, creator, figulus, pistor, faber; inflammatorium; illuminatorium. Et significat huiusmodi plerunque habitus, siue potentias. Aliæ actuales, vt ædificans, creans, fingens, fabricans, inflammans; illuminans, & ita in aliis, quæ actum significant vel actionem ipsius efficientis; quemadmodum priora habitus vel potentias.

De causa materiali & duplici ratione nominis, materia.

CAP. XII.

Qantum autem ad causam materiale atque formalem attinet, aduertendum est, non prorsus eodem modo hic accipi materiam & formam, quo in libro priore diximus significare. Latius enim hic sumitur causa materialis & formalis, quam ibi forma & materia. Vnde hic etiam materia artis, quæ secunda solet nominari, eò quod ex alia priori componitur, est causa materialis, vt ex toto ligno fit idolum; & ipsa forma idoli hic formalis causa dicitur, cum illic nec lignum admittatur materia idoli, neque idoli species forma: quemadmodum latius fuit præcedenti libro declaratum. Præterea quod ad nominis materię rationem attinet, sciendum est;

Causa pot
tialis & a
ctualis:

Materia in materiam dupliciter posse comparari. Primò, ad formam quam recipit, vel in se habet. Atque ita solet vocari materia in qua, & materia subiectiva. Nam hæc est materia, conditio, formam ipsam substantialem, & alias omnes accidentales recipere, atque in se quodammodo sustinere. Secundò comparatur ad rem quâ componit, vel naturalem vel artificialem. Atque hæc comparatione nominatur materia ex qua. Similiter & de forma dicendum. Potest enim primò referri ad materiam cui inest, siue quam informat, quomodo dicitur hæc anima esse huius corporis quasi ipsum informant. Secundò, ad rem quam componit, quomodo dicitur hæc anima huius esse hominis, eò quòd hunc hominem constituat. Iuxta primam considerationem, materia & forma sunt adinuicem relativa, & adinuicem referuntur. Est enim materia, formæ materia, tanquàm informantis eam, & vicissim forma, est materiæ forma, quasi ab ea informata. Et est relatio secundum superpositionem, eò quòd dignius sit formam esse quàm materiam. Iuxta vero secundam considerationem, & materia & forma referuntur ad rem naturalem, ut quæ ex ipsa & per ipsam componatur. Nomen tamen naturæ non nisi compositum respicit. Nunquam enim dicitur forma esse naturam materiæ, aut e contrario, sed utraque & forma & materia, sunt naturæ compositæ siue rei naturalis.

De triplici causa formali.

CAP. XIII.

Forma substantialis, artificialis, & accidentalis. Sciendum autem est, præter formas substantiales, quæ propriissimè causæ formales dicuntur, item & præter formas artificiales, quæ minus propriè, cætera etiam accidentia quæ quaecunque esse accidentarium donant rei cui insunt, nonnunquam causas formales nominari: quemadmodum albedo & scientia atque virtutes, formæ quædam sunt, & quædam formales causæ eorum in quibus sunt, eò quòd esse quoddam eis dare videantur. Dat enim homini albedo, ut sit albus: dat scientia, ut sciens sit ac doctus: virtus, ut bonus sit, ac probus. Sed cum forma propria & vera definitione dicatur, quæ rei dat esse, videtur sola forma substantialis propriè atque simpliciter dicenda forma siue causa formalis, cum ipsa sola de se simpliciter rei quam componit. Cæterum neque artificialis forma neque alia quælibet accidentaria, ulli rei propriè & simpliciter esse donat, sed tantum aliquàliter esse, ut puta accidentarium,

*Forme artificiali, et ontologi, dant esse
aliquale.*

nempe esse album, vel nigrum, bonum aut malum. Unde nec simpliciter formales causæ, neque propriè dicendæ sunt, sed tantum impropriæ, & cum diminutione quadam formales causæ, quatenus esse quoddam (secundum diminutionem loquendo) donant, non autè esse simpliciter. Relinquitur ergo, solas substantiales formas propriè atque simpliciter causas formales nominandas: cæteras autè, non simpliciter sed cum diminutione, adiciendo accidentales vel artificiales. Est autè forma accidentalis, quæ subiecto donat esse qualecunque accidentarium, id est, esse aliquale. Forma verò artificialis, quæ donat esse artificiale, id est, quæ esse quippiam facit opus artis. Quemadmodum forma idoli facit ut idolum dicatur, & facit lecticæ forma, ut lectica sit, quod ex materia facit artifex, atque ita in cæteris. Aut artificialis forma dicatur ab artifice, nimirum quòd artificis operatione, secundum eius artem introducatur in materiam.

De causa efficiente principali & minus principali producente, corrumpente, & conservante. CAP. XIII.

Inter efficientes causas, sunt quædam coadiuvantes tantum & disponentes sua actione siue operatione, sunt quæ ministeriales & minus principales causæ: quædam autem quædam sunt principales, quæ totam in materiâ introducunt, etiam si minus videantur operari exterius, aut operi atque materię exteriori minus insudare. Nam constat, multo amplius in agendo res naturales sollicitari circa effectum quam Deum, qui tamen principalissimus in omnia efficiendo est: non nisi quia vicinius formam in materiam inducit, & esse donat. Sic & de architecto dicendum est, qui in efficiendo rem ipsam artis præcipua est efficiens causa, tamen si plerunque ministri inferiores, operi ipsi exteriori, atque præparandæ materiæ & disponendæ ad formam artis, multo amplius insudent. Est quoque & illud in proposito loco aduertendum, per efficientem causam non solum intelligi eam quæ rem aliquam producit aut esse facit. Causa enim efficiens, sub se habet causam producentem, conservantem, & corrumpentem. Nam & accidentia formæ convenientia, quæ ipsam in materia conservant, eius quædam efficientia sunt. Ut in igne, calor, siccitas, raritas, leuitas, quantumvis formam non produxerint, tamen conservando progenitum, quodammodo efficiunt. Agentia quoque naturalia cum sua

*antia conservantia sunt & aliquando
effes cō, vniūm conservant.*

virtute aliquid corrumpunt, eatenus in proposito efficiencia sunt. Vt cum ignis corrumpit aquam ac destruit, efficiens est corruptionis illius, & aquæ destructio effectus est virtutis ignis agentis.

De causa duplici, secundum esse, & secundum fieri.

CAPVT XV.

OMni autem diligentia est attendenda quæ sequitur inter efficiencia siue effectus distinctio.

Quædam sunt causæ suorum effectuum secundum esse, quædam tantum secundum fieri.

Quæ sequitur Quædam enim rerum tantummodo dum fiunt, causæ sunt, nota sunt: vt domificans, causa est domus quandiu domus fit, & quàm diligenti- ignis causa est caloris quandiu calor ipse fit in subiecto. Vbi gentissimè. verò domus iam facta est, & calor introductus in subiectum, & in suo esse sunt effectus completi, cessant esse effectus, neque vltra accipiunt esse ab illis à quibus primitus eis datum est. Quare nec illæ causæ vltra sunt nominandæ. Domus enim postquam facta est, & semel vt domus fit, accipit, non opus habet perpetua efficiencia aut conseruatione domificantis. Manet enim semel extructa domus, moriente domificatore, quemadmodum & filius, patre moriente, non moritur. Sic est de omni effectui, qui permanet absque causæ conseruatione.

Quid causa secundum esse. Quædam verò causæ rem quàm diu est efficiunt, siue produciendo, siue conseruando, vt lucidum causa est luminis non solum vt fiat, sed etiam vt conseruetur atque vt sit. Mox enim subtrahita luce, aut corpore lucem habente, lumen deficit, nec absq; sua causa habere potest esse subsistens. Illi ergo effectus qui quandiu sunt, causam habent sui esse, effectus secundum suum esse dicuntur, & et à quibus fiunt, causæ eorum efficientes secundum esse nuncupantur. Quæ verò tantum dum fiunt causam habent, effectus in fieri vel dum fiunt nominantur, & eorum causæ, causæ in fieri siue secundum fieri possunt appel-

Quomodo lari. Et priori quidem modo causalitatis, constat Deum esse causam secundum esse creatorem omnium, & cœlestia corpora omnium corporaliū. Non enim Deus est causa rerum solum dum fiunt, vel vt fiant, quasi postquàm factæ fuerint ipsius causalitate vltra nō habeāt opus: sed quemadmodum dum fiunt ipsis esse primitus ab eo datur, ita vt sint, vtq; in suo quod acceperunt

runt esse, permaneāt, conseruatione perpetua opus habēt. Si enim vel ad momentum se subtraheret manus omnipotentis, & virtus efficientiæ eius, quam rebus in conseruando impendit, in nihilum subito conciderent vniuersa, neque vlla omnino vel nobilissima permaneret subsistens creatura, neque humana, neque angelica.

Ex causa secundum esse, ponitur manu ductio, ad intelligendam æternam personarū in diuinis processionem. CAP. XVI.

EST autem causalitas ista rerum secundū esse, diligenter attendenda, & penitissimè contruēda. Valet enim ad intelligendam eam quæ in diuinis est personarū processionem, æternā dico verbi generationem, & spiritus sancti æternam spirationem seu processionē. Per comparisonem enim eorum quæ in creaturis videmus à suis causis semper esse accipere, & semper effici, vtcunque innotescere poterit diligenter attendentibus, quemadmodū & in diuinis credatur filius à patre semper gigni, & spiritus ab vtroque semper procedere atque spirari. Ad hanc autem declarationem, congruum videbitur solis assumere considerationem, qui lumen, similiter & ardoris siue caloris vim semper gignit, donec existit. Priusquā tamen comparisonē hanc faciamus, expedit præmittamus quo pacto sit à sensibilibus ad æterna transeundū.

Oportet enim volentes ascendere anagogicis huiusmodi excessibus, in ipso ascensu, quicquid est corporale, quicquid materiale, quicquid imperfectum separare atque abnegare, sicquē intellectus acumine & fidei limpiditate sensuum crassitiem viriliter superare. Alioqui periculum fuerit, ne crassius quid de Deo sentiamus, aut in hæreses incidamus. Id quod pluribus euenit, qui aut nescierūt aut noluerūt spiritu mentis sensuum procacitatem captiuare. Quo ritè præmisso ad æterrā quæ in diuinis est processionē transeuntes dicimus, quod sicut lux in lucido sole causa est efficiens lumen, semper quandiu est ipsum continuò producēs, & rursum à solis luce & diffuso lumine vis pariter ardoris efficitur, & si semper esset sol s lux, semper lumen efficeret, pariterque & lux & lumen consequentem ardorem efficerent: ita pater cœlestis, æternus, lux æterna atque fecundissima, filium suum vnigenitum, verbum inuisibile, non causat, non efficit, non facit, non creat, non producit (hæc enim corporalia sunt & crassitiem secum ferunt) sed modo inæstimabili atque

Notare regulā pro anagogicis excessibus.

Manu ductio ad cognitionem Trinitatis.

incomprehensibili, qui est supra omnem sensum, quique intellectus & angelici & humani capacitatem excedit, gignit atque dicit filium sibi coæternum & consubstantialem, per omnia penitus æqualem: ipsæque filius gignitur, dicitur, atque procedit, aut est à patre. Et sicut æternaliter est pater cum filio, ita etiam æternaliter à patre gignitur filius, & æternaliter ut sit filius, accipit à patre. Nec est huius processionis aut initium aut finem inuenire. Rursum à patre & filio spiritus sanctus procedit æternaliter, à patre, & à filio, sicut lux & lumen temporaliter producunt ardoris vim. In hoc tamen superat processio personarum processionem luminis & ardoris, quoniam non una est luminis, lucis, & ardoris substantia: una est autem patris, filij & spiritus sancti substantia, una essentia: suntque vnum ens summum atque perfectissimum.

*Consurrectio ex precedentibus in beatissima
Trinitatis adorationem.*

C A P V T X V I I.

O Igitur lux beata Trinitas & principalis vnitas, iam nos sol iste igneus suis nos rotis sursum vectos coram te constituit in cœlestibus. Tibi verò omnis gratiæ pater, defixis in terram genibus gratias agimus, humiliata tibi ceruice vota persoluimus, qui nobis indignis famulis tuis secretissima secreta diuinitatis tuæ, per splendens solem declarare dignatus es, quæ olim à filio tuo nobis secundum carnem assignato doctore, per fidem didicimus. Quam multis olim sol iste, dominator potentissime, fuit in laqueum, captionem & scandalum: qui nimium creaturæ ornatum attendentes, tuum illi honorem vanè impenderunt, tuæ lucis altissimam gloriam in hanc corpoream lucem commutantes. Nobis autem magister eum dedisti veritatis, & sicut olim stella magos ad pueri tui Iesu noui regis duxit humile præsepiū, ita nos verè sol iste radians ad tui duxit magnifici throni sempiternam gloriam. Coram te ergo, ô beata trinitas, toto corde prostrati, ecce iacemus pauperulæ creaturæ tuæ. Te adoramus: in vnitate substantiæ trinum personaliter, & in personarum trinitate vnum substantialiter. Te ô lux immensa, lux non de luce, lux societissima, pater ingenite: te ô fili, lux de luce, lumen de lumine, splendor de splendore, verbum patris æternū, de patris substantia æternaliter genitū: te ô sancte spiritus ardor inextimabilis,

bilis, ab æterno patre & filio æternus æternaliter spiratus atque procedēs. Te inquam vnum Deum, vnum dominum, vnum creatorem omnium adoramus solum: quoniam præter te non est Deus alius, neque fuit, neque erit, neque potuit *Ioan. 17* esse aliquando absque te, domine Deus noster. Hęc est nobis vita dulcissime domine, te solum Deū verum agnoscere: nūc *1. Cor. 13* quidem per fidem dum in tenebris huius mūdi subsistimus; tunc vero tunc (ō vtinam nunc) facie ad faciem te conspecturi, in æternum, & ultra. Amen.

De finis diuisione in vltimatū & nō vltimatū. CAP. XVIII. Duplex finis.

Postquam de tribus causarum generibus suprà determinatum est, superest nunc vt de finali causa etiam specialius determinetur. Est igitur finium quidam vltimatus, ad quem propter se tanquam melius & perfectius, aliud ordinatur minus bonum & perfectū, vt omnium quæ in hoc sensibili mundo sunt, est homo finis vltimatus. Sunt enim cetera omnia propter hominem facta, & ad hominem quasi perfectissimum eorum quæ in hoc mundo sunt, referuntur vniuersa. Similiter nutrimentum est, propter vitam conseruandam: generans, propter speciem multiplicandam & conseruandam: fides propter visionem, spes propter adeptionem & possessionem. Atque hic finis solet alio nomine vocari finis gratia cuius, vel propter quē. De hoc fine intelligitur, quod vulgò solet dici, Finis melior est iis quæ sunt ad finem. Siquidem Deus sic rerum ordinem disposuit, vt sint imperfectiora simpliciter propter perfectiora. Alius est finis non vltimatus, quippe qui per se finis rationem non habet, sed solum est via vel modus quo medium ad finem suum pertingit vel tendit: propter quod etiam finis quo solet nominari. Verbi gratia, Deus est finis vltimatus rerum omnium, atque peculiariter naturæ humanæ: cognitio verò Dei, est finis quo pertingimus ad consecutionem finis illius. Intelligendo enim & amando Deum, finem hūc nostrum ita habemus atque possidemus. Sic medicina est propter sanitatem, nutrimentum propter nutritionem, cibus propter comestionem. Et vniuersaliter omnis vsus rei est finis quidam eius, quo ad finem vltimatum cuius est vsus pertingit: vt equitatio, vsus equi est, quo pertingit equus ad finem, scilicet hominem, seruendo ipsi. Sic enim equus ad hominem ordinatur vt illi seruiat, in ipsum ferendo, in agris arando, in vehendis frugibus, aliisque

aliisq; huiusmodi ad hominis vtilitatem opportunis. De hoc autem fine non est intelligendum quod dici solet, finem esse nobiliore eo quod ad finem est. Nam medicina quæ est substantia, perfectior est atque in se nobilior sanitate, quæ est accidens: granum, perfectius actu nutritionis: pater, perfectior filio, propter quæ generet, quæmque in generatione intendit: & id cuius est vsus, vsu suo est nobilior. Ex quibus patet, aliud esse finem vltimum, & finem vltimarum. Vnicus est enim finis vltimus, Deus. Fines verò vltimari sunt plures.

Quemadmodum omnia non solum voluntaria, verumetiam naturalia agant propter finem.

C A P. XIX.

IN voluntariis & rationalibus, nulli dubium est quomodo hæc propter finem præscitum & præcognitum agant, in illis potissimum actibus qui secundum rationem & deliberationem fiunt. Quomodo autem agentia naturalia agant propter finem, forsitan minus patet. Cum enim finem nullum cognoscere valeant, videntur similiter non posse ob finem aliquem agere. Certum est tamen, etiã naturalia omnia propter finem agere, quoniam in naturalibus omnia videmus similiter & ordinatissime euenire. Quæ res argumento est, ea ordinatè propter finem agere.

Quomodo agentia naturalia agant propter finem. Sed ad hoc intelligendum, quod per se alioqui videtur captu difficile, valebit analogia domini ad seruum: dominus enim finem nouit, & propter hunc seruum ad opus mittit, nescientem tamen finem operis sui. Quemadmodum igitur seruus ille non temerè, sed propter finem certum agit, quem tamè nescit ipse, & nouit qui eum dirigit dominus: ita agentia naturalia nesciunt quidem neq; intelligunt finis sui rationem, & tamen propter finem agunt ordinatissime omnia, non secus ac si finem ipsa agnoscerent. Quod patet maximè in brutis animalibus, quæ sic ordinatè quædam faciunt vt prorsus videantur finem agnoscere (vt est videre in tela araneæ, & nidis auium) cum tamen sit certissimè ea suum finem non cognoscere. Similiter & agentia, quæ neque sensum vllum habent, suntque prorsus insensibilia & inanimata, suas naturales actiones conspiciuntur ordinatissime semper exequi: cum tamen suæ actionis finem non agnoscant. Sed *Sapient. 8.* est in cælis prouidissimus Deus, disponens omnia suauiter, qui sic naturalia dirigit ad finem quem ipse eis præuidet, & præst

& præstituit, unicuique rei ad suū finem dans congruus modo mirabili inclinationes atque propensiones, qui singula disponit, & dirigit ordinatissime, vsque adeò, vt etiā si singulis agentibus singuli dii essent, melius ordinatiūque ipsa dirigi aut gubernari nō possent. Ex quibus liquet creaturas omnes præter hominem agi potius à Deo ad suos fines, quàm agere seipsas: quemadmodum sagitta à sagittante emissā, & seruus emissus à domino aguntur ab iis à quibus emittuntur ad opus. Sola autem creatura rationalis in actibus voluntariis seipsam agit, eò quòd suum finem habeat cognitum.

Quomodo fini ceteræ causæ proportionari debent, & quomodo diuersimodè quedā agunt propter finem. CAP. XX.

Est autem finis prima causarū atque adeò causarū causa; *Finis quomodo causa*
 quoniam secundum finem cetera omnia proportionari *modo causa*
 debent. Verbi gratia, quoniam finis est domus familiæ inhabitatio, & domesticarum rerum exercitatio: templorum autem cōuentus tantum fidelium in vnū ad orandum, ad audiendum verbum Dei, non autem ad exercitationes domesticas aut opera exercenda ciuilia, idcirco aliter templa, aliter domus ædificantur. Quoniam alius castrorum finis, alius palatiorum, idcirco alij efficientes, alia materia & alia forma adhibenda his, quàm illis. Longè enim alia est forma templi à forma domus, & alia plerunque materia. Similiter & alia est forma palatij triumphalis, alia castris propugnatorijs, alij quoque lapides pro triumphali gloria, alij pro fortitudine castris solent exquiri. Et frequenter diuersi ad diuersa huiusmodi opera sunt quærendi artifices, cum plerunque is qui in altero præualet, in altero valeat minus. Similiter & cum vestis est faciendā, perquirendus est ante omnia finis. Et quidem si propter domesticum fiat vsus tantum, longè alia materia ac forma fiet, quàm si in honestum & publicum aut triumphalem vsus fuerit. Sufficit enim materia rudior ac forma simplicior ad illam, quàm ad hanc faciendam. Simpliciter tamen à forma res habet necessitatem vt sit, & suam accipit ab ea denominationem, quemadmodū vestis si formam habeat togæ militaris, indubiè militaris à forma denominari debet: si formam aliam, aliter denominabitur, iuxta quod ex postulat forma. Fiunt tamē res secundū finem, & ipsa forma ab agente secundū finis intentionē debet introduci. Est quoque & illud aduertendū, quædam agentia propter finē agere,

re, ad illum adipiscendum & acquirendum, quemadmodum bene viuunt homines, vt Deum suum finem apprehendant aliquando, atque in possessionem acquirant, quædam autem propter finem agunt, diffundendo & cōmunicando. Quemadmodum Deus agit oninia quæ agit, non gratia vllius rei acquirendæ, neque adipiscendæ, sed propter bonitatē suam diffundendam atque communicandam creaturis. Atque hoc modo ignis alium ignem producit, propter suæ speciei propagationem & multiplicationem.

De casu & fortuna, deque effectibus casualibus & fortuitis.

C A P.

X X I.

CAsus & fortuna quanquam causæ sunt efficientes & sub efficientibus partim dicta sunt, specialem tamen habent difficultatem, eò quòd causæ per accidens sunt: quare & specialem exigunt tractatum. Subiungitur ergo hæc diuisio:

Eorum quæ fiunt, alia semper eodem modo fiunt, alia plerunque, alia fiunt præter hæc.

Cuius hic est sensus: Inter ea quæ fiunt, quædam semper aut vt plurimum à suis causis similiter fiunt, vt plerunque de ambulatio per locum amoeniorem, animi releuatiōe operatur, atque sanitatem siue producit, siue conseruat: semper forma lapidis, ablato impedimento, lapidem deorsum moueri facit. Quædam verò à suis causis neque semper, neque vt plurimum fiunt, sed rarò eueniunt. quemadmodum rarò euenit, ambulantiem, & conantiem ad rei veneræ soliciationem ad virtutem conuerti, quod Dariæ legimus accidisse cum Crisanto: rarò item euenit, ambulantiem ad aquas puerum inuenire, quod accidit filix Pharaonis cum Moyse Aegyptio. Rursum,

Exod. 2

Eorum quæ fiunt, alia fiunt, alia non fiunt, alicuius gratia.

Cuius hic redditur sensus. Inter effectus, quidam sunt intenti ab agente, quidam non intenduntur, sed effectum ab agente intentum eos accidit concomitari, & hi dicuntur effectus per accidens, & eorum causæ sunt causæ per accidens. Vt consensum in rem veneream per se intendebat Daria, suo ad Crisantum aduentu. Ad hoc enim ornata cultu mirifico illum accessit, vt suis blanditiis in concupiscentiam eius animum inflecteret. Et ille quidem effectus

fectus, si conatum Dariae fuisset sequutus, effectus fuisset dicendus per se. Sed præter intentionem & ordinationem euenit, & planè ex accidenti contrigit ipsius ad Deum verum conuersio. Sic ex intentione filia Pharaonis egredi voluit, ut animum releuaret: præter intentionem verò euenit, ut Moyses reperiret Aegyptium, puerum cistellæ aquæ supernatanti inclusum.

In quibus habet locum casus & fortuna, & quomodo inter se hæc duo differant.

C A P. XXII.

His præmissis est aduertendum, casum & fortunam non nisi in illis locum habere quæ rarò fiunt, & quæ per accidens sunt. In iis enim quæ vel semper, vel ut plurimum ordinatè fiunt, casus & fortuna esse non potest. Similiter neque in iis quæ per se sunt, sed in iis quæ per accidens tantum.

Vnde effectus casualis definitur, qui ex iis est quæ rarò fiunt, & per accidens.

Quid effectus casualis.

Vt in exemplis suprapositis, Dariae illa ad Christum conuersio, effectus est casualis, qui ex eius ad Crisantum accessu consequutus fuit. Similiter & Moyse inuentio à Pharaonis filia, respectu deambulationis. Casus autem dici solet, ipsa causa effectus casualis, ita ut casus & casualis effectus pro re latius habeantur.

Est enim casus, causa per accidens effectus rarò contingentis.

Similiter de fortuna & effectu fortuito dicendum. Notanda tamen est differentia inter casum & fortunam, itemque effectum casualem & effectum fortuitum: quoniam fortuna nomen specialius est, & commune minus est, quàm casus. Fortuna enim in solis est agentibus à proposito, casus verò etiã in agentibus naturalibus; similiter de effectu casuali & fortuito dicendum. Pro cuius notitia Aristoteles ponit hanc diuisionem:

Eorum quæ fiunt, alia per electionem fiunt, alia non per electionem.

Vnde exustio ligni in ignem cadentis de superiori loco per actionem formæ substantialis ipsum mouentis, dicitur effectus casualis, eò quòd præter intentionem & inclinationem naturalem talis accidit effectus; non est tamen effectus

effectus fortuitus, neque causa ipsa huius effectus per accidens fortuna, sed tantum casus dicenda est. Non enim voluntate libera descensum intédit. Vnde fortuna ab Aristotele definitur hoc pacto;

Fortuna est causa per accidens in his quæ per electionem alicuius gratia fiunt, extrà semper, & frequenter.

Per electionem fieri nihil est aliud, quàm libera voluntate, & ex proposito.

Ex dictis quadam ponuntur conclusiones.

C A P. X X I I I.

*Cōclusiones
Arist.*

EX prædictis patet eorum falsitas, qui omnia ponebant fieri à casu & fortuna: similiter & eorum, qui nihil à casu vel fortuna fieri admittebant. In utroque enim extremorum horum inest falsitas. Media autem sententia veritatem tenet, quæ neque omnia dicit, neque nulla, à casu fieri & fortuna, iuxta declarationem suprapositam. Patet insuper, quemadmodum insipientibus & improuidis plurima contingant casualia atque fortuita: prouidis autè, pauciora. Nam improuidis plurima contingunt præter intentionem, & per accidens, dum suas actiones easque per se consequentia non attentè considerant. Prouidis verò, diligenter & suas actiones & quæ consequuntur circumspectantibus, non ita multa præter intentionem siue per accidens contingunt, ac proinde non ita multi eis contingunt effectus casuales.

Atque hinc rursus colligitur, prouidissimo illi, ac summo sapienti Deo (cuius ordinatissimam dispositionem & præuisionem nihil latere potest aut subterfugere) nihil accidere posse casuale vel fortuitum: cum præter illius intentionem prorsus nihil posset euenire, siue cuius ordinatione, dispositione, ac nutu neque folium arbori deciderit, neque pilus deperit capiti. Et frequenter ea quæ secundum inferiores causas penitus casualia sunt aut fortuita, eadem quantum ad mentem diuinam primamque causam maximè sunt intentæ, & secundum ordinatissimam eius dispositionem ita ordinata. Quemadmodum (exempli gratia) generis humani redemptio, legiſq; veteris cessatio, & sanctæ fidei ad gentes trāsitus (quæ omnia ad Christi mortem consequuta

Sequuta sunt) velut casualia atque fortuita effecta sunt, quan-
 rum ad principes Iudæorū, qui Christi mortem effecerant,
 & impiissimos dæmones, qui ad eam sollicitando fuerant co-
 nati. Omnipotenti autem Deo nihil vnquam æquè prospe-
 ctum fuit, intentum, aut ordinatum. Siquidem ab æterno il-
 le hac ratione instaurare decreuit & quæ in cœlis & quæ in
 terris erāt collapsa, & in filio suo superbenedicto, omnia ad
 implere. Et vniuersaliter, nullus omnino, contingit in hoc
 mundo effectus, quem non plenissima illa, & æterna sapiētia
 præuiderit ab æterno, atque etiā si pessimus sit, nouit tamen
 ab æterno, & disposuit apud sese, cur illum esset in suo tēpo-
 re permissurus, & dispositione ordinatissima omnia nouit in
 debitos vsus suos atque fines referre.

Col. I.

II.

III.

Quæ causarum genera Deo vel competant vel non competant.

C. A. P. XXIII.

VT autem singula causarum genera ad Deum nunc ac-
 commodemus, sciendum est, quod prima duo causa-
 rum genera (nempe materialis & formalis) deo non conue-
 niunt, quoniam habent imperfectionem annexam. Materiam
 enim necesse est esse partem constituentem aliquid siue na-
 turale, siue artificiale. Similiter & de forma constat, per quam
 oportet rem esse. Deus autē nullam prorsus compositionem
 nouit, neque pars esse potest, qui est totum & perfectum esse
 omnium rerum. Casus etiam & fortuna illi nō conueniunt,
 qui est prudentissima prouidentia, citra cuius ordinationē &
 intentionem nihil potest euenire. Cætera duo genera (nēpe
 efficiens & finis) quatenus perfectionem nominant, illi sunt
 omnibus modis attribuenda. Est igitur dominus Deus, om-
 nium rerū finis vltimatus & vltimus, in quem omnes omniū
 particulares fines reducuntur, ad quem tendūt toto nisu vni-
 uersis suis operationibus: omnia enim naturalia, quanquam
 infima & vilissima, dum omnia ad hoc naturali tendunt co-
 natu, vt illi assimilentur sua operatione, sicut & ipse summe
 potens est, summēque efficax in agendo, & dum omnia quæ
 runt perfici, sicut & ille summè perfectus est.

*Omnium fi-
 nis est Deus.*

Duabus enim rationibus Deus omniū finis est cum ratio-
 ne finium particulariū, quoniā nihil bonū est neque appeti-
 bile, nisi secundum quod est à Deo, tum ratione sui ipsius,
 qui est etiam vt summū bonum immediatus finis omnium.

Quomodo omnium effectuum & rerum Deus est causa efficiens.

CAP. XXV.

*Deus est re-
rum omniū
causa effi-
ciens.*

OMnium quoque effectuum Deus est causa prima efficiens, & produciens & conseruans. Omnium enim causa est, & ab ipso sunt omnia, non solum in fieri, sed quandiu sunt, continuo ipse eis esse influit, & omne efficiens particulare in ipsum Deum ut primum reduci- tur. Ut enim quælibet res sit efficiens, à Deo habet. Et hac ratione Deus quasi efficiens mediatum est eorum effectuum, quos mediatis aliis agentibus operatur. Quamquam enim Deus per se potens sit absque medio omnia tumiliter, sicut nunc fiunt, efficere & disponere: tamen ad magnificentiam gloriæ suæ declarandam, & donandam creaturis perfectionem (est enim magnæ perfectionis, virtutem habere quippiam efficiendi) proinde ita dispensat rerum ordinem, ut plurima aliis velit mediatis efficiere. Quicquid tamen potest mediante causa secundaria, hoc etiam per se, si velit, potest. Quid enim per se non poterit, qui per se cælum & terram, angelos & homines potuit creare? Non tamen est intelligenda hæc mediata causalitas, ad eum modum quo in creaturis pater causa est mediata filij, quoniam medio seminis (in quò est tota patris efficientia) gignit. Nam & si Deus mediante alio quippiam efficiat, nihilominus tamen oportet ipsum esse effectui immediatum, & influere in ipsum suum esse æquè ac si nulla adesset secunda causa. Imò neque fieri potest, ut talem quælibet creatura virtutem accipiat à Deo, ut possit per se solam, absque immediato Dei concursu, aliquid efficere. Patet igitur, quomodo particularis agentis efficiētia in Deum reduci- tur, sicque Deum quodammodo mediatum agens constituit. De inde immediatus Dei concursus ad efficiendam rem, Deum facit esse omnium causam immediatam.

Vnde in rebus atque effectibus, possit defectus, aut peccatum, aut monstruositas inueniri.

CAP. XXVI.

IN illis autem operibus quæ absque particulari causa mediata Deus facit, nullus potest esse defectus, neque malum, neque peccatum. Sed in his quæ per causam mediatam facit, potest malum & defectus euenire: non ex ipso primo principio summe bono atque perfecto, sed ex particularis alicuius efficientis insufficientia, vel imperfectione. Ipse enim generaliter influit & cōcurrit ad omnem actionem & opus omne, tam

tam naturalis quàm voluntarij agnitis. Cæterum, causæ particulares & secundariæ, quæ ad effectum concurrunt, efficiunt facilè, ut defectus aliquis siue peccatum contingat. Vnde manifestum est, quotiescunque effectus aliqui monstruosi contingunt, debere defectum illum atque monstruositatem in aliquam reduci causarum secundarum.

Effectus autem monstruosus est, qui deformitatem aliquam notabilem habet, toti suæ speciei extraneam: idq; ab origine.

Quemadmodum si quis nascatur duo habens capita, senos digitos in vna manu, os habens ad aurem retortum, aut rostrum caninum. Quæ possunt vel ex parte indispositionis materiæ, vel ex defectu & superabundantia euenire, similiter & ex superabundantia vel defectu virtutis actiue, atque etiam aliis diuersis modis, de quibus particularius determinate, ad medicum potius quàm ad Physicum spectat. Et quemadmodum in naturalibus istis, defectus siue monstruositas in Deum nequaquam reducitur, sed in causam secundam deficientem, ita in actibus humanis qui à voluntate fiunt, si quid inest defectus atque monstri, si quid peccati & deformitatis (quemadmodum est in omnibus peccatorum actibus) nequaquam in Deum primam causam reduci debet, aut illi quasi auctori ascribi, sed in causam secundam, id est in hominis peruersam voluntatem: ita ut quicquid est boni in actibus nostris, Deo omnis boni auctori, quatenus bonum, adscribatur: quod verò inest defectus atque mali, nobis ipsis, id est, nostræ voluntatis prauitati imputetur. Iuxta quod per Osee prophetam dominus loquitur dicens, Perditio tua ex te Israël, tantummodo ex me auxilium tuum, siue saluatio tua in bonum. Igitur domine omnem auferas impietatem, quam in nobis siue te nos sumus operati, & nunc accepta bonum placitumque habe, quod tu in nobis es operatus: & vitulos laborum nostrorum, laudem & gratiarum actionem, sacrificabimus tibi.

Osee 13.

Ibidem.

Conclusio libri in conuersione ad creatorem ex spectaculo creaturarum.

CAP. XXVII.

Confiteere nunc ô anima mea domino, & conuertere in requiem tuam. Ascende in speculam celsitudinis tuæ,

Psal. 114.

calcatique subtus te elemētorum globis, luna, sole, cūctisq;
Thre.3. cælorum orbibus. Leua quoque te supra te, & stans prospice
 eminus super vniuersam creaturam domini Dei tui. Contue
 re, & perspice diligenter, quemadmodum à summa illa ac pri
 ma omnium causa effluat esse omnibus, quemadmodū illo
 perpetuo influxu etiam minimis creaturis (quas hominis fa
 ctus vix dignatur aspectu) suū cuique proprium esse influat,
 quomodo ab illo inexhausto fonte, tanquā sitibunda omnis
 creatura suam hauriat bonitatem atque perfectionem. Rur
 sumque contemplare, quāto conatu vniuersæ creaturæ pro
 sua virili, certatim ad illud primum & summum bonum con
 tendunt redire, à quo sunt egressæ. Videbis certè, nihil aliud
 omnem creaturam agere, quàm ad Deum tendere, & natiuo
 ac genuino desiderio incessanter ad illum anhelare, illique vt
 fiat simillima, toto nisu elaborare. O quàm est iocundum
 hoc spectaculum animæ quærenti Deum. Ex aduerso autem
 quàm scœdum est & abominandum spectaculum, & mon
 strum vniuis horrendum, cum sic videamus omnem creatu
 ram ad Deum conari, ad quem tamē pertingere nequaquam
 potest, hominem solum oculos habere in terrā defixos: cum
Thre.3. sit ipse vnus in hoc factus, vt Deo sempiterno nexu copule
 tur. O monstrū horrendū. O execrabile facinus. O immane
 scelus, homo Deum non quærens. Nos verò ad illum quem
 omnis laudat factura spiritalis atque corporea, corda etiam
 nostra leuamus cum manibus, & ne solos nos tam glorioso
 deesse contingat certamini, in quo primos iure fuisse oport
 bat, incessanter illius vacemus laudibus, ad illum desiderio
 semper incessanti anhelantes, atque per operationē Deo di
 gnā & nobis congruam properantes, qui est vnus primus
 atque beatissimus creatorum omnium, peculiariter verò hu
 mani figmenti, finis & requies vltima, à quo vno sunt omnia,
 & in quem item tendunt vniuersa. Cui sit honor & gloria in
 secula seculorum. Amen.

FINIT LIBER SECVNDVS.

CANTICVM PSALMI, IN LAVDEM
 causæ primæ, creatricis omnium.

*C*œli cælorum & qui inhabitatis in eis accedite: terra, mare, &
 quæ in eis estis, omnia festinate in chorum gaudij.

Voluc

Volucres cæli celeriter aduolantes ne moram nobis facite : etiam quæ super terram serpitis acrepitis, accelerate gressus vestros.

Venite quæcunque subsistitis, collaudemus vñâ dominum : ipse est enim cuius potentia surreximus de nihilo.

Non sunt absque illo angelice substantiæ: si quidem in principio ipse creauit eas in nobilitate naturæ suæ.

Cælorum quoque amplissimos orbes tu extendisti solus: tantæ molis materiâ erat tibi pro nihilo condere, qui es omnipotens.

Virtutem mirificam indidisti corporibus istis, vt ad efficiendum quoque sint potentia quomodo tu in omnibus operans omnia, te demonstras omnipotentem.

Hunc etenim tu deputas ornatum gloriæ tuæ, sic cõstituis & creaturas tibi non in minimo similes.

In omnibus verò quæ sursum habitant, & nostro aspectui apparent eminus solis iubar sese monstrat gloriosius.

Ipse graditur in magnificentia gloriæ suæ, per medium cæli ex omni parte luminaribus mille millibus stipatus atque circumdatus.

Quasi dominator in medio seruorum graditur in comitatu stellarum, & diffundit multo ardore circumquaque flagrantés radios.

Quocunque aspexerit, illucescit lumen diuini: suo abscessu atque regressu contristat & letificat omnia.

Cum abscesserit à terris aspectus eius, marcescunt omnia : ipso redeunte in placiditate sua renouatur facies vniuersæ terræ.

Ipse vulnerat & sanat, mortificat & viuificat: & est in omnibus o altissime, tui monstrans miram similitudinem.

Laudet te quoq; pallida luna & lumē stellarum, quibus cælorum moles iussisti clarescere, & illuminari per noctē obscuritatem terræ.

Laudetur in ignis naturæ stupenda potentia tuæ: cui & ipsi miram tibi placuit efficiendi communicare virtutem.

Pulcher est, iocundus, atque formosus, fortis, validus, & in pugna do robustissimus.

Luce sua illuminat, & flagrat ardoribus: quæ bona sunt perficit, absumit mala, commixta purgat.

Nunquid nō in omnibus his similitudo tua relucet creator altissime? nam & tu ignis consumens es, probans, purgans, atque perficiens.

Sed & aqua quæ sunt sub firmamento, habent paratam in se laudem tibi, in quibus virtutē constituisti admirabilis fecunditatis.

Iussisti enim paulo post creationis initium producere eas natantia viuentia: benedictionē tuam cõtulisti in illas, vt implerentur in habitatoribus natantibus.

At verò terra mater communis omnium nostrum habet & ipsa manus plenas laudibus, parata offerre eas ante conspectu tuum.

Ecce enim quæ profert tibi ad obeditionem iussionis tuæ, herbam virentem, ligna pomifera, & multum omnino decorem ad necessitatem atque delicias filiorum hominum.

Cum tibi rationale figmentum operari placuerit aut fingere: ipsa est quæ tibi prabet copiosam semper materiam in opere tuo.

Et suis ipsa fructibus quos dedisti ei, sustentat mater bona filios suos: o Deus magne, quàm es in omnibus creator tu mirabilis.

Quo pergitur longius, eo minus pertingimus. laudent te in substantia sua, quacunque condidit. altissima omnipotentia tua.

Nos quoque donec vivimus filij hominum, benedicimus nomini gloriae tuæ: & benedicemus amodo & usque in secula.

Gloria patri, & filio, & spiritui sancto.

Sicut erat in principio, & nunc, & semper, & in secula seculorum, Amen.

FINIT PSALMVS.

IN LIBRVM III.

PHYSICÆ CONSIDERATIONIS DE MOTV ET

EIVS ACCIDENTIBVS,

PRAEFATIO.



D gloriam Dei summi declarandam, post rerum naturas, & causas, motum quoque explicare tentabimus. Ipse namque ut solus penitus perfectus, actus purissimus atque perfectissimus est, omnis expers motus atque mutationis, ita cuncta creata mobilia fecit esse, motibusque variis ac multiplici mutationi subiecta. vnde est patentissima inter Deum & creaturas distinctio, quòd Deus in seipso æternaliter perfectus, nihil perfectionis neque appositione annorum acquirit, neque decursu perdit, neque secundum ullam omnino mutationem potest pertingere ad habendum quod non habuisset, siue ad perdendum quod prius habuisset. Omnes autem creature ad suam perfectionem naturalibus attingunt mutationibus, acquirentes per motum quod non habeant, perdentes quod habeant.

Atque

Atq; hic finis erit cōsiderationis huius, vt cognoscamus præfidentem omnibus, in se semper immotum permanentem, singulis quibusq; rebus suos motus prouidissimè dispensantem, dominum Deum nostrum: qui moueri nescius, singula vt vult, & quando vult, mouere potens est: quicq; (vt diuinus ille ac planè theologissimus philosophus cecinit Boëtius) Immotus ipse manens, dat cuncta moueri. Ad huius rei notitiam nonnihil profuerit subiicere diuisiones aliquot ab ipso Aristotele positas, quarum prima est hæc:

Boëtius in libro de cōsolatione philosophiæ.

Eorum quæ sunt, quædam actu tantum, quædam potentia sunt atque actu.

Cuius hic est sensus, rerum existentium, quædam est forma accidentalis aut substantialis, aut res ex illis composita, in quantum sub tali forma existens consideratur. alia est res existens, in quantum talem formam non habet & habere potest: vt homo ea ratione qua animam rationalem habet, albedinem, talem vel talem dispositionem, sub priori membro, sub consideratione verò carentis alia forma sub posteriori: vnde hæc membra tantum ratione differunt. Secunda diuisio est,

Horum, aliud est hoc aliquid, aliud tantum, aliud tale, & in cæteris simili modo, quæ eius quod est prædicamenta dicuntur.

Id est, entium aliud est substantia, aliud quantitas, aliud qualitas: & sic de cæteris prædicamentis. Tertia diuisio est,

Eorum quæ sunt ad aliquid, aliud excessione deflectione re dicitur, aliud actiui passiuæque atque omnino motiui ac mobilis ratione.

Cuius hic sensus, eorum quæ ad se inuicem quoquomodo referuntur, quædam significatione acquisitionis siue generationis referuntur, siue actualis, siue potentialis possibilis: verà alia verò deperditionis ratione, vt generans generatum, produciens productum, generabile generatum, corruptum corruptum, corruptibile corruptum. Quarta diuisio est hæc,

Id quod mutatur, aut in substantia, aut in quantitate, aut qualitate, aut in loco semper mutatur.

Cuius hic est sensus, motuum vel eorum quæ mouentur, aliud tendit ad substantiam tanquam terminum ad quem, aliud ad quantitatem, aliud ad qualitatem, aliud ad locum.

Quinta est hæc:

Motuum siue ad substantiam sit, siue ad quantitatem, siue ad qualitatem, siue ad locum, alius est perfectus, alius imperfectus.

Ille perfectus est, qui ad formam perfectiorem tendit. Vt generatio hominis perfectior est generatione equi, & hæc generatione arboris, & hæc generatione herbæ. Imperfectus est, qui ad formam imperfectam est, aut priuatiuam, vt denigratio dealbatione, & corruptio generatione imperfectior est: & sic de cæteris.

De definitione motus.

C A P. I.

Definit Aristoteles motum hoc modo:

Aristot. 3.
Physicorū.

D *Motus est actus entis in potentia vt est tale.*
Item alibi, *Motus actus est mobilis vt est mobile.*

Hoc est, quatenus in potentia est. Qua definitione significatur motum esse accidentariam quandam rei mobilis formam, per quam veluti viâ, res quæ mouetur ad aliquod continuè acquirendum vel deperdendum tendit, quasi ad terminum. Motus enim est, quo mobilis potentia ad actum deducitur. Quemadmodum cum ex ligno generatur ignis, per motum hunc generationis, continuè forma ignis in materiam ligni introducit, & per corruptionis motum, continuè extra lignum pellitur præinexistens forma. Vnde statim euidentissime patet motum non nisi iis conuenire, quæ potentiam habent admixtam, & à Deo esse quàm longissimum. Cæteræ verò creaturæ quò plus habent potentia, eò amplius sunt motibus subiectæ. Spirituales enim substantiæ sensibilibus non mouentur motibus, eò quòd ad formas sensibiles potentiam non habeant: intellectuallibus tamen mutationibus subiacent, quoniam potentiam habent ad intellectiones & affectiones, ad esse item & non esse. Cælestia verò corpora, quia ad locum sensibilem potentia sunt, secundum suas partes diuersa loca habere apta, idcirco mouentur motu locali. Alterationes verò horum inferiorum alterationibus similes, non recipiunt: quoniam ad similes qualitates potentiam non habent.

DE

De motu instantaneo, subito, & successiuo.

CAPVT II.

NOtandum verò est, quòd quidam sunt motus instantanei, qui in momèto temporis vel in non tempore perficiuntur, vt aëris illuminatio, quæ tota simul vno instanti cõpletur, secundũ omnes aëris partes. Hocq; ideo, quia lumen in aëre contrarium nullum habet, sed tantum sunt in eo tenebræ, priuatio luminis, quæ nullam faciunt resistantiam soli illuminari: atque hic motus nullas habet successionis partes. *Quid motus instantaneus.*

Alius est motus subitus, qui in instanti non completur, tamen imperceptibili fit tempore. Vt cum calefaciens, primum caloris gradum in subiectum inducit, in instanti hoc facere non potest, ob resistantiam aliqualem cõtrarij: tamen in imperceptibili tempore & indeterminato hoc facit, ita vt illius temporis non possit adæquatum assignari mōmentum, initians aut finiens. Successiuus verò motus & sensibilis est, quando aperta est in motu successio, ita vt monstrari possit, quæ pars formæ qua temporis parte sit per motum introducta aut expulsa. Quemadmodũ est in motu calefactionis aut frigefactionis: quoniã calor totus, aut frigus totum, non in instanti neq; subito, sed cum temporis successione in subiectum introducitur, ita vt secundum successionem, vna pars prius, altera posterius in subiecto habeatur. Et de huiusmodi motu plerunque intelligimus, cum de motu loquimur rerum naturalium. Res quippe naturales non multum mouent, neq; mouentur instantaneè, partim ob defectum virtutis actiue, partim ob contrariorum resistantiam, vel mobilis indispositionem. Subitus verò motus, plerunque perficitur successiuè, & in illum finitur. Aqua enim licet incipiat subito calefieri secundum primum caloris gradum, quantũ tamen ad totam caloris formam, successiuè debet calefieri. *Quid motus subitus.* *Quid successiuus motus.*

De differentia rerum successiuarum à rebus permanentibus.

CAP. III.

PRO pleniori autem motus intelligentia aduertendum est, quo pacto distinguantur ab inuicem res permanentes & successiuæ. Illa nanque permanentia sunt, quæ omnes suas partes simul habent, aut habere nata sunt, ita vt nulla opus sit eis successione. Alioqui & qualitates sensibiles plerunque successione secundum partes suas absoluuntur, sed non hoc requirit earum naturalis conditio, verũ ex motus

*Quid res
successiua.*

natura contingit eis sic per accidens successiue fieri. Quem admodum (exempli gratia) calor, res permanens est, quia tametsi ratione motus per quem habet acquiri, successiue fiat, atque in subiectum introducatur, tamen quantum ex sue naturæ conditione, nulla opus habet successione. Potest enim partes suas omnes simul habere, neq; in vlio fluxu consistit. Illæ autem res sunt propriè dicendæ successiue, quæ ex naturali conditione partes suas habent in successione, ita vt simul eas habere non possint. Cuiusmodi sunt motus & tempus. Partium enim motus vel temporis adueniēs altera alteram abigit: & hac abeunte, succedit iterum alia tertia, quod in horarum fluxibus apertissimum est. Porro quod in permanentibus rebus positio, hoc in succedentibus est successio. Sicut enim ligni partes positionem certam habent adinuicem, vt hæc nō possit esse simul secundū locū cum illa, sed separatim: hæc pars hīc est, illa illic, ista istic: ita similiter quando prima hora est, non est secunda: quando secunda, non est prima neque tertia, sed successione continuantur adinuicem, quia nūc est prima, post eam subsequitur secunda, post quam euestigio succedit tertia. Vnde patet, sicut certa positione quantitates permanentes sunt continuæ, ita tempus huiusmodi successione esse continuum. Diuiditur enim quantitas continua in permanentem & successiuam. Permanentes sunt, linea, superficies & corpus. Tempus autem, quantitas continua est successiua.

*Motum non esse quantitatem, neque vlio
stringi prædicamento.*

C A P. I I I I.

*Motus va-
gatur per o-
mnia prædi-
camenta.*

Quanquam autem motus succedētes habere partes secundum successionem intelligatur, non tamen ad quantitatis prædicamentum debet stringi, cum nihil ab ipso denominetur quantum, sed (sicut facile potuit aduertere ex dictis) à tempore quod motum sequitur, vt post diceretur. Vagatur enim motus ad omnia prædicamēta quasi reductus, iuxta eius termini ad quem est diuersitatē. Nam generatio & corruptio ad substantiam: augmentatio & diminutio, ad quantitatem: alteratio, ad qualitatem: loci mutatio, ad vbi, siue esse in loco, reducuntur. Et quanquam ita per omnia secundum reductionem motus vagatur, nullo tamen prædicamentali ordine constringitur neque concluditur.

Quo

Quomodo motus aliquis etiam in partes extensionis di-
uidatur.

C A P. V.

PRÆter motus diuisionem, qua diuiditur in partes succe- *Arist. 6. li. Physicorū.*
 dentes, quæ copulantur per indiuisibile motus, corre-
 spondens instanti præfenti, quod solet vocari mutatum esse,
 est etiam quandoque diuisibilis in partes extensionis. Sicut
 enim totum cælum habet totum motum quo mouetur, ita
 cuilibet parti cæli respondet aliqua pars illius totius motus.
 Non omnem tamen motum necesse est sic diuisibilem esse.
 Quandoque enim totum mouetur, & nulli parti motus con-
 uenit: veluti cum terminus ipsius motus indiuisibiliter sic est
 in toto, vt in nulla tamen subiecti parte, vel secundum se, vel
 secundū partē inueniatur. Vnde constat hanc diuisibilitatem
 competere motui per accidens, ratione termini ad quem est
 motus secundum eius extensionem. Cæterum, nullus motus *Motus non*
 partes ullas habet, aut habere potest secundum intentionem, *poteft inten*
 cum non contingat plures partes eiusdem motus esse simul *di.*
 in eadem parte subiecti. Vel enim sibi inuicem succedunt,
 vel secundum extensionem in diuersis subiecti partibus exi-
 flunt.

De quinque ad motum requisitis, & duplicibus mutatio-
nibus.

C A P. VI.

ADuertendum autem, ad motum necessariò quinque re-
 quiri: nempe,

Mouens; mobile, terminum à quo, terminum ad *Tractat hæc*
quem, & tempus. *Arist. 5. li. Physicorū.*

Abfque his enim non fit motus, & sunt hæc in singulis
 motibus perquirenda. Vt in alteratione à vitiis ad virtutes,
 est mouens & operans Deus, atque suo exercitio liberum ho-
 minis arbitrium: ipse homo, est motum: terminus à quo re-
 ceditur, vitium est: terminus ad quem acceditur, virtus est:
 tempus, est visitationis dominicæ hora, siue aliud quodecun-
 que aduersitatis aut prosperitatis tempus, in quo se quis à
 vitiis auertit ad virtutem. Terminus quippe à quo, intelli- *Quid termi*
 gitur id quod per motum abiicitur: quod aliquando est pura *nus à quo.*
 negatio vel priuatio formæ quæ per motum acquiritur, ali-
 quando forma contraria. Vnde claret, quasdam mutationes
 esse de contrario in contrarium, vt ex calido fit frigidum, ex
 albo nigrum. Item ex hæretica opinione mala, fit alteratio ad
 contra

contrariam opinionem: ex carnali amore, conuersio ad amorem spiritualem: à vitio, ad virtutem, vt à gula ab sobrietate: ex denso, rarum: ex leui graue. Sub quibus comprehendimus motus qui sunt de medio in alterum extremorum, vel e contrario: vt ex rubeo in album aut nigrum, aut e contrario. Et eiusmodi motus proprie vocantur motus, eò quòd sunt (secundum Aristotelem) de subiecto in subiectum: id est, de affirmatione ad affirmationem, vel de forma in formam: suntque hi motus difficiliore. Quædam sunt mutationes à priuatione tantum, vel negatione, ad oppositum habitum: vt ex non homine generatur homo, ex non igne ignis, ex indocto & rudi fit doctus, ex infideli priuatiuè fidelis, quando nimirum is, qui de dogmatibus fidei catholicæ neque rectam, neque peruersam habet opinionem, in fide docentis opera eruditur, vt rectè quemadmodum oportet de eis sentiat: ex tenebroso lucidum, atque ita in similibus. Quas mutationes faciliores esse constat. Et (iuxta Aristotelis sententiam) motus propriè non sunt, sed mutationes tantum: quia sunt de non subiecto in subiectum: id est, de priuatione vel negatione (quæ per non subiecta intelligit) ad affirmationem: aut è contrario de subiecto ad non subiectum, id est, de affirmatione ad negationem vel priuationem. Huiusmodi autem sunt generatio, quæ est à non esse ad esse: & corruptio, quæ est ab esse ad non esse.

De termino ad quem, & à quo, & quomodo secundum eos motus distinguantur vel non distinguantur. CAP. VII.

Quid terminus ad quæ.

Terminus verò ad quem, illud dicitur ad quod mobile siue id quod mouetur tendit, siue sit affirmatio, siue negatio: vt terminus ad quem, generationis est forma rei quæ acquiritur per generationem, & esse rei quæ acquiritur per generationem, siue esse rei generatæ. Ad hoc enim tendit generatio, vt forma substantialis insit in materia, & res substantialiter existat. Terminus corruptionis ad quem, est priuatio formæ præexistentis, & non esse rei præexistentis. Quippè ad hoc tendit corruptio, vt materia priuetur forma quæ inerat, & res quæ præerat, suum esse perdat. Terminus augmentationis ad quem, est maior quantitas: Diminutionis, minor quantitas. Alterationis verò terminus, est qualitas secundum quam res alteratur loci mutationis: ipsum vbi, siue (vt crassius dicamus) locus secundum quem

quem res variatur. Est autem terminus ad quem, dignior & principalior cōsideratione motuum, termino à quo: quoniam & ab ipso motuum denominatio sumitur: ut alteratio, ad albedinem dealbatio, ad nigredinem denigratio vocatur. Quodque amplius est, etiam distinctio generica atque specifica ex ipso accipitur. Secundum enim terminos ad quos sunt, distinguuntur (ut supra declaratum est) generatio, corruptio, augmentatio, diminutio, alteratio, atque loci mutatio. Item generationes viventium & inanimatorum distinguuntur genere propter formas diuersorum generū. Generationes hominum & brutorum distinguuntur specie, ob formas ad quas sunt specie differētes. Generationes diuersorum hominum, numero distinguuntur, ob formarum ad quas sunt numeralem tantū distinctionē. Ita similiter in aliis motuum generibus est dicendū. Non solum tamen ex diuersitate termini ad quem, motus distinguuntur: sed accipitur etiam distinctio motuum ex medio, quo ad terminū ad quē, necessariū debet perueniri, ob concatenationem cum termino ad quem. Motus enim rectus & circularis genere differunt, propter diuersum modū spatij quod pertransitur: itē motus rectus & motus curuus ad eundē locum. Item doctrinatio eiusdem cōclusionis, iam per demonstrationē, iam per verisimile tantum argumentū, ob mediij diuersitatē variatur. Neque profectō minus apparet hęc distinctio ipsius motus per se esse, quæ sic ex medio vel ratione aut modo aut conditione motus sumitur, quam ea etiā ipsa quæ ex termino ad quem sumitur. Ex termino autem à quo, constat nunquam variari speciem motus. Eiusdem enim speciei est dealbatio quæ est à nigredine ab albedinem, cum ea quæ est à rubedine: & eiusdem speciei generatio ignis qui est ex stipula, & qui ex ligno. Diuersitatem autē numeralem facit quodlibet illorū suppositorum. Qui enim motus vel aliud mouens, vel terminū à quo, vel ad quem aliū, vel aliud tēpus, vel aliud mobile habent, numero sunt indubiē diuersi. Facilius enim est numerum variare in rebus, quā speciē. Quanto enim minor est distinctio, tanto acquiritur facilius: quæadmodū contrariō, maior distinctio (nempe generica vel specifica) est difficilior.

An motus distinguatur à suo termino ad quē est. CAP. VIII.

NON est verò dubitandum vlla ratione, quin motus à termino suo ad quem, alius sit, ac distinguatur, ut minimum

Terminus ad quem, est dignior termino à quo. Unde distinctio generica motus.

Terminus à quo, speciem motus non variat.

nimum secundum rationem : cum motus rationem habeat rei successiue, sitq; motus omnis quatenus motus, res successiua, non autem terminus ad quem: cū sit secundū suum esse res permanens, etiam si successiue fiat atque producat in subiecto. Verum de reali distinctione quæstio solet agitari, an motus res aliqua diuersa sit, & realiter secundum suum esse differens à termino ad quem est: quibusdam realem distinctionem ponētib, quibusdam negantibus, & ratione tantum distingui asserentibus. Iuxta quorum sententiam dicendum est, quod substantialis ipsa forma quæ in generatione acquiritur in generato, vt à mouēte in motum producta, quatenus per eam ens potētia, actu sit, sit ipsa generatio, forma verò quæ deperditur, sit ipsa corruptio: & maior cōtinuo acquisita quantitas, augmentatio: minor, diminutio. Frustra enim (vt ipsi aiunt) rerum pluralitas absque necessitate ponitur. Neque tamen admittunt, in eisdem prædicamentis ponendos esse motus, in quibus termini ponuntur, tametsi secundum rem sunt idem: quoniam diuersa ratio prædicamentorum ordines etiam variat.

De motu in comparatione ad actionem, & passionem: & de vocabulis motum significantibus. C. A. P. IX.

Similis quoque de motu & actione & passione quæstio fieri solet, num realis sit ponenda distinctio inter actionem, passionem, & motum, an secundum rem coincidere dicenda sint, sola variantia ratione. Et huic quoque quæstioni contrariæ adhibentur responsiones, alteris priorem, alteris posteriorem sententiam approbantibus. Sunt enim qui motum dicunt non nisi secundum rationem differre ab actione, & passione. Verum in his atque similibus, vbi de reali distinctione mouetur quæstio, non multum est anxie perquirendum, cum vtraque pars suam plerunque habeat probabilitatem, & suis rationibus ambæ sententiæ plerunque muniantur. Neque ad verū Philosophiæ finem (qui est Deum in creaturis cognoscere, agnitiūq; collaudare) huiusmodi perplexæ & steriles quæstiones multū admodum videntur habere momenti. Illud autē aduertendū est, quod motus nō est in mouente, tametsi efficiatur à mouente: sed est in ipso mobili, sicut & terminus ad quem, in mobili tantū est, non in mouente. Neque fingi debet vnus motus in mouente quo moueat, & alius in mobili quo ipsum moueatur. Sed quemad-

modum

Nota attendere.

Motus est in mobili tantum.

modum(iuxta Aristotelem) eadem est via à Thebis ad Athenas, & ab Athenis ad Thebas: sic motus vnus est quo agens mouet extrinsece, & intrinsecè mouetur mobile. Est enim motus, medium quoddam, & veluti quædam via inter acti-
onem & passionem. Vbi rursus notandum, ratione huius coniunctionis distinguendas esse iuxta significationem omnes voces quæ motus significant: utpote exempli gratia, generare, corrumpere, generari, corrumpi, calefacere, calefieri, generatio, corruptio, calefactio, dealbatio, doctrinatio, atque id genus alia, motum vel actionem aut passionem significare solita. Si enim motus significant, non collocantur sub actione vel passione. Si verò actiones & passionibus cum motu coexistentes significant, sub actione aut passione constituentur. Est enim generatio, corruptio, augmentatio, diminutio, dealbatio, doctrinatio quædam actiua, id est, actio: quædam passiua, id est, passio: quædam neutra, id est, motus ipse, qui neque actio, neque passio est, sed inter vtrunque mediat. Vocabula autem illa quæ motus significant aut actiones, passionibusve immanentes animæ(cuiusmodi sunt intellectio, visio, volitio, auditio, ac similia) præter supradictas tres accptiones, accipiunt etiam quartam. Est enim visio actiua, qua obiectum agit in sensum: est visio passiua, qua sensus ab obiecto patitur: est visio motus, id est, alteratio ipsa visus: & est visio quarta, quædam neutra qualitas(vt dici solet) tertie speciei qualitatibus, quæ motus visionis solet assignari terminis, solerque ad distinctionem, actus videendi seu visio neutra nominari. De his verò latius pertractare, non arbitror præsentis esse negotij.

*Triples significatio di-
ctionū motus designatium.*

Quadruplex significatio.

De motus continuitate, & quid ad eam requiratur. CAP. X.

His verò præmissis, consequenti ordine de quibusdam motui accidentibus est determinandum. Et primum quidem de motus ipsius continuitate, ad sciendum, quis motus continuus sit, aut non continuus. Est ergo aduertendum, quod ad motum continuum requiruntur, continua formæ acquisitio, vel deperditio, mobile continuum, & temporis continuatio, ita vt nulla sit in motu temporis interruptio: quod si horum aliquod defuerit, non potest esse motus continuus. Non autem requiritur mouentis continuitas, quia succedentibus absque interruptione temporis diuersis mouentibus eiusdem rationis, continuus effectus produci-
tur.

Neque

*Tractatur
ista ab
Aristot. 5. lib.
Physi.*

Neque item requiritur continuitas termini à quo, quoniam continuo motu prius à calore, pòst à tempore, ad frigus mouetur mobile. Medium quoque non oportet esse còtinuum. Vnus enim motus secundum locum est, qui per contigua tantum fit. Non tamen sufficiunt consequenter se habentia.

Continua.

Est enim differentia inter continua, contigua, & consequenter se habentia. Vnde continua sunt, quorum vltima sunt vnum: ita vt quod est finis vnius, sit alterius verum initium.

Contigua.

Contigua sunt, quorum vltima non sunt quidem vnum, sunt tamen simul. Simul autem sunt, quæ se inuicem tangunt: vt duæ lineæ diuisæ, quæ se inuicem tangunt in finientibus punctis, sunt contiguæ & nō continuæ. Similiter duo ligna diuisa se inuicem in extremitatibus proximè tangentia, contigua sunt, non continua. Continua verò sunt, duæ partes integrales vnius lineæ, adinuicem proximæ, & vnius totius integralis ligni duæ medietates sibi inuicem proximæ.

Consequenter se habentia.

Consequenter verò se habent, quorum vltima non sunt vnum, neque etiam simul: inter quæ tamen nullum medium est aliud eiusdem rationis. Vt duæ domus inter quas est spatium intermedium, nulla tamen alia domus, consequenter se habent: quas tamen manifestum est neque continuas esse, neque contiguas. Continuæ autem domus essent, si vnum haberent eundemque parietem, qui huius esset finis & illius principium. Contiguæ verò, si diuersos quidem parietes, tamen se inuicem contingentes.

De motus tarditate, velocitate, atque frequentia, deque causa tarditatis aut velocitatis in motibus. CAP. XI.

Motus tardus & velocis.

Tardus motus est, quo maiori tempore minus acquiritur vel deperditur: vt tardè calefit aqua, si magno tempore parum caloris acquirat: tardè augmentatur siue crescit arbor, si in prolixo tempore parum acquirat maioris quantitatis: tardè discit discipulus, si in multo tempore, scientiæ atque doctrinæ paulum assequitur. Velox motus est, qui minori tempore multum acquirit aut perdit: quemadmodum in aqua breui tempore vehementer calefacta, & in discipulo industrio ac diligenti breui tempore multam scientiam assecuto. Vbi diligenter attendenda est differentia, quæ est inter motum velocem, & motum frequentem. Frequentia enim, interruptionem & discontinuitatem significat motus: longè verò aliud, velocitas.

locitas. Procedit autem hæc tarditas in motu, aliquando ex *Vnde tardi-*
 ex defectu virtutis mouentis. Ignis enim modicus nequit *tas in motu.*
 velociter calefacere: & doctor piger atque ineptus, nequit di-
 scipulos cito ad doctrinam adducere. Nōnunquam vero, ex
 resistentia contrarij. Nequit enim etiam magnus & validus
 ignis hominem multum frigidū cito calefacere, neque præ-
 ceptor industrius & diligens heberem & obtusum pigrumq;
 discipulum, cito in scientia erudire, aut petulantem cito mo-
 ribus probis instituere. Aliquando, ex resistentia mediij. Lapis
 enim licet grauis, nō potest cito per aquā moueri, sicut per
 aërem: nec pluuia potest velociter descēdere, ob resistentiam
 aëris. In voluntariis autem, præter causas supradictas, volun-
 tas etiam sua libertate causa esse potest tarditatis aut veloci-
 tatis motus. Homo enim nullum habens impedimentum ve-
 lociter vel tarde mouendi siue agendi quippiam, potest ta-
 men pro sua voluntate vel tarde vel velociter agere. Et pri-
 mum mouens, quod est super omnia mouentia Deus in se-
 cula benedictus, cum neque virtute deficiat, neque vlla resi-
 stentia aut inconuenientia impediri possit, quædam tamen
 velocius, quædam tardius mouet, pro suo beneplacito, cui si-
 ne resistentia atque contradictione obediunt vniuersa.

De vniformitate & difformitate motus.

C A P. XII.

Attenditur autem etiam vniformitas vel difformitas in *Moueri vni-*
 motu, secundum considerationem partium ipsius mo- *formiter &*
 bilis. Illud mobile quod iuxta omnes partes suas æqualiter *difformiter.*
 atque similiter secundum velocitatem aut tarditatem mo-
 uetur, vt totus homo æquē velociter in omnibus membris
 calefactus, moueri dicitur vniformiter. Illud verò quod
 non secundum omnes partes æqualiter, sed secundū diuer-
 sas partes diuersimode mouetur, secundum aliam velocius,
 secundum aliam tardius, vt homo citius in manibus quàm
 in pedibus calefactus, aut in eisdem membris non æquali-
 ter calefactus, difformiter moueri dicitur. Prouenit autem
 hæc difformitas in motu, aliquando ex parte virtutis ipsius
 agentis, quæ tam vicina non est vni parti sicuti alteri. Ali-
 quando ex parte mobilis, quia nimirum vna pars est magis
 indisposita ad susceptionem actiuitatis, quàm alia. Notan-
 dum autem est, quòd secundum locum difformiter moue-
 tur omne corpus circulariter motum, etiam cœlestes orbes.

Semper enim velocius mouentur partes supremæ, quàm quæ sunt circa centrum aut medium: quoniam illæ longius distantes magnum spatium pertranseunt, cum istæ proximiores in æquali tempore, minimam circulationem absoluant. Id quod in rota figuli manifeste demonstrari potest: vbi partes quæ axi proximæ sunt, prorsus æquali tempore suam minimam circulationem complent, quo partes extremæ à medio longissimè distantes, suum illum multo maiorem absoluunt ambitum. Ita quæ non æqualiter secundum omnes partes accipiunt incrementum, difformiter augeri dicuntur. Et modo quodam etiam illi qui non secundum corpus & animam æqualiter proficiunt (vt pote qui corpore crescent: & animæ profectum nullum in virtutibus aut moribus accipiunt) dici possunt difformiter proficere atque augefcere. quanquam non est postremus iste sermo proprius, eò quòd ex partibus integrantibus mobilis, non essentialibus propriè fieri debeat consideratio vniformitatis aut difformitatis.

De motu regulari & irregulari.

CAP. XIII.

Quis motus regularis & irregularis. **I**Nsuper poni solet in motu regularitas & irregularitas, quæ non attenduntur secundum partes mobilis, sed magis secundum tempus in quo fit motus. Si enim mobile toto tempore moueatur similiter siue æqualiter, secundum velocitatem & tarditatem in principio, medio, & fine, dicitur motus regularis. Vnde cælum regulariter, licet difformiter, mouetur. Sic qui nunc velox est in disciplinarum aut virtutum profectu, eras tardior, irregulariter proficit, quoniã non similiter continuat. Proccedit autem hæc irregularitas potissimum ex virtutè mouète, quæ augetur vel minuitur. Quod enim mouetur naturaliter, in ipso motus sui initio tardius, in medio velocius, in fine velocissimè mouetur, propter continuò aduenièntè impetù, qui formã substantialè adiuuat in mouèdo, atq; etiã ob loci naturalis approximationè. Quèadmodum enim vnaquæq; res ad suum locum naturalè desiderat, vbi cūque extra ipsum fuerit posita, ita quo fuerit ei vicinior, magis naturaliter desiderat, atq; ad ipsum fertur, teditq; vehementius. In iis autè quæ mouètur violèter ab extrinseco, motus in principio præceps est & velocior, sed cōtinuò fit remissior, virtute impressa cōtinuò debilitata. In motibus verò qui secundum

cundum sensum sunt, aut etiam nonnunquā secundū rationē, ut in motu progressiuo & similibus, principiū est quidem utcūq; velox, medium velocius, finis tardior atque deficiens. Quod ex parte instrumentorum est, quæ in principio nōdum sunt satis disposita ad expedite motum peragendum, sed per continuam exercitationem rectius disponuntur: quemadmodum de vocis prolatione euidenter docet experientia. Tandem tamen, propter debilitatem, si diutius perduret continuus motus, instrumenta motus flaccescunt, & veluti deficiunt: quemadmodum in vocalibus instrumentis experimur post longā locutionē, siue cantationem prolixiorē: inq; crucibus, & neruis, post diuturnā ambulationē. Notandum verò est, quod primū agens ac mouēs, tamen si totā cœlorū machinā difformiter admodum moueat, faciens sphaeras difformibus atque diuersis motibus, aliam quidem citius, aliam velocius suum cursum absolueret, mouet tamē eam ab initio vsq; ad finē, motu regularissimo & ordinatissimo, eandem semper in motu regulā seruans atque custodiens. Neque enim ab initio seculi citius aliquādo aut tardius primum mobile motum est, aut mouebitur vnquam, quā nunc moueat: neque item aliorum orbium quisquam, siue motus proprios, siue raptus ipsius motum consideremus. Et est id quidem

Attēte nota.

De motu naturali & violento, & quomodo in singulis motuum generibus hac inueniantur. C A P. XXXIII.

MOtuū insuper quidam sunt rebus naturales, quidam violenti. Est autem motus ille rei naturalis, qui est secundum naturam rei, & ei est conueniens: ut igni, moueri sursum, & rarefieri, nisi fortē condensari ipsum amplius quā conuenit, contingat. Hi enim motus conueniunt naturæ vel formæ ignis. Motus violentus vel contra naturam est, qui rei secundum suam naturam non conuenit, neq; est secundum naturam rei, sed ab extrinseco mouente imprimitur, formā contranitente. Ut motus ignis deorsum, & eius condensatio vel compressio: motus lapidis sursum, aut aquæ siue terræ nimia rarefactio. Repugnat siquidem naturæ

Quid naturalis motus.

Quid violentus.

ignis, & formæ eius, motus deorsum & nimia condensatio; quemadmodum aquæ & terræ motus sursum aut nimia rarefactio, atque ita in cæteris. Vbi notandum est, materiam sicut est ad omnem formam indeterminata, ita & ad omnes accidentales dispositiones esse indifferentem, si in sua generalitate consideretur. Verum quatenus per formam limitatum esse participat, illa ei etiam dicuntur secundum naturâ, quæ ipsi conueniunt sub forma quam habet. Et illa dicuntur ei esse contra naturâ, etiam ex parte materiæ, quæ ipsam à suo esse quod habet participatum nata sunt repellere. Notandum verò, in omnibus motuum generibus inueniri motus aliquos naturales, alios violentos. Generationes enim quædâ naturales sunt, vt florû in æstate, & corruptiones eorum in hyeme. Quædam violentæ, vt generationes florum vel foliorum in hyeme, ab aliquo accidente; & corruptiones subitæ florum in æstate ante defectum naturalem, ob vehementem æstum solis, aut aliud quodlibet accidens malum superueniens. Ita sunt partus tempestiui, & partus abortiui. Ita quædam naturaliter fit augmentatio, quædâ violenter: vt augmentatio subita vel nimia pueri; vel tritici intempestiua augmentatio ob abundantiam pluuiæ. Ita in diminutione viriû, ita & in alterationibus dicendum. Imo quædam sanatio est naturalis; quædam violenta: vt quæ fit ab aliquo extrinseco, per violentiam ratione cuiuslibet accidentis. Quanquàm enim sanitas semper sit naturæ cõueniēs, potest tamē motus per quā ipsa introducit, esse violētus, quādo non per media naturæ conuenientia, sed magis per accidens introducit, cum violētia agentis forma contranitente. Item & sanatio quæ fit in diebus criticis, naturalis est: quæ verò dies criticos præuenit, aut subsequitur, innaturalis, vt ait Aristoteles.

Quomodo adinuicem debeant motus vel comparari, vel non comparari.

CAP. XV.

Tractat hæc

Arist. 7.
lib. Physicor.

NON est autem quilibet motus cuiuslibet motui comparabilis, secundum suprà determinatas proprietates vel accidentia. Motus enim rectus & circularis, secundum velocitatem, vel tarditatem non debent comparari. Vt enim in genere quolibet recta sit comparatio, oportet eam fieri secundum speciem specialissimam. Non enim dicitur vnum alio magis coloratum, aut quale, sed magis calidum vel ma-

gis

gis album. Oportet item vt fiat comparatio in aliquo, quod vtrique comparatorum vniuoce & secundum eandem rationem cōueniat. Non enim dicitur homo magis sapiēs quā brutum, neque brutum melius sentiens, quā lapis, cū in vtraque comparatione, ea quæ comparantur, non conueniāt in eo in quo fit comparatio. Neque rursus medicina magis sana dicitur, aut minus, quā homo: neque potio ipsa magis quā vrina aut homo. Quamuis enim quodlibet horum sanū dicitur, nempe homo, potio, & vrina, fit tamē hoc ratione atque consideratione diuersa: homo enim sanus dicitur, vt habens in se sanitatem, vrina: vt significatiua sanitatis: potio, vt effectiua eiusdem. Vt ergo omnino recta sit comparatio, sumendi sunt duo motus eiusdem speciei, eiusdemque rationis, qui secundum aliquod prædictorum accidentium comparentur. Quemadmodum (exempli gratia) hic motus rectus, illo recto est velocior aut tardior, regularior aut irregularior, vniformior aut difformior: & hic circularis, illo: hæc alteratio, illa: hic motus localis, illo: atque ita in cæteris.

De motuum contrarietate.

CAP. XVI.

MOTUS ex terminis contrariis, non sunt necessariō contrarij, vt patet de motu qui est ab albedine ad rubedinem, & de nigredine ad eandem rubedinem, qui sunt eiusdem speciei specialissimæ. Qui autem sunt ad terminos contrarios, sunt contrarij, etiam si non sint ex contrariis terminis. Ab eodem enim medio termino motus sursum & deorsum, sunt contrarij. Et dealbatio quæ est à rubedine, contrariatur denigrationi, quæ ab eadem tendit rubedine. Illi tamen motus sunt maximè contrarij, qui sunt à contrariis terminis ad contrarios terminos: vt qui est ab albedine ad nigredinem, illi qui est à nigredine ad albedinem, maximè est contrarius: & magis quā ille qui à media tantum est qualitate. Sumitur etiam contrarietas motuum accidentaliter, secundum naturale & violentum: ita vt generatio naturalis dicatur contraria simili generationi in specie violenter. Sed hæc non est specifica & essentialis contrarietas, cū naturale esse & violentum non varient speciem motus, neque etiam cætera suprā posita accidentia. Opponitur præterea motus etiam quieti, sumendo quietem semper motui oppositam. Vt motus à loco aliquo opponitur quieti in loco illo, non autem motus ad locum aliquem contraria-

*Aristot. 5
Physic.
Qui motu
contrarij.*

*Arist. circa
finem 5
lib. Physi.*

tur quieti in eodem loco, quemadmodum habet Aristoteles v. lib. Physicorum. Non est tamen hæc oppositio contrarior. *Quid quies.* rum, sed priuatiuè oppositorum. Quies enim nihil aliud est, quàm priuatio motus, atque ab eo cessatio in subiecto apto nato. Quemadmodum autem supra motus quidā dicti sunt natura es, aliqui violenti, sic & de quiete possumus distinguere. Lapis enim, in suo loco naturali quiescit quiete naturali: extra verò eum, quiescit violenter.

De iis quæ mouentur, quomodo quædam per se, quædam per accidens moueantur. CAP. XVII.

SVperest nunc, posteaquàm de motus naturā & proprietatibus diximus, de mouentibus etiam & motis determinationem subiungere. Ac primum quidem est aduertendum, quemadmodum inter ea quæ mouentur, quædam tantum secundum partē mouentur, vt cum solam manū agitamus: quædam verò secundum ipsum totum, vt cum corpus vniuersum agitur, siue saltu, siue ambulatione, siue alio quolibet modo. Rursum, quædam per se mouētur, vt totus ipse homo

Aristot. 7. Physic. & 5.

ambulans de loco in locum: quædam verò per accidens, mouentur, alterius gratia, nimirum quæ in eo sunt quod per se mouetur. Id quæ rursum dupliciter, vel sicut partes in toto, vt manus per accidens ad totius corporis motū: & qui naui vehuntur, gratia nauis cui insunt pariter mouētur, sed per accidens: vel sicut accidentia quæ in rebus sunt quæ mouentur, maximè corporalia, quæ per accidens moueri dicuntur ad motum sui subiecti: quemadmodum ex Aristotele vulgò adduci solet: Motis nobis mouentur omnia quæ in nobis sunt.

Dictum

Aristot. libro Topic.

Eorum quæ mutantur, aliud per accidens mutatur, aliud ex eo quia aliquid huius mutatur, aliud ex eo quia ipsum primo mouetur.

Cuius sensus ex præcedentibus & subsequentibus satis patet. Primæ partis exempla sunt, dum musicus dicitur ambulare, sanare, &c. Est siquidem motus deambulationis musicæ extraneus, & per accidens, quemadmodum & reliqui. Secundæ exemplum est, dum homo dicitur sanari, quia oculus, manus, pes aut caput sanatur. motus enim toti homini attribuitur, qui tantum parti conuenit. Tertiæ

etiam exemplum est, ut homo ambulat, ægrotus sanatur, dum ratione totius corporis pristinae valetudini restituitur. hinc & similis diuisio mouentis ab Aristotele colligitur, hæc videlicet:

Aliud per accidens mouet, aliud parte, aliud per se primo.

Quæ ex præcedente facile patent cum exemplis, si ea quæ rei mobili seu motæ attributa sunt mouenti applicentur. Similis quoque diuisio ab Aristotele de termino à quo motus procedit, & ad quem tendit, datur,

Terminorum à quo & ad quem, alius est per accidens, alius ratione partis, alius per se primo.

Ut si quis simul ambulet & sanetur, loco à quo recedit, aut ad quem tendit, impertinens & per accidens est motus ad sanitatem. similiter sanatio febris, pars est, si conferatur ad sanitatem in genere: respectu verò sanitatis febri oppositæ, habet terminum per se primo. Ad hunc enim terminum per se primo, totus motus tendit, quæ est sanatio à febre.

*Quomodo aliter partes integrantes in toto moueantur
quàm accidentia in subiectis.*

CAP. XVIII.

IN hoc tamen partes ab accidentibus sunt diuersæ, quòd corporis partes, totius motus aliquā partem in se habent, cuius comparatione quodammodo per se mouentur, sicut per accidens mouentur comparatione ad motum totius. Quemadmodum enim totus motus in toto corpore est, sic pars motus in partibus sunt corporis totius: quemadmodum de aliis corporalibus accidentibus est manifestum. Accidentia verò nihil in se motus habent, sed extrinsecè prorsus ad motum subiecti moueri dicuntur. Proinde, quæ secundo hoc modo per accidens mouentur, magis per accidens & magis impropriè moueri dicuntur, quàm quæ modo priori. Nam quæ priori modo per accidens moueri dicuntur, simul etiam per se secundum alium motum moueri possunt: quemadmodum is qui in naui ambulat, ratione ambulationis quam à naui non habet, per se mouetur: ratione verò vectionis, per accidens. Sic cum inter ambulandum quis agit manum, eamque in sublime tollit, manus illa, quatenus ambulatione, vnà cum toto corpore de loco fertur

*Aristot. 4
Physicorum
in materia
de loco.*

in locum, per accidens mouetur: secundum vero illum agitationis motum per se rectè moueri dicuntur. Nunquam verò id in accidentibus vsu venire potest, quæ per se moueri non possunt, sed per accidens & extrinsece tantum.

Quomodo rerum essentia nullo modo dicenda sint moueri, neque Deus inexistens omnibus. CAP. XIX.

Essentia autem rerum quæ mouentur, nullo modo moueri dicenda sunt: neque etiam spiritualia accidentia, quæ creaturæ rationali secundum rationem insunt. Vnde cum homo mouetur secundum corpus totum: anima tamen ob hoc moueri non dicitur, neque ipsa eius humanitas, neque ullus interior animæ actus. Ex quo patet, tametsi in omnibus rebus Deus existat, nulla tamen ratione debere illum dici moueri ad motum rerum quibus inest: cum rebus ipse in sit, non per modum accidentis, neque per modum partis integrantis, imò neque per modum partis essentialis (cum ipse nullius sit pars compositi, neque esse possit) sed inest omnibus per suam essentiam, ineffabili modo, præsentiamque & potentiam, quasi dator essentia & existentia rerum, eiusque custos & sustentator, in omnibus mouentibus & motis ipse existens atque inhabitans, prorsus immutabilis.

Regula generalis pro iis qua motu Physico mouentur.

C A P. X X.

Hanc cõclusionẽ ponit & demonstrat Aristotel. initio 7. libri Physicorum.

DE rebus autem naturalibus quæ per se mouentur physico & naturali motu, dari solet hæc generalis regula: Omne quod mouetur, ab alio necesse est moueri. Quod ut veritatem habeat, intelligendum est, vel de mouente extrinseco, ut in iis quæ mouentur violenter: vel de principio motus intrinseco, quod est forma substantialis rei. Agens enim naturale, non potest seipsum primo mouere, id est, totaliter & secundum vtranque partem essentialem: neque item primo, id est, secundum vtranque essentialem partem moueri: sed altera semper est per se mouens & agens, forma: altera per se mota atque patiens, nempe materia. Dictum est autem signanter de iis quæ mouentur motu physico, & de mouentibus rebus naturalibus: quoniã anima quæ res naturalis non est, seipsam primo mouere potest, quia seipsam in actu facit, & ad intellectionem atque volitionem per se mouet: neque hîc opus est diuersitate moti atque mouentis, sed eadem anima & mouet seipsam, & à se ipsa mouetur.

De

De motibus subordinatis, & non subordinatis.

CAP. XXI.

Quoties verò ad aliquod mobile plura cōtingit cōcurrere simul mouentia, talis inter ea debet esse subordinatio, quòd mouens proximum mobili mouet in virtute mouētis prioris, quod à re mota est elongatius: vt cum lapis mouetur à baculo, & hic à manu, & manus à corde, baculus est mouens proximum moto, & ideo est minus principale in illo motu: & cor est ibi primum in mouendo & principalius, quamuis remotius. Vnde patet deum (cò quòd sit primus in omni motu, in cuius virtute mouent alia omnia secundaria mouentia) esse principalissimum in mouendo, eumq; omnis motus in his inferioribus causam primariā atq; præcipuam assignari debere, quantumuis secundaria alia agentia ad eundem effectū videantur concurrere. Notandū verò huiusmodi subordinationē mouentium esse duplicē. Quandam essentialē, vbi scilicet agens proximū non potest nisi per virtutē pariter mouētis prioris suum motū efficere, vt homo pater non potest sine cōlestiū & Dei concursu filiū generare. ideo hæc sunt essentialiter subordinata: homo pater, cōlestia corpora, Deus. In his autem sic essentialiter subordinatis, non potest processus esse in infinitum: alioqui motus naturales essent indeterminati. Quod enim ab infinitis penderet, non haberet determinatam causalitatem. Sequeretur quoque positio infiniti actu secundum multitudinē, cum necesse sit causas sic essentialiter subordinatas simul existere.

Quædam verò mouentia, sunt subordinata accidentaliter: vt pater, auus, atauus, tritauus, &c. quando scilicet mouens immediatū non requirit coexistentiā vel concursum mouentis prioris mediati, vt efficiat vel moueat: quemadmodum pater, vt filiū generet, nihil opus habet neq; coexistentia neque concursu aui patris sui, neq; atauī, neq; tritauī. Sunt tamen hæc mouentia quodammodo subordinata, quatenus mouēs vltimum (id est, pater generā) virtutem accepit à suo patre, atq; hic rursus à priore, illéq; iterū à suo patre, atq; ita consequēter procedēdo. Verū in his mouētibus nihil prohiberet ponere infinitum, vt si mundus poneretur fuisse æternus, & ab æterno homines aliquos fuisse, hoc modo infinitæ essent rerum naturaliū causæ & mouētia infinita. Ex his enim neq; sollicitur rebus determinata causalitas, cò quòd mouentium

*Quis ord
debeat esse
pluribus
uētibus co
currētibus.*

*Probat hæc
cōclusionem
Arist. l. 7.
Physi. 9.*

huiusmodi nõ requiritur coëxistētia, neq; infinitū actu sequitur, sed successione tantū: quod nõ est incōueniēs admittere.

De multiplici proportione & comparatione mouentis ad mobile.

CAP. XXII.

Quoniam autem mouere aliud, perfectionē habet: moueri autem secundum suam rationem, habet imperfectionem: constat mouens, quatenus huiusmodi, esse motu dignius, & mouens mobili supraponi secundum relationem. Vt autem mouens moueat mobile, oportet ipsum fortius esse mobili, & quasi dominium habere supra resistētiā mobilis. Iuxta igitur proportionem virtutis mouentis supra mobilis resistētiā vel indispositionem, contingit mobile vel locius, tardius, vel vniformius, vel difformius, vel regularius moueri vel non moueri. Non enim fit actio, nisi à proportione maioris inæqualitatis. A proportione autem minoris inæqualitatis non fit actio, quemadmodum vulgata habet Philosophorum sententia. Cuius dicti est hic intellectus: Agens non posse agere in passum, nisi virtute superet ipsius resistētiā, & potentia sit inæquale secundum excessum. Id verò quod est minoris virtutis & potentiz non posse agere in id quod est maioris virtutis, & maioris resistētiæ. Iguis enim si sit virtute potentior ad calefaciendum, quam ad resistendum aqua, tunc aget ignis, & patietur aqua. Si e contrario dominetur aqua, patietur ignis, & iuxta ampliorem resistētiā passī plus aut minus mouebit agens. Ex quibus solent deduci septem proportionum regulæ ab Aristotele positæ in VI. 1. Physicorum lib. quas hinc quoque subnectimus.

Ponuntur VI. 1. regulæ, quas vocant regulas proportionum.

CAP. XXIII.

PRIMA REGULA.

Ponatur hæc regula ab Arist. in fine 7. Physi. **S**i aliquod mouens moueat aliquod mobile, aliquanto tempore, & aliquanto spatio, eadem virtus mouens mouebit mobilis medietatem, per duplum spatium, in æquali tempore.

Qualis enim est proportio totius virtutis motiuz ad totā resistētiā mobilis, non æqualis est totius virtutis illius motiuz ad medietatem resistētiæ mobilis, sed dupla est proportio. Vnde cum (iuxta principium suprapositum) secundum proportionem maioris aut superantis inæqualitatis fiat actio,

actio, sequitur, eandem virtutem mouentem mobilis illius medietatem duplo velocius mouere: quod facit, quando in æquali tempore per duplum spatium ipsam mouet.

SECUNDA REGULA.

Si aliquod mouens moueat aliquod mobile, aliquanto tempore, & aliquanto spatio, idem mouens mouebit mobilis medietatem per idem spatium, in medio tempore.

Ratio est eadem quæ suprâ posita est, propter proportionem virtutis actiuz, quæ dupla est respectu medietatis ipsius mobilis.

TERTIA REGULA.

Si potentia aliqua mouens moueat aliquod mobile, aliquanto tempore, & aliquanto spatio, eadem potentia mouebit idem mobile per medium spatium, in medio tempore.

QUARTA REGULA.

Si aliquod mouens moueat aliquod mobile, aliquanto tempore & aliquanto spatio, media virtus mouens mouebit medium mobile per idem spatium, in æquali tempore.

Harum duarum regularum eadem est ratio: quoniam videlicet, qualis est proportio mouentis ad mobile, in comparatione ad totum tempus & ad totum spatium, talis est mouentis ad mobile in cōparatione ad medium tempus pariter & medietatem spatij: & qualis est proportio totius mouentis ad totum mobile, æqualis & eadē est medietatis ad medietatem, in comparatione ad idem tempus & idem spatium.

QUINTA REGULA.

Si aliqua virtus mouens mouet aliquod mobile, aliquanto tempore, & aliquanto spatio, non est necesse eandem mouere duplum mobile per medium spatium in eodem tempore, aut per idem spatium in duplo tempore.

SEXTA REGULA.

Si aliqua virtus mouens moueat aliquod mobile,
aliquo

aliquanto tempore, & aliquanto spatio, non est necesse medietatem virtutis mouere idem mobile per medium spatium, in aquali tempore, vel per idem spatium, in duplo tempore.

Harum duarum regularum ratio est, quia à proportionem minoris inæqualitatis non fit actio. Non est autem necesse, ipsum mouens habere dominium, & superioritatem, & inæqualitatem vincentem ac superantem, super duplum mobile. Neque medietatem virtutis mouentis necesse est maiorem inæqualitatem & superioritatem habere, supra ipsum totum mobile.

SEPTIMA REGULA.

Si plures virtutes motiue moucant aliqua mobilia, aliquanto tempore, & aliquanto spatio, virtus ex illis virtutibus motiuis collecta, mouebit mobile ex illis collectum per idem spatium, & æquali tempore.

Ratio autem est, similitudo proportionis.

Predictis adiunguntur alia duæ regulæ. CAP. XXIIII.

His autem regulis ab Aristotele sic positis superaddi possent aliz duæ, octaua & nona. Octaua regula, Si aliquod mouens moueat aliquod mobile, aliquanto tempore, & aliquanto spatio, duplum mouens mouebit duplum mobile, per idem spatium in æquali tempore: aut per duplum spatium, in duplo tempore. Nona regula, Si aliquod mouens mouet aliquod mobile, aliquanto tempore, & aliquanto spatio, duplum mouens mouebit idem mobile, per duplum spatium in æquali tempore, aut per idem spatium in dimidio tempore. Harum duarum regularum rationes facile patent ex prædictis. Et notandum quodd hæc suprapositz regulæ, tametsi peculiariter de mouentibus & mobilibus secundum locum datæ videantur, possunt tamen similiter aptari etiã ad alias species motus, ad augmentationem, diminutionem, & alterationem: quemadmodum docet Aristoteles, in hunc modum, Si augmentans, diminuens, aut alterans, augmentat aliquid, aut minuit, aut alterat aliquanto tempore, aliquanta quantitate, aut qualitate, idem augmentat, minuit, aut alterat dimidium, dupla quantita-

re, aut qualitate in eodē tempore, aut dimidia dimidio tempore, atque ita per singulas regulas discurrendo.

Quid per mouens & mobile intelligatur in proposito.

C A P. XXV.

Aduertendum autem est, cū in his regulis de mouente & moto duplo vel æquali loquimur, non velle nos sermonem facere de quantitate molis. Sic enim non est necesse, si homo certæ quantitatis aliquid possit, idcirco alium mole & quantitate duplo maiorem duplum posse: cū frequenter soleat in exiguo corpore virtus regnare maior. Sed de virtute sermo debet accipi ita, vt per medium mouens intelligatur virtus ipsa, atque potentia mouentis; per mobile, virtus resistendi: per medium mouens, medietas virtutis motiue; per mediū mobile, medietas resistentiæ ipsius mobilis; per duplum mobile, dupla resistentia; per duplum mouens, dupla virtus motiua.

*Exemplo monstratur in igne, omnium regularum supra-
positarum veritas.*

C A P.

XXVI.

Volumus autem in igne alterante atque calefaciente aquam, per singulas regulas quod dictum est exemplo declarare. Ponatur ergo virtus alteratiua siue calefactiua ignis octo graduum; & resistentia mobilis, scilicet aque, in sex tantum gradibus. Iuxta primam regulam, si virtus motiua vt octo ipsius ignis, alteret aquam habentem resistentiam vt sex, tempore horæ vnus, ad calorem duorum graduum; ergo eadem virtus motiua ignis, medium mobile, id est, aquam habentem mediam resistentiam, scilicet trium graduum, alterabit ad duplam caliditatem, videlicet quatuor graduum, in æquali tempore. Et iuxta secundam regulam eadem virtus motiua ignis, dimidium mobile, aquam dimidiæ resistentiæ, alterabit ad eandem caliditatem, in dimidio tempore. Et iuxta tertiam regulam, eadem virtus motiua alterabit eandem aquam ad dimidiam caliditatem, in dimidio tempore. Et iuxta quartam, media virtus motiua ignis (quæ est vt quatuor) alterabit aquam dimidiæ resistentiæ, vt tria, ad eandem caliditatem duorum graduum in æquali tempore. Et secundum quintam regulam, non est necesse, si virtus mouens ignis vt quatuor, aquam habentem resistentiam

stentiam vt tria, alteret ad caliditatem quatuor, vt ob hoc eadem virtus motiua aquam duplam resistentiam habentem vt sex, alteret ad mediam caliditatem in æquali tempore, aut ad eandem caliditatem quatuor, in duplo tempore. Neque iuxta sextam necesse est, vt media virtus actiua vt duo, alteret aquam eandem resistentiam vt tria habentem, ad dimidiam caliditatem in æquali tempore, aut ad eandem caliditatem in duplo tempore. Denique iuxta septimam regulam, si tres ignes (quorum quilibet est sex graduum) scillatim calefaciat aquam resistentiam habentem vt quatuor, ad caliditatem trium graduum in certo tempore, necesse est ignes illos tres simul iunctos, aquam illam ex tribus collectam alterare ad eandem caliditatem, in æquali tempore. Iuxta octauam quoque & nonam regulas, si ignis virtutis actiue trium graduum, aquam resistentiam habentem duorum certo tempore alteret ad caliditatem gradus vnus, necesse est ergo vt virtus motiua sex graduum, aquam habentem resistentiam vt quatuor, alteret ad caliditatem æqualem, æquali tempore, vel caliditatem duplam duplo tempore: & ignis ille vt sex, duplæ virtutis, aquam dimidiæ resistentiæ, id est, vnus gradus alterabit ad duplam caliditatem, id est, duorum graduum, in æquali tempore, aut ad caliditatem eandem vnus gradus, in dimidio tempore. Similiter praticari potest & in aliis motibus. Nobis vno exemplo rem monstrasse sufficiat.

Mouens secundum proportionem, ad mobile mouere debet,

Et quemadmodum Deus in mouendo potentissimus est atque liberrimus.

C A P. XXVII.

EX his ergo omnibus manifestum euadit, quemadmodum semper mouens moueat, secundum proportionem virtutis motiue ad resistentiam eius quod mouetur. Pater etiam quandoeunque in mobili est aliqua resistentia, quæ ipsum mouens impediat aut detineat, non posse moueritalem mobile à suo mouente in instanti. Vbi verò virtus actiua nullam patitur à mobili resistentiam, potest suum effectum in instanti efficere, quemadmodum est in illuminatione Solis. Omnipotens ergo Deus, cuius infinitæ virtuti nihil potest contrahere, cui nulla prorsus creatura potest resistere, cuius virtus in infinitum superat omnem

omnem creatam resistentiam, quæcunque vult potest in instanti mouere, sicuti vult, & quocunque libuerit genere motus, siue generare, siue corrumpere, siue alterare, siue augmentare, siue diminuire, siue secundum locum mouere. Neque ante Deum differentia est in multo vel breui tempore, in omnibus quæcunque voluerit. Cui insuper, quoniam nulla illi resistentia est in mouendo, nullus etiam labor fatigationem, laborem, aut molestiam adducit omnia mouenti. Non mouet tamen omnia, neque agit in instanti, neque subito: quoniam in mouendo est liberrimus, in arbitrio & potestate habens sic vel sic mouere. Ipse verò à nullo moueri potest, qui prius aliquod mouens non habet. Imò neque ipse se potest mouere, qui nihil potest quod antè non habuit acquirere, neque perdere quicquam quod antè habuisset. Huic itaque & primo, & summo, & generalissimo, ac proinde efficacissimo mouenti, soli Deo sit laus, honor, gloria, & benedictio, ab omni mutabili creatura in æterna secula, Amen.

LIBRI III. FINIS.

PSALMVS LAVDIS ET CONFES-
sionis, omnipotenti, vniuersali ac primo rerum
omnium motori immobili.

Domine, quis similis erit tibi? ne tacet labia, confessionem & laudem ne contineat super eo.
Super calorum altitudinem residet in arce celsitudinis atque fortitudinis sue: ab æterno triumphat in ea gloriosus ab initio.
Priusquam cælum formaretur & orbis, tu eras ante omnia; in teipso perfectus & beatissimus in plenitudine tua.
Tu semper immutabilis moues omnia, generas, corrumpis, augmentas, ac minuis, alteras, & rotas, mouesque omnia.
Tu verò ingenerabilis es, & incorruptibilis; augmentari, nesciens aut minui.
Neque alterari tu potes, qui non variaris accidentarijs rebus: apud quem nulla est transmutatio, neque vicissitudinaria obumbratio.
Loco non moueris, qui implet omnia: neque vt hominum, sunt itinera gressuum tuorum.
Incommutato loco accedis & recedis quò & vnde volueris: non est hoc datum cæcis filiorum hominum.

Præuales omnibus in fortitudine tua superexcelsa: proque tuo placito rotas agitâsque omnia.

Non est neque moles, neque virtus in omni creatura qua obstaculum præbere queat actioni tue: superimmensa enim virtute absque proportionem excedis vniuersa.

Homines & iumenta tu perducis ad augmenta congrua: arbores quoque, & ligna, plantas, & omnia viuentia super terram.

Suis quoque statuis tu perficis ea iuxta conditionem generis sui: mensuram tu tenes omnium descriptam in officina gloriæ tuæ.

Ipsæ autem augmentum nescis, neque immutationem pateris: nihil accrescit neque decrescit in æternū plenissime plenitudinē tuā.

Qui pro tuo placito oīa facis altera, nequis ipse alter fieri: potētia, sapientia, & oīs tuæ perfectio nō immutabitur in seculū seculi.

Magnæ Deus, princeps regum terræ, dominator omnium virtute tuæ: quis te agnoscat aut collaudabit pro dignitate sic gloriōse immutabilem?

Ecce qui seruiunt tibi, æstantes perpetuò conspectui tuo, non sunt stabiles omnimodis.

Corporea verò creatura vniuersa, nulle est rationibus vix momento stabilis: mutationibus ac volutationibus in eis perturbantur oīa.

Sol & Luna cursu suo regulari volutata semper sic in instabilitate permanent miro modo stabilia.

Quæ verò his subiecta esse voluisti, cum seipsis quoque sunt in suis motionibus prorsus irregularia.

Tu verò Deus in eadem semper tuā stabilitate fixus permanens, cunctis mutabilibus præsides, ipse immutabilis.

Atte verò cum omnis exeat motus, donēsq̃ moueri omnibus: in te nullus tamen valet ingredi.

Immutabilis potentissime Deus, dominator omnium: tibi omnis tuæ factura canit gloriā.

Mirabilis tu, & verè miranda opera tuæ: obstupescet in eis anima mea, cum intenderit in illis aciem mentis suæ.

Exultabit cor meum Domine, in cunctis operibus magnificentia tuæ: lingua quoque mea laudem meditabitur gloriæ tuæ.

Benedictus Deus dominus vniuersa creature: ita fiat, ita fiat, Deus potentissime.

Gloria patri, & filio, & Spiritui sancto.

Sicut erat in principio, & nunc, & semper, & in secula seculorum. Amen.

IN LIBRVM IIII

CONSIDERATIONIS

PHYSICÆ, DE INFINITO, LOCO, VACVO, ET TEMPORE, PRÆFATIO.

★ ★



T clarificetur in agnitis creaturarum suarum conditionibus dominus deus noster, qui solus essentia sua infinitus, cœlūmq; & terram & omnia sua immensitate implens, neque loco tamen capitur, neque tēpore: atq; vt patenter cla *Hier. 23.*

reat quanto interuallo omnem naturalium rerum ordinem post se creator ipse relinquat (quæ vniuersa loco & tempore, angustis nimium mensuris secundum eius dispositionē sunt coarctata atq; constricta) in animo est nobis, post motus vtunque descriptam naturā, etiā illud deo donante explicare, quomodo in rebus finitum vel infinitum aut inueniatur, aut ab eis excludatur: post quæ, loci, & oppositi vacui erit consideratio. Extremam sibi partem tempus occupabit. Sunt enim & hæc ad plenam rerum naturalium considerationem non minus quam motus, vt tractentur, necessaria.

Quomodo possit infinitum multipliciter intelligi, & specialiter de infinito, atque finito secundum essentiam. CAP. I.

Primum quidem illud est aduertendū, dupliciter dici & considerari infinitum atq; finitū: nempe vel secundū essentiam, vel secundum quantitatem. Ac rursus, secundum *Infinitū secundū essentiam.* infinitum intelligi potest, vel secundum rationem materię, vel secundum rationem formę. Est enim materia ex se & per se suo modo infinita, quatenus ex sua natura nullam habet formam intrinsecam, per quam finiatur, efficiaturque ens in actu. Ex parte verò formę sub qua est, finita est, quatenus per illam eius indifferentia stringitur, ac veluti terminatur. Formę quoque materiales, consideratione quadam ad materiam, infinitę ex se dici possunt. Et quodammodo omnis forma creata ex se infinita est, quatenus non est ex se ad aliquam particularem ac singularem materiam determinata. Non tamen simpliciter forma est infinita dicen-

Deus forma infinita

da, sicut simpliciter est materia infinita: quoniam formæ etiam separatæ habent essentiâ finitâ, per esse particulare & distinctum: ac proinde simpliciter finitæ dici debent, non autem infinitæ, nisi secundum quid, aliquo modo scilicet, & consideratione prædicta, ad materiâ. Vnica est forma separata, auctus scilicet simplicissimus, omnipotens atque æterna diuina substantia, in qua nulla est determinatio essentiæ per aliquod esse particulare adueniens: sed est Deus essentia sua infinitus & indeterminatus, plena omnino, perfecta, illimitata, infinita, & indeterminata essentia. Cætera verò omnia & materialia & spiritualia, sunt sua essentia finita, & particulari aliquo esse contracta, limitata atque terminata. Illæ tamen formæ quæ in materia sunt, magis sunt finitæ illis quæ sunt à materia separatæ.

Differentia inter infinitum secundum rationem materie, & secundum rationem forme. CAP. II.

NOtanda verò est solerter ac diligenter inter duplicem hanc infinitatem diuersitas: quoniam prior quæ secum materiam est, ea nimirum quæ in ordine ad formâ in recipiendâ eam consideratur, a b imperfectione est. Materia enim perficitur, eo ipso quo finitur. Infinitas verò quæ attenditur ac sumitur secundum formam perfectionis est. Formæ enim separatæ & per materiam infinitæ, siue non infinitæ ac limitatæ, sunt perfectiores corporalibus formis, quæ per materiam certant sunt finitæ, terminatæ, & limitatæ. Vnde sicut summâ Dei perfectio est, quod sit forma sua essentia infinita: ita summâ est materiæ imperfectio, quod ex se sit ad suscipiendum infinita, nullam in se formam qua finiatur habens in se ipsâ. Illic enim, id est, in dei infinitate, plenitudo totius esse significatur: hinc verò, id est, in infinitate materiæ, egestas omnis esse exprimitur.

De infinito secundum quantitatem duplicem, deque infinito actu & potentia. CAP. III.

Infinitum quantitate.

CONSIDERATUR autem alio modo infinitum secundum quantitatem, aut continuam, id est, secundum longitudinem, latitudinem, profunditatem: quæ solent dimensiones rerum nominari. Et quandoque quidem secundum harum dimensionum aliquam tantum consideratur infinitum, nimirum vel longitudine sola, vel latitudine sola: quandoque verò secundum omnes has tres dimensiones simul sumptas, atque id propriissimè & plenissimè infinitum dicitur. Aut se

secundum quantitatem discretam sumitur infinitum, id est, secundum numerum & multitudinem. Iterum infinitum aliquod potentia intelligitur, aliud actu. Potentia infinitum intelligimus, quando continua appositione vel diuisione secundum proportionales partes, non peruenitur ad ultimam appositionem, aut ultimam diuisionem. Verbi gratia, Numerus est appositione & potentia infinitus, quia quantumlibet sit magnus, semper vnus unitatis adiunctione potest fieri maior. Quodlibet item corpus continuum, infinitum est diuisione atque potentia: quia diuidendo nunquam peruenitur ad ultimam diuisionem. Omne siquidem continuum diuisibile est in semper diuisibilia: cum ex indiuisibilibus partibus non possit totum aliquod componi, neque constare diuisibile. Nec enim potest diuisibile ex indiuisibilibus ut suis partibus componi. Indiuisibile enim additum indiuisibili, non facit ipsum maius. Sumenda est autem hæc diuisio infinita, secundum partes proportionales. Si enim linea diuidatur in tres tantum, aut etiam in mille partes eiusdem alicuius certæ quantitatis, non euadet in infinitum ista diuisio, quæ secundum certæ alicuius quantitatis partes sumitur. In diuidendo verò secundum partes proportionales, nunquam erit debilis vltima quantumlibet parvæ lineæ diuisio. Tunc autem dicitur fieri diuisio secundum partes proportionales, quando sicut totum lignum in duas partes diuiditur, ita pars rursus in suas partes, & iterum illarum partium pars aliqua in suas partes, & sic in infinitum: quo modo procedendo, nunquam perueniretur ad ultimam diuisionem.

Ponitur definitio infiniti actus.

C A P. IIII.

CÆterum, actu infinitum ab Aristotele definitur hoc pacto:

Infinitum id est, cuius semper aliquid extrâ ratione quantitatis accipi potest.

Hoc est cuius quantitas tota non capi nec assignari potest, sed quantumcunque capias vel assignes de ipsius quantitate, adhuc semper ultra manet, nec tota potest quantitas assignari. Illud enim corpus esset actu infinitum magnitudine, cuius quantitas sumpta secundum partes certæ quantitatis, non est pertransibilis: sed quotcunque partes sumantur,

*Arist. pul-
chrè hæc o-
mnia de in-
finito tra-
ctat 3. lib.
Physic.*

*Hanc cõclu-
sionem pñ-
chrè deman-
strat. Arist.
in principio
6. lib. Physic.*

*Hanc defi-
nitionem pñ-
nit Arist.
3. li. Physic.
rum.*

restat semper adhuc infinita sumenda quantitas. Ab infinito enim quantumlibet dematur, semper manet infinitum. Vnde infinito nihil est maius, sicut indivisibili nihil minus. Et quemadmodum indivisibile nulla adiectione potest fieri maius, sic infinitum nulla ablatione fieri potest minus. Idque intelligendo de infinito ex omni parte, id est, secundum omnem dimensionem, Alioqui constat maius esse infinitum quod secundum corpulentiam esset infinitum, quam quod sola longitudine vel latitudine esset infinitum. Proportionabiliter intelligi debet secundum numerum infinitum. Infinitum autem successionem, non est propriè infinitum in actu, sed magis in potentia: ut tempus infinitum, vel motus infinitus. Non enim contingit infinitas partes simul accipere, sed tantum unam actu, cæteras potentia. Vnde relinquitur, infinitum actu dupliciter dici: magnitudine videlicet & numero.

Quomodo infinitum definitur possit, esse autem actu non possit.

C A P. V.

Q Vanquam verò definitum est ab Aristotele actu infinitum, nemo tamen existimet consequi, tale aliquod corpus esse in rerum natura, aut tale aliquod requirat sibi demonstrari, ut cernat oculis. Sunt enim definitiones quædam, quibus non tã quid res aliqua sit, quam quid nomen significet, explicatur: quemadmodum cum in consequentibus definiemus, vacuum non rem aliquam qualis sit definiētes, sed nominis tantum significationem explicantes. Non posse autem dari corpus aliquod actu infinitum, multiplex ratio probat. Omne enim corpus physicum, habet naturam finitam: formam quidem per materiam, & materiam finitam per formam. Formam autem determinatã consequuntur accidentia determinata. Quare & finita sua quantitas cui liber rei est, & naturali formæ disconueniens esset quantitas infinita. Item omni corpori convenit secundum locum motus. Huiusmodi autem corpus si ponatur, quod actu sit infinitum, neque recto motu, neque circulariter agitari posset. Non quidem motu recto, quoniam omne quod mouetur motu recto, oportet locum habere extra se, quem non implet, ad quem per motum tendit ut acquirat. Quod verò actu infinitum esset, non haberet vllum extra se locum. Occuparet enim omnia, & non posset infinitum loco

*Definitio
quid nominis.*

*Conclusionē
hanc probat
Aristo. 3.
lib. Physic.*

con

concludi, ad quem vel in quo moueretur. Neque iterū motu circulari moueri poterit, quoniam in tali motu oportet partes variari loco, ita ut ubi nunc sit hæc pars, debeat venire pars alia subsequens: quod fieri non posset in infinita partium multitudine. Inter enim quaslibet partes deberet esse infinita distantia, protrahendo à cētro illius corporis lineas duas. Illæ enim absque dubio in infinitam distantiam euaderent. Infinita enim distantia pertransiri non potest. Præterea, species quantitatis sumuntur secundum numerum: ut bicubitum, tricubitum, & cætera. Nulla autem species numeri potest esse infinita.

Non posse esse multitudine infinitum. CAP. VI.

PORRò infinitum esse actu secundum multitudinem, itidem est impossibile. Impossibile est enim, esse speciem numeri infinitā. Omnes enim & finitæ sunt, & per unitatem adiectam semper augeri possunt. Infinitū autem non potest fieri maius. Quanquam igitur potentia sint infinitæ species numeri, nulla tamen earum est infinita. Sic enim infinita essent in certo aliquo & determinato numero, quod apertam videretur includere contradictionem. Imò neque infinitæ sunt numeri species actu, sed solum potentia: sicut etiam infinitæ sunt species figurarum secundum potentiam, nulla tamen earū est infinita: id quod eis procedit à numero, quoniam species figurarum sumuntur secundum species numerorum: ut triangulare, quadrangulare, quinquangulare, &c. Cæterum de successione infinito, non videtur naturæ repugnans ut esse possit. Nā si semper fuisset motus, & esset semper futurus, esset motus hoc modo, id est, successione infinitus, & tempus infinitum: verū huiusmodi successione infinitum, non est infinitum nisi potentia.

Inchoatur determinatio loci, & octo modi præmittuntur inexistendi.

CAP. VII.

POST hæc verò de loco subnectamus determinationem. *Aristoteles tractat de locis* Nam variè admodum antiqui philosophati sunt de natura & conditione loci, quibusdam dicentibus materiā esse ista de locum, aliis formam rei esse eius locum, vel materiā: aliis *4. Physica* ponentibus corpus quoddam infinitum, quod in se omnia susciperet, non cedendo aduenientibus aliis, quod penetrare iuè susciperet omnia absque cessione vel suarum partium diuisione, in quo putabant omnia moueri, ipsum verò non

moueri. Hæc verò sigillatim non intendimus refellere, sed simpliciter tantum rei veritatem de loco & eius natura manifestare. Ac primum quidem præmittendum erit, quorū *modis aliud esse dicatur in alio.* Ponit autem Aristoteles modos *essendi in a-* inexistendi, octo numero. Primo enim pars integrans, est in *lo.* toto. Secundo, totum in cunctis partibus consistit, ex quibus est compositum. Terrio, species in genere continetur: quoniam genus capit & ambit intra se omnes suas species. Quarto genus ut essentia est in specie. Sic etiam definitio est in definita specie. Quinto forma in materia, & accidens in subiecto. Inter quæ tamen est distinctio, quoniam accidens cum subiecto nihil vnū cõponit, sed forma cum materia rem naturalem atq; singularem substantiam cõponit. Sexto, effectus in causa, ut calor secundū virtutē est in sole. Septimo, rex in regno, idq; per potentiam & autoritatē, vel per maiestatem præsentie suæ. Octauo, aliquid est in loco. Et hic modus est, quem (cæteris omissis) latius necesse habemus pertractare.

De duplici superficie, concava & conuexa, & vtra locus dicatur.

CAP. VIII.

Quid locus. **E**st autem locus, extremum corporis talis quo aliud continetur: ipsa (inquam) superficies extrema corporis continentis, proxima superfici ei exteriori corporis contenti. Et solet vocari superficies concava. Ut interior superficies cœli Lunæ, & concava, quæ immediatē continet ignem, est ignis locus: & concava superficies aëris, est locus aquæ. Conuexa autem superficies, non est locus: quoniam secundum ipsam corpus non continet, sed potius secundum ipsam cõtinetur.

Superficies duplex. Duplex est autem superficies, altera concava, mediante qua corpus ipsum alia continet in se localiter, & est superficies interior. Altera conuexa, qua corpus continetur ab alio: & ipsa exterior, quæ à circumdante alio corpore circumdatur. Prior est locus, nō secunda. Secundū priorē corpora localiter cõtinent: secundum alteram potius continentur. Ex quibus patet locum non esse neq; partem compositi, neq; accidens, neq; aliquid omnino locati. sed est locantis vel continētis accidēs vltimum, terminus & extremum. Non omne tamen extremum, sed illud quod est contunctū locato, & mediante quo locatum continetur à locante. Est autem locans, id quod secundum locum continet aliud: & locatum, id quod secundum locum ab alio continetur.

Defi

Locus, est finis continentis immobilis, primus.

Quæ solet hisce quoque verbis eundem sensum habentibus assignari,

Definitio loci ex Aristotel.

Locus est extremum continentis corporis immobile primum.

Quarum definitionum hic est sensus: Locus est superficies concaua, corporis continentis locatum, proxima locato & adæquata, per se immobilis, unde & de loco proprio dari constat tantum, siquidem is propriè locus dicitur. Vbi extremum vel finis excludit à definitione omnem superficiem præter ultimam. Infinitæ siquidem in corpore locante sunt superficies inter conuexam & concauam mediæ, quarum tamen nulla est propriè locus, sed sola concaua vltima. Quod verò adiicitur, corporis continentis, prohibet ne superficies exterior vel conuexa primi cœli dicatur eius locus. Primum, id est, immediatum excludit substantialem partem extremam ipsius corporis, simul accipiendo superficiem concauā. Huiusmodi enim pars extrema locantis corporis, tametsi aliquando locus dicatur vulgari consuetudine, quemadmodum pera locus dicitur pecuniæ eius quæ inest, propriè tamē non dicitur locus: cum locus sit accidens & superficies. Excluditur autē huiusmodi pars corporis à definitione loci (vt dicere cœperamus) quia non est prima, id est, immediata secundum se locato, ita vt simul sit cum superficie vltima & conuexa corporis contenti. Semper enim locus qui est superficies concaua continentis, est simul cum superficie cōuexa corporis immediatè contenti: quemadmodum superficies concaua cœli Martis, & conuexa cœli Solis: rursumque superficies cōcaua cœli Solis, & conuexa cœli Veneris: atque ita in aliis. Particula primum, quoque dici potest idem quod suo locato vni, adæquatum, & ita soli proprio loco conuegit. Ex quibus patet materiam non esse locum formæ, cum materia superficies nulla sit: Imò verò formam nullum locum habere, nisi per accidens: cum per se quantitatem superficiiei (secundum quam res in loco continetur) non habeat. Formæ enim tam substantiales quàm accidentales, non sunt in loco nisi per accidens, ratione subiecti vel compositi cui insunt.

De loco proprio & communi, & loci proprietatibus. CAP. X.

Locus proprius & communis.

Dividitur autem locus in proprium & communem.
*Locus proprius alicui locato dicitur, quando cui-
 libet parti loci respondet aliquid ipsius locati.*

Ut locus igitur proprius, est extremum cœli lunaris: & vni-
 cuique rei, locus eius adæquatus, proprius est.

*Locus communis est quando aliqua partes loci sunt,
 quibus ipsius certi locati nulla pars earum respondet.*

Ut loca superficies templi, est locus cōmunis singulorum
 hominum: & concavum lunæ omnium mixtorum est locus
 communis. In comparatione tamen ad superficiē extremam
 aëris totius, quo impletur continentia templi, dicitur locus
 proprius & adæquatus, similiter & concavum lunæ, in com-
 paratione ad superficiem ignis immediatē adhærentis, dici-
 tur locus proprius ipsius ignis. Ad maiorem noticiam loci,
 eiusdēque naturæ, ponit Aristoteles proprietates quas-
 dam, quæ illi veluti per se notę convenire conceduntur, quæ
 sunt numero quatuor.

*Prima est, Locus continet id cuius, & nihil est
 ipsius rei.*

Quorum verborum hic est sensus: Locus continet locatū,
 & nil est ipsi rei locatæ, intrinsecē inhærens, neq; ut pars ne-
 que ut accidens.

*Secunda est, Primus locus, neque minor est, neque
 maior.*

Id est, locus proprius est æqualis suo locato, quantum ad
 superficiem convexam ipsius corporis loco contenti.

*Tertia est, Locus non relinquitur ab vnoquoque, &
 separabilis est.*

Id est, locus nunquā omni locato priuatur, ita ut sine cor-
 pore contento maneat: & est à locato suo separabilis, ita ut
 successivē alia & alia corpora contineat.

*Quarta est, Omnis locus differentias has habet, su-
 pra inquam ac infra, & corporum vnumquodque pro-
 prios ad locos suapte natura fertur, sursum aut deor-
 sum pergendo, & in eisdem manet.*

Id

Id est, omnis locus est sursum aut deorsum: & omnia corpora generabilia & corruptibilia (cœli enim non mouentur nisi circulariter) ad suum proprium locum naturalem sursum aut deorsum moueri nata sunt, & in eisdem quiescere, & conseruari.

De loco naturali & violento.

CAP. XI.

Locus autem naturalis dicitur alicui, qui à natura rei est *Locus naturalis* determinatus & assignatus, in quo bene est ei, & conseruatus *& violentus* uari natus est, ad quem proinde naturali desiderio semper *lentos.* sollicitat, ita ut quoties extra eum esse contingat, violente quiescat. Sic igni locus naturalis est, sub cœli immediato concavo: aëri, sub igne: aquæ, sub aëre: terræ, sub aqua. Naturali enim dispositione atque ordinatione, id quod est omnium leuissimum, summum sibi vendicat locum: quemadmodum id quod est grauissimum, locum requirit omnium infimum. Mixtis verò corporibus, locus est naturalis, secundum conditionem eius elementi quod dominatur in eorum complexionibus. Locus autem violentus est, in quo rei non est bene, & à quo dum potest, recedere nititur.

Quare res suum appetant locum naturalem, & qua sit huius desiderij causa.

CAP. XII.

Volentes autem quænam causa sit motus huius rerum *Questio de naturalium* ad sua naturalia loca perquirere, de terra *naturali de* quæstionem proponimus, ob quid, siue cuius commodi aut *desiderio rerum* utilitatis gratia, extra locum naturalem posita, deorsum *naturalium* finet, & non impedita semper cadat. Et quidem si de parti- *ad sua loca* bus terræ loquimur, satis constat, illis esse melius in totius *naturalia.* terræ globo, quàm in aëre aut sub luna. Verùm respicientes totum globum terræ, quærimus, in quo malè erit toti terræ, si poni intelligatur in aëre, non super neque intra aquas. An ab aquis aliquid suscipit terra quo melius seruetur? Quod est igitur hoc desiderium, ut desideret tota terra aërem relinquere, & ad aquas pergere, cum nihil videatur aquæ illi donare unde seruetur, præ aëre in quo ipsum suspensum imaginamur? Hanc autem quæstionem (omissis diuersis diuersorum sententiis, quas super hac re sunt commentati) ita nos dissoluendam putamus, dicentes totum vniuersum ab optimo ordinatissimoque conditore fuisse conditum sub certo numero, pondere & mensura, in quo omnia creaturæ quasi vestigium in se ferunt benedictæ summxque trinitatis

atque in his sicut creata sunt, ita in eisdem conseruari atque gubernari. Quoniam igitur dixit igni, vt sub luna acciperet primum locum: aëri secundum dedit, tertium aquæ, quartum terræ: quoniam dixit piscibus vt in aquis locum sumerēt, volatilia iussit eleuari altius in aëre: metallicis quoniam terræ viscera deputauit, oleum super aquam posuit: ex hoc dei mādato formæ rerum (quæ operatrices sæpius dictæ sunt omnium operationum rebus conuenientium) incessanti conatu ad hoc tendunt, vt illic res sint, vbi à deo creatore suo locum acceperunt: non tam ratione sui commodi, quàm ratione diuini præcepti aut constituti perficiendi. Sicut enim voluntarius homo voluntariè mouet se ad dei implendum mandatum: ita res naturales à suis formis per deum aguntur naturaliter, ad implendam sanctissimam ipsius voluntatem.

Psal. 118. Omnia siquidem ingenuo conatu seruiunt & obediunt ei.

Psal. 148. Ipse præceptum eis ponit, & illa non prætereunt. Ascenden

Psal. 103. tes enim montes & descendentes in loca præstituta campi, terminum quem præposuit deus non transgrediuntur, neque conuertuntur operire terram, cuius etiam verbo congregatæ sunt, velut in vtre aquæ maris, positæ in thesauris abyssi.

Psal. 32. Igitur non est arbitrandum res naturales locum querere naturalem ob sua commoda, tanquam à locante corpore quippiam recipiant, sed ob Dei potissimum benedictam voluntatem adimplendam, illic sibi melius esse existimant, vbi deus ea magis vult locari. Qua in re vtinam naturalia agentia sequantur creaturæ rationales, vt ea semper magis exoptent, quæ sui creatoris voluntati magis sunt placita.

*Quomodo secundum quantitatem res naturales locum occupent,
& de impossibilitate penetrationis dimensionum.*

C A P. XIII.

AD loci autem perfectam considerationem exigitur, vt de occupatione quoque & repletia aliquid dicamus: quoniam loco conuenit, occupari atque repleri. Est ergo attendendum, quod sicut color rebus natura datur, vt per ipsum res existant coloratæ, vnde consequitur, vt sint etiam visibiles: ita data est rebus quantitas, vt secundum ipsam sint res quantæ primum, ex quo deinde consequitur diuisibilitas. Sicut enim quæque res quanta est, sic est diuisibilis: nempe si per se quanta, per se erit diuisibilis: si per se accidens, ratione coextensionis, per accidens erit diuisi-

diu isibilis tantum : & quod longitudine vel latitudine quantum, sic solum est diuisibile. Super hæc tamen superficies rebus conueniunt, vt contineant inuicem & contineantur: corporea quoque quantitas vel corpulentia, vt res secundum eam occupare possint atque replere. Nam & lineæ simul in se inuicem esse possunt & superficies. Quippe superficies concava continentis corporis, & superficies conuexa contenti semper sunt simul in inuicem. Sola corpulentia sic suum sibi locum occupat, vt aliam corpulentiam simul eodem in loco nequaquam admittat. Arque hoc videlicet est occupare, sic implere locum, vt simul ab alia corpulentia impleri nõ possit, nisi dum illo cedente aliud adueniat. Hoc autem si contingeret, nempe duas corpulentias simul eundem locum adæquatè replere, penetrationem diceremus fieri dimensionum, dimensionum (inquam) corporearum, quam sic abhorret natura, & damnant Philosophi, æque constanter atque vacui positionem. In utroque enim horum peccatum in naturam admittit, qui vel vacui vacuitatem, vel penetrationem dimensionum corporearum quomodocunque constituit. Vtrunque siquidem extremum falsum est, & secundum naturam impossibile. Media autem veritas est, omnem locum ab aliqua corpulentia occupari, vt nihil sit vacuum: & eadem cedente vel expulsa succedere aliam, vt non habeatur corporearum penetratio dimensionum. Cæterum, de dimensionibus longitudinis & latitudinis, uti iam diximus, nullum est inconueniens, eas simul esse, aut se penetrare.

Quomodo in loco esse intelligantur, quæ quantitatem non habent.

C A P. X I I I.

Quomodo igitur in loco sunt, quæ tactui patent, clarum omnibus. Ea verò quæ non sunt quantæ, quomodo in loco esse possint, aut debeant, intellectu videtur difficilior: præcipue quòd dixerimus in hoc datam esse rebus quantitatem, vt locum occupent, & contineantur à loco. Quæ in re est aduertendum, tribus modis aliqua esse in loco. Primo quidem, vt circumscribente, ad eum modum quò cælum inferius est in superficie concava superioris cœli, & quælibet res corporalis à suo loco circumscribitur, quia eius una pars huic parti, altera alteri responderet. Secundo definitiue, quando res loco non circumscribitur, ita vt diuersæ partes locati diuersis partibus loci respondeant, secundum tamen

*Penetratio
dimensionum
et vacuum
æquè sunt
impossibi-
lia.*

*Tribus modis
res sunt
in loco.*

tamen certum quendam terminum in eo includitur, vt non sit extra ipsum. Sic anima rationalis est definitiue in corpore, & angeli in loco. Vno tamen gradu superant Angeli animam rationalem: quoniam anima non longiorem habet locum, quàm sit ipsius corporis quantitas. Angelus verò longiorem & ampliorem, quàm etiam corpus quod interdum assumit. Tertio autè modo longè diuerso à prioribus, Deus est in loco, non vtique circumscrip- tus iuxta partium dimensionem correspondentium. Non definitus etiam neque certis conclusus limitibus, sed superexcedenter: quia cum omne locum repleat, nō tamen suo loco coangustatur, sed in infinitum pertransit immensus. In primo gradu sunt primum omnia corpora, & deinde omnia accidentia corporalia, quæ sunt materiæ coëxtensa: imo & formæ substantiales omnes, præter rationalem animam, quæ sola non coëxtenditur materiæ. Sicut autem dicitur anima rationalis esse in corpore, quia ipsum viuificat (ita vt in arefacto membro non sit vt in loco, quod nō viuificat) sic dicuntur substantiæ spirituales non quâtitate corporea esse in loco, sed magis secū- dum virtutem & potestatem. Quousque enim earum virtus funditur & efficacia, eatenus locus eis est assignandus. Et quæ sic sunt in loco, potius continere quàm contineri sunt dicenda. Illa autem quæ primo modo contineri simpliciter loco, non ipsum continere dicuntur. Atque hinc est, quòd Deus omnipotens cum in omnibus existat, nullo tamen continetur, sed magis ipse continet omnia omnibus inexistent: vt verum sit & indubitatum quod per prophetam dicitur, Cælum & terram ego impleo, dicit Dominus omnipotens.

De occupatione & repletia, & de varijs replendi modis.

C A P V T X V.

OMne autem quod occupat, occupando replet. At non contrà fit versio. Multa enim felicissime replent, quæ non occupant. Spiritualia enim & non quanta replent sua loca, sed non occupant: quoniam alia non excludunt, nec ipsa quidem corpora. Replere enim occupando, imperfectissimus est replendi modus. Quæ res vt clarius intelligatur, ponendi sunt aliquot repletium modi. Primus est corporum, quæ corpulenta sunt, & locum quem replent, simul ab alio non permittunt repleri. Et hæc quia occupando quodammodo impediunt pleniorē repletiam, dum alia non admittit

admittunt, idcirco imperfectè replent. Secundus est gradus eorum quæ per se quanta non sunt, sed per accidens sunt coextensa quantitati. Vt formæ corporales, & accidentia cætera corporalia. Horum cum sint plurima simul, constat ipsa felicius quàm priora replere, quoniam se mutuo nõ impediunt, nec obstat alterum alteri. Tertius modus est, quo anima rationalis replet materiam vel corpus proprium, dum in ipso est. Quæ profectò excellentius replet aliis formis, quoniam singulas corporis partes tota replet. Cæteræ verò habent partes suas partibus corporis respondentes. Quartus gradus est animæ separatæ & spiritualium substantiarum, quæ positam excedunt animam in corpore, eò quòd sit quodammodo quanta, quanvis non coextensa corpori. Nam finitur eius vis & repletia, quantitate corporis in quo hospitatur. Non sic est dum separata per se existit, neque in spiritibus, qui nullos terminos secum deferunt. Quoniam tamen horum repletia alicubi finem capit, nimirum ubi definit præsentia virtutis eorum, ideo non optime replent. Supremus gradus est eius quod replet absque termino, & proprio, & alieno, cuius virtus non potest usquam aliquando finem capere, cuius tota virtus similiter toti præsto est loco, & singulis partibus: quod proinde summe replet, & omnia replet intimè, atque penitissimè, ut nihil non contineat in sese, imò verò ut ipsum semper contineat & concludat in se omnia, & à nullo concludatur. Ipsum est vnicum ens, summum primum bonum, Deus verus & vnus, cui est honor soli & omnis gloria nunc, in æternum & ultra. Amen.

De vacuo, & eius descriptione.

C A P. XVI.

Post loci autem considerationem congruo ordine subiungi debet vacui determinatio. Est enim vacuum loco oppositum, & oppositorum semper rectè iuxta ponitur determinatio. Vacuum ergo antiqui variis modis assignabant. Quidam arbitrati sunt, extra cælum esse quoddam infinitum vacuum. Alij dixerunt vacuum corporibus immersum, propter augmentationem seruandam & diminutionem. Prima, rudis est opinio. Secunda, in iis quæ de generatione conscribemus (si sic erit voluntas domini) refelletur. Secundum autem veritatem, omnino nullum debet poni vacuum. Proinde definitionem non habet, qua rei natura explicaretur.

Tota hæc materia vacui ab Aristotele tractatur diligenter 4. libro Physicorū. D finitio vacui.

tur. Quod enim neque est, neque esse potest, definiri nequit, tali vtrique definitione, quæ rei explicaret naturam. Cæterum, nominis definitione vel interpretatione, sic definitur:

Vacuum est locus si corpore careat.

Id est, vacuum dicitur superficies concava, nullum corpus continens aut in se concludens. Vt si concavo Lunæ permanente, Deus destruat omnem substantiam elementorum, ad nihilum redigendo, esset concavum Lunæ vacuum: & per aliam siue aliud quodlibet continens, si non impleteret eius continentiam aer neque aliud quippiam, sed intelligatur prorsus nihil in illa superficie contineri, esset locus eiusmodi vacuum. In præcedente autem definitione, cum vacuum dicitur locus corpore privatus, aduertendum est, locum non accipi proprie. Nam sic falsum esset vacuum esse locum, cum sit vacui & loci propriè accepti repugnantia: sed locus pro superficie ipsa qualibet concava accipitur, qui potens est per suam continentiam locare aliquid, etiam si actu nullum habeat locatum. Quomodo enim locum intelligimus superficiem continentem: ita vacuum, superficiem continere potentem, id est, concavam, sed nihil actu continentem, intelligimus.

Vacuum iuxta naturam non posse existere, pluribus probatur experientijs.

C A P. XVII.

Q Vanquam autem vulgato sermone, loca vel vasa dicere soleant homines vacua, in quibus tantum aer inest aut ventus, nullum tamen secundum veritatem potest in natura vacuum inueniri. Nullus est enim quantumlibet parvus locus, qui corpore careat contento. Atque ad hoc vniuersæ creaturæ naturaliter laborant, etiam cum suæ propriæ naturæ quodam dispendio, atque velut nocumento, ut nullo modo permittant vacuum fieri: facientes, & quæ contra naturam propriam videntur sponte sua, & quæ secundum naturam sunt propriam, dimittentes. Nam ad impediendum vacuum, leuia deorsum mouentur. Vt dum foditur puteus profundissimus, etiam vsque ad terræ medium, sequitur aer, ut impediat vacui positionem. Aquam insuper contingit, prædicta ratione, sursum ascendere, & deorsum nihil impeditam non descendere, a fluxu cessare, omni etiam remoto obstaculo. Ad probandum autem quod natura abhorreat positionem

fritionem vacui, plura adduci possunt experimenta. Primum enim, aqua in vase non congelabitur, etiam in frigidissimo loco si sit ita obstructum, ut nullus omnino posset aer ingredi: quod si cogatur congelari, vas dirumpetur. Si enim fieret congelatio, & nullus ingrederetur aer, oporteret esse vacuū: quoniam in congelatione constringitur aqua, & aliquid loci prioris necesse est ipsam relinquere, quem oportet suppleri per aduentum aeris. Loquimur autem de vase pleno aqua. Nam ubi aliquid aeris est, poterit aer propter vacui impeditionem subtilior effici atque rarefcere, ut modica fiat aquæ congelatio sine nocumento vitri. Rursum, sume clepsydram qua irrigatur hortus, si supraponas pollicem illi foramini quod in summo est, non egredietur aqua, nisi forte modicissime per maiora subtus foramina, ut simul possit aliquid aeris introire. Iterum sume vas plenissimum vino, aqua, oleo, obstructum penitus desuper, nō fluit liquor etiam patefacto transitu, nisi desuper aëri aditus itidem præbeatur. Præterea, in fontibus idipsum perspicuum est, in quibus continuo fluxu aqua sursum agitur, ne vacuum alicubi in canalibus relinquatur: quod ad oculum clarissime patet, si duo stramina perpendiculariter cōiungantur. Sic enim plerunque & supradomorum fastigia scandit aqua, ne vacui hiatus aeris attractu, non subsequente aqua, contingat euenire. Quæ etiā parent in attractu vini per stramineū culmum, absque quo nec duplo fortiore tractu quicquam cōsequeretur. Postremò foliis undique conclusus non poterit lateribus distendi, quantumvis labores illum efficere, nisi distrumpatur, ut habeat aer ingressum. Igitur certissimum est experiētiis, vacuum naturaliter non posse existere: quoniam sic vniuersa rerum natura abhorret à vacuo, atque præcauet, ut graua sursum, leuia deorsum moueantur: ut nō sit vsquam vel minimus hiatus, aut discontinuitas vniuersi.

Quod motus isti qui contra naturam videntur, sint secundum naturam.

CAP.

XV. III.

IN quo contuendus est ordo vniuersæ creaturæ pulcherrimus, & mira atque benignissima Dei circa creaturarum impulsus dispensatio. Deus siquidem optimus naturæ institutor, & prouidissimus director, sicuti rebus singulis instinctus donauit particulares, quibus singula creatura suas perfectiones peculiariter sibi conuenientibus motibus quærunt,

quærent, atque congruis operationibus operantur: ita vnum dedit omnibus desiderium, ut super omnia totius vniuersi quærant perfectionem, idque (si opus erit) etiam suo detrimento: ob quam naturalem inclinationem aperte videmus & ærem naturaliter descendere, & aquam sursum scandere, eamque nullo impedimento detentam, tamen permanere sursum. Quæ omnia à formis rerum naturalibus secundum illam generalem inclinationem fieri naturaliter creduntur. Quamquam enim motus ille grauium sursum, & leuium deorsum repugnet materiæ & formæ rerum, secundum suas particulares inclinationes quas habent, conueniens tamen est naturæ & formæ, propter vacui impeditionem, secundum generalem, quam habent ad perfectionem totius vniuersi inclinationem. Vnde si ab his motibus detinerentur, grauia deorsum violenter permanerent, & leuia sursum. Generalis quippe inclinatio & vniuersalis, non im-

Nota attende.

Luca 22.

Matth. 26,

merito præponderat particulari inclinationi. Quem conatum si homo velit intueri, non suam quæret voluntatem supremæ vnquam, imò nec superiori vlli voluntati antepone-
re: fietque ut facile dicat (iuxta Saluatoris exemplum) Non mea voluntas, sed tua fiat: non quod ego volo, nec quod mihi bonum videtur, ac placitum, sed quod tu ordinator & legislator domine Deus noster decreueris, id super omnia volo ego quoque habere placitum & gratum.

De tempore, & eius definitione.

CAP. XIX.

Absoluta nunc motus, infiniti, loci, atque vacui determinatione, superest postremo loco, ut de tempore suo ordine pertractemus, eiusque naturam, quantum poterimus, explicemus. Tempus itaque definit Aristoteles hoc modo:

*Definitio
Aristote-
lis temporis.*

Tempus est numerus motus per ipsum prius posteriusve.

Quibus verbis signatur tempus esse quantitatem continuam, & mensuram, qua motus numeratur, id est, mensuratur secundum partes successionis. Mensuramus enim motus durationem, dum dicimus cum tot horis, vel annis, vel mensibus, vel seculis durasse. Nam motus quantus per se non est, neque continuus, nisi ratione temporis.

Quan

Quamquam autem motus duplices habeat partes, scilicet secundum extensionem mobilis, & secundum successionem: solæ tamen illæ quæ sumuntur secundum prius & posterius, mensurantur tempore, non illæ quæ secundum extensionem subiectam accipiuntur. nam hæc potius secundum extensionem permanentis quantitatis mensurantur. Atque ideo dicitur tempus numerare vel mensurare motum, secundum partes non quaslibet, sed eas quæ sumuntur secundum prius atque posterius: hoc est, secundum successionem, non secundum extensionem. Et notandum, cum dicitur ab Aristotele, tempus esse numerum: non debere numerum accipi pro quantitate discreta propria significatione (tempus enim est continua quantitas) sed pro numero numerato. Quemadmodum cum numerantur duodecim tribus Israël, secundum duodecim Patriarchas, ipsi duodecim Patriarchæ sunt quidem numerus, id est, numerus numeratus, numeratus (inquam) vero numero, qui est quantitas discreta. Numerus enim sunt, quatenus secundum eos numerantur duodecim tribus ab ipsis progenitæ, dicendo, tribus Iuda, tribus Levi, tribus Isachar, & ita deinceps. Sed numeratus numerus sunt: quia numero verè & propriè dicto (id est, duodenario) numerantur.

Quomodo unum est tempus, quo mensurantur omnia temporalia.

CAP. XX.

QUOD autem dicitur, tempus mensurare motum secundum partes successionis, primariò respicit motum primi mobilis: cuius solius est mensura intrinseca, & adæquata mensurato. Omnes verò reliqui motus in tempore fiunt, & tempore mensurantur, ut mensura extrinseca & excedente. Unum siquidem est tempus, quo mensurantur omnia temporalia extrinsece, per applicationem eius scilicet ad motum, vel rem temporalem. Quemadmodum (declarationis gratia) quantitas quæ in una est, solim ipsam unam intrinsece mensurat: omnia verò reliqua, per applicationem mensuræ extrinsece. Ita tempus (quod cõsequitur motum primi mobilis, & summi & regularissimi, & vniuersalissimi) est mensura intrinseca illius motus, quoniam in ipso est, & ipsi motui æquatur: ita ut principium temporis simul fuerit cum principio motus, & finis vnius sit futurus cum fine alterius, & duratio atque cõtinuatio motus cum temporis continuatione atque duratione. Cætè

*Sententia
Aristo. in
fine 4. lib.
Physicorũ.*

ra verò omnia mensurantur per applicationem ad hunc primum motum, non quidem realem, sed per hoc quod anima applicat motus inferiores ad illum primum motum.

An essentiale sit hoc tempori, quod mensura est primi mobilis.

CAP. XXI.

NOtandum verò, non esse hoc tempori essentiale, ut huius sit primi mobilis, quod nunc est primum mobile. Si enim deus faceret aliud cœlum mobile vniuersalius atque mēsuram generaliorē, aut aliud mobile prius isto cœlo quod nunc est primum mobile, iam tempus non esset amplius in hoc cœlo quod nunc est primum mobile, sed numerus illius alterius primi motus esset tempus: & cuius ante erat tempus mensura intrinseca, iam fieret mensura extrinseca. Tempus enim vocamus mensuram primam & vniuersalissimam, & accipimus secundum motum primum & vniuersalissimum. Vnumquodque enim mēsuratur primo sui generis. Ex quo vltius consequi videtur, si nullum aliud esset mobile nisi rota figuli, iam mēsuram motus illius fore tempus, ita verè sicut nunc tempus dicitur esse primi cœli moti. Esset enim (illa facta hypothēsi) primi motus numerus, quo oporteret omnia mēsurari. Item quod ante motum cœli fuit tempus, in mutatione angelicarum cogitationū & volitionum, prout secundum prius & posterius sumuntur: nō secundum eas quæ simul erant, in diuersis, vel in eodem. Concluditur præterea, quod quemlibet motum consequitur aliqua mensura temporis, & quantitas successiua eiusdem generis, cuius est tempus nunc primi cœli moti. Quæ tamen omnia non dicuntur tempora. Neque enim nisi vnum dicimus tēpus; propterea quod tempus significat mensuram talem, quæ sit vniuersalis & generalis omnium motuum. Similiter quoque de æternis dicendum erit.

*De triplici mensura, tempore, æternitate, & eternitate,
& de earum differentia.*

CAP. XXII.

Triplicem verò inueniemus (partim naturali eruditione, partim diuina illuminatione) durationis mēsuram. Illud enim esse quod transmutationi nō subiaceret, neque etiam transmutationem patitur secum (cuiusmodi est solum esse Dei) est æternum, imò ipsa æternitas. Illud verò esse quod est intransmutabile secundum se, compatiens tamen transmutationem

mutationem aliquam, siue secundum locum, ut cœlestia corpora, siue secundum affectiones, ut angelicæ substantiæ, est æuiternum, id est, mensuratur æuo: quod est mensura deficiens ab æternitate, quia non est mensurati penitus immutabilis, sicut æternitas: excedens verò & superans nobilitate temporis mensuram, quoniam mensurat rem secundum id in quo est intransmutabilis: tempus verò mensurat rem secundum id in quo est mutabilis. Vnde cœli & spiritus secundum suum esse sunt æuiterni, & esse eorum mensuratur æuo: temporaliter tamen cœli mouentur, & angeli temporaliter temporalia intelligunt. Et quia tam vicinum est æuum æternitati, ideo æuiterna dicuntur quodammodo (hoc est participatione) æterna, quantum ad ea secundum quæ sunt intransmutabilia. Vnde dicuntur cœli stare in æternum, & angeli secundum cognitionem diuini verbi, in qua sunt confirmati, dicuntur viuere æternaliter, & spirituum damnatio atque ignis dicuntur æterna. Solus tamen Deus, per se ac proprie dici debet æternus. Cætera autem participatione solum æterna sunt, propriæque æuiterna nuncupanda. Insuper attendenda est in tribus his mensuris etiam ista distinctio, & quidem ut præcipua: quoniam tempus non totum simul est: sed est in continua partium successione. Aeuiteritas verò & æternitas, totæ simul sunt, nescientes successionem. In hoc tamen æuiternitatem superat æternitas, quod nec successionem aliquam compatitur secum, cum æuiternitas pariter successionem permittat. Atque hæc sanè est mensurarum distinctio atque separatio. Mensurata verò sic ab inuicem distinguuntur, quoniam temporalia principium habent & finem in tempore. Aeternum autem, nec principium nec finem sui potest habere. Aeuiternum autem, alterum habere potest, ut cœli & angeli, principium habent, finem autem non habebunt. Quare si poneretur motus fuisse ab æterno, totus quidem motus non esset temporalis, sed quælibet circulatio assignata esset temporalis. Porro de æternitate constat, non nisi vnicam esse, & ab ipso Deo non distingui mensuram: sicut nec ipsum esse diuinum quod æternitas mensurat, à Deo distinguitur. Aeuum tamen distinguitur ab æuiterno, quoniam esse creaturæ omnis, ab ipso ente distinguitur: quod de tempore in ordine ad rem temporalem etiam apertius est, atque manifestius,

Quemadmodum autem diximus, tempus esse numerum primi motus, & mobilis primi mensuram intrinsecam: ita verisimiliter dici potest, vnicum esse ævum quod primum æviternum mensurat intrinsece, scilicet primū angelum: cætera verò extrinsece, quæcunque præter ipsum æviterna sunt.

SucceSSIONEM impedire durationem, quomodo occupatio impedit repletionem. CAP. XXIII.

*Occupatio
impedit re-
pletionem.*

EX dictis liquet, successionem quæ in tempore est, & non in aliis mensuris, sic impedire durationem rei, sicut occupatio quantitatis declarata est impedire repletionem. Nam corpus, locū aliquem occupando, impedit quo minus ab alio simul repleatur, sicque impedit repletionem, corporeæ quantitati annexa occupatio. Vnde & illa quæ longius recedunt ab occupatione, magis & perfectius replent iis quæ magis sunt occupationi subdita. Lumen enim maxime replet, quoniam replendo non impedit id quod replet, quo minus ab alio pariter repleatur. Faciamus enim (declaratio- nis gratia) duos esse soles ex aduerso sibi oppositos, alterum in oriente, alterum in occidente; & alterum quidem (vt sit distinctio) luminis aurei, alterum luminis argentei æquè splendidi: nihil dubium, quin vtriusque solis lumen totum sit repleturum aërem, Vnde illa quæ longius recedunt ab occupatione, vt spirituales substantiæ, quæ nec extensionem quidem admittunt, adhuc melius replent. Vnde possunt angeli totos illos orbes cœlestes quos mouent, replere, iuxta virtutem à domino eis datam. Et Deus qui longissimè recedit ab occupatione, maximè ac felicissimè replet, iuxta illud propheticum: Cœlum & terram ego impleo, dicit dominus. Ad eundem sanè modum, illa in quibus plus est successionis, minorem habent durationem: quæ verò amplius recedunt à successione, vt omnia æviterna, magis durant temporalibus. Id verò quod in infinitum omnem successio- nem effugit atque excludit, in infinitum super omnia durabile est, totum suum esse simul habens, & totam durationem suam in æternitate præsentem tenens ac possidens, eodē modo sicut temporalia suum instans præsens habent. Vnde fit, vt Deo nihil nisi esse conueniat. Fuisse autem & fore, non in illo sunt, quanquam balbuties nostra (quæ æternitatem nequit attingere) sic de Deo vt de temporalibus subinde loqui solet, quod & alibi contingit, vbicunque de illo ma-
gnum

*Succes-
sio im-
pedit dura-
tionem.*

gnum quippiam loqui volumus. Quia enim de Deo prout volumus, propter infinitatem loqui non possumus, eiusmodi sermonibus nos est necesse de Deo loquentes uti, quos ex nostris rebus inuenire possumus. Nihil enim condignum illius magnificentiae valemus exprimere: qui est super omnia, & ante omnia inuisibilis, ineffabilis, in sua æternitate intransmutabili semper benedictus. Amen.

De temporis proprietatibus.

C A P. XXIIII.

Quemadmodum loco prius sunt quedam proprietates attributæ, ita temporis quinque subiiciuntur eius naturæ declaratiuæ: quarum prima est hæc,

Tempus quodammodo datur minimum, & quodammodo non datur.

Id est, tempora ut subiacent numero, & numerantur, dantur minima, sicut numerus minimus, ut duo tempora: non enim est numerus binario minor. secundum partes successiuas non datur minimum tempus. quantumuis enim paruo tēpore dato secundum partes proportionales (de quo prius dictum est) in infinitum est diuisibile, quemadmodum & linea quæuis. Secunda proprietas est,

Tempus dicitur multum ac paucum, longum & breue: velox autem aut tardum non dicitur.

Tempus enim ut numeratur, est paucum aut multum, ut vnum tempus, duo, tria, quatuor, quinque tempora, & ita deinceps: ut verò quantitas continua est, longum est aut breue, idque secundum successus partes, sicut quantitas continua permanens (qualia sunt linea, superficies, corpus) secundum extensas partes. Quod verò nec velox, nec tardum sit, probat Aristotel. quia nec numerus vllus, nec vlla quantitas continua talis dicitur. Sequitur tertia proprietas, hæc scilicet,

Est etiam idem tempus simul vbique.

Id est, idem tempus vniuersale, numero mensurat omnia quæ tempore mensurabilia sunt vbiūque locorum fuerint, ita ut non sit singulis suum tempus attribuendum. Quid sit tempus vniuersale, & quomodo sit mensura, prius dictum est. Sequitur quarta:

Vt motus idem ac vnus iterum atque iterum esse potest, sic & tempus idem vnumque esse potest.

Hoc est, sicut semper redit motus idem nomine cum præterito ipsius cæli, ita redit tempus idem nomine cum præterito. exempli gratia, sicut cælum nunc mouetur ex oriente in occidentem, eodem modo vt heri, ita & nunc dies est vt heri, quia nunc mouetur sol à primo puncto Cancræ, vt anno præcedente, nunc quoque ver est vt anno præterito. Similiter dicendum est de æstate, autumnno, hyeme, anno, &c. Sequitur quinta proprietas:

Non solum tempore motum, sed etiam tempus motu metimur.

Hoc est, vti duratio motus mensuratur tempore, ita & tempus motus duratione mēsuratur atque cognoscitur. exempli causa, colligimus motum cæli tam diu durasse, aut tantam cæli partem circunvolutam esse, quia vna hora transit, aut dies vnus, aut mensis, aut annus. Et ediuerso cognoscimus nos vna, duabus, aut tribus horis studuisse, quia cælum huc vel illuc vsque volutum seu motū est, aut ipse Sol. Sic de mensibus, hebdomada, anno, & quouis tempore dicendum est. Atq; ita huic libro finem imponimus, nostro more Psalmo in ipsum creatorem tendentes.

FINIT LIBER QVARTVS.

PSALMVS INFINITO, INCIRCUNSCRIPTO, ÆTERNO, & INTRANSUTABILI DOMINO.

DEUS quis similis assignabitur tibi: aut quis stabit contra te: vt conferatur tibi?

Veniat, vt stet contra tuam gloriosam magnitudinē, veniat è cælo, aut desuper cælum, de terra ascendat, aut de profundis maris.

Tu solus infinitus, incircumscrip-tus, indefinitus crederis, & confessionis labijs affirmaris.

Omne quod creasti Deus, finisti pariter: stringens proprias quibusque rebus essentias, atque operationum virtutes.

Multa quidem & magna fecisti potentissime Deus mirabilia tua: sed nihil infinitum essentia, aut virtute simile tibi.

Et quanquam benignissimus es creator omnium, attamen creatorum tuarum nullam tibi parem constituisti.

Neque vero est hoc de tua impotentia, insipientia aut malitia domine Deus: qui es sapientissimus, optimus & suauissimus.

Omnia

Omnia quaecunque voluit Deus nosse, fecit in cælo & in terra, & in maris nouissimis.

Gloriam tamen suam sibi seruauit: nec alteri totam eandem tradere aut uolet aliquando, aut poterit.

O quàm es dilectus domine: & quàm amabilis, plenitudo vniuersæ bonitatis.

Si sic pulchra sunt nobis atque suaui, quæ finita sunt, si sic nos parua miramur:

Tu qui es super oïa infinita pulchritudo, infinita gloria atq; suauitas, o quàm es super oïa mirabilis, & super cuncta desiderabilis.

Spatiosi sunt cælorum orbes, & amplè in omni dimensione sua: & quasi infinita nobis stellarum multitudo æstimatur.

Tu verò mensuras altitudinem cæli: stellarum multitudinem tu numeras.

Singulis tu nomina vocas: singulis singulas dispensasti virtutes ab initio.

Stant hæc omnia & quæ sub ipsis sunt: legem quam tu descripsisti eis conseruantia, in sollicitudine sempiterna.

Tu autem nullo conclusus loco, nec orientis initium, nec occidentis terminum admittens in infinitum pertransis immensior.

Omnem imples locum, omnibus intimus, omnibus præsentissimus, omnibus penitissimus.

Sic neque à tempore initium ut esses sumpsisti: nec finem tibi imponit temporis finis.

Super omne tempus æternitas tua, æterne Deus: omne tempus includens, sicut includitur punctulum in cæli magnitudine.

Tibi præteritum omne & futurum, præsens coram est, absque vllò fluxu, sicuti nobis adsunt sola præsentia.

Nil tibi præteritum in obliuionem veniet, fluxu durationis tuæ: neque futurum aliquid est ante te absconditum.

Quæ præterita sunt atq; futura, simul oïa nuda sunt & aperta oculis tuis, qui cõtueris abyssos, & intima terra viscera illuminas?

Ergo domine Deus, quis alius sic aptus atque conueniens, qui accipiat iudicium super filios hominum aut spirituales nequitias.

Letentur gentes, exultent pauperes, in Deo saluatore suo adueniente in iudicium pro mansuetis terra.

Non iuxta erroneam visionem oculorum arguet: neque iuxta aurium fallacem auditum indicabit iudicia.

Testis est ipse omniũ quæ facta sunt ab initio: quoniã in cunctis præsens omnia nouit, omnia cõspicit, oïa memoria firmissima tenet.

Timete gentes Deum excelsum, & in magna humilitate semper seruite illi.

Gloria patri, & filio, & spiritui sancto.

Sicut erat in principio, & nunc, & semper, & in secula seculorum, Amen.

FINIT PSALMVS.

IN LIB. V. CONSIDERATIONIS PHYSICÆ DE GENERATIONE ET CORRUPTIONE RERVM NATVRALIVM,
PRAEFATIO.

✱ ✱



DOMINVS Deus omnipotens, pater, filius, & spiritussanctus, vt multitudinem ac plenitudinem suæ maiestatis filiis hominum demonstraret, horum visibilium quædam fecit nulli obnoxia corruptioni, itémque generationis nescientia propagationem. Huiusmodi sunt cœlestia corpora & astra: quæ perpetuo stabilia per sese, generatione non multiplicantur, neque posteritatem relinquunt. Aia vero corruptioni subiecit, quæ proinde si perpetuari debeant, opus habet generatione: vt quæ in se perdurare non possunt, sempiterna multiplicatione atq; propagatione speciem suam vt minimū conseruent. Et est sanè opus hoc Dei attentè considerantibus admirabile, cum continua sit indiuiduorū corruptio, & fuerit ab initio, non defecisse tamen vsq; modo ex his speciebus aliquā, quæ ad totius vniuersi sunt complementum ab optimo conditore destinata: neq; in posterū aliquando defecturā, vsq; dum ipse iubeat, cuius verbo primū instituta sunt omnia. Rursum, inter hæc quædā simplicia elementa creauit, quædam verò, imò plurima, ex his commiscuit. Quæ omnia si sobriè fuerint cognita, quo ordine, quibûsue siât rationibus, credo non parum diuinæ magnificentiae gloriam ex eis manifestandam. Volumus ergo sequentis libri processu, de harum rerum generationibus & corruptionibus latius aliqua italium ad omnipotentis gloriam pertractare.

Quo

*Quomodo generatio & corruptio ab alijs motus speciebus
distinguantur.*

CAP. I.

Primum quidem indubitatum est, generationem & corruptionem motus esse species. Vnde ad earum plenius cognoscendam naturam, expediens fuerit ante omnia, duas has species ab alijs quæ ex æquo sub motu locantur, distinguere: augmentatione dico, diminutione, alteratione, ac loci mutatione. Itaque (omissis variis veterum sententiis) sic breuiter species motus veniunt separandæ. Quoniam generatio est, quæ nullo subiecto sensibili (hoc est, nulla completa substantia) eodem permanente ante & post, rem secundum formam substantialem nouam constituit. Vt cum ex aqua fit aer, & ex ligno ignis, nulla completa res eadem manet ante & post, sed per generationem noua res & noua acquiritur substantia, sci licet aer & ignis. Dicitur autem substantiâ completam nullam permanere eandem, ob materiam, quæ eadem penitus manet ante & post: verum ipsa non est completa substantia, sed substantia tantum potentia est, & incompleta, substantiæque pars altera magis quàm ipsa substantia. Alteratio autem propriè dicta, subiecto sensibili (quod est substantia completa) eodem permanente ante & post, rem tantum secundum qualitates variat & alterat. Nam ante & post calefactionem, idem homo permanet secundum substantiam, sed de frigore transit in calorem. Augmentatio vero & diminutio differunt à prædictis: primum quidem ex termino ad quem sunt: quoniam hæc ad quantitatem, illæ verò ad substantiam tendunt, aut qualitatem. Secundo etiam differunt ex modo transmutationis. In generatione enim & corruptione non manet eadem substantia ante & post. In augmentatione vero & diminutione, salua eadem substantia, sola variatur quantitas. In alteratione res eadem substantialiter manens, locum non necessario mutat. In augmentatione autem & diminutione, substantia eadem manens nunc maiorem, nunc minorem necessario occupat locum. De quibus omnibus sic generaliter prælibatis, per ordinem erit dicendum latius, singula particularius tractando. Colligitur ex verbis Aristot. hæc generationis definitio,

Generatio est cum totum mutatur, nec sensibile quicquam ut subiectum idem permanet.

Vel hæc.

h s

Generatio est mutatio huius totius in hoc totum, nullo sensibili subiecto permanente eodem.

Hoc est, generatio substantialis est motus, quo mediante ex vna substantia generatur alia, ita vt nulla substantia quæ prius erat, in ipso generato maneat, vt patuit in hoc eodem capite. Alteratio secundum Aristot. sic definitur,

Alteratio est quando sensibile subiectum permanens, in suis mutatur affectibus, qui aut contrarij, aut inter contrarios medij sunt.

Hoc est, alteratio proprie dicta, est motus, quo mediante substantia acquirit aut perdit qualitates tertiæ speciei, ipsa substantia integra permanente. Dicit autem Aristot. in v 11. Physicorum, alterationem solum esse inter qualitates sensibiles.

De augmentatione & diminutione proprie dictis.

CAP. II.

Tractantur ista & quæ sequuntur apud Aristot. 1. lib. de generatione. **A**ugmentatio larga significatione solet accipi, vt significet etiam eam quæ fit per appositionem solam alterius corporis, vel per subingressum intra partes alterius, etiã si id quod aduenit, non cõuertatur in substantiã eius qui additur. Sic dicitur aqua augeri per terræ commixtionem, & lana per aëris intra partes ingressum. Aliquãdo autem magis proprie dicitur augmentatio, quando id quod apponitur est eiusdem speciei, vel fit eiusdem speciei cum eo cui apponitur. Vt multum vini, per modicæ aquæ appositionem augetur: & ignis adiectione lignorum: hæ tamen non sunt propriæ augmentationes, de quibus hîc loqui intendimus. Nam secundum physicam considerationem nostro proposito conuenientem, proprie augmentatio & diminutio in solis viuentibus inuenitur, quæ alimento vtuntur: & quod sic augetur, secundum omnes partes suas similiter augetur: & quod minuitur, secundum omnes partes suas similiter minuitur. Quare homo præciso pede, non dicitur diminutus aut decreuisse hoc modo, sed potius mutilatus.

Quæ sit augmentationis causa, & eius in nutritione differentia.

CAP. III.

Est autem anima vegetatiua in vegetantibus huius augmentationis vel diminutionis principiũ, vt es pro instrumento calore naturali: qui in principio tantæ est virtutis, vt possit non solum alimentũ in substantiã vertere eius quod nutrit

nutritur vel alitur: & intertenere in priori quâtitate, sed etiâ
 potens est vt singulas partes vniformiter augmentet, maiorē
 quantitatem inducēdo. Qui tādē calor debilitatus, & quasi
 longo labore fatigatus atque contractus, satagit intertenere
 priorem quantitātē ne decidat. Postremo & ipse decrescens,
 nequit vltra substantiæ suam quantitatem intertenere: & tūc
 substantia decrescit eius defectu. Nutrire tamen non desinit,
 & alimentum vertere in substantiam, donec (ob nimiam im-
 puritatem, & nimis diutinam commistionem cum materia
 adueniente) caloris huius virtus opprimitur, & naturę virtus
 deficit, quando necesse est ipsam substantiam deficere. Omne *Dictum.*
 siquidem viuēs, quoad viuit, nutrirī oportet: augeri nō item *Aristo.*
 neque minui. Et iuxta huius caloris atque virtutis nutritiæ
 qualitatem, res vel multum, vel diu, vel parū augetur, vel mi-
 nuitur. Patet ergo ex prædictis, alimento adueniente fieri
 augmentationem, sicut & nutritionem. Differentia tamen est
 inter augmentationem & nutritionem, quoniam nutritio est
 quædam partialis generatio, nempe conuersio nutrimenti in
 substantiam nutriti, atque mutatio secundum formam sub-
 stantialem. Augmentatio autem est, sola maioris quantitatis
 acquisitio. Atque hoc ipsum voluit Aristoteles, cum diceret,
 ex eodem fieri generationem, nutritionem, & augmenta-
 tionem. Caro enim vt est caro, nutrit: quatenus verò est
 quanta, auget. Substantia enim carnis, est nutritionis materia:
 sed quantitas, augmentationis. Quatenus verò materia, nu-
 trimenti aduenientis formam priorem perdit, & formam
 substantialem secundum speciem nutriti nouam acquirit,
 partialis quædam est generatio.

Quemadmodū fiat augmentatio atq; diminutio. CAP. IIII.

Vana igitur patent eorum somnia, qui ex aliquo separa-
 to putant fieri augmentationem, aut ex incorporeo.
 Nam illud si indiuisibile fuerit & non quantum, non facit ali-
 quid maius suo aduentu. Cum indiuisibile additum indiuisi-
 bili, siue etiam diuisibili, non faciat maius illud cui accedit.
 Neque etiam per solam extensionem aut rarefactionem fie-
 ri dicēda est. Alioqui nullus videtur vsus, aut vt minimū nul-
 la necessitas, adhibendi alimenti: quod tamen in hoc in-
 dubiè sumitur, vt quod caloris actione deperditur, nutri-
 menti adhibitione restitueretur. Fit igitur augmentatio (vt
 antè dictum est) ex alimento quanto adueniente: quod est
 quidem

quidem ante nutritionem, illi quod ex ipso nutritur, & augetur dissimile: sed vegetans anima caloris ministerio assimilat illud sibi, vt fiat ex eo nutritio, & augmentatio. Sic enim fit nutritio & augmentatio ex cibo, actu quidem contrario, vt fiat actio: & potentia simili, vt fiat conuersio in nutriti substantiam. Contrariorum enim proprium est, ad inuicem agere & pati. Nec agit simile in sibi simile. Vnde fit, vt quod augetur, ex primum dissimili, & postmodum assimilato, augetur & nutriatur.

Solutur dubitatio, de modo augmentationis, atque diminutionis.

C A P. V.

Questio. Verum de ipso hoc augmentationis, ac diminutionis modo, dubitet forsitan aliquis, quonam pacto fieri possit hæc augmentatio atque diminutio, vt non admittatur neque vacui positio, neque dimensionum penetratio: quorum vtrunque est naturæ prorsus repugnans, & omnino impossibile. Nam si augmentatio (vt modò diximus) fiat per aduentum alicuius quanti, quod intra partes eius quod augetur suscipitur, in plene recipiatur, an in vacuo? Et si quidem in pleno dicatur recipi, quomodo non est ibi dimensionum penetratio? Si verò in vacuo dicas, admitti videtur positio vacui. Similiter & de diminutione quæstio formari potest, dum aufertur quantum de partibus eius quod minuitur: partes illæ decedentes, an plenum relinquant, an vacuum? Si plenum, quomodo non ergo priusquam abscederent, erat dimensionum penetratio? si verò vacuum relinquant, quomodo non admittitur vacui positio? *Solutio.* Huic verò dubitationi facile satis respondebimus, dicentes, alimentum adueniens in pleno suscipi: pleno utique, non per aliud cum quo simul penetratiue susciperetur, sed pleno ipso alimento quod suscipitur. In diminutione autem, partes quæ resoluuntur, è pleno decedunt: ex pleno utique, non alio corpore, vt sic dimensionum prius fuisse dicamus penetrationem, sed ipso quod subtrahitur. Atque hoc pacto, neq; vacui positionem, neque dimensionum penetrationem requirit prædicto modo posita augmentatio vel diminutio. Est autem similis hæc quæstio qualis fieri solet de motu locali: quo dum corpus de loco in locum fertur, quæri similiter potest, dum locum deserit, an plenum relinquat, an vacuum: & dum
in

in locum intrat, an in plenum, an in vacuum suscipiatur. Sed ex dictis facilis est solutio etiam huius quæstionis. Et quemadmodum cum in locum corpus ingreditur, partes aëris suscipientis, ad ingressum corporis abinuicem elongantur, & veluti scinduntur, rursumque egrediente corpore simul concluduntur, ne remaneat vacuum: ita in proposito, dum partes alimenti adueniunt, dicendum videtur, quod partes corporis, cui aduenit alimentum, abinuicem (licet imperceptibili modo) distenduntur, ut id quod aduenit intra se suscipiant. In diminutione autem dum resoluantur partes aliquæ, ex quæ circumiacent, mox se concludunt, & velut conuiscantur. Cuius rei veritatem probant infantum iuuenumque magis inflata, senum verò & decrepitorum contracta, & velut conuiscata corpora.

Quid sit dicendum augeri.

C A P. VI.

Illud autem dicitur augeri, quod idem manet ante & post augmentationem: non id quod post augmentationem habetur. Cibus enim adueniens, ut quantus auget. Illud verò quod antè erat, & post manet, per adiectionem partium aduenientium augetur, non hoc totum quod post augmentationem factam habebitur, cum huic toti nulla facta sit quantitatæ additio. Augetur enim, cui adiecitur maior quantitas. Cibus verò quantus, & partes cibi aduenientes corpori quod augetur, dicuntur augere: sicut in alteratione subiectum cui aduenit qualitas, dicitur alterari, & qualitas ipsa subiecto adueniens alterare. Ipsum verò aggregatum ex subiecto & qualitate, neque alterare dicitur, neque alterari.

Aristot.

Ponuntur proprietates augmentationis, & diminutionis.

C A P. VII.

EX prædictis verò colliguntur sequentes hæ proprietates, seu conditiones augmentationis.

*Conditiones
augmenta-
tionis ex A-*

Prima est, Quod augetur, augetur adueniente aliquo corporeo; & quod minuitur, minuitur aliquo subtrahito corporeo. Secunda, Quod augetur, manet idem ante & post augmentationem. Tertia, Eius quod augetur vel minuitur, qualibet pars augetur,

risot.

vel

vel minuitur. Quarta, Augmentatio, & diminutio fiunt absque positione vacui. Quinta, Augmentatio, & diminutio fiunt absque penetratione dimensionum. Sexta est, Augmentatio partim fit per additionem dissimilis, & per additionem similis.

In quarum proprietatum recta intelligentia, tota vis est augmentationis, & diminutionis collocata. Illud tamen aduertendum est, quod in tertia proprietate dicitur, id quod augetur secundum omnes suas partes augeri, intelligi debere non de omnibus partibus, etiam minimis, & imperceptibilibus, sed de partibus notabilis alicuius quantitatatis. Quemadmodum dum infans totus augmentum sumit, videmus omnia membra perceptibilia, à capite ad ungues usque, proportionabiliter augeri, nisi fortè in aliqua vsquam parte praua sit dispositio, particularem membri illius augmentationem impediens. Hac enim ratione fieri poterit, ut non æqualis fiat partium augmentatio. Vnde fieri nonnunquam videmus, ut manus habeant aliqui non æqualis longitudinis, aut pedibus inæqualibus claudicent (etiam qui à natiuitate æqualia crura acceperant) eò quod in corporis augmentatione pars altera prauè disposita nō potuerit cum membris cæteris iustam accipere augmentationem.

De quatuor modis se tangentium.

C A P. VIII.

Ex Arist. plures modi tangendi. **Q**uoniam autem generatio & corruptio non fiunt sine actione, & passione: agens vero & patiens ut agant & patiantur se debent tangere, idcirco de his quoque nobis erit dicendum. Tangentium autem plures sunt modi. Vnus, eorum qui habent diuersas magnitudines, & diuersis locis sitas, quarum vltima simul sunt, sed non agunt, neque patiuntur, neutrum ab alio. Et secundum hunc modum tangunt se cœlestia corpora, nec in se inuicem agentia, nec ab inuicem patientia. Verum proposito modus iste non conuenit: cum generationi atque corruptioni nihil conducatur. Alius modus est eorum, quæ habent diuersas magnitudines contiguas, & agit quidem alterum in alterum, sed non est actio mutua passi in agens. Atque hoc modo se tangunt cœlū Lunæ, & orbis ignis. Agit enim & influit cœlum

cœlum Lunæ in sphaeram ignis: sed non e contrario, cum nō sint cœlestia corpora vilius impressionis ab his inferioribus susceptiua. Tertius modus est, eorum quæ habent diuersas magnitudines contiguas, inter quæ etiam mutua est actio: vt ignis, & ær. Estque hic modus omnium propriissimus, & maxime Physicus, generationi quoque, corruptioni, & alterationi accommodatissimus. Quartus modus est, quando agens & passum vel non habent magnitudines, vel non coniunctas seu contiguas, virtus tamen agentis in passum transit. Sic Sol agit & tangit virtuali contactu hæc infima in quæ agit: & corpus tangit animam: & molestia seu tristitia dicitur tangere hominem. Et hic modus sufficit ad actionem, tamen si rarius sit in huiusmodi mutua actio. Quod igitur dici solet, Omne agens in agendo repatur: non habet veritatem, nisi in iis quæ tertio modo (contactu scilicet Physico) mutua actione, & contrarietate agunt & patiuntur adinuicem. Et est aduertendum, quod illa quæ in materia communicant, adinuicem agunt & patiuntur, id est, quæ materiam habent similiter susceptiuam actionis, vel impressionis ab agente, hæc nata sunt ab inuicem pati. Quippè materia est passionis principium, sicut forma actionis. Illa verò quæ materiam vel omnino non habent, vt spirituales substantiæ, vel non habent susceptiuam impressionum extrinsecarum, vt sunt cœlestia corpora respectu inferiorum, in his non inuenitur mutua actio & passio. Formæ enim cœlestium corporum, utpote perfectissimæ in agendo, suam materiam in qua insunt, sic perficiunt, solidissimisque qualitatibus stabilunt, vt alienarum impressionum non sit vlllo pacto susceptiua. Alienarum dicimus, hoc est, inferiorum. Nam verissimile est, cœlum supremum & immobile influere in omnes inferiores cœlorum orbēs.

Quomodo agens aliquo modo simile debet esse passio, & aliquo modo dissimile.

C A P. IX.

Illud autem quod ad actionem est aduertendum, omnino simile non posse agere in sibi omnino simile. Aqua enim calida, non potest agere aliquid in lapidem penitus eiusdem caloris: sed si sit minus calidus quam aqua, calefiet adhuc ab ea: sin magis, tepesiet ab ea, donec assimiletur caliditati eius. Rursum omnino dissimile non potest agere in omnino

Pulchre hæc omnia Aristot.

sibi

sibi diffimile: quemadmodum in cœlestia hæc inferiora propter omnimodam dissimilitudinem agere nequeunt. Idcirco homo in brutum, docendo nō potest agere, quia brutum non est, nec in potentia simili homini, secundum disciplinam atque scientiam. Ad agendum enim & patiendum hanc oportet inter agens & patiens esse similitudinem, ut tale sit patiens in potentia, quale est agēs in actu. Omne enim agens in agendo assimilatur sibi passum, ut tale fiat ipsum patiens, quale actu est ipsum quod agit. Idque vel formaliter, vel secundum virtutem. Sol enim calefaciendo non sibi calefactum in caloris forma assimilatur, quam non habet: sed assimilatur sibi calefactum, ipsi imprimendo id cuius virtutem effectiuam in se habet. Quanquam enim Sol in se formaliter calorem non habeat, id est, accidentariam illam qualitatem quæ dicitur calor (cum sit vna primarum qualitatum, quarum cœlestia nullo pacto sunt susceptibilia) est tamen calidus secundum virtutem, quatenus in se virtutem habet & efficaciam producendi in inferioribus calorem, quomodo etiam aromaticæ species multæ secundum virtutem tantum calidæ nominantur.

De quatuor elementis, & actione eorum adinuicem.

CAP. X.

Restat nunc, ut de mutua actione elementorum specialius differamus. Pro cuius intelligentia primum est advertendum quædam esse corporalia simplicia, quædam verò ex simplicibus commixta, de quibus dicitur posterius. Nunc autem de simplicibus primum dicendum.

Corpus simplex.

Sunt autem corpora simplicia, quæ non componuntur ex aliis prioribus, aut simplicioribus corporibus: quanquam habent materiam, & formam, partes ipsa constituentes.

Horum sunt quædam ingenerabilia & incorruptibilia, eò quod qualitatum actiuarum non sint susceptiva, ut cœlestia corpora. Alia sunt generatione, & corruptione, & alteratione transmutabilia. Hæc sunt nimirum quatuor elementa, quæ cum ex nullis simplicioribus componentur, ex ipsis tamen componuntur omnia cætera, quæ in his inferioribus mundi partibus gignuntur, idque per
mutuam

mutuam actionem & passionem eorum adinuicem. Principium autem huius actionis & passionis est à quatuor qualitatibus tangibilibus, à quibus est omnis actio corporalis: quæ proinde qualitates primæ solent nominari.

Quæ sunt calor, frigus, humiditas, & siccitas.

Sunt autem aliæ tangibiles qualitates, quæ actiuæ non sunt: grossum subtile, durum molle, lubricum aridum: hæ enim sunt secundæ qualitates, tangibiles quidem, sed per se non actiuæ, quanquam ad actionem aut passionem possint esse bonæ dispositiones. Secundæ autem qualitates recte hæ dicuntur: quia ad primas illas quatuor possunt reduci: ut subtile ad humidum, & grossum ad siccum. Idque propterea, quod sicut humidum est bene repletium, ita etiam subtile: & sicut siccum minus, ita & grossum. Similiter de lubrico & arido dici potest.

De quatuor combinationibus primarum qualitatum, & distinctione elementorum.

C A P. XI.

EX his igitur qualitatibus omnis procedit actionis, omnisque generationis & corruptionis initium. Sunt enim ad inuicem contrariæ hæ qualitates, & cōtinua pugna res in interitum cogunt atque deducunt, nouæque generari faciunt. Et iuxta combinationes, quatuor innuuntur elementa. Caliditas siquidē & siccitas, igni: humiditas & calor, æri: aquæ, frigidum & humidum: terræ denique, siccum & frigidum conueniunt. Reliquas verò duas cōbinationes, (scilicet calidum & frigidum, humidum & siccum) quoniam impossibiles sunt, ob contrarietatem, constat non constituere aliud à prædictis elementum. Ex vna autem sola qualitate, non sumitur aliquod elementum. Vnumquodque enim elementum duas habet qualitatum harum primarum & actiuarum, atque earundē alteram in excellentia, alteram in mediocritate temperatam. Quippe ignis summe calidus est & temperate siccus, terra summe sicca & temperate frigida, aqua summe frigida & temperate humida, ær summe humidus & temperate calidus: quanquam id sensus non ita indicat, neque experitur. Propter enim influxus certos cœlestium corporum, & propter aptam habitationem animalium, sicut est aqua non suo naturali loco relicta in quo erat ab initio condita, ita & ær non est in sua naturali dispositione relictus. Non

*Respondet
ista libro 2.
Aristo. de
gener.*

enim conueniret in tanta humiditate hominis respirationi, propter quem claret facta esse & elementa, & mixta omnia. Attamen præter rationē, etiā experientia fluxus aëris satis testatur, quod diximus de humiditatis in aëre præcellētia (quā tum ad naturā eius attinet) verū esse & indubitātū: quoniam multo se facilius aër diffundit & spargit, quā aqua, & magis replet: quæ duo humiditati posterius appropriari dicemus. Relinquitur ergo, non nisi quatuor esse elementa.

De elementis symbolizantibus, & non symbolizantibus. CAP. XII.

INter hæc elementa, quædam adinuicem communicant in altera qualitatū: ut ignis, & aër in calore, quem habet ignis summe, & aër moderate: ignis & terra, in sicco: aër & aqua, in humido: aqua & terra, in frigido. Et hæc elemēta vocantur Græca appellatione symbolizantia, id est, communicantia, seu ad inuicem conuenientia. Quædam secundum vtranque qualitatū contrariantur: ut ignis & aqua, aër, & terra. Igni enim calor & siccitas: aquæ frigidum, & humidum conueniunt. Iterum aëri calidum & humidum: terræ, frigidum & siccum appropriata sunt. hæc sunt quæ non symbolizant, id est, in nulla qualitate communicant siue conueniunt. De his autem quæ symbolizant, dicit Aristoteles, faciliorem esse transitum ab vno in alterum, quā in non symbolizantibus. Ut facilius est ex igne aërem fieri, quā aquam. Solo enim humido superante fit aër. Cita etiam & facilis est generatio aquæ ex aëre, cum solo frigido superante calidum gignatur aqua. In altera enim qualitate erat conuenientia. At verò ut ex igne fiat aqua, oportet & calidum vinci à frigido, & siccum ab humido. In vtraque enim qualitate est contrarietas.

De proportionē qualitatū primarum & elementorum adinuicem. CAP. XIII.

EX his quatuor qualitatibus sunt duæ maximè actiue, caliditas, atque frigiditas: propter quod, ignis & aqua (in quibus hæc qualitates dominantur) elementa sunt præ cæteris magis actiua. In virtute autem resistendi, minus etiā cæteris (siccitate dico & humiditate) valent. Vnde aër & terra maiorem habent resistendi virtutem, quā ignis & aqua. Quomodo enim hæc in agendo atque pugnando præcellunt, sic illa in resistendo. Et est profecto admirab

rabilis hæc harmonia, à naturæ conditore Deo ordinatissime disposita, ut quæ magis sunt actiua, minus resistant, citiusque patiantur: quæ verò minus agunt, magis resistant, neque ita facile patiantur. Alioqui subito oporteret totum vniuersum à ignis sphaera absorberi, si sic inferiora haberet cætera elementa in resistendo, quemadmodum in agendo ea superat & excellit. Sed & illud operæ precium fuerit in hac elementorum differentia considerare, quod superius semper excedit quantitate proximum sibi inferius elementum, proportionem decupla: ita ut infimi elementi à supremo secundum magnitudinem distantia sit secundum proportionem millecupla. Ignis enim sphaera, quæ sub Lunæ cœcauo à Philosophis ponitur immediata, milies maior est globo terræ. Nam ex vno pugillo terræ, decem fiunt pugilli aquæ, ex vno vero pugillo aquæ, decem æris: ex vno autem pugillo æris, decem ignis. Ex vno ergo terræ pugillo, constat per multiplicationem arithmeticam, fieri mille pugillos ignis, centum æris, decem aquæ; tametsi non plus materiæ habeat tantus ignis sub millecupla quantitate, quàm tantilla terra sub simplici quantitate. Horum simplicium corporum seu elementorum conditiones ponit sex Aristot. Prima est,

Vnumquodque elementum inuenitur non simplex, sed mixtum, & licet sit quale simplex, non tamen est illi idem.

Cuius causa ex prius dictis patet. non enim hominis naturæ elementum omnino simplex conuenit, cui omnia tamen sunt creata. Secunda est,

Ignis est summe calidus, ut glacies summe frigida, atque ob id ex hisce sic sumptis nil generari potest.

Ratio est, quia generatio mixti non fit, nisi contrariis qualitibus primis ad concordiam quandam & cōtemperamentum reductis. Tertia est,

Duorum elementorum locus est sursum, & duorum deorsum.

Ær enim & ignis sursum sunt: aqua verò & terra deorsum. Quarta,

Duo elementa extrema, sunt simpliciora medijs elementis. Quinta est,

Vti ignis iuxta vtrâque qualitatem aquæ aduersatur, ita & aër terra.

Istud qualitatum primarum combinatione patet. Sequitur sexta:

Elementorum vnumquodque habet tantum vnam primam qualitatem in summo, & alteram citra summum.

Ignis in summo habet calorē, & citra summū siccitatem: aër humiditatem in summo, & citra caliditatem: aqua frigiditatem in summo, & humiditatem minus: terra siccitatem excellenter, frigus verò minimè excellenter.

De mixtis corporibus & mixtione. CAP. XIII.

EX his quatuor simplicibus elementis, diuersæ confurgunt rerum species, iuxta varias horum simplicium elementorum ad inuicem commixtiones. Quicquid enim inter corpora, non est vel cælum, vel elementum, est ex elementis mixtum. De mixtione igitur & his quæ miscētur, id est, mixtibilibus & quæ per mixtionem generantur (quæ mixta vocari solēt) erit dicendum, si plena debeat haberi generationum cognitio.

Mixtio itaque est, mixtibilium alteratorum & contemperantium vnio.

Hec de mixtione tradit Ari. 2. li. de gener.

Quando enim elementa (quæ mixtibilia dicimus) alterata & contemperata, ad mediocritatem & certam proportionem mutua actione & passione redacta, concurrunt simul ad vnius alicuius corporis compositionem, mixtio fieri dicitur, propriè accepto vocabulo. Non ignoramus tamen aliquando vocabulum mixtionis impropriè accipi, vt dicantur commisceri aliqua, quorum tamen vtrunque suam speciem seruat, vt aër commiscetur terræ, vel lanæ, vel aqua panis, quando intra partes eius subintrat per poros. Aliquanto etiam magis propriè dicitur aqua vino misceri, quādo aqua infunditur vino, & vertitur vinum in aquæ speciem. Neque tamen hæc propriè mixtio est dicenda. Si quidem in mixtione necesse est mixtibilia esse æqualis virtutis, vt redigantur ad contemperamentum medium, nec debet vnum mixtibilium penitus dominari. Si enim in hominis mixtione totaliter ignis dominaretur, iam oporteret alia elementa in ignem

ignem verti. Agens enim habens dominium supra passum, si bi ipsum assimilât: sicque nihil aliud quàm ignis esset totus homo. Ad hæc oportet in mixtione qualibet partem ipsius mixti esse mixtam: quemadmodum in augmentatione diximus, quamlibet partē eius quod augetur debere augeri. Ex quibus satis est manifestum, non esse propriē dictam mixtionem, cum aqua vino sic miscetur, ut in eius speciem atque naturam transeat: cum hinc mixtibilia neque simplicia sint, neque virtutis æqualis, neque oporteat partem quālibet vini comixti cum aqua mixtam esse, sed partes tantum vicinas, quibus infunditur.

Quomodo in corporibus mixtis remaneāt vel non remaneant simplicia & qualitates eorum. C A P. X V.

GRandis verò est inter philosophos atque medicos super hac re altercatio, num in mixtis corporibus elementa secundum suas formas permaneant, in alio aliquo modo: quibusdam dicentibus, ea formaliter manere, sed tamen per formam totius cohiberi, ne separaretur vnum quodque in suum locum. Qui sibi experientiam assumunt, ex eo quod admoto igne ad ligna, quædam ligni pars redditur igni, quædam aëri: egreditur etiam humor quidam atque aqueus vapor, licet ob ignis voracitatem id non semper percipiatur: terræ quoque cineres relinquuntur. Vnde secundum faciem apparet, coniuncta ibi & colligata fuisse (non secundum virtutem solam, sed etiam secundum formam) elementa. Actionē verò mutuam dicunt impediri à forma totius compositi, & quoniam ad mediocritatē sunt redacta. Atque ex hac radice posuerunt Empedocles & Anaxagoras, omnia esse in omnibus, & per congregationem & segregationem omnia generari atque corrumpi. Hinc quoque illorum manarunt sententiæ, qui principia rerū litem & amicitia assignarūt: de quibus non est nunc dicendum per singula. Illi enim abierunt viam vniuersæ carnis, & nos euestigio eos subsequimur. Si eos quicquid Deus optimus dignatus est sempiterna (Quis enim non Pium iudiciū de veterum philosophorum sententiis. uit consilia eius, aut quis conspexit in libro signato iudicia eorum, præter agnum qui occisus est?) Si, inquam, piissimus Deus, eorum iussit vel corpora, vel mentes quiescere, nos illos non impugnemus: nec sit nobis gloria cum eorum umbris digladiari. Quod enim ad sententias antiquorum istorum attinet, verisimile est, obscurioribus verbis eos non

Sapient. 8.

uulla indicare subinde voluisse, quæ si à nobis rectè intelligerentur, forsitan non penitus nobis viderentur improbanda, quæ tamen nunc prima facie, dum non intelliguntur, velut absurda ridentur, ac velut philosophis indigna abiiciuntur. Nos verò quæ veritati consentanea nouimus, & sacratissimæ nostræ fidei non dissona, absque illorum vel inuidia vel iniuria diligenter commemoramus. Ergo (vt illuc reuertamur vnde digressi sumus) qui sic ponunt elementa in mixtis remanere, etiam in suis formis, omnia violenta faciunt: ignis enim violenter in loco humanorum corporum detinetur. At verò deus naturæ, dulcis opifex est: & sicut attingens à fine vsque ad finem fortiter, ita cuncta disponens suauiter. Alij proinde melius posuerunt, non quidem formas elementorum, sed tantum eorum qualitates in mixtis remanere, ad inuicem temperatas: dicentes, ob contemperationem qualitarum mutua actione & passione factam non extingui subito corpora. Vbi tamē aliquam eorum contigerit deficere, vel excedere extra debitā proportionem, necessario iam rem corrumpi. Id quod experientia testatur, superexcrecente in homine siue calore, vt in pestiferis & febricitantibus: frigido, vt in senibus: humido, vt in hydropicis: sicco, vt in phthisicis. In quibus omnibus fieri oportebit morbos varios atque etiam corruptionem, nisi statim per formam substantialem prospiciatur, vt restituantur in suam proportionem naturalem qualitates illæ actiue. Ponit autem hæc sententia etiam contrarias qualitates in eodem subiecto, & secundum eandem partem subiecti, sed contemperatas ad inuicem. Quæ sanè opinio non est penitus improbanda, imò doctorum orthodoxorū sententijs satis videtur cōsentanea. Dicit enim beatus Gregorius quatuor elementis, tāquam quatuor baiulis, hominem deportari ad sepulchrū. Alij ponunt, neque formas, neque qualitates elementorum in mixtis remanere, sed tantum vnā qualitatem, quæ ex illarū proportionem, & ad inuicem contemperationem efficitur, per virtutē seminis, vel alterius quomodolibet agentis & generantis, cum concursu causarū superiorū. Quemadmodū verò qui prioris sententiæ sunt, certā illam qualitatum primarū proportionem, vocant cōplexionē, vel cōpositionē: ita posterior hæc sententia, qualitatem istam vnica ex cōtemperatione qualitatum effectam, complexionē vocat. Et quidem inter duas has opiniones

ines atque sententias non tanta est distantia, quanta prima facie videtur. Hanc enim vnam qualitatem (vtcunque se res habeat) constat, virtute illam qualitatum complexione & proportionem, vel temperatam compositionem in se continere. Quapropter superfluum fuerit hac de re sollicitius aut pertinacius digladiari. Similis fere quaestio est qualis de aqua tepida feruide solet moueri, & ardentem disputari, cum sit alioqui frigidior quam vt pro ea feruentius debeat contendere. His ergo superfedentes, ad alia transeamus.

An ad cuiuslibet mixti generationem, quatuor debeant elementa conuenire.

CAP. XVI.

Verisimile est, ad cuiuslibet mixti compositionem quodlibet elementum concurrere, & quamlibet dictarum quatuor qualitatum aliquo modo in quolibet eorum inueniri. Neque hoc solum secundum diuersas mixtorum partes est accipiendum, sed etiam secundum singulas partes. Nam mixtum secundum omnes sui partes tale oportet esse. Quanquam enim in diuersis partibus diuersa percipiantur dominari elementa: vt in cholera ignis dominatur, in phlegmate aqua, in sanguine aer, in melancholia terra: non est tamen arbitrandum, solum illud elementum in vnoquoque membro reperiri, quod in eo dominatur. Inuenitur enim in cholera aliquid aeris, aquae & terrae: in melancholia aliquid ignis, aeris & aquae, atque ita in ceteris proportionabiliter dicendum. Et vniuersaliter, quamuis in quolibet mixto corpore sint omnia elementa & omnes dicta ratione qualitates actiuae, semper tamen eorum aliquod excellentius dominatur. In quibusdam quidem ignis, vt in superioribus exhalationibus, & in flammis, & in hominibus choleris: quorum idcirco capilli sursum tendunt. In quibusdam aer, vt in sanguineis & volatilibus, quae proinde aerem sibi vendicant. In piscibus autem & phlegmaticis, aqua: quare & aquis huiusmodi delectantur, & crines habent plerumque leniter demissos. In aliis terra, vt melancholicis, & leporibus, ceterisque terrestribus animalibus, quae proinde terram naturam quaerunt, & qui sic sunt homines, terram plerumque despiciunt, ponderosos crines ad terram deiectiones habentes. Plerumque etiam plura elementa in eodem sic videntur dominari, vt vix discerni possit, utrum vni praeualeat. Difficile enim fuerit

vniversaliter iudicare, quod eorum in quolibet dominetur.

Monstratur exemplo, in mixtis quodammodo esse quatuor elementa.

CAP. XVII.

Quod si cui videatur nō verū esse quod supra diximus, in mixto simul quatuor elementa concurrere, videat ille lignū in aquas intectū: quod experientia docet ac monstrat non statim subsidere, etiam si magni sit ponderis, sed supernatares: quod indubie ab ignis atque aëris est leuitate, quę virtualiter in ligno includitur, donec tandem contingat consumi, aut deuinci temporis lapsu vim aëris atque ignis, per aquę fortem actionem: quo facto subsidere poterit lignum. Eadem quoq; ratione ligna putrida, quę igni & sunt & fiunt viciniora, & aëri propinquiora (quemadmodū ipsa frequentia & magnitudo pororum indicat) difficilius intra aquam seruantur aut immerguntur. Has autem porositates indicare ignis dominium & inualescentiam, probat Æterna mons igneus, qui locus pumices transmittit multa porositate plenos. Hac eadem de causa naturalem sibi locum oleum supra aquam accipit, quoniam oleum aërem magis dominantem habet. Aqua autem nostra, qua vtimur, multum etiam teri & habet admixtum.

Quod elementa, quibus vtitur, pura elementa non sunt.

CAP. XVIII.

Arist. sententia lib. 2. de gener.

Non est autem existimandum hanc terram quam inhabitamus, quęque herbas & fructus generat ac nutrit, purum terre elementum esse: sed neque hic aër in quo vivimus & respiramus, purum est elementum, sed potius ventus est quidam, & commixtus atque impurus aër: neque aquam omnino elementarem, aut ignem habemus, terreum tamen aliquid, aqueum, aereum, igneum habemus. Terram, aquam, aërem, ignem verè non habemus. Siquidem ignis, aër, aqua & terra, quę nobis in vsu sunt, verius elementaria corpora, quàm elementa dicimus. Monstrat hoc ratio, tamen si abhorreat sensus. Elementa enim in sua dispositione naturali, nullam harum passionum in sensu efficerent, quas hæc elementaria efficiunt. Aqua enim si in sua esset puritate, sapida non esset. Neque aër ille vt supra ostendimus, esset respirationi aptus. Neque terra, nutrire quippiam, aut aqua potare posset. Nos enim mixta corpora simplicibus nutrirī non possumus. Cuius etiam signum dant agricol

colæ, qui irrigantes hortos, terram aquæ miscunt, & simum rem vtiq̃ (vt sic loquar) mixtissimam, terræ iniiciunt, vt plantæ nutriantur, & multo melius inebriat & fœcundat terram aqua pluuialis, vtpote magis impura, quàm fontalis, quæ aliquanto est purior. Ipsi quoque coqui, & qui lauticias parant cupediarij, sint nobis testimonio, qui ex diuersissimis commixtionibus, & maximè à natura abhorrentibus, sapidissimas conficiunt lauticias. Præterea terra putrum elementum, est grauissimum omnium etiam mixtorum. Hæc autem terra nostra quam inhabitamus, multo est plumbo aut viuo argento leuior, & ignea ista flamma quæ pinguedine olei, aut ceræ, aut picis sustentari habet, aut lignorum atque similium subministratone, multo aëre circumstante est crassior atque densior, viscoso aut crasso fumo commixta. Elementaribus ergo corporibus non elementis vtimur. Idq̃ue consultissime sic disposuit prouidissimus humanarum rerum gubernator. Nihil enim profuisset creaturas valde bonas creare (plantas, animalia, cæteraque corpora mixta loquor) si non simul & vbi, & quomodo, & à quibus conseruari possent, eadem prouidentia disposuisset. Mira ergo dispensatione, in elongatioribus elementorum partibus pura reliquit elementa, vbi nullus est mixtorum locus, vtpote circa centrum terræ, & in supremo sphaeræ ignis, sicuti attestatur Aristoteles naturæ philosophus. At vero superficies & exteriores elementarium globorum partes, sic voluit esse commixtas, vt mixtis locum præberent commodum, pro sua cuique natura, & vegetantibus vbi pascere Gen. 1. tur sua fœcunditate non deesset. A quo enim condita sunt Psal. 103. omnia bona, & bona valde, ab eodem expectant vt escam sumant opportuno tempore. Quare & post completum cælorum cursum, vbi cessauerint in mundo viuere & pasci, tam homines quàm cætera viuentia, nouissimo terminato examine, igne cunctis consummatis mixtionibus, omnia suo loco & statu elementa reducturus creditur omnipotens & optimus Deus, ita demum cum suis beatissimis exercitibus regnaturus in æternum & vltra. Inter quos speramus & nos modo pauperes aliquando computari, quando plenæ erunt laudibus fauces nostræ, quæ nunc vndiquaque mendicatis canticis miserè torpent, etiam dum maximè, vt videntur, laudant.

Mouetur circa prædicta aliquot quæstiones, & primū, an possibile sit aliquid simpliciter generari aut corrumpi. CAP. XIX.

A Deorum autem quæ hætenus à nobis dicta sunt maiorem declarationem, quæstiones aliquot circa prædicta proponuntur, ex quarum solutionibus plenior haberi poterit quorundam antedictorum cognitio & intelligentia facilior. Sit ergo hæc prima quæstio. An fieri potest ut aliquid simpliciter generetur, aut simpliciter corrumpatur. Nam si aliquid simpliciter generaretur, deberet ex non ente simpliciter generari, cum generatio sit à non esse ad esse progressio. Ex non ente vero simpliciter, siue ex nihilo nihil potest fieri aut generari. quemadmodum habet principium physicum. Similiter quoque de corruptione potest ratio fieri, quoniam si corrumperetur aliquid simpliciter, deberet in non ens simpliciter corrumpi siue in nihilum, cum corruptio sit processio ab esse ad non esse. Hoc autem, nempe in nihilum corrumpi, æquè videtur physicis absurdum, atque ex nihilo aliquid generari, eò quòd æquè sit creaturæ virtus impotens ad creandum, atque ad annihilandum. Videtur ergo iuxta hanc ratiocinationem, nihil simpliciter generari aut corrumpi posse secundum naturam. Pro

Solutio ad huius autem quæstionis expeditione sciendum est, quibusdam antiquorum philosophorum tam validam & efficacem visam fuisse suprapositam ratiocinationem, ut ea permoti assenserint nihil simpliciter generari aut corrumpi, sed omnia alterationibus solis posuerint variari: quas alterationes vocabant generationes secundum quid, propterea quod accidentia & qualitates secundum quæ fiunt hæ alterationes, non simpliciter formæ, sed formæ secundum quid (id est, formæ accidentariæ) nominentur, & potius entia secundum quid, quam entia simpliciter: eò quòd ipsa non per se substantiam habeant, sed per ipsa, tantum ea quæ subsistunt talia, aut talia denominantur. Admittebant ergo multa passim generari & corrumpi secundum quid: verum simpliciter aliquid generari aut corrumpi negabant. Hæc autem antiquorum sententia certam habet falsitatem, & omnino fatuari oportet multa quotidie simpliciter generari, atque simpliciter corrumpi. Est enim generatio simpliciter dicta, formæ substantialis in materia acquisitio, quemadmodum corruptio, formæ alicuius substantialis ex materia est perditio: ge-

nera

*Quæstio
prima.*

*Solutio ad
quæstionem
ex sententia
Arist. l. de
gener.*

neratio vero secundum quid, & corruptio secundum quid, formæ accidentalis in subiecto sunt acquisitio & deperditio. Vnde cum res naturales non solum secundum acquisitionem, & deperditionem mutantur formarum accidentalium, verumetiam substantialium: manifestum est non solum generationem & corruptionem secundum quid, verumetiam simpliciter, esse secundum naturam possibilem. Imo vniuersaliter, quodcumque forma aliqua substantialis in materia qualibet de nouo acquiritur, compositum illud ex materia informata, & forma informante simpliciter dicitur generari: & è e contrario, quodcumque forma substantialis ex materia aliqua deperditur siue expellitur, compositum ipsum simpliciter dicitur corrumpi. Quemadmodum (exempligratia) simpliciter generatur ignis, & corrumpitur lignum, cum forma substantialis ligni per virtutem applicati ignis ex materia expellitur atque deperditur, & forma substantialis ignis in eandem introducit. Quia in re differentia tamen notanda est, inter generationem simpliciter & alterationem, quæ etiam generatio secundum quid nominari potest. In alteratione siquidem alterari dicitur ipsum subiectum, quod de qualitate transit in qualitatem, non ipsum totum ex subiecto & forma aggregatum: in generatione autè & corruptione, non ita generari aut corrumpi dicitur subiectum generationis, aut corruptionis, quod est ipsa materia per formam informata, sed totum ipsum compositum, quod ex forma & materia informata constituitur. Quemadmodum non ipsa hominis materia, quæ antè & post manet eadem, generari dicitur aut corrumpi, sed totus ipse homo ex anima cõstans & corpore, generari simpliciter, aut corrumpi simpliciter dicitur, cū sua forma in materia acquiritur, aut ex ea pellitur. Ad obiectionem verò supra positam facillè satis adhibetur responsio, si illud prius replicauerimus, quod in tractatu primo tetigimus, de conditione atque natura materiæ, quemadmodum ipsa non ens simpliciter dici debeat ac nuncupari. Quia enim materia per se ad omnem formam indifferens, omnino simplex, nullam habet in se formam ex qua componatur, quæ ve ipsam faciat esse in actu, sitque ex se nihil nisi mera potentia: hinc fit, ut ex se non nisi ens in potentia possit nuncupari, non autem ens in actu, quod solum est ens simpliciter. Ens enim in

Solutio obiectionis.

in potentia, non est nisi ens secundum quid. Quod autem in actu est per formam aliquam substantialem, quæ pars est sui, id simpliciter ens dici meretur ac debet. Cum ergo ita proponit obiectio, Si generaretur aliquid simpliciter, generaretur ex nō ente simpliciter, admittenda est illata hæc conclusio. Non enim est inconueniens, ex non ente simpliciter aliquid fieri seu generari. Ex materia siquidem fiunt ac generantur res naturales omnes, quæ non est ens simpliciter, sed tantum potentia. Quod autem philosophicum dicit principium, ex non ente nihil fieri aut generari: intelligendum est non de simpliciter non ente, sed de omnino non ente, id est, quod neque actu est, neque potentia: quemadmodum in primo libro tradidimus manifestius.

Quæstio secunda.

C A P. X X.

CVM calidi & frigidi, humidi & siccī sint officia contraria: quam ratione dicta sunt hæc pariter in mixtione debere concurrere? Ut clarius dissoluatur quæstio, præmone *Sunt hæc a- pud Arist. lib. 2. de generatione. et 4. lib. Meteororū.* oportet quæ sint harum qualitatū propriæ differentię, quæ ve propria sint diuersa earum officia. Ad calidum enim spectat, separare partes heterogenias, id est, dissimiles & diuersorum generum ab inuicem. Ex virtute enim ignis est, quod in homine ossa à carne, caro à neruis, cor ab epate, & cæteræ partes diuersarum rationum ab inuicem separantur: id quod & in ligni adustione euadit manifestum; vbi cinis, vapor, fumus, & flamma, ab inuicem caloris virtute separantur. Idem patet quando igne purgantur metalla & separantur partes diuersorū metallorum quæ erant commistæ. Sunt enim rerum duplices partes: quædam sunt eiusdem rationis, vel speciei, vel dispositionis: quemadmodū (exempli gratia) partes diuersæ carnis, partes ossis, partes neruorum, partes aquæ omnes sunt eiusdem rationis. Hæ partes homogeniæ (id est, eiusdem rationis, speciei, vel generis) Græco vocabulo solent nuncupari. Aliæ sunt quæ sunt diuersarum rationum vel dispositionum, ut caro & os. Item cortex & medulla in plantis, folia & radices. Et hæ partes heterogeniæ, id est diuersarum rationum, specierum, aut diuersorum generum nominantur. Nihil tamen nunc specialius perquiremus, an in carne sit aliqua forma substantialis alia à forma ossis, præter rationalem animam: an forte sola differant diuersa dispositione, secundum accidentarias qualitates.

Est

Est ergo (ut iam ostendimus) calidi officium, heterogenia in mixto ab inuicem separare, homogenias autem partes simul coniungere. Vtrunque enim facere calidum, probat experientia in igne metalla purgante. Frigida autem est etiam partes heterogenias ad inuicem conglutinare, & conseruare: ut ossa cum neruis & carne, & eandem vicissim cum ossibus & neruis inuicem compaginare: quemadmodum ad oculum videmus in frigore, multa pariter in glacie conglutinari. Humidum verò bene est terminabile vel formabile, secundum omnem formam quam conuenit rei habere, & agens vult imprimere, facileque suscipit impressionem ab agente, & est bene terminabile termino alieno. Nam propter fluxum (cuius causa est humidum) contentum facile se accommodat lateribus continentis: sed malè terminatur termino proprio, propter fluxum consequentem.

Cæterum, fluiditati huic medetur siccum, quod termino alieno ægrè se accommodat, nec nisi violenter compactum lateribus continentis se patitur aptari, propterea quòd fluxum ignoret. Suo tamen proprio termino siccum est bene terminabile, tenens atque custodiens figuram, & superficiem suam. Harum autem rerum experientiam docent nos figuli, qui volentes materiam luti pro suo libito tractare, & figuras quaslibet inducere, vdu[m] ac molle faciunt lutum, & humidum asciscunt. Volentes verò iam inductum terminum & figuram seruare pulso humido, igne exsiccant, vel soli exponunt: ut quod humidi beneficio facile est impressum, sicci beneficio itabiliter seruetur. Quibus præmonitis, dicimus ad quæstionem, agens vel generans egere calido, ad distribuendum singulis partibus sibi conuenientia, id est, ad segregandum heterogenia, ne commisceantur in homine os & caro, caro & nerui; in arbore cortex & medulla, folium & fructus, atque ita in cæteris: Frigido, ut homogenia continuentur, & heterogenia conglutinentur; Humido, ut figura & quantitas, & superficies conuenientes inducantur, secundum exigentiam mixti quod generatur: Sicco, ut bene seruetur res in sua figura & termino. Ex harum autem commixtione qualitarum, quas primas vocant Physici, secundum certam proportionem, & iuxta diuersarum qualitarum diuersam dominationem, procedunt qualitates aliæ prius enumeratæ, etiam tangibiles, & omnes aliæ sensibiles:

Solutio quæstionis.

ut sunt, color, & lux horum inferiorum (lux enim cœlorum, non est ex primis qualitatibus) sapores omnes, odores, atque soni. Non enim daret sonum percussus aër purus.

Questio tertia.

C A P. XXI.

SI oportet semper vno corrupto aliud generari, & vno genito alud corrumpi. Solutio. Materia nequit esse nuda omni forma, quemadmodum primo libro ostendimus. Atque hac de causa, non potest agens vllum hoc efficere, ut forma vna de materia auferatur atque pellatur, nisi adducat aliam quam in materiam imprimat: neque aliter materiae natura fieri patitur. Rursum, quia plures formæ ultimæ non possunt simul inesse eidem materiae, oportet etiam ut agens nouam formam substantialem adducens aliam pellat priorem, sicque ex cōsequenti compositum prius & substantiam priorem corruptat. Atque hinc fit, ut semper ad vnius generationem comittitur alterius corruptio: & econtrario, corru-

*Generatio p*tionem vnius, alterius generatio. Constat tamen non esse vnius alte- ob hoc necessarium, ut quoties homo quispiam nascitur, a- rius est cor- lius intereat eiusdem speciei, id est, alius homo. Satis est, aliā ruptio. A- aliquam substantiam periisse, cuius scilicet materiam nunc ristos. I. de habet genitus homo: sicut genito igne, oportet non alium generat. ignem corrumpi, sed aliam tantum substantiam ex qua generatur. Cum enim materia sit finita, & non possit quicquam materiae creati virtute naturæ: non est existimandum, crescentibus arboribus & in altum expansis brachiis, hanc omnem materiā similiter gigni vel creati, sed oportet eandem materiam aliunde sumi. Nisi enim eadem materia sic per varias transiret formas, oporteret esse infinitam materiā: cum in infinitum pergant generationes.

Questio quarta.

C A P. XXII.

VNde procedat generationum & corruptionum diuersitas, ut hæc magis hoc tempore aut producantur aut Arist. 2. li. intereant. Solutio. Si cœli omnes immobiles starent, ut post de generat. iudicium futurum credimus, nulla haberetur generatio, nulla corruptio: seruariantur tantum res in suo esse, & in stabilitate sua permanerent quod sunt. Motus igitur cœlorum, sunt causa generationis, & corruptionis in his inferioribus. Et quidem motus primi cœli mobilis, qui semper in viginti quatuor horis absoluitur, causa videtur sufficiens eius transmutationis, quæ fit secundum diem & noctem.

Ceterum

Cæterum eius transmutationis quæ fit secundum diuerfas anni partes, iam producendo, iam corrumpendo, causa est motus proprius solis ab Occidente in Orientem, per circulum zodiacum: quem motum complet vnus anni spatium. Eius enim aduentu omnia germinant, & senex iuuenescunt: eius autem discessu labuntur, & occidunt & veterascunt omnia. Vnde cum tempus aduētus, & tempus discessus sit æquale, vtrunque secundum sex signa: sequitur, etiam tempora generationis, & corruptionis æqualia esse.

Questio quinta.

C A P. XXIII.

Vnde est quoddam quædam sic facile generantur, & quoddam est inter quædam tam facilis transitus, aut tam facilis transmutatio: vt nubes in pluuiam, & pluuiæ iterum in nubem. In aliis vero est difficilis nimis, & longa generatio, & corruptio, & inter alia difficillima transmutatio. Solutio. Quædam sunt corpora imperfectiora, modicam dispositionem, vel proportionem qualitatuum sufficientem sibi reputantia, quæ facile generantur, vt vapor ex aqua facile generatur, quoniam nihil requirit sibi præter modicam impressam leuitatem. In aliis verò, vt perfectioribus, oportet multo tempore perfici eas quas rerum subsistentia requirit perfectiuas qualitates, & naturales vires, dispositionesq; necessarias, ac natiuas complexiones: quæ cum frequenter multæ sint, ac variæ, neque ita facile aut ita mox effectibiles, cōsequitur, longiorem temporis tractum ad talem generationem requiri. Id quod Baptista Mantuanus inter poetas Christianos facile princeps, pulchrè admodum testatus est his versibus: Omne quod excellēs opus, & sublime futurum est, Difficiles ortus habet, incrementaque tarda. Inter quæ autem non multa est distantia, & quorum dispositiones necessariæ non multum differunt alterius ab altero, vt inter pluuiam & imbrem, aquam atque vaporem, in his faciliore quoque oportet esse transitum.

Baptista

Mantuanus

de beata virgine in lib.

Parthen.

Questio sexta.

C A P. XXIIII.

SI idem possit semel corruptum reuerti. Solutio. Eadem secundum speciem (etiam si totaliter species deleatur, vt esse in vernibus putredine natis videtur) quotidie redire conspiciamus, sed numero idem natura potens non est reducere, sed tantum secundum speciem, vt testatur & Aristoteles. Forma enim semel expulsa, si corruptibilis sit, penitus

penitus corrumpitur, & iam quasi annihilata reuocari non potest. Si verò sit incorruptibilis, cuiusmodi est sola anima rationalis, hanc certè natura vt creare non potuit, neque dare, neque de potentia materiæ educere: ita nec poterit post expulsionem siue emigrationem reducere. Quis enim reducat aut reuocet spiritus corporeis defunctos officiis, qui iam olim emigrantes è suis tabernaculis vias abierunt occultas, locaque incolunt nobis prorsus incognita, vbicunque domino visum id fuerit? Quis rex sic potens, quis ita sapiens Philosophus? Quis ita fuit eximius naturæ perspector aut descriptor, qui potuerit vel charorum suorum, vel suam etiam ipsius animam reuocare, semel Dei nutu de suo tabernaculo eductam? Cuius, quæso, vel peritissimi me dici ad hoc deuenire potuit experientia? Non est qui hoc faciat, non est qui valeat, non est (inquam) vsque ad vnum. Imò verò vnum nouimus, Christum Iesum, Dei patris vnigenitum filium, qui viam vitæ, & reditum ex mortuis primus ipse inuenit, eamque (vt in Psalmo scribitur) nobis manifestauit in se credentibus: vt quemadmodum ipse posita anima, cum placuisset reassumpsit eandem, inque corpus reduxit: sic & nostræ aliquando animæ post longam emigrationem in sua redeant corpora, cum eo pariter in æternitate plenitudine cœlestis gaudij fruituræ. Verum non secundum naturam est hæc virtus, neque sub eius limitibus hæc potestas stringitur: sed naturam omnem excedit & superat, secundum virtutem diuinitatis inhabitantis in eo, quæ illi cum patre & Spiritu sancto est communis, in perpetuis æternitatibus. Cui soli sit psalmus perpetuus, laus, & iubilatio sempiterna ab omni creatura angelica, & humana, nunc, in æternum, & ultra. Amen.

FINIT LIBER QVINTVS.

PSALMVS CONFSSIONIS IESV

principi pacis, pro assumptis in carne miseriis,
ad dignam gratiarum actionem.

Dic impassibile cœlum, tu quid es? narrate elementa quid sitis,
aut qua vestra substantia?

*Vos verò homines commixta atque mendicantim congregata corpora,
generationem vestram explicare nobis.*

*Quid sitis, vnde decisi, ex quibus compacti: in qua tandem putatis
reuertimini?*

Memento

*Memento domine Deus, quòd de limo terra fecisti nos: & com-
pegisti in nobis quaternas inimicitias irreconciliabiles.*

*Has tu princeps pacis mirò conneclis fa de: e: donec terminatis
inducis prorupant in exitum, donec dissoluatur que tu continebas.*

*Hec omniū nostrā aqua fors, hac nostra miseranda cōditio omnes
nos quasi aquam dilubi, & in terram volentes nolentes defluere.*

*A elementaribus pendere nos corporibus: quos tu angelicis pe-
nè coarquisti spiritibus.*

*Quid verò nos ipsos flemus eiulantes? nōne tuam magis sortem,
Iesu bone commiserari ac deplorare nos oportuit?*

*Verbum patris patri coeternum de terra non eras, neque de ter-
ra sumebas tibi cibum, vt viueres.*

*Neque fontium aquis potabaris, in aère non respirabas, ignis v-
sum nesciebas, nec tu, neque pater aternus.*

*Propter me verò accessisti ad me: quod ego sum tu factus es, ver-
bum caro.*

*Verbum dico coangustatum, & abbreviatum nimis similem in te
elementarem litem suscipiens mecum.*

*Et mortis legem voluntariè in te ipsum suscepisti, ex ea in nihi-
lum vt computresceres, si non à dextris tibi astitisset saluator, o-
mnipotens genitor tuus.*

*Iudeorum f. ra crudelitas accessit ad miseriam pauperis, nō sunt
passi suam periodum decurrere, atque peragere vitam corporis tui.*

*In medio robore ac flore corporis tui, Iesu piissime, iniqui inuase-
runt animam tuam, tollere eam tibi.*

*In lignum subuectum, viribus defectum, animam expirare fece-
runt te, o vita beatissima.*

*Et de ligno depòsitum, communi tradiderunt omnium matri: tan-
quam mortuum à corde, visceribus terra.*

*Tu verò viuicus inter mortuos liber, non potuisti, quia noluisti, vi-
deri corruptionem.*

*Nec putrefactum est tabernaculum animæ tuæ à fortitudine di-
uinitatis tuæ, quæ inhabitare non desinebat in eo.*

*Euge & letare quicumque diligis dominum: quoniam mortuus
à morte surrexit.*

Occisus est agnus, & reuixit: proiectus in terram, & surrexit.

*Pro corruptibili seminato in terra corporis grano, immortale re-
cuperavit atque glorificatum.*

*O felix commutatio dextera excelsi: pro mortali deposito glori-
ficatum recepit agnus Dei.*

Quare tacemus, o homines quæ ad nos hinc portio deducta est immortalitatis nostræ: vitæ aternæ quæ reparauit & repromisit nobis.

Ibitis, ibitis corpora, ibitis dicimus in mortem: & computrescietis ab elementari inimicitia, quæ compacta est & habitat in vobis.

Sed nunquid obliuiscetur misereri Deus? aut relinquetur in stercore vita nostra?

Suscitans suscitabis nos domine, in momento, in ielu oculi: in nouissima tuba.

Et surgemus incorrupti, & nos immutabimur: quosunque hoc munere donaueris.

Et fiet nobis à te, o largissime princeps, beata retributio: felix commutatio, cum sederis in solio gloriae tuæ, quæ est sempiterna.

Benedictio, claritas, & sapientia, & gratiarum actio, honor, virtus, & fortitudo Deo nostro in secula.

Et qui occisus est agnus, dignus est his omnibus: quoniam resurgens à morte vitam inuenit, à progenie in progeniem omnibus quæuentibus eum in humilitate.

Gloria patri, & filio, & spiritui sancto.

Sicut erat in principio, & nunc, & semper, & in secula seculorum. Amen.

FINIT PSALMVS.

IN LIBRVM VI.

DE MIXTORVM ET IM-

PERFECTORVM GE-

NERATIONIBVS.

PRAEFATIO.

✱ ✱

Psal. 48.



IDIT Psalmista, cum in spiritu psalleret Deo ex omni creatura, mirum in rebus ordinem: quod essent quædam ingenerabilia prorsus & incorruptibilia, certas leges sibi descriptas inuiolabiliter obseruantia, quas non prætergre-
diantur in secula seculorum: ex quibus sunt nimirum cœlestes spiritus, atque virtutes, sol, luna, stellæ, atque cœlorum orbes. Sub quibus prospexit quædam nullam habentia determinatam legem suæ generationis, sed verbo Dei stare tantum: vt dum ille iusserit, & quando iusserit, gi-
gnan

gnantur & corrumpantur. Si enim dixerit altissimus, statim ignis de cœlo, aut pluuia, aut grando, aut ros, aut pruina, aut fulgur, aut tonitru descendet: & cum placuerit illi statim cessabunt. Nullam enim habent legem determinatam, ut perpetuo existere debeant. Sunt sub his viuencia omnia, quæ licet secundum indiuidua non habeant determinatam substantiam: constat tamen ea secundum speciei generationem perpetuam habere stabilitatem. Quæ ob hoc mixta perfectiora dicuntur, eò quòd habent generationem, & substantiam magis determinatam prioribus, quæ facile subito aut gignuntur, aut totaliter pereunt, atque ob hoc mixta imperfectiora nuncupantur, de quibus modo præsentem institui-
mus tractatum.

De tribus aeris regionibus, earumque dispositionibus diuersis.

C A P. I.

Q Vonia autem imperfectiora illa mixta corpora in aeris regione penè omnia videntur generari, idcirco de ipsius aeris dispositione atque diuisione primū dicendum. Aer itaque vniuersus in tres regiones, seu partes diuersissime de qualitate distinguitur: nempe supremā, infimā, & mediam regionē. Prima & suprema quoniam igni est proxima & cōtigua, circulariter cum ipso igne, ad motum primi mobilis & aliorum cœlorum rapitur. Estque perpetuo calida, tum propter vicinitatem cum igne, tum propter hunc violentū raptum & motum, qui per se ad calorem faciendum est sufficiens. In hac autē parte nubes haudquaquam generari possunt, neque reperiri, neque conseruari, tum ob nimiam ipsius à terra & mari (vnde nubium eleuari debet materia) distantiam, & nimiam altitudinē ad quā nubes nequeūt pertingere, detēre & remorare in media regione aeris: tum propter calorem & motum circularem, qui impedit nubium congregationem. Leuātur tamen ad eā exhalationes calidæ & siccæ, quæ ob caloris & leuitatis copiam, facilius quàm nubes densiores, aut vapores earum materia possunt ascendere, & minus detineri: quæ exhalationes, in aeris hac summa regione varias faciunt apparentias, ut statim dicetur distinctius. Infima autem regio terræ vicina, ob reflectionem radiorum solis à terra reuerberatorum vehemētius incalescit: tum etiam propter vapores & exhalationes (quæ calidæ sunt naturæ) à terra & aqua eleuata,

*Istas tres
aeris regio-
nes distin-
git Arist.
I. lib. Mete.*

*1. r. d. r.
2. r. d. r.*

nubes

Infima

Tertia aeris regio, ea est portio, quæ inter summam & infimam interiacet media. Hanc vehementer constat frigidam esse, ex iis effectibus quos in ea percipimus generari. Ad eam enim non pertingit illa dicta radiorum solarium reflexio. Neque eius ad ignem tanta est vicinitas, neque circuli ipsi rapiuntur motu. Quæ in se ipse existens frigida, quia & à sphaera ignis distat, ut ab ipso calor ei non veniat, & reflexi à terra solis radij ad ipsam usque non pertingunt, sicque inter duo calida velut media constituta, inter supremam dico & infimam regionem, suum hac ratione frigus vehementius intendens valde in frigidatur, condensatur, inspissatur, ea actione quam naturales per antiperistasin vocant, id est, per contrarij circumpositionem.

Quid actio per antiperistasin, & quomodo per talē actionem media aeris regio sit multum frigida. C. A. P. I. I.

QUæ res ut cum sequentibus impressionibus clarius conspiciatur, præmissum atque præcognitum oportuit, quæ sit huius actionis quam diximus, virtus atque natura. Cum igitur contingit contrarium à suo contrario ita circumdari atque concludi, ut virtus actionis eius non possit foras exire, ob sortem contrarietatem unde quaque impediens, tunc necesse est reflexam hanc virtutem in eo à quo emittitur receptam duplicari atque fortificari. Huius est experientia, quoniam hyeme hominum interiora multo calent amplius, & equantur facilius, & consumuntur ardentius, quam æstate media, quando ab interioribus egressus calor non reuerberatur à circumstante aëre. At hyeme, à vehementer frigido aëre circumstante reuerberatus duplicatur in intimis. Id ipsum patet in lignis, & facibus, & candelis. Multo enim est horum flamma viuacior hyeme, quam æstate. Eadem hæc ratio est, quare qui frigidiora loca habitant, ampliori cibo sint, & maiori egeant nutrimento, iis qui in calidioribus, cum tamen calidiores ex cutis nigredine existimari

Aristo. 2. Met. de gradine. possent. Sic (ut ad propositam rem reuertamur) cum media regio aeris frigida includatur inter summam & infimam, calidas regiones, ipsa se fortificat: & tunc magis, quando contraria sunt fortiora. Nam in æstatis medio, cum ista inferior pars aeris sit propter directam radiorum solarium reflexionem calidissima, media portio aeris contrario efficitur frigidissima. Hyeme verò, quando non est multa contrarietas,

min

minus est frigida. Hæ autem portiones æris, non habent terminos omnino determinatos, sicut nec elementa. Nam per motum cælestium corporum, adductis coniunctionibus frigidis vel aqueis, elementum aquæ crescit, & ær minuitur. Adductis, verò coniunctionibus quæ pro æris faciunt generatione, vt calidis & humidis, minuitur aquæ sphaera, & crescit æris portio. Hyeme enim aquæ plus quàm æstate abundat, & æstate plus quàm hyeme crescit æris terminus. Ita contingit, regionem mediam vno tempore esse maiorem, vt in hyeme, vere, & autumno, quàm æstate, quando directæ & fortissima solarium radiorum reflexio etiam illud ad infimam partem trahit, quod aliis anni partibus, cū non ita calor præualet, ad mediam pertinet. Hæc antiperistasis duobus potest modis fieri, quippe per partium contractionem & maiorem compactionem: & per qualitatis actiuz à fortiori circumspecte incrementum, reflexis speciebus.

De iis quæ in suprema æris regione generantur. CAP. III.

*Quid vapor
& exhalatio.*

Per influxus verò astrorum, & per calorem solis eleuantur à terra & ab aqueis locis (vt ex mari, fluminibus, paludibus) subtiles & tenues quidam fumi, qui si multum subtiles fuerint, vehementer calidi & sicci, dicuntur exhalationes. Si verò densiores, calidi temperate & humidi, vapores dicuntur. Exhalationes autem hæ, cum sint leuiiores, facile infimam & mediam regionem penetrantes, ad supremam perueniunt: vbi cum aëre circumactæ in quo sunt, & hoc motu vehementer calefactæ, ac propter ignis vicinitatem inflammantur, iuxta materiæ diuersas dispositiones vel vniformiter vel difformiter succensæ, miras exhibent species, nunc draconum, nunc caprarum, nunc lancearum, nunc candelarum, vel facum ardentium. Sunt enim plerunque exhalationes viscosæ, & facile propter siccitatem inflammabiles, quarum partes sæpe contingit secundum opacitatem vel densitatem difformem non simul succendi, aut simul etiam succensas non similiter ardere atque lucere, vt cum pars anterior, crassior & densior non ita velociter succenditur, aut non ita plenè quàm posterior quæ est rarior. Atque iuxta hanc dissimilitudinem, diuersas cōtingit rerū apparentias videri, quorū cōpures Aristoteles primo Meteororum libro enumerat. Sæpe autem conspiciuntur tanquam volitantia sydera, quæ nō sunt æstimanda è firmamento pro

iecta ad nos cadere: sed fiat hæc, dum exhalatio inflammata sursum quærens moueri, à nube deorsum pellitur, sicut cū pila reuerberatur à corpore cui obicitur. In summa etiam regione contingit videri hiatus absque inflammatione, quando non incenditur exhalatio propter defectum viscositatis, & illuminata in partibus extrinsecis propter earum raritatem, medio autem ob sui opacitatem non illuminato, velut profunditatem intermediam videre nos existimamus: quæ si ma-

Quid vorago fuerit, vorago si non ita magna, hiatus nominatur. Sic go, & hiatus. autem vorago nobis aut hiatus apparet, quomodo pictorum ars eadem volens effigere, circumiecto lucido colore atque aëreo per circuitum, in medio colorem crassum atque obicurum intermiscet, ut sic vel puteus vel hiatus aliquis appareat, dum in medio claritatis sese monstrat obscuritas: atque huiusmodi impressiones phantasmata dicuntur: apparent enim quod non sunt. Ex dictis igitur facile est harum descriptiones colligere: quippe ut stipulæ ardentes sint exhalatio (quam calidam & siccam diximus) mota ad supremam aëris regionem, & ibidem ignis vicinitate incensa, habens figuram stipularum ardentium. Torris est exhalatio ad aëris supremam regionem euecta, atque in sola longitudine, siue latitudine ardens. Capra saltans est exhalatio in suprema aëris regione incensa, paulatim & carptim ab vna parte ad alteram flamma discurrente: quod si exhalatio talis veluti scintillas quasdam spuat, scintillæ dicuntur. Stella errans est exhalatio in suprema aëris regione secundum longitudinem & latitudinem multas habens partes exiguas, diffusas & incensas, etiam quo ad crassitiem. Sic lancea volans, eiusmodi est exhalatio, lanceæ imaginem referens. Ignis perpendicularis exhalatio est perpendicularem figuram exhibens. Ignis fatuus seu candela ardens est exhalatio ad infimam aëris regionem eleuata, & ibi per antiperistasis incensa, quæ dum quærit ascendere sursum, à frigore mediæ regionis depellitur, & apparet quasi saltans, loca decliuiora quærens, vnde & ad aquas ducit sequentem.

De generatione cometa.

CAP. IIII.

Arist. I. li. Mete.

Apparent autem interdum in stellarum modum cometæ. Est autem cometa non congregatio multarum stellarum, neq; de natura cœlestis, neq; quo ad corpus, neq; quo ad caudam, sed tota est de natura elementari. Generatur autem

autem hoc modo: Cum enim virtute solis & aliorum astro-
rum eleuatur multa nimis materia calida & sicca, grossa &
pinguis, benèque inflammabilis, ab his terrestribus vsque ad
summam aëris regionem, vbi circumgyrata ad motum aë-
ris inflammatur æqualiter, & aduenientibus continuo exha-
lationibus multum dūque nutritur, generatur cometa. Cu-
ius materia si sit in medio grossior, & in circumstātibus par-
tibus rarior, videtur tanquam crinitus, & vocatur stella co-
mata. Si partes hæ longius deorsum protendantur, dicitur
caudata. Si verò partes subtiliores fuerint inferius demissæ,
dicitur stella barbata. Fit autem cometa potissimum autum-
nali tempore, quoniam tunc & calor est materiam sufficiens
eleuare, & calor temperies facile permittit absque dispo-
sitione materiam bene conglobari & conuiscari: quod in
æstate non sic permittitur, quando etiam non sic facilè gros-
sa exhalatio (propter solis ardorem dissipantem, & mediæ
regionis summam frigiditatem) valet ad summā regionem
transcendere. Verno autem tempore, non est plerunque ca-
lor tantam materiam sufficiens eleuare. Hyeme verò & fri-
gus & humidum repugnant. Est autem cometa signum com-
motionum, bellorum, litium, traditionum, hæc potissimum
de causa, quia tempore generationis cometæ dominatur ca-
lor, qui corpora animosque hominum ad huiusmodi accen-
dit. Peculiariter verò principibus dicitur portēdere mortem,
quoniam aër qui tunc crassior est & viscosior, ex materia co-
metæ, principibus delicatis & tenerioribus solet facilius no-
cere, quàm rudibus agricolis. Spirant præterea magna vi
venti, ob ariditatem nimiam: exhalationes siquidem mi-
nus viscosas, atque ideo non inflammabiles, in ventos abi-
re docet Aristoteles. Vnde & narrat nocte apparente come-
ta, interdiu ingenti quantitate lapidem vento sublatus,
cecidisse. Nicomacho quoque Athenis imperante, come-
ta apparente, magna ventorum vis circa Corinthum de-
bacchata est. Generatur autem aliquando in septentrione,
aliquando in austro, nonnunquam ab occasu æquinoctia-
li: mouetur autem ad motum astri exhalationem attra-
hentis, aut iuxta motum supræ regionis, ab oriente vi-
delicet in occidentem. Seneca tamen asserit nonnunquā fer-
ri ex septentrione in occidentem per meridiem, & ex septen-
trione in orientem. Quod & se vidisse asseuerat, cuius cau-

sam materiam assignat ipsam qua nutritur: ipsam siquidem flamma incendendo sequitur, ut est in stuppa videre.

De galaxia, siue via lactea.

CAP. V.

POËtæ mentiuntur, currum solis à Phaëthonte nouitio ductore male deductum, combussisse aliquam partem coeli, quam hæc de re albam offerebat. Sed ut cætera fere poëtarum omnia, etiam hoc commentum est, & fabula vana.

Quid circulos lacteus. Iuxta veritatem autem sentiendum est aliquam esse partem coeli, in qua multorum astrorum lumen receptum, per refractionem facit albi coloris apparentiam: & hæc est galaxia,

Galaxiae lementaris.

siue via lactea: quæ tamen non semper apparet propter nubili aëris interstitium. Aristoteli tamen visum est, galaxiam videri propter receptionem luminis, in exhalatione calida & sicca & rara. Verum nihil prohibet sic viam lacteā à nobis demonstrari. Caterum galaxia, Græca vox est, à nomine galæ, quod hæc significat: unde galaxia dicitur, quasi lactea via: id est alba cuius coloris est lac.

De ijs qua in media & infima aëris partibus generantur, pluuia, grandine, niue, pruina & nebula,

CAP. VI.

Quæ sequuntur tractat Arist. 2. lib. Mete.

Pluuia.

CVM verò eleuatur à corporibus aqueis, per virtutem caloris solis & aliorum astrorum, vapor qui est calidus & humidus, tanti caloris, ut sufficiat moueri vsq; ad mediam regionem aëris, vbi in nubem condensetur ratione frigoris, quod ex sua natura condensat, hoc pacto varia fit imperfectorum mixtorum generatio. Si enim nubes illa in aquam resoluat, incipiatq; guttatim decidere, generatur pluuia: cuius guttæ si paræ fuerint quantitatis, imber dicitur: si magnæ & rariores, labrocera. Si verò etiam mediocres, pluuia simpliciter vocabitur: tamen si hoc ipsum nomen secundum generalem acceptionem etiam imbri & labrocera nonnunquam accommodetur. Quod autem dictum est pluiam in media aëris regione ex nube generari, accipiendum est ut in plurimum. nonnunquam enim & in infima fit (licet in suprema nunquam ob nimium æstum vaporem congelari prohibentem.) docet enim experientia pluiam maximis guttis decidentem, non nisi ex infima regione descendere. nam quo ex altiori loco præ ærem descendit, eo partes minutiores fiunt, ut in aqua ex eleuato aliquo loco effusa videre non fuerit admodum difficile. Pluuia rotunda est, quod ea figura ad resisten-

stendum apta est aëri, per quem transit. Pluuia quoque falsa est nonnunquam, eo q̄ vapores nonnunquam nimium terre stre leuantur, qui non conuerti aquam falsam generant, aut veluti exustam, vt de falsedine maris dicitur. Descendunt quoque ranæ cum pluuia, imò (iuxta Albertum) videnti nec mirum vsque adeo hoc videri debet: cum huiusmodi terrestribus vaporibus sursum leuatis virtute adsint quatuor elementa, ad cuiuslibet misti generationem requisita, & corpora coelestia agentia, cum primæ causæ concursu ad hæc sufficientia. Primum pluuiæ signum, sydus volans. Secundum, rubedo matutina. Tertium, querela ranarum. Quartum, acrior morsus pulicum. Quintum, quando sol solito citius mane apparet. Si verò nubes in media regione postquam fuerit versa in aquam congeletur à superueniente immodico frigore, & sic descendat, grandinem habemus: quæ tantæ nonnunquam quantitatis reperitur, vt lapides magni ponderis in ea inueniantur conclusi. Quos non est existimandum generari in media aëris regione, sed nimio calore cum vapore simul sursum tractos fuisse. Cuius rei argumentum videri potest, quòd lapides eiusmodi in grandineis globis repertos, compertum sit plerumque igneæ naturæ esse, & velut virtute ignem continentes: vnde fit, vt propter inhabitantē igneam naturam, facilius sequantur solis per calorem trahentis impressionem. Grando rotunda est ferè figura, quia est pluuia congelata, & aliquando ingentis magnitudinis: quod fit quia ilico pluuia congelatur, antequam in minutas guttas dispergatur Ratio de pluuia dicta est, quòd nonnunquam animalis speciem referat: causa assignatur, dominium alicuius astri, tale animal producere nati: in vere & autumnō potissimum cadit. Non solet autem grādo fieri hyemis tempore, quia tūc media aëris regio non est multum frigida: neque rursus ita frequenter media æstare, propter calorem nimium, qui tam crassum vaporem non facile permittit sursum scandere. Videtur enim grando plus materiæ exigere, quàm pluuia, & frigus multo magis. In vere autem & in autumnō solet frequentius accidere. Tunc enim & calor est sufficiens eleuandæ materiæ, & non immodicus, vt dissipet eam: est etiam humiditas copiosior maximè in autumnō, quo vapores generentur facilius & copiosius. Nihilominus tamē etiam æstate media contingit generari impetuofam grādinem, cum con-

Nix. tingerit materiam sufficientem sursum eleuatam esse. Nix vero fit, quando nubes autem congelatur quā in aquam sit versa: quare & nix compacta, difficilius dissoluitur à sole, quā glacies. At si eleuatur vapor modicus & subtilis, non habens sufficientem calorem, ut possit ad mediam regionem tendere,

Ros. tunc in infima regione per frigus nocturnum ros generatur, quando nubes vertitur in aquam: qui fit maxime verno tempore, quando minor est calor, & frigus nocturnum sufficiens ad conuertendum modicum & subtile vaporem in aquam. Si verò vapor subtilis prius congeletur, quā in aquam ver-

Pruina. titur, habemus pruinam. Fit autem pruina tempore duriori, flante Borea potissimum: Ros contrā, flante Austro. Quod si iuxta terram pendeat sterilis vapor, id est, non satis humidus ut ex eo possit aqua generari, neque satis calidus ut

Caligo. possit sursum eleuari, dicitur nebula vel caligo: quæ solis virtute dissipata præsignat serenitatem diei. Testimonium enim dat, quòd non sufficiat pro reliquis impressionibus vapor eleuatus. Ros autem ut natura caloricus, rorilentes segetes collectas putrefacit. calor enim omnis externus putrefaciens est. Ombus quoque lethalem ventris fluxum generat, ob humorem multum viscosum, nec satis excoctum: unde pastores non prius oves educunt, quā sol suis radiis rorem summis graminibus herbisque hærentem deuorauerit. Pruina plerunque foetet, ob terrestre admixtum, & frigore impedire, non consumptum: quare & aqua ex pruina dissoluta, insaluberrima est, & maximè noxia. Pruina descendens serenitatis diei indicium est: sursum verò vecta, oppositi prænuncia est.

De fontium & fluuiorum generatione.

CAP. VII.

DE fontibus autem & fluuiis non est credendum generari ipsos ex concauitatibus, in quibus aquæ collectæ per pluuiam hyemis tempore reseruarentur, ut fluentes fluuios facerent vel fontes. Sic enim non esset constans

Generatio fontium & fluuiorum. neque stabilis cursus fontium & fluuiorum, sed aliquando possent deficere euacuato illo receptaculo. Igitur hoc fluuiorum, ex pacto intelligenda est eorum vera generatio. Aër enim

Arist. sententia. sen qui in poris terræ includitur, seque ipsum (cum maximè sit natura fluidus ac subtilis) terræ per poros immiscet, per nimium frigus (quod in terra abundat) condensatur facillime

line in aquæ guttulas, quæ paulatim in vnum locum descendentes, fonti principium præbent aut flumini. Huius signum est, quia iuxta montes & ex montibus conspiciuntur egredi fontes & flumina: & sicut ex magnis montibus magna flumina, & quasi maria quædam, ita ex parvis montibus modici fontes egrediuntur, & modici velut fluuii. Non autem in locis planis videntur generari. Cuius est causa, quoniam cum sit mons à terra eleuatus, potest ex omni parte aer facillime ingredi: & insuper dubium non est montes habere poros & concauitates maiores, quanto sunt soli viciniore & magis expositi, quam terra in locis planis, intra quam non sic potest aer sese immittere neque immiscere. Quod si quis incredulus neget tantum aquæ posse congregari, vt tanti fluuij inde generentur, videat quemadmodum humiditatis tempore circiter domorum vitra, aer in aquæ guttulas versus in vnum confluens, sæpe magnam aquam circum vitra fundat, ita vt etiam in terram defluat copiosius. Attendat rursus, quomodo hyemis tempore, ex vapore adhærente vnguibus, ratione frigoris, generatur statim aqua. Attendat nimiam fluxibilitatem aeris, & terræ frigus valde condensatum: & his omnibus consideratis, desinat esse incredulus, factus fidelis. Siquis obiiciat, prius dictum est aerem decuplo aquam excedere, & ob id cauernas terræ & montium tantæ quantitatis aeris capaces non esse, illi respondetur, tantum aerem non contineri simul, sed vno corrupto, alterum mox succedere necessario, ne vacui illi recessus maneant: quod natura maxime abhorret. Adhæc in montibus multos cauos recessus esse. Magnificet igitur hac in re diuinam magnificentiam, quæ sicut pro terræ fecunditate, pluuias, imbres, grandines, niues, rorem donat aque pruinam: ita de subtus facit scaturire aquas nostris vsibus familiaribus aptas, vt his indeficienter recreati, non deficiamus coram eo (qui nos sic abunde semper consolatur) in vlla gratiarum actione.

De maris fæsedine, eiusque fluxu & refluxu. CAP. VIII.

Maris fæsedo generatur ex permixtione exhalationum adustarum: quæ permixtæ cum vaporibus, copiose in mare patentissimum incidentes ipsum faciunt amarum & salum. Calidū enim adustum, humido permixtum, facit saporem amarum: quod patet in lixiuio & vrina.

Aquæ

*Aristo. in
fine 2. lib.
Mete.*

Aquæ tamen pluuiiales, quæ ex mari euaporantur, non sunt amaræ: quoniam eleuantur vapores puriores, & alterantur per uirtutem cœlestium. Item flumina, si quæ fluunt ex mari immediate, per meatus terræ transeuntia, colantur ut perdant suam amaritudinem, & accipiant dulcedinem depurata. Huius etiam signum est, quod aquæ maris quæ in cerreum vas undequaque conclusum per poros ingrediuntur, dulces fiunt: quoniam illa terrestreitas crassior, foris manet. Dicunt tamen quidam, mare ab initio amarum fuisse creatum: quæ sententia priori penitus non repugnat: sed constat pariter, ut & secundum naturalem conditionem amaritudinem habeat suæ salsedinis, & nihilominus idem efficiat amplius causa quam diximus. De fluxu autem, & refluxu maris si causa requiratur, ex Luna eam oportet assignari, quæ dominatur humidis. Luna enim ascendente supra horizontem in quo est mare, ab Orientis puncto usque ad punctum meridiei, fluit mare. A puncto autem meridiei ad occasum declinante, refluit. Iterum ea ab Occidente ad angulum noctis pergente, fluit: ab angulo noctis ad Orientem, refluit. Quod autem fluxus nunquam eadem hora incipiat, sed quotidie paulò minus una hora serius, Lunæ motui quo ab Occidente versus Orientem tendit, est adscribendum: inde enim est, quod serius quotidie exoritur: conficit siquidem proprio motu quotidie tredecim gradus cum undecim minutis: & gradus quindecim, horam efficiunt. Quod autem maria aliquando fortius fluant & refluant, quàm alio tempore, est ex vicinitate Lunæ ad maria. Quando enim Luna directè respicit mare, existens supra horizontem, multo fortius mouet, quàm quando existens sub horizonte, per reflexionem uirtutis tantum operatur eundem effectum. Virtus siquidem tantum reflexa, est minor, & directæ debilior. Eodem etiam modo, aliquando mare crescit, aliquando decrescit: nunc condensatur, nunc rarefit. In nouilunio siquidem utriusque & Solis, & Lunæ lumen impeditur, ne valeat aërẽ subtilem seruare: quare ingrossatus, in aquam magis tum vertitur: propter quod mare in nouilunio substantialiter crescit. In plenilunio etiam utriusque lumen non prohibitum rarefacit aquas maris, & crescunt per rarefactionem, non per substantiam: quæ & homines in se facili, si aduertant, experiri poterunt.

De ventis, & eorum generationibus, atque diuersitatibus.

CAP.

IX.

Venti generantur per Solis virtutem, euaporata à terra *Arist. quæ exhalatione calida & sicca, quæ quærens sursum ascen- sequuntur* dere, & à frigido obuiante repulsa, secundum diuersos occur- *tractat 4. li.* sus, & repulsus, diuersimode circa terram agitur, & moue- *Mete.* tur lateraliter. Qui etiam à regionibus ex quibus flatum cōspiciuntur habere, nomina accipiunt, & naturarum suarum conditionem diuersam. Ex regione namque Orientis flat ventus Orientalis: qui est iuxta conditionem suæ regionis calidus & siccus, conueniens cum cholera, æstate, iuuentute, & igne, in qualitatibus naturalibus. Regio Occidentalis cum suis ventis est humida, & frigida, conueniens cum phlegmate, hyeme, senectute, & aqua. Regio Septentrionalis, quæ à septem stellis quæ triones nominatæ sunt à poëtis, hoc sumpsit vocabulum, habet ventos frigidos & siccos. Qua in re conuenit cum melancholia, autumno, ætate decrepita, & vltima senectute, atque cum terra. Ex parte meridionali, australes flant venti, calidi & humidi, similes sanguini, veri, æri, & adolescentiæ. Vocantur autem hi quatuor venti principales, Subsolanus, Zephyrus, Boreas, & Auster, qui & alios habent sibi collaterales hinc & inde: quos non laboramus nunc curiosius distinguere, vt & nautis sua relinquamus, quibus nos antecellant. Hos roget, quisquis ea vult cognoscere exactius, atque distinctius dignoscere. Generantur autem venti ex sicca exhalatione, sicut pluuia ex humida euaporatione: & à sole generantur: qui etiam eos dissipat maiore ex ortus ardore, resoluens in aërem atque difficiens. Nonnunquam autem cum vaporibus humidis commixti simul, & eis coniuncti, pluuiam faciunt. In terram quoque possunt resolui, sicut vapor in aquam: verum id & difficilius est, & rarius. Seneca quoque dicit ventum esse aërem motum: asserit & æri quandam spirandi atque seipsum mouendi vim esse innatam, nimirum cum putandum non sit, aërem præ cæteris elementis inertem ab ipso omnium conditore esse relictum.

De terramotu.

CAP.

X.

QVādo autē cōtingit intra viscera terræ plurimas generari exhalationes in concauitatibus ipsius per virtutem Solis atque astrorū ex materia ipsius terre, & humiditatis

tatis terræ immerſæ, ſi egredi nequeant, ob nimis compa-
ctam terram, & nimiam ventorum groſſitiem, neceſſe eſt
terræ fieri motum in aliqua parte. Qui ſi in latum fiat, tre-
mor dicitur: vbi vero eleuatio ſit collis in altum, dicitur pul-
ſio. Et hoc terræ motu contingit ciuitates opprimi, & mon-
tes generari, & etiam ſubrui. Neque eſt mirandum, tantam
habere vim exhalationem incluſam intra terram, quoniam
videmus ex modicis ſpiritibus in hominibus exitum quæ-
rentibus, magnos ſubinde terrores fieri. Auditur autem
aliquando ſonus multo ante terræ motum, ex concuſſione
exhalationis ad latera terræ genitus. Cæterum durationem
habet iuxta exhalationis magnitudinem, & firmam ſoli-
dâque terræ compactionem. Signa aliquot futuri terræ-
motus ſunt. Primum, ſi mare nullo vento ſpirante ſubitò in-
tumeſcat. Secundum, ſi ſues ſolo pauidæ infideant. Tertium,
ſi aquæ in imo puteo turbulentæ ſunt.

De tonitruo & fulmine.

C A P. XI.

*Quid ful-
men, & to-
nitruum.*

FIt quandoque, vt pariter eleuetur vapor calidus, & hu-
midus, atque exhalatio calida & ſicca, pariterque aſcen-
dant in mediam æris regionem: vbi quando contingit cali-
dam & ſiccam exhalationem nube ex dicto vapore genita
velut pelle circundari, propter antiperiſtaſin contrariorum,
vehementius exhalatio ipſa incaleſcit, & exitum hinc inde
petens, nubem concutit: quam cum à parte inferiori, quæ
debilior eſt, frangit, egreditur fulmen, hoc eſt, exhalatio in-
flammata, vel ante egreſſum per nimiam caloris vim, vel
in ipſa concuſſione (ſicut ex concuſſione lapidum naturæ
igneæ exoriuntur ſcintillæ) quæ ad terras propulſa, pro-
pter ſuam ſubtilitatem, corpora rara & peruia abſque no-
cumento citius pertransiens, in interiora ſolet magis den-
ſa, magiſque reſiſtentiâ plerumque deſcendere, ipſa conſringen-
do vel adurendo. Nam intacta veſte, hominem conſumit, &
carnibus illæſis ſæpe oſſa adurit, gladium quoque frangit,
vaginam nil lædens. Et licet ſecundum tempus prius ſe
nobis coruſcatio per lumen manifeſtet, conſtat tamen
prius tonitruum eſſe, & fulminis coruſcationem ex nu-
bium concuſſione (quæ tonitruum dicitur) generari. Idque
hac de cauſa, quoniam ſicut intellectus omnem ſenſum præ-

*Nota de ful-
mine.*

*Viſus antici uolat, ita viſus cæteris ſenſibus ſpiritualior anteuertit audi-
pat auditum. Cui rei argumētum ſunt, qui igna cædunt in ſyluis, quos
vide*

videmus securim iam in altum eleuasse ad denuò feriendum, priusquam ad aures nostras primi ictus sonus deuenierit.

Quemadmodum verò in terra, ex coniunctione vaporis cum exhalatione generantur lapides, cæteraque mineralia: ita cõtingit in superioribus quoque, lapidem generari ex inclusione diutina exhalationis, & eius coniunctione cum nube quæ est frigida & aquosa: qui cum fulmine deiectus, cuneus fulminis vocatur. Patet ergo quemadmodum & ventorum & terræ motus, & tonitruum atque fulgurationis eadem penè sit materia, ipsa videlicet exhalatio. Super terram enim agitata, facit ventum: in terra, terræ motum: in nube autem tonitruum. Aduersus fulmen remedia sunt, loca subterranea: non enim profundius quinque pedibus terram intrat. Secundum est, pellis vituli marini, ex quibus ob id imperatorum tentoria fieri solent. Tercium est, laurea corona: nam Iaurus fulmine non læditur.

De halone, siue corona.

C A P.

XII.

PER refractionem autem luminis in nubibus aquosis, contingit diuersas fieri apparentias. Cum enim nubes vniformis, & in omnibus partibus æquam raritatem, aut densitatem habens directè sub Sole, Luna, aut astro inuenta fuerit, incidit in eam ab obiecto lucido astro luminosus radius, qui nubis occurso refringitur. Prohibetur enim directè ulterius procedere, propter nubis vniformem densitatem: atque ita per extremitates nubis vbique diffunditur. Et per hanc refractionem apparet sub astro magnus circulus, lumine collustratus, in modum lucidæ coronæ, qui halon dicitur. Fit autem & sub Solè, & sub Luna, & sub Planetis aliis. Sæpius tamen circa Lunam, quàm circa Solem. Nam Sol feruore suo calore, materiam nubis disgregat, neque diu eam sub se consistere permittit. Luna autem non tantam habet vim dispergendi materiam, quantam Sol: & ideo facilius potest apparere sub ea halon. Eadem ratione & circa astra sæpius apparet, quàm circa Solem. Verùm id fit cum nubes debilis est, & sterilis, vt nec ventum valeat nec pluuiam parere. In nubibus enim aquosis & spissioribus, non videretur astrum ira suum lumen posse spargere, propter virtutis debilitatem.

De generatione Iridis.

C A P.

XIII.

IRIS autem sic generatur, in nube aquosa, & vt in imbrem soluat parata, è regione opposita Soli aut Lunæ refringuntur

*Arist. 4. li.
Meteor.*

*Halon sub
Sole, Luna,
& astris.*

Iris tricolor

guntur radij luminosi Solis aut Lunæ, e ūque imaginē ob-
 scure, & imperfecte exprimunt, propter nimiam distantiam,
 & interiectionem vaporum inter Solem & nubem. Et inde
 apparet in ea nube arcualis figuræ Iris, tribus distincta & ad-
 ornata coloribus, videlicet puniceo, viridi & purpureo. Quæ
 colorum distinctio inde sumitur, quia radius luminosus
 quanto longius protenditur, tanto debilior fit, & minus ha-
 bet luminosæ claritatis, & magis ad obscuritatem atque ni-
 gredinem tendit: propter quod radius fortior ille qui prius
 puniceum habebat colorem, debilior factus conuertitur in
 viridem. Color enim viridis magis ad nigredinem tendit, &
 obscuritatem, quàm puniceus. Ac rursum, idem radius fa-
 ctus debilior, tandem conuertitur in purpureum, qui am-
 plius quàm viridis ad obscuritatem accedit. Differunt autem
 Iris & halò: quia Iris fit ex opposito Solis aut sui astri, halon
 autem directè semper sub astro. Iris etiam propter nimiam
 distantiam à Sole apparet nigrior: halon autem, albior &
 fulgidior, propter breuiorem & fortiorem radij refractionem,
 ratione vicinitatis ipsius ad astrum. Rursum non tantæ
 durationis est halon sub Sole, quantæ Iris ex opposito Solis.
 Quia enim ille Soli est propinquior, idcirco citius dissipatur
 & disgregatur ab eo. Hæc autem longius distat, vide
 non ita citò dispergitur, diutiusque valet consistere. Præterea
 halon semper integer circulus apparet, & vere est. Iris autem
 nunquam nobis apparet integer circulus, aut portio maior
 semicirculo: sed vel semicirculus, vna extremitate vnâ no-
 stri horizontis partem tangens, & altera oppositam; aut est
 portio minor semicirculo. Notandum autem quòd non-
 nunquam videre contingit simul duas Irides, aut interdum
 (licet rarius) etiam plures. Duæ autem Irides cum simul ap-
 parent, eosdem quidem colores habent, sed situ diverso; ita vt
 altera habeat puniceum, viridem & purpureum, altera autē
 contrario ordine purpureum, viridem, & puniceum. Et illa
 quæ apparet debilior, imago est alterius fortioris. Quando
 autem tres apparere cōtingit, tertia vsque adeò debilis est, vt
 vix videri queat. Nam tertia cū apparet, debet illa fieri ex re-
 fractione radiorum secundæ, qui valde sunt debilis virtutis.
 Et habet tertia debilissima semper colores similes primæ, &
 fortissima, puniceū scilicet, viridē & purpureū. Neque enim
 contingit plures duabus simul apparere aut fieri in colorum

*Quomodo
 simul plures
 Irides vide-
 ri cōtingit.*

positio

positione differentes, sed tertia semper primæ est similis. sed & hoc notandū est, quod quanto sol supra nostrum horizon tem magis eleuatur, tãto minor apparet Iris. Atque ob hoc in meridie Iris fit quàm minima. In ortu verò vel occasu, maxima quæ fieri potest, conspicitur. Eadē quoque ratione, in medio æstatis circa solstitium æstiuale, quādo prolixiores sunt dies, in meridie non potest omnino apparere. Post verò æquinoctium autumnale, quādo sunt dies breuiores, potest per omnes horas diei sese manifestare.

De Paraheliis.

C A P. XIII.

Cæterum parahelij generantur ad hunc modum. Cum enim nubes bene densa & continua, regularis & vniformis, sita fuerit nō sub sole, neq; ex opposito, sed ad latus eius, propinqua vt vertatur in pluuiam, nondum tamen versa, in illa sol per suorū radiorū refractionē suā exprimit, formatque imaginem, sicut suam imaginem effingit sol in ære polito & bene terso. Hæc autem imago solis ad eius latus cō sistens, dicitur parahelios, à παρα, quod Græcis iuxta signifi cat, & ἄλιος, quod solē: vt dicatur παραήλιος, quasi iuxta so lem. Dictū est autē nubē illam debere esse densam, vt melius refractionem faciat cōtinuam, vt integriorem solis suscipiat imaginem: regulārē quoque vt omnino & magis vniformem, vtiorem & perfectiorem exprimat imaginem, propinquam etiam verti in pluuiam, vt cōmodius in ea repræsentetur solis imago, sicut in aqua pellucida, attamen nondū cōuersam: quia si conuersa iam esset, partibus discontinuatis non esset apta solis imaginem suscipere neque exprimere.

Differentia parahelij ab halone & Iride.

C A P. XV.

Differt autem parahelios ab halone, & Iride, primum quidem ex situ loci: quia neque sub sole sit, vt halone: ne que ex opposito, vt iris. Nam illic quidem sol materiam sua virtute dispergeret, hīc verò propter nimiam distantiam refractione esset nimium debilis, quæ nō sufficeret ad imaginem solis effingendam. Sed medio modo ad latus constituitur parahelios, vt sol nubis materiam nimia propinquitate dissol uere nequeat, & copiosius ad nubem radij peruenire possint quæ sufficientem faciant refractionem, ad solis imaginem efformandam. Quemadmodum autē ad latus solis in nube eiusmodi, qualis supra descripta est, exprimit sol suam imagi

nem, ita potest facere & luna (quanquam cætera astra, ad perfectam talem imaginem & similitudinem omnimodam efformandam non videantur sufficientia) propter quod sub parahelio etiam imago lunæ comprehendi debet. Contingit autem non solum vnum parahelium, verum etiam plures simul apparere. Testatur enim Plinius, tres simul lunas Cn. Domitio & L. Annio consulibus, apparuisse. Non quòd secundum veritatē tres lunæ fuerint, sed quia vna vera & duæ imagines. Propter similitudinem enim commune habent nomen, quemadmodum homines imaginem ipsius, cuius imago est, nomine solemus designare. Et in tempore natiuitatis saluatoris nostri Dei, feruntur tres simul apparuisse soles, id est, sol vnus verus cū duobus paraheliis: qui tandē in vnum coeuntes & conuenientes significabant (vt recte credimus) sanctissimæ trinitatis in vnitatem mysterium, quod iam par Christi ortum erat palam in toto orbe faciendum, quòdque is qui mundo tum nascebatur sol iustitiæ, inhabitantem in se haberet plenitudinem totius diuinitatis. Et quòd cum Christo homine & pater & spiritus sanctus vna essent substantia, & vnus Deus, vna lux, vnum lumen increatum, & æternum, quod est benedictum in secula. Amen. Hæc sunt mirabilia magna admiranda acque stupenda, quæ solis & astrorum virtute atque efficientia siue in cælo sursum, siue in terra introrsum, siue super terram deorsum fieri quotidie conspiciamus: quædam quidem frequentius, alia rarius, iuxta quod naturæ cursus expostulat, & iuxta quod autor naturæ Deus voluerit atque mandauerit. Omnia enim hæc, nempe ignis, grando, nix, glacies, spiritus turbinis ac tempestatis, cæteraque quæ suprâ tractata fuere, faciunt verbum eius, eiúsque iussu obedienter perficiunt ad laudem gloriæ eius, qui in sublimibus inhabitans, etiam infima possidet, regit ac moderatur, secundum beneplacitum voluntatis suæ, qui in trinitate perfecte vnus, & vnitatem perfecte trinus viuere & regnare in secula seculorum. Amen.

FINIT LIBER SEXTVS.

PSALMVS ADMIRATIONIS
mirabili domino.

Multa iam diximus, & explicasse videmur nobis plurima: quæ erant occulta naturæ opera forsitan nonnulla patefecimus.

Ter

Terrores ignium qui in supernis apparent, explanauimus: biatu quoque, foveas, & puteorum voragine.

Pluias, grandinē, niuem, rorem, pruinam, caliginem, hæc omnia descripsimus.

Fontium venas & fluuiorum origines scrutati sumus: maris sal-
sedinem, fluxum atque refluxum considerauimus.

Ventorum qui terram perflant ortum distinximus: motus quoque & tremores in visceribus terre.

Tonitruum & fulgurum quibus terrentur homines; exposuimus
ortum: halonem & parabelium & irides signauimus in nubibus de-
super.

Hæc omnia tractauimus, & explicasse nonnulla videbimur: tu en-
nim Deus reuelasti nobis opera tua.

Veruntamen quæ adhuc occulta sunt nobis, plurima sunt: & par-
ua nimis est portio eorum quæ nouimus, si conferatur ad ea quæ ser-
uantur occultata à nobis.

Quæ cognoscimus sunt pauca nimium, & ea ipsa quæ fortè cogno-
uimus, sunt heu nimium tenuiter à nobis cognita.

Nimium tenuis est & obscura scientia nostra, neque est vel re-
num ex cunctis operibus altissimi, quod sit pro dignitate sua nobis
cognitum.

Mitto cetera, fontem consilero qui scaturit de visceribus terre,
quem per umbilicum suum resudando ebullit ipsa, iactu perpetuo.

Quis pro dignitate spectaculum istud vel modicum contemplari
poterit? quis expendere sufficiet ortum aquarum tantarum, & flu-
xum perpetuum?

Surge diluculo, accede ad fontem, qui est in planicie ista, persta
iuxta illum, neque abscedas vsque ad meridiem.

Et cum aduenerit meridies, non te auocet ventris cupiditas à con-
sideratione tua: perseuera astans tuo spectaculo vsque in vespertam
& noctem profundam.

Habe intentos semper oculos ad aquam quæ ebullit de ore ipsius,
attende ad dulcem sonitū, quem aquarum supra petras cæsus con-
tinuus immitit in aures tuas.

Dic mihi ubi sic perstiteris, si vlla vnquam hora defuit tibi spe-
ctaculum tuum: num vel breuissima morula defectum passus sis aque
ebullientis?

Aquam quæ deprompta erat, non videbas redire iterum in ven-
tr em fontis, vnde egressus fuerat, in riuulos atque fluuiolos derivari
conspiciebas per alueolos, super faciem terre.

Vniuersam aquam istam si tibi placuisset colligere, accepisset certe vasorum plurimum plenam amplitudinem, in non multo tempore.

Et quidem parum id forsitan, si diei tantum vnius spatio perduraret fluxus eiusmodi: nunc vero cursus est & impetus effluxionis perpetuus, & indeficiens in plurima secula.

Si collectæ starent aqua quæ effluerunt è fonticulo isto minimo, ab initio ortus eius conspiceretur utique veluti flumen magnum aquarum copia inundantium.

Fontes enim hi, ecce steterunt in diebus patrum nostrorum ante secula plurima, ante annorum centenarios plurimos, ut scaturiebant, ita ebulliunt & hodie.

Vnde verò tantam tu dicis o spectator aquarum copiam? & ubi continebantur, priusquam exirent per os fonticuli?

Quod est penu in quo seruetur tanta multitudo aquarum, ut non deficiat fluxus ex eo in tanta tempora?

In montibus affirmabis principium earum, aerem assignabis mihi in materiam?

Vnde verò virtus earum tanta in visceribus terra, ut ista sic perpetua fiat & indeficiens aquarum generatio?

Dic mihi qui habes intelligentiam & scientiam, si alium habeas quam Deum autorem horum mirabilium?

Magne, magne Deus, contemplor, & contemplari non sufficio: in consideratione mea hebescit acies cordis mei.

Si voluero plenam eloqui veritatem super iis quæ præconsiderata sunt: dicam tibi in confessione laudis, quoniam tu autor es omnium simul horum mirabilium.

De tua fecunditate scaturiunt fontes aquarum, in te sunt vene fontium, qui vena es aquarum viventium.

Sed & cetera omnia quæcunque miratur homo, & non sufficit, abs te vno procedunt: confiteor hoc tibi ad laudem & gloriam tuam.

Multa diximus, & pauca omnino sunt atque exilia: non enim pro dignitate explicare sufficimus maiestatem operum tuorum quæ sunt mirabilia.

Confitebor tibi domine, & psallam donec fuero: magnus enim tu es, & nimis nimium laudabilis,

Gloria patri & filio, & spiritui sancto.

Sicut erat in principio, & nunc, & semper, & in secula seculorum. Amen.

IN LIBRVM VII.

CONSIDERATIONIS

PHYSICÆ DE COE-

LO ET MVNDO,

PREFATIO.

* *



POSTEA QVAM in libris superioribus de rerum naturalium principiis & causis, deq; motu & aliis quibusdam rerum naturalium accidentibus, nepe infinito ac finito, loco, vacuo, & tēpore, de rerum quoq; naturalium generationibus, & corruptionibus, deque meteorologicis impressionibus determinauimus: restat vt de totius vniuersi dispositione & partium situ, deq; cœlestibus illis orbibus (quæ sunt omnium corporum secundum corporis rationem nobilissima) specialius aliqua dicamus: de numero videlicet, ordine, dispositione, virtute, deq; motibus eorundem, & in hæc inferiora influxibus. Peculiariter verò de duobus illis luminaribus, quæ Deus præ cæteris insigniter in temporum distinctionem & rerum vicissitudinem in cœlis constituit, ad hominum utilitatem (Solem dico & Lunam) deq; horum peculiaribus motibus, quomodo dies, annos atq; menses nobis distinguat, generationes adducat atq; corruptiones, quomodo nobis plenilunia & nouilunia ab eis contingat. Vnde eclipses siue solares siue lunares, vnde solstitia atq; æquinoctia, & inuiolabilis iste procedat temporum ordo. Vehementer enim ista sobrie cognita ad Dei gloriam profuerint contemplantibus, & ad ea quæ de generationibus & corruptionibus dicta sunt, non parum præstabunt adiumenti. Primum itaq; totius mundialis machinæ dispositionem & situm figuraliter describemus, ac deinde ad cœlestium considerationem transibimus: præmissis interim aliquot diuisionibus, & definitionibus, hisce atq; in horum cognitione nonnihil lucis adferentibus.

Quadā diuisiones & definitiones sequentibus necessaria. CAP. I.

Eorum quæ natura sunt, alia sunt corpora magnitudinesque sue, alia corpora ac magnitudinem habent, alia principia habentium sunt.

Quæ verba hunc habent sensum, Eorū quæ in rerum natura existunt, quædam sunt quantitates corporeæ, aut lineæ, aut superficies: alia sunt corpora prædicamenti substantiæ, quæ in se vti accidentia habent huiusmodi quantitates: alia sunt principia substantiæ corporeæ, quippe materia & forma. Ad huius diuisionis noticiam subduntur definitiones continui, & specierum ipsius, quarum est hæc continui,

Continuum est, quod in diuisibilia semper diuisibile est.

Id est, quantitas continua permanens est quantitas, quæ potest secari in partes proportionales, ita vt nunquam sit peruenire ad partem in alias non diuisibilem, nec inconueniens est sic processum esse in infinitum, cum hoc solum potentia & non actu sit. De parte proportionali quid sit, prius est dictum. Dictum quoque est prius quantitatem continuam ex indiuisibilibus non componi, cuius oppositum sequeretur, si ad partem indiuisibilem deueniretur. Patet hinc excludi tempus & numerum: continuum autem cum in tres diuidatur species, recte singularum definitiones subduntur, quarum est corporis hæc,

Corpus est, quod est diuisibile omni ex parte.

Id est, corporea quantitas, est quantitas longa, lata & profunda, seu quæ mensuratur longitudine, latitudine, & profunditate seu crassitie, quæ tres dimensiones sunt.

Linea est magnitudo quæ ad vnum est diuisibilis.

Id est, linea est quantitas continua permanens, vnica dimensione, scilicet longitudine potens secari.

Superficies est ea quæ ad duo est diuisibilis.

Hoc est, superficies est quantitas continua permanens, quæ duabus dimensionibus tantum (scilicet longitudine & latitudine) est diuisibilis. Hisce itaque definitis, commodum de motu locali corpori quæto attributo, nonnihil dicendum videtur, qui diuiditur sic,

Motuum localium, seu (vt dicit Aristot.) lationum, alius est rectus, alius curuus, alius ex hisce mixtus,

Cuius membra, ex subiectis eorundem descriptionibus, euadent manifesta.

Motus rectus, est quo sursum itur atque deorsum.

Id est, motus elementorum naturalis, ad locum videlicet naturalem, rectus est, qui per lineam quæ diameter mundi est, fit, siue sursum, siue deorsum fit.

Motus sursum dicitur, quo è medio pergitur.

Id est motus rectus sursum dicitur, quo è centro terræ tenditur per rectam lineam.

Motus deorsum dicitur, quo ad medium proficiscitur.

Id est, quo ad centrum terræ per rectam tenditur lineam.

Motus circularis est, qui circa medium fit.

Hoc est, motus circularis est, qui fit circa centrum terræ secundum partes æqualiter distantes à centro. Atque horum motuum, soli rectus & circulares simplices dicuntur, eò quòd per lineam simplicem fiunt, videlicet rectam & circularem. Describitur autem linea simplex sic,

Linea simplex est, quæ in omnibus suis partibus vni formis est secundum rectitudinem aut curuitatem.

Quales sunt linea recta & circularis. Atqui hæc quæ de motu dicta sunt, ipsis simplicibus corporibus esse tantum applicanda (iuxta Aristotelis sententiam) non vsquequaque fuerit difficile aduertere, quibus præcipue huiusmodi motus competunt. Colligitur tamen ex dictis admodum facile, quis motus rectus, quis curuus, quis sursum, quisve deorsum, atque ita deinceps, iuxta vulgi accipiendi modum.

Motus mixtus est, qui fit secundum magnitudinem, partim rectam, & partim curuam.

Vt motus per arcum & neruum, sic motus vèti obliquus, imo propemodum cuiuslibet mixti motus. Quoniam corporum quædam graua, quædam leuia, quædam neutra sunt, pretium operæ videtur horum definitiones subiicere.

Est igitur leue, id quod aptum est è medio ferri.

Id est, quod è centro terræ aptum est sursum moueri, vt aër, ignis.

Graue est, id quod aptum est ad medium ferri.

Hoc est, quod ad centrum terræ tendit ex naturali motu & proprio, vt aqua & terra. Porro hic animaduertendum est quædam simpliciter leuia esse, vt ignis: simpliciter leuia aut

grauia, ut terra: alia tantum respectu alterius, ut aqua si conferatur terræ. levis est, & non simpliciter: & aer collatus igni, grauis, non tamen simpliciter. Vnde &c.

Leuissimum dicitur, id quod super omnia collocatur, quæ sursum pergunt.

Qualis est solis ignis.

Grauiissimum est id quod sub his omnibus collocatur, quæ deorsum feruntur.

Ut sola terra. hinc infertur cœlestes orbes neque graues, neque leues esse: non enim aut sursum aut deorsum ferri apti sunt, sed solum circulariter, qui motus perfectissimus est, ut & ipsa circularis figura. Quod autem dicitur leuissimum poni super omnia, &c. intelligendum est inter elementa, ne cœlo ipsi competere putetur.

De totius vniuersi dispositione, & ordine omnium quæ sunt in eo.

C A P. II.

VNiuerfitas mundi, atque mundus vniuersus, simplicibus constat atque mixtis corporibus.

Simplicia corpora sunt, quæ motus secundum naturam principium habent.

Id est, quibus motus simplex secundum naturam propriam non ab aliis participatam competit. Huiusmodi sunt quatuor elementa.

Composita sunt quæ mouentur ad nutum simplicis dominantis.

Qualia sunt omnia mista corpora. Simplicium sunt quædam quæ nullam suscipiunt primarum qualitatū, nec proinde secundarum, quæ ex primarum certa proportionem confurgunt. Hæc sunt cœlestia corpora, quæ nec grauiā nec leuiā sunt (alioqui enim sursum mouerentur aut deorsum) sed naturaliter mouentur motu circulari, qui motus cum sit perfectissimus omnium, sicut & circulus est figura perfectissima & maximè vniuersalis, conuenit corpori perfectissimo sphericam figuram habenti. Alia sunt simplicia corpora, quæ qualitates primas sibi habent determinatas. Ipsa sunt elementa quatuor, ignis, ær, aqua, terra. Inter quæ propter repugnantiam qualitatū actiuarū, cum sit pugna atque inimicitia perpetua, ob proportionem tamen actiue virtutis in superio

Arist. 1. li. de cælo. Idem 8. lib. Phys. & 1. 2. de cælo.

periori, & resistantiæ in inferioribus, haud dubiè ordinatissimam, nullum horum contigit ab initio deficere. Horû ignis vt summe levis, rarissimus atq; purissimus, sursum habitat, suam conuexam superficiem habens simul cum concava superficie orbis lunæ. Post ignem sequitur aër, tribus partibus siue regionibus (vt in præcedente libro fuit declaratû) distinctus. Aëri proxima est aqua, quæ in principio quidē creationis rerum sic terram ambiebat per circuitum, & respondebat iuxta suam superficiem conuexam superfici ei cōcauæ aëris, quomodo nunc ignis ambit aërem, & superficie ei cōcauæ cœli lunaris secundum suam conuexam superficiem ad aqua tē respōdet. Verum propter habitationem hominum, ex *Gene. 1.* nesci patet, omnipotentis iussu aquam congregatam esse in locum vñ, vt appareret arida, hoc est terra, fieretque apta habitationi hominum, & fructificationi gignendorum ex ea. Mixta verò corpora in locis elementorum suam habēt manifestationem, vnumquodq; iuxta suæ naturę cōstitutionem: quædam quidem in aëre, quædam in aqua, alia in terris. Possunt *Quinque* autem mixta corpora vniuersa quinq; gradibus summam *gradus mi-* completi. In primo gradu & infimo sunt mixta imperfecta, *xtorum cor-* id est, impressiones meteorologicæ, de quibus iam in præcedenti libro determinauimus. In secūdo gradu sunt lapides & mineralia quæ in terris gignūtur, & ob longiorem durationem merentur altiori gradu à prædictis reponi. Atque hæc omnia sunt inanimata. Tertius gradus habet omnes plātas, arbores & herbas, & quæcunque vitam habent vegetatiuam, id est, quæ nutriūtur, & augentur, & generāt sibi simile. Quartus continet omnia animalia bruta. In quinto autem & perfectissimo gradu est species humana, ad quam vt finem ordinantur cæteri omnes gradus inferiores. In cuius indicium *Gen. 1.* sexto demum die, omnibus dispositis & perfectis, nouissime Deus creauit hominem.

De elemento ignis specialis determinatio.

C A P. III.

Q Vanquam autem de elementis in libro quinto tractatum est, quantum ad rationem elementi & qualitates elementa respertinet, hoc tamen loco aliqua sunt specialiter dicenda, quæ alias ipsorum condiciones respiciunt, vt puta de modo existenti, de perfectione, de situ locali, & huiusmodi, quæ huic loco magis competunt. Et primum quidem

de ignis elemento, quomodo & ubi existat, & quam ob causam non videatur, est dicendum. De hoc enim elemento quidam addubitant, nonnulli plane negant, sensui magis quam rationi credentes, ob hoc scilicet quod oculis ipsum non videant, credere rationi recusantes. Putant enim elementum tantum (nimirum decupla proportionem aëris sphaeram excedens) non posse penitus latere oculorum corporalium aspectum, ita ut nec serenissimis noctibus videri possit, quando neque à nubium obiectarum densitate, neque à solis lumine, vllū videtur impedimentum. Verum isti ex luce candelarum, carbonum & facum quae apud nos sunt, seipsos, paralogizant atque decipiunt, somniantes vel carbonarium, vel lignarium aliquem ignem esse debere eum quem elementarem dicimus. Quia in re manifestat ratio crassissime illos iudicare, non attendentes maximam dissimilitudinem quae est inter ignem materiale (qui nobis in usu est, ad illuminandas tenebras, aliaque necessaria peragenda) & illum elementarem, qui ad totius vniuersi decorem, caelo proximus, locum quartum possidet. Ignis enim quo utimur, non ignis est (ut in libro de generatione & corruptione diximus) sed igneum aliquid. Nō enim corpus simplex est, sed mixtum: longissimēque abest ab illa raritate quae igni competit elementari. Est enim ignis iste nostri usus admodum compactus, spissus, & plane opacus in seipso, minimēque transparent. Quod vel ex hoc facile patere potest, quoniam candela candelae appositae umbram facit, quod certē non faceret, si ignis candelae corpus perspicuum esset siue transparent. Docet item experientia, quod directē trans ipsum ignem nostri usus nihil videre possumus, quodque visum impediatur, ne suum percipiat obiectum. At verò

Ignis elemē ignis elementaris in sua natura & in sua sphaera decuplo rarior est, quā sit aër etiam purus & nullo vtro commixtus. *taris maxima raritas.* Et si vllum elementum purum est (Aristotele teste) creditur esse ignis: utpote caelo proximum, ubi difficilius est fieri vllam commixtionem. Vnde si aër decuplo densior, non potest terminare visum nostrum, sed est transparent & perspicuus, quanto magis non poterit terminare visum ignis decuplo rarior, sed erit transparentior & magis perspicuus aëre in proportionem decupla? Quod autem visum nostrum non terminet aër, manifestū est sensus experientia. Nam nisi motu & flatu venti illum experirentur rudes homines (quibus

bus tamen æquè sunt sensus ut doctioribus) planè negaturi
 essent aërem, assererentque vacuum esse vsque ad coelos. Sed
 experientiis solis, isque certissimis, & manifestissimis, de aë-
 ris existentia certificatur: de igne verò, quoniam nimium est
 à nobis elongatus, non possunt sic haberi experiētiæ: propter
 quod, ad credendum eius existentiam quidam inueniuntur tar-
 diiores. Ratione tamen efficaci est demonstrabile, talem qua-
 lem iam diximus ignis sphaeram esse regioni cœlesti conti-
 guam. Præterea, nullū corpus diaphanum, id est, perspicuū,
 vel transparens, per se terminat visum, propter suā transpa-
 rentiam, sed solum corpus opacum & nō transparens visum
 terminat & penetrare nō patitur. Quapropter si ignis in sua
 sphaera talis esset, qualis apud nos, essetq; visibilis & visus no-
 stri terminatiuus, ut corpus opacū, necesse foret omnes stel-
 las firmamenti, & planetas, ipsum quoque Solem perpetuo
 nobis eclipsari, nec possent à nobis vnquam videri. Cū enim
 per circuitum vndique ambiat ignis totam aëris sphaeram,
 ex omni parte lumen cœleste impediretur à luce ignis. To-
 tum ergo decorem cœli talis ignis nobis absconderet, & pe-
 nitus auferret. Quapropter voluit illum Deus disponens
 omnia suauiter, in maxima raritate (vti eius naturæ conue-
 niebat) constituere. Quòd si quis interroget: ignis ille ele-
 mentaris rarus, vnde habet nutrimentum? Videtur enim *Obiectio.*
 totus aër tanto nutriendo igni non sufficere. Attamen de-
 bere ignem nutrirī continuo aliquo combustibili, videtur
 monstrare experientia. Dicendum est, ignem quidem in *Solutio.*
 aliena materia non posse subsistere, neque teneri, nisi conti-
 nuò nutriatur adiecto combustibili. In sua autem sphaera in
 materia propria, non eget vilius combustibilis nutritione,
 ut in naturali loco suo seruetur, nihilo certè magis quàm
 aër, aqua vel terra vilo indigent nutrimento. Hæc pro-
 pter simplicium quorundam sensualem dubitationem de
 ignis elemento dicta volumus, ne ob sensus nostri angus-
 tiam diuinæ maiestatis amplitudini aut magnificentiae ope-
 rum derogemus. Tam amplam enim & ex præcipuis mun-
 dialis machinæ partibus vnā abnegare creaturam, ac per
 hoc pulcherrimum illum ordinē & proportionem ordinatissimam,
 quæ in quatuor elementis cōsideratur, propter sensus
 crassiciem destruere, quid aliud est, quàm ad nostram angus-
 tiam diuinæ potētiae, & sapiētiae amplitudinē restringere?

De

De situ elementi aquæ, & terra discoopertione. C A P. IIII.

DE aquarum etiam situ non inutiliter mouetur difficultas, ex eo quod iam ante primo capitulo dictum est, & ad oculum manifestè cernimus, terram non esse ex omni parte aquis circumdatam, sed secundum partes aliquas esse discoopertam aquis. Tale autem aliquid in nullo omnino aliarum sphaerarum accidere videmus. Nam aer ex omni parte ambit aquam, & ignis ex omni parte aërem, ac deinde in cœlestibus orbibus quilibet superior ex omni parte ambit inferiorem. Vnde apparet, hunc aquæ situm quem nunc habet, non esse prorsus illi naturalem, sed iuxta situm naturalem debere ipsum ambire & circumdare ex omni parte sphaeram terræ. Quærimus ergo ad cognitionem operis Dei, an sola diuina virtute absque cooperatione naturæ ista terræ discoopertio, & aquarum separatio facta sit, an simul vlla naturalis virtus ad hanc rem concurrerit. Et si sola diuina virtute id factum dicamus in principio, die tertio distinctionis rerum, an vsque nunc eodem modo Deus miraculosè sua sola virtute eam ita contineat. De hac re quorundam Astronomorum sententia est, terram sua siccitate obsistere humori aquæ, sicque eam velut fugare atque à se repellere per suam actiuitatem, in aliquot partibus, quantum pro mixtorum conseruatione, & specialiter viuientium atque hominum vita conseruanda est necessarium. Cur autem terra ab vna parte plus quàm ab alia aquam pellat, causam assignant ex adiutorio cœlestis corporis. Dicunt enim in parte Septentrionali, iuxta polum nostrum esse stellas quasdam de natura Saturni, frigidas, & siccas, quarum assiduis impressionibus atque efficacibus influentiis ipsa terra vehementer adiuta, fortificata, & corroborata in sua siccitate, possit sese discooperire, & aquas propulsare. In cuius signum adducunt, quòd terra à parte Septentrionali semper manet detecta. Afferunt insuper etiam si per miraculum Deus die tertio non congregasset aquas, quòd temporis tamen successu naturaliter hoc ipsum effectum fuisset per virtutes naturales prædictas: impossibile tamen fuisset sic citò, & subito id fieri aliter quàm virtute Dei: quoniam agentia naturalia nihil agunt in instanti, sed successiuè, in operationibus naturalibus. Alij dicunt, etiam si non fuisset virtus prædicta

dicta sufficiens causa, ad efficiendum in principio terræ denudationem & discoopertionem, sufficere tamen eam posse ad sic terram in sua discoopertione conseruandam. Minoris enim virtutis est, quippiam in statu aliquo conseruare, quàm primo in eum perducere: quemadmodum medicinæ ars in vita hominem seruat, quæ tamen vitam minime donare potest non habenti. Verùm cum prædicta *Certior sententia.* sint omnino incerta (quis enim definire nobis poterit an virtus aliqua talis sit in terra, vel in cœlestibus constellationibus ad eam rem sufficiens?) præstat vt eo quod certissimum est contenti simus: hoc autem est, quod ex infallibili doctrina sanctæ scripturæ didicimus, nempe diuinæ virtute terram esse discoopertam, verbo & iussione omnipotentis Dei, dicentis (vt primo capite Geneseos scribitur) Congregentur aquæ quæ sub cœlo sunt in locum vnum, & appareat arida. Cuius verbi sanè potentissimi efficacia credimus vsque nunc permansisse aquam in eo situ & loco quem tunc accepit, & in quo nunc cernitur: ita scilicet vt terram non quomodo ab initio ex omni parte circumdet, sed ex magna parte nudam velut circumlambat. Et licet forsitán veritatem habeat, quædam astra sua virtute ad hoc cooperari (Deus enim per causas secundas multa conseruat, quæ per seipsum fecit ab initio) quia tamen sancta scriptura de hac re loquens, non nisi Deo totum tribuit, idcirco neque nos adiicere quicquam volumus. Nam præter iam supradictam Genesios auctoritatem, ita in prouerbiiis clamat Sapientia, Quando circundabat mari terminum suum, quando legem ponebat aquis ne transirent fines suos, ego aderam cum eo cuncta componens. Et prouerbiorum xxx. cap. vir cum quo loquutus est Deus interrogat, dicens; Quis conclusit aquas quasi in vestimento? Et manifestum est quòd pro responsione subauditur, Dei potentia. Similiter Iob xxviii. de Deo dicitur, Qui fecit ventis pondus, & aquas appendit in mensura. Quando ponebat pluuiis legem, & viam procellis sonantibus. Iterum Psalm. xxxi. Congregans sicut in vtre aquas maris, ponens in thesauris abyssos. Et quomodo de montibus alicubi loquitur Psalmista, dicens: Terminum posuisti eis quem non transgredientur, neque conuertentur operire terram: sic nihil dubium est, quin & de aquis nos loqui

opor

oporteat. His ergo modis cum scriptura totum hoc miraculum Deo ascribat, nobis videtur superuacaneum aliam causam querere. Si autem roges, Num ergo continuo miraculum facit Deus, dum ita terram continet denudatam? Audi. Semel loquutus est Deus verbum virtutis, & sermonem potentem protulit in die tertio, nec opus est ut loquatur iterum. Voluit enim ut effectum haberet sua illa iussio, donec super terram esset mixtorum habitatio: quod est usque in consummationem seculi. Miraculo quidem hæc terræ denudatio primum facta est. iam sic manet terra absque nouo miraculo, & se aqua ubi semel posita est continet,

Nota fr- absque nouo miraculo. Non enim inobedientes sunt creatu-
miorē verū ræ naturales ut homo: cui necesse est sæpius eadem vel præ-
naturalium cipere, vel prohibere, propter inobedientiæ promptitudi-
quām homi nem. Si iterum roges, num violenter aqua continetur &
nis obediē cohibetur in vnum locum, ut non terram circundet, postea-
tiam. quàm à situ & statu primo naturali priuatur. Audi iterum:
 Si quidem sola naturæ virtute per vim terræ, aut operatio-
 nem astrorum id factum esset, violentia utique dicenda foret.
 At verò cum verbo & iussione omnipotentis Dei (qui
 totius naturæ autor, rector, & gubernator est) constet om-
 nia hæc peracta, quomodo dicere poterimus, aquam in suo
 situ ex hoc ullam pati violentiam, quāuis iam non ut ab ini-
 tio terram circuncingat? Quomodo enim violentum & vl-
 lius creatæ naturæ poterit esse contrarium, quod ex volun-
 tate est, & iussione Domini naturæ, dulciter gubernantis, &
 Sapient. 8. disponentis omnia suauiter? Quomodo in familia bene or-
 dinata & subiecta violentum esse poterit aliquid eorum quæ
 paterfamiliās sua voluntate disposuit? Non ergo nunc vio-
 lenter cohibetur aqua ne circundet terram, sed suauiter &
 dulciter sese continet Dei imperio obsequens, usquedum
 in consummatione seculi (mixtis omnibus consummatis)
 eiusdem verbi iussione suum locum recipiat.

De terre immobilitate & minima quantitate.

C A P. V.

OMnium autem infima est terra, quæ medium mun-
 di obtinens, quasi totius mundialis sphaeræ centrum,
 penitus immobilis perpetua firmitate consistit: circa quam
 ut centrum immobile voluuntur amplissimi illi cælorum
 orbis, simul & alia elementa superiora continuo motu
 mouen

mouentur, ignis scilicet, aer & aqua. Soli enim terræ conuenit prorsus secundum locum immobilem consistere, ut secundum se totam nunquam moueri possit, neque motu circulari, neque motu recto. Est enim quasi mundi centrum, ab altissimo Deo posita in medio totius mundialis machinæ. Vnde sicut in corpore sphaerico quod circulariter mouetur, cunctæ ipsius partes mouentur circulariter, solo ipso centro (circa quod aliæ partes voluntur) immoto permanente: ita & de terra intelligendum est, quod sola in medio mundi stat immobilis. Quemadmodum per Sapientem dicitur, Generatio præterit, generatio aduenit, terra autem in æternum stat. Quod si quis obiiciat, fieri non posse, ut terra quæ tantæ quantitatis moles nobis videtur, centrum esse dicatur, cum centrum habeat rationem puncti, sitque indiuisibilis punctus corporis alicuius sphaerici, ipsa autem terræ substantia nequaquam sit indiuisibilis, neque punctualis, sed in plura milliorum millia sit diuisibilis. Huic obiectioni respondetur dicendo, quod terra tamen nobis pusillis, & pusilla semper contemplantibus magnæ admodum quantitatis esse videatur, si tamen eam conferamus ad totius mundialis machinæ, & cælestium orbium magnitudinem, non posse aliter quam punctum censerī, atque æstimari: non quidem quod realiter punctus sit indiuisibilis, sed quia per comparisonem (propter immensum quantitatis superexcessum) non aliud quam punctus videbitur: adeo quod si totus globus terræ fingatur in firmamento positus lucere sicut stellæ quæ nunc sunt in firmamento, penitus non posset videri, præ nimia sua paruitate, sicut & multæ aliæ stellæ ob suam paruitatem nunquam apparent. Nam (ut tradunt expertissimi, probatissimique Astronomi) minimæ stellæ visu notabiles quæ in firmamento consistunt, quantitate sunt maiores tota terra decies & octies: quæ tamen minimæ sunt inter eas quas visu notare possumus, atque distinguere. Ad quod plenius mente intelligendum (quandoquidem sensui videtur irrationabile) aduertendum est, iuxta Ptolemæi Alphragani, aliorumque expertissimorum Astronomorum auctoritatem, stellas firmamenti in sex magnitudinum differentias distinguere. Sunt enim primæ magnitudinis numero xvi. quarum quælibet maior est tota terra centies, & septies

Terra centrum mundi.

Nota magnitudinem stellarum firmamenti.

septies. Sunt aliæ secundæ magnitudinis, numero x i v. quarum quælibet maior est terra nonagies. Tertia magnitudine sunt ducentæ & octo, maiores terra septuagies & bis. Quartæ magnitudinis stellæ sunt ducentæ sexaginta-quatuor, maiores terra quinquagesies quater. In quinta magnitudine sunt ducentæ decem & septem, quarum quælibet maior est terra trigiesies quinquies. Sextæ autem magnitudinis sunt stellæ ducentæ quadragintanovem, & quælibet earum est maior terra decies & octies. Et istæ sunt minimè visibiles, quæ ab Astrologis sunt notatæ: de quibus dicit Alphraganus, quòd minima stellarum visu notabilem, maior est tota terra. Sunt verò præter has alia, non in determinato numero, visu non distinguibiles, quarum numerum solus Deus cognouit: iuxta quod in

Psalm. 146. Psalmis dicitur, Qui numerat multitudinem stellarum, & omnibus eis nomina vocat. Et ad Abraham voce domini dicitur, Aspice cælum & numera stellas, si potes. Ex quibus manifestissimè patet, quòd rectè dictum sit totam terram in comparatione ad firmamentum nihil esse aliud quàm punctum quoddam & centrum. Quanto magis ergo si ad cælum illud supremum, quod empyreum nominatur, quantitate & mole (vt ex sequentibus patebit) longè maius conferatur? Adiuro te lector quisquis es Christiano pectore, etiam atque etiam perpendas ex his quæ dicta sunt, quàm sit miserranda sors eorum hominum, qui propter angustissima huius terræ prædia illam cœlestem perdunt amplitudinem. Iterum, quàm vanè, & sine causa sese efferunt, qui in terrenis gloriantur possessionibus. Rursum, quàm miseri sunt, & nimium malè sibi consulentes, qui pro terra aut iis quæ in terra sunt possessionibus ad invicem contendunt, mutuo se fraudant, ac decipiunt, non raro etiam peierantes, omni æquitatis ratione postposita; ita scilicet punctalem terræ angustiam immensæ cœlorum amplitudini præelicientes. Nam etiam si terram totam quis obtineat (id tamen quod nulli adhuc hominum potuit contingere) quid ille aliud quàm punctum rapuit? quid ille aliud quàm punctum manibus tenet? in centro dominatur, in atomo tenet imperium. Illi ergo qui pro terræ minima portiuncula, vtpote pro agello, pro angusto prædiolo, pro domuncula siue casula contendunt,

dunt sunt ve solliciti, quid aliud moliuntur, quid agunt, quid quærunt, nisi de puncto (si id recte potest intelligi) punctum tollere? O vanas hominũ curas, O pectora cæca! Disce ô miser, infelix attende, pro quàm minima recula, quàm maximũ perdas thesaurum: & pro angusto fornicarũ nidulo, quàm amplissimum abiicias palatium: terrenam sortem dum cœle sti præzeligis.

Vnde terra habeat suã immobilitatem, atque firmitatem.

CAP. VI.

QUod si quis roget, vnde hoc habeat terra, vt immobilis in medio iaceat: cū & sphæricam habeat figuram, quæ admodum in se mobilis est, & fundamentum nullum videatur habere stabilitatis, cum in aquis cernamus eam velut natæ, quæ minime sunt stabiles sed fluunt perpetuo.

Ad hanc rem nõ aliam possumus assignare causam cõuenientiore in illa quam suprà de terræ denudatione diximus, quòd scilicet verbo & iussione dei suam hanc habeat stabilitatem. Quemadmodum enim aquarũ in vnũ collectionem suprà ostēdimus in scriptura soli deo ascribi, sic & ista terrę confirmatio in plerisq; scripturarum locis inuenitur deo soli attributa. Vnde illuminatissimus ille Psalmographus canit, *Psal. 103.* Qui fundasti terram super stabilitatem suam: non inclinabitur in seculum seculi. Rursum, Initio tu domine terram fundasti. Et iterum, Qui firmavit terrã super aquas. Et ex persona domini in alio Psalmo, Ego confirmaui columnas terrę, hoc est, sic eam stabiliui, & confirmaui in sua firmitate, ac si columnis subiectis fecissem immobilẽ. Idem est quod in Pro- *Prou. 8.* uerbis dicit Sapiencia, Quando appendebat fundamenta terrę, & cætera. Item, Dominus sapientia fundauit terram. Et *Tob 26.* in libro Iob, Qui appendit terram super nihilum. Ac rursus *Iob 38.* ex persona domini, Quando ponebam fundamenta terrę. *Psal. 33.* Nec dubium, quin sicut verbo domini cœli firmati sunt, ita sit & terra verbo domini fundata.

De terra rotunditate, & montium elevatione in terra.

CAP. VII.

ESt autem terra rotunda ac figuræ sphæricæ, quẽadmodum & phyfici & astronõmi suis demonstrationibus, & rationibus probant. Quod tamẽ si perfectam debeat habere veritatẽ, intelligendum videtur secundum suam naturalem conditionem, non secundum eum situm in quo nũc est pro

*Quare deus
in terra mō-
tes, & val-
les cōstituit.*

pter hominum vtilitatem. Congruerat namque viuientium vtilitati, & præcipuè hominis (propter quæ omnia facta sunt) quasdam terræ partes esse sublimiores, alias verò depressiores & humiliores. Sic enim propter diuersas complexiones diuersarum partium terræ, diuersitates mineralium, & terræ nascentium, atque animalium nobis cōferuntur. Nam in huiusmodi quidem locis optima sunt pascua, in eiusmodi vina optima maturescunt. In aliis vero frumenta pinguis, & plena: in aliis fructus optimi nascuntur. In aliis autem locis generantur mineralia, alibi specierum aromaticarum multa copia, alibi ligna præciosa & salutare herbæ bestięque mirabiles gignuntur. In aliis locis aliæ generantur diuersitates rerum quamplurimæ. Sic igitur in qualibet terræ plaga, secundum quod per montes & valles variè disposita est, varia vegetatiua atque animalia progignuntur. Et quædam quidem in vallibus feliciter nascuntur, quæ non ita feliciter aut omnino non in montibus progignerentur, vbi nimius esset caloris ardor: è contrario alia in montibus felicissimè gignuntur, quæ minimè in vallibus, propter solis defectum aut aliā quamlibet causam. Voluit ergo optimus ille, & perfectissimus naturæ artifex, creator & gubernator, temporum atque regionum vicissitudines alternare, vt omni ex parte sufficiens esset hominum prouisio, abundantissimamque illi præberet diuersorum bonorum copiam, eorum quæ humanis vñibus poterant deseruire, vt illi quem tam magnificè condidit, munificentissime etiam in cunctis faceret esse prouisum, pariterque vt ex tot rerū optimarū diuersitatibus, ipsius infinitam sapientiam amplius demiraremur, quam in vniformi opere non ita perfectè neque ita plenè potuissemus conspiciere. Itaque propter istam terræ inæqualitatem, manifestū est, terrā secundū eum statū in quo nunc est, nō esse omnino rotundā, si punctualiter loquamur. Verum tamē si crasso modo loqui volumus, clarū est, quod motū ista eleuatio, & vallium depressio nihil obstabit, quo minus rotunda terra dicatur. Nā eleuationes eiusmodi atque depressiones, cōparatione facta ad totā terrā, quasi nullius sunt æstimationis, & insensibiles. Vnde si quis in aëre plurimum eleuatus esset, videretque terram ex alto, penitus rotundam eam iudicaret: nec impediret eius iudicium montium eleuatio, qui in cōparatione ad totum terræ globū quasi nihil sunt. Nam terra secundū totum suum

*Terra ma-
gnitudo.*

suum ambitum (auctoritate Ambrosij, Macrobij, Theodosij, & Aristenis, Philosophorū) definitur continere stadia ducta 252000. millia, & quinquaginta millia, & duo millia, hoc est milliariū Romanorum vnū, & triginta millia, & quingenta: quāquam à præcedentibus differt Ptolemæus, qui terræ ambitum continere dicit tantum centum millia, & octoginta millia stadiorū. 180000. Vtraque autē quantitas secundū superficiem sumpta, profecto magna est valde, vt merito montium quorūcūque eleuatio quasi pro nihilo veniat computanda. In consummatione autem seculi, vbi desierit terra ministerium præbere mortalibus, verisimile est, eam ad perfectam æqualitatem redigendam, quādo etiam (vt suprā diximus) creditur aquis iterum cooperienda, vt fuerat ab initio.

Vnde ordo in elementorum situ.

C A P. VIII.

QUare autem ignis hūc locum habeat, vt proximus sit cælo lunari, & quamobrem secundū post hūc locum habeat aër, deinde aqua, & cur infima sit terra, non difficulter rationem reddet, qui sapientiā primarij cōditoris attenderit. Nihil enim dubium est, quin præcipua sit causa, illius voluntas, qui ea sic condidit, & in suis qualitatibus secundum maiorem & minorem nobilitatē disposuit. Deus enim infinita sua sapientiā & bonitate, qua elementa formauit, suisque perfectionibus & qualitatibus perfecit atque distinxit, cognouit pariter & quis locus vnicuique eorum secundū meritū perfectionis naturæ debeatur. Eiusdē siquidem est, rebus iuxta perfectionis suæ meritum, & naturæ congruitatem locū dare, cuius est res in essentia constituere, & luis perfectionibus absolueret: quemadmodū imperator qui diuersos status nobilium instituit, simul etiam locum eisdē iuxta suam dignitatem designat. Possumus tamen ex elementorū qualitatibus intelligere, & cognoscere, quod conuenienter & sapienter ita sint elementa disposita, quomodo disposita creduntur atque videntur: quoniā decens est, vt elementū quod cœlesti naturæ propinquius, & secundū naturæ nobilitatē vicinius est, locū quoque propinquiorem accipiat: quemadmodum in aula regis, is qui dignitate regi proximus est, meretur quoque proximiorē illi locū accipere. vnde cū ignis, raritate, diaphanitate, siue perspicuitate, subtilitate, celeritate (quæ etiā in cœlestibus reperiuntur) cætera omnia excellat: post hūc autē proxim⁹ sit aër,

Nota.

deinde aqua: merito quidem obtinebit ille locum primū, iste secundum, hæc tertium. Terra vero vt penitus opaca, crassa, compacta, minimè que trāsparens, grauissima, & immobilis, ac proinde à regione cœlesti quàm maximè distans, merito longissimo interuallo à cœlesti regione dirimitur. Verùm hæc de elementis & eorum situ dicta sufficiant. Nunc ad cœlestem regionem contemplandam elementari perambulata, alacri animo transeamus.

De differentia naturæ & regionis cœlestis ab elementari.

CAP. IX.

Primum quidē figuraliter describere nos conuenit, quo modo hæc ætherea siue cœlestis regio, à priori discrepet, & quamobrem nō in vnā possint regionē cōpingi. Omnino enim magna quædam distinctio sit necesse est, inter has duas regiones. vt non in vnā valeant cōputari: quādoquidem elementa, tametsi ab inuicem admodū diuersa, imo prorsus contraria, in vnā tamen regionem deputantur. Attendēda est ergo cœlestis naturæ ab elementari multiplex differentia. Nam elementa qualitates habent adinucē contrarias, quarū ratione adinucē contrariantur, & pugnant adinucē, suntque inuicem naturæ sese corrumpere, & frequenter corrumpunt in suis partibus, vbi alterum alteri præualere contigeyit. Vniuersa quoque mixta corpora ingrediūtur ad cōpositionem, ac suis his qualitatibus ad interitum cūcta qua ex ipsis componuntur perducunt, nec omnino eorum aliquid sinunt esse perpetuum. Natura autem cœlestis ab huiusmodi qualitatibus prorsus immunis est, nullam habens qualitatem eiusmodi, secundum quam adinucem cœlestia possint agere, & pati, neque adinucem pugnant, neque vllius augmētationis aut diminutionis sunt susceptiua, nec generationis, vel corruptio nis, neque in se, neque in suis partibus. Ab omni siquidē motu quo aliquid abiicitur à re, itē & ab omni motu ad formā substantialem, est absoluta, immunis, & libera substantia cœlorum. Habet autem cœlestis natura sensibilem qualitatem vnā longe nobilissimā, videlicet lucem, mediāte qua agit in inferioribus. Quæ cum nullā habeat qualitatem contrariam, nullius rei in ipsa actione suscipere potest detrimentum. Sed nec ipsa rē vllam ad corruptionem deducit, quoniā nullam in rebus habet qualitatem cōtrariam: quin potius his omnibus inferioribus esse, vitam, virtutē, & durationem instillat, quem

*Arist. 2. de
cælo.*

*Lux nobilis
qualitas.*

quemadmodum manifesta nos docet experiētia, Solis & cœlorum atque astrorum luce cuncta in terris produci, & melius habere, nullā vero ex eius actione fieri corruptionem. Vnde patet lucem esse multo meliorem qualitātē, quā sint illæ quas habet elementaris natura, nimirum vnius nō absq; alterius violētā corruptione generatiuæ. Neque cœlestis natura vllius mixti compositionem ingreditur, vt ex ipsius natura vllum mixtum participet, sed tantum suæ virtutis efficacia absens in mixtis operatur. Non enim potest cœlestis natura formam aliam suscipere: quemadmodum libro primo in tractatu de materia rerum naturalium latius declarauimus.

Differunt insuper & in motu. Nam omnia elementa motu recto secundū naturā, nata sunt moueri, ignis videlicet & aer sursum, terra autem & aqua deorsum, & cito finitur eorū motus naturalis. Nam mox vbi locum naturale in attingunt, quiescunt. Cœlum autem motu recto moueri nō potest, neque sursum neque deorsum, neq; motu laterali dextrorsum vel sinistrorsum, sed tantū motu circulari: quo etiā continuō & indeficienter mouetur, neque vnquā à motu cessat, propter continuas rerū generationes & corruptiones saluandas, mouebiturque, donec perstabit huius seculi status is qui nūc est, ad hominis ministeriū. Propter hanc autē tantā tamque euidentissimam & maximam diuersitatem inter naturam elementarem & cœlestem, Philosophi cœlū nominant quinquā essentiam, hoc ipso significantes, non de natura quatuor elementorum esse cœlum, sed substantia ab elementis omnibus differre: tametsi antiquorum quidam olim existimauerint cœlum esse de natura aeris, alia verò de natura ignis. Quorum errorem, naturales Philosophi, qui illos subsequuti sunt, rationibus certiora edocti manifestissime cōfutaruerūt, vt nemo iam sit qui huiusmodi positioni præbeat assensum.

Vnde habeant cœlestia corpora motum circularem, & an naturaliter moueantur.

C A P. X.

DE causa verò efficiente motus cœlorum quæstio est, an ab aliquo principio intrinseco moueantur circulariter, quod sit pars eorum, vt pote à forma sua substantiali, an potius ab extrinseco aliquo mouente, quod sua virtute cœleste corpus contingens, ipsum secundum circulum voluat. Ad hanc quæstionem verisimilior responsio est, motū circu

larem orbium cœlestium effectiue causari ab intelligentiis, vel mentibus beatis, quas philosophi dixerint orbium motores, diuinos, optima vitæ fruantes, nec tempore senectam aut aliam quamlibet inueterationem suscipientes. Hos autē angelos nos appellamus, quos si (Paulo docente) cognouimus administratorios spiritus esse, inq; ministeriū mitti filiorum Dei generis humani, nihil profecto mirum videbitur, si & horum ministerio vobis dicamus cœlestes orbes ad vtilitatem filiorum hominum. Quod si ita credimus habere (vt Aristoteles sensit, nec refutant orthodoxi) profecto multam gratiam & venerationem beatis illis mentibus debeamus, consequēs est, quorum ministerio vitam hanc ducimus, & alimenta capimus: & cuncta quæ secundum corpus sunt, abundanter possidemus. Maximē autem primæ illi beatissimæ menti, motoribus istis præsidenti, vni primo, ac summo enti, Deo super benedicto, gratias agamus necesse est: qui tam magnificos ministros nobis non secundum animā tantum, verum etiam secundum vilissimam nostri partem (id est secundum corpus hoc corruptibile) assignauit. Aduertendum insuper est, quod hi motus, licet ab eiusmodi motoribus extrinsecis fiant, non tamen sunt contra naturam cœlorum, neque ob mouens extrinsecum, dici possunt violenter moueri. Nulla enim in cœlestibus esse potest violentia, sed suauissimē ibi cuncta geri necesse est, vbi nulla potest esse corruptio, quoniam nihil violentum (vt Aristoteles autor est) potest esse perpetuum. Neq; enim vllō modo forma cœlestis huic motui cōtranitur, sed suauissimē se subdit intelligentiarum mouentium actioni, neque ad quietē conatur, donec omnipotentis Dei iussu post seculi consummationem, iubeatur stare tota cœlestis machina, posteaquam humanum genus super terram, vltra vitam non deget, neque item aliquod aliorum mixtorū. Tūc enim superfluous foret motus cœlestium corporū, cum ad hoc potissimum moueantur, vt nobis suo motu ministrent: quemadmodum sanctus Dei Moyses, populū suū a cœlestium corporum cultura dehortans, ea asserit creata in ministerium omnibus gentibus quæ sub cœlo sunt.

Cœlestia corpora an dici debeant animata.

CAP. XI.

DVbitatum est autem ab antiquis de cœlestibus corporibus: vtum animata sint, an inanimata. Fuerunt qui ani

animata ea esse senserunt, putantes ipsorū motum ab anima effectiue procedere. Sed veritas contrariū habet, esse videlicet corpora inanimata, neq; vegetatiuam, neq; sensitiuā, neque rationalem virtutem habentia. Nam etsi moueātur ab agentibus intellectualibus & liberis, id est ab intelligētis motricibus, non tamen hinc consequitur quod corpora sint animata. Siquidem motrices illæ intelligentiæ non sic coniunguntur cœlestibus orbibus, quomodo anima coniungitur corpori, per formalem vnionem & substantialē informationē. Repugnat enim hoc angelicæ intellectuali naturæ, cum materia rem vnā componere. Est enim hæc inter animam rationalem & intelligentiam, siue angelicam naturam differentia, quod anima corpori est vnibilis, & cū eo rem vnā nata cōponere: quamuis etiam separatim possit subsistere: natura autem angelica nequaquam materiæ aut corpori est vnibilis, sed solum per se nata est subsistere. Coniungitur autem intelligentia motrix orbi moto, ipsūmq; tangit secundum virtutem tantum, vt propter hoc nequaquam dici debeant cœlestia corpora animata, nihilo certe magis quā nauis dici possit animata, eo quod in se habeat rectorem nautam.

Differunt angelus & anima hominis.

De diuisione regionis cœlestis secundum suos orbes.

C A P. X I I.

SVperest nunc videre, an quomodo elementaris regio in plures partes diuersas ab inuicem secta est, ita & hæc cœlestis sit in plura corpora diuidenda, an forte non plura corpora, sed vnicum debeat corpus censerī. Et primum quidem illud experientia certissima monstrat, satisque quantum ad hanc partem inter philosophos naturales & diuinos Theologos conuenit, debere fieri diuisionem cœlestis regionis in plures orbes. Verum in numero non omnes conueniūt. Fuerunt enim naturales philosophi priores, qui tantū octo sphaerarum putabant cœlestem machinā continere, septem videlicet orbes planetarum, & sphaerā stellarum fixarum: atq; hi sphaeram octauā putabant esse primū mobile, id est, primum orbem mobile. Verū qui post hos tempore subsequuti sunt, experientia simul & ratione cōiuncti, cœlum vnum compulsi sunt superaddere: eo quod sphaeram octauam duobus motibus comperissent moueri, ex motu stellarum fixarum quæ sunt in ea. Præter enim motum ab oriente in occidentem (de quo post dicitur) ex stellis fixis experientia certa edocti,

Prima opinio de numero cœlorū.

Secunda opinio.

concluserunt ipsum etiam ab occidente ad orientem tendere motu alio. Ex quo firma ratione recte concluserunt non posse hoc esse mobile primum, quod per se duobus motibus deprehenderetur moueri, sed debere alterum esse prius à quo motum vnum per communicationem acciperet, vt esset alter sibi proprius. Itaq; hi nonam sphæram adicientes, in nouem orbis diuiserunt cœlestem regionem, ipsamq; sphæram nonam primum mobile esse dixerunt, octauam vero secundum. Huius sententiæ fuerunt astronomi cœlebres, Ptolemæus, Thebirijs & Alphraganus. Post hos verò perseuerante in fortunis ingenij studio inquisitionis, & ad priorum experientiam posterorum accedente industria simul atque diligentia, compertum est experientia, pariter & ratione, vltra nonam sphæram præter prædictas nouē aliam esse ponendam. Considerauerunt enim in firmamento motum alium (quem trepidationis nominant, vel accessus & recessus) præter duos prædictos. Vnde cum nec duos motus diuersos à seipso habere posset, neque simul duos ab alio superiori (aliòqui & ille haberet duos sibi proprios, quod primo mobili nequaquā conuenit, cū vnico debeat simplicissimo motu moueri) ratiocinatione collegerunt debere supra firmamentū duas esse alias mobiles sphæras, à quibus per participationē vi raptus duos motus acciperet, tertium vero haberet sibi proprium. Itaq; hi decimam sphæram vocant primum mobile, nonam autem vocant mobile secundum. Huius sententiæ complures fuerunt ex recentioribus & insignibus astronomis, Alphonsus rex Hispaniæ, Ioānes Lignerius, Georgius Purbachius, Ioannes regij moris, & alij plures prædictorum sententiam insequentes & approbantes. Et hæcenus quidem quæ ratio dare potuit & hominis ingenium inquirere, audiuius. Superest verò vt quod potissimum est, & fides docuit, non taceamus.

De cælo empyreo, & de cælo crystallino siue aqueo, ac primo mobili.

CAP. XIII.

PRÆTER autem prædictas sphæras motu locali mobiles, Fides catholica & diuini Theologi docent, aliud superius esse omnis motus localis expectis, perpetuò quiescens ab omni motu locali, quod ab initio creatum est plenum inæstimabilibus millibus intelligentiarum & spirituum beatorum, qui simul cum illo & in illo creati sunt tanquam in loco

loco sibi deputato, quemadmodū mixta corpora suis quęque locis in his inferioribus solent generari, vti in aquis pisces, in aëre aves, super terram animalia cętera & plantę, intra terram mineralia, & huiusmodi. Hoc cœlum mole immensum, & inestimabili luce, ac supra humanam mentem diuina claritate fulgidum (propter quod & empyreum nominatur, id est igneum, non quidem à proprietate & natura ignis, sed à splendore nimio & gloriosissimo fulgore) sedes est destinata ante constitutionem mundi, & velut aula regalis solij præordinata ab initio, omnibus qui regnaturi sunt in conspectu dei & agni. Cuius lucem, licet sic clarissimam & limpidissimam, nequeunt corporales nostri oculi conspicerę: quemadmodum non est potens noctua cernere lumen solis. Neque lumen vllum extra se beatissima & iucundissima lux ista diffundit. Non enim sunt alij cœlorum orbēs tam præclarissimę lucis & diuini fulgoris capaces, multo minus elementa aut cętera corporalia. Attamen de actione huius cœli dubitāt nonnulli, quibusdam dicentibus, quod nullam omnino habeat actionem in inferiores sphęras, aut alia subiecta, nec esse propter rerum naturalium dispositionem aut gubernationem conditum, sed tantum in gaudium & præmium beatorum. Indecens hi arbitrantur vt tam gloriosissima dei māsio creaturis adhuc corruptibilibus deferuiat: nec putat ipsam pertinere ad ordinem mundi corporalis. Alij verò partem affirmatiuam præligunt, dicentes ipsum sua solidissima quiete, & quietissima virtute, stabilitatem, permanentiam & fixationem rebus inferioribus infundere. Res enim inferiores propter aliorum cœlorum citissimos motus (vt ipsi aiunt) continuo defluerent, nisi huius primi cœli quiete, aliquo modo in suo esse seruarentur stabiles. Nos verò quia certum nihil de hoc habere possumus, eo quod fide certum est contenti, de præparato nobis tam amplissimo, tam supremo, tamque iucundissimo habitaculo inestimabili gaudio gestientes, totis potius affectibus ad illud suspirare, ad illud tendere studeamus, quàm multis inutilibus disceptationibus, aut cogitationibus inanibus de eo multa disseramus. Pluris enim esse debet nobis Christianis hominibus huius vnus cœli ex fide simplex noticia, quàm cęterorum omnium & cunctorum quę in eis sunt astrorum ac motuum exatissima comprehensio. Ad huius cœli nimis de-

siderabilem ornatum atque pulchritudinem sæpe nos conuenit, donec peregrinamur in hoc corpore, deuotis affectionibus suspirare, & quasi violenter nostræ mentis oculos infernos atque tenebrosos cōuertere: in quo beata fruiuntur luce angeli conciuēs nostri, pariter & eorum spiritus: qui in domino hinc discedentes priores illuc sunt ingressi. Nos quoque iuxta manum Dei super nos bonam eodē peruenire post paululū confidimus, ipsius gratia adiuti qui nobis antequam nati essemus tam gloriosum ab initio præparauit æternæ mansionis habitaculum.

Sunt igitur cæli undecim hoc ordine siti, cælum empyreum, primum mobile, cælum crystallinum, firmamentum, cælum Saturni, Iouis, Martis, Solis, Veneris, Mercurij, & Lunæ.

Post hoc igitur primum & nobilissimum corpus sequitur decimum cælum, primum mobile: quod motu supra quàm cogitari potest velocissimo, lege perpetua, quotidie ab oriente in occidentem per meridiem, vigintiquatuor horarum tempore decurrens, velocissimo hoc raptu suo omnes inferiores cælos secum rapit, eodēq; temporis spatio perfectam circulationem complere facit. Nec præter hunc motū alium

Cælū nonū. aliquem habet. Sub hoc cælo est nonum, quod nunc aqueū, nunc crystallinum à sanctis & diuinis Theologis nominatur, non quidem à proprietate vel natura aquæ, quasi illic veræ aquæ sint elementares, sed ab omnimoda diaphaneitate siue perspicuitate, eò quòd nullā omnino habeat stellam. Forsitan & ob hoc quòd sit in modum aquæ, siue crystalli effectum frigidissimum & frigiditatis maximæ effectuum, quæ est aquæ qualitas prædominans. In cuius confirmationem facit, quod quidam supra firmamentū veras aquas ponendas senserunt ad motus & caloris illius temperamentū atque refrigerationē: ne videlicet ex nimia talis motus velocitate, ignis generaretur qui omnia hæc inferiora consumeret. Quæ sententia licet non admodū probabilis videatur, in hoc tamen nobiscum facit, quòd aquas istas (qualescunque tandem sint) ad contemperationem nimij caloris supra firmamentum positas dicit. Quod & nos secundum verisimilitudinem asserimus: non sic quidem vt à cælis prohibeatur calor, quasi cælestibus corporibus sit exustionis periculum (quæ incorrupti-
bili

bilis sunt, & caliditatis non susceptiva, etiam si mille admo-
uerentur ignes) sed propter nimium calorem ceterorum
Astrorum, atque etiam eius qui ex nimia velocitate motus
oriri posset in regione elementari, in his inferioribus cōten-
perandum. Ajunt enim quidam huius cœli tantam esse frigi-
ditatem, ut his inferioribus prorsus esset intolerabilis, si non
Solis & aliorum astrorum calore temperaretur. Hæ sunt
aquæ, de quibus in Scriptura sacra frequēs est mētio, nomina
tim in principio Genesios, dicente Domino, Fiat firmamen- *Gene. I.*
tum in medio aquarū, & diuidat aquas ab aquis. & subditur,
Factum est firmamētum in medio aquarum, & diuisit aquas
quæ erant supra firmamētum ab aquis quæ erant sub firma-
mēto. Item in libro Psalmorum, Laudate eum cœli cœlorū, *Psal. 148.*
& aquæ quæ super cœlos sunt, laudent nomen Domini. Et
in libro Danielis, ad laudem Dei omnem creaturam exhor-
tantes pueri Hebræi canunt, dicētes: Benedicite aquæ omnes *Dan. 3.*
quæ super cœlos sunt domino. Hæc autem sphæra cœli cry-
stallini siue aquei, secūdam opinionē Ptolemæi, atq; Alphra-
gani, ponentium vnā tantum sphæram naturalem supra
firmamētum, primum mobile diceretur. Veritas tamen ma-
gis credibile facit, eam esse secundum mobile.

De firmamento & orbibus Planstarum.

C A P. XIIII.

Hic autem cœlo aqueo contiguum est cœlum ordine
octauum: quod à stellis miræ magnitudinis, & multitu-
dinis stellarū appropriato nomine dicitur: in Scriptura autem
firmamentū vocatur, vel propterea quod verbo Domini in
diuisionem positū sit aquarum superiorū ab aquis inferiori-
bus. Vel quia in eo innumerabilis est stellarum multitudo fir-
mata. Sunt enim in hac sphæra omnes stellæ fixæ: de quibus
dicemus posterius. Hanc verò sphæram octauam sequuntur,

*Septem sphære septem planetarum, hoc ordine,
Sphæra Saturni, Sphæra Iouis, Sphæra Martis,
Sphæra Solis, Sphæra Veneris, Sphæra Mercurij, vl-
tima Lunæ.*

*Orbes septem
Planetarum*

Istarum autem sphærarum superior quælibet ambit &
orbiculariter circumdat inferiorem: suntque aliæ aliis maio-
res, secundum quod plus vel minus accedunt firmamen-
to, vel ab eo recedunt. Vnde sphæra Lunæ omnium infima,
omni

omnibus etiam minor est: contra, sphaera Saturni omnium est maxima, utpote firmamento proxima & contigua. Quae in re considerari facile potest inestimabilis mundialis machinae magnitudo. Nam quemadmodum diximus in elementari regione superiorem sphaeram excedere inferiorem proportionem decupla, ita etiam in hac regione, continuato semper augmento, superior longe quantitate superexcedit inferiorem proximam: unde necesse est multo maximam & immensissimam esse molem illam ultimam empyrei caeli, & magnitudine incomprehensibilem. Insuper velocissimus ille motus decimi caeli, huic empyreo proximi, quo in viginti quatuor horarum spatio tantum percurrit, imo peruolat, imo plusquam peruolat circulum, merito debet considerantibus nobis eius magnitudinem stupori esse, & miraculum multo maximum. Sciendum autem est, firmamenti nomine interdum signari totam aggregationem octo sphaerarum, septem videlicet planetarum & stellarum fixarum. Debere tamen poni hanc sphaerarum diuisionem: & non posse in vnum corpus censerì, manifestissimis experientiis & rationibus certissimis ab Astronomis probatur.

De duplici motu orbium caelestium, qui sunt post primum mobile.

C A P. XV.

OMnes caelestes sphaerae quae primum mobile sequuntur, duplici motu mouentur. Priore quidem alieno, id est, ex raptu primi mobilis, quod (ut supra diximus) velocissimo suo motu in viginti quatuor horarum spatio sese citissime circunuoluens, & totum suum cursum complens, omnes orbes intra se contentos secum circunuoluit, ut in eodem spatio temporis totum suum cursum infallibili lege perficiant: id quod in sole manifestissima experientia ad oculos conspiciamus, qui hoc motu raptus diem nobis à die distinguit. Singulae enim eius reuolutiones secundum motum istum primi mobilis factae, singulos nobis dies efficiunt. Et quidem si totum accipiamus tempus reuolutionis, id est, tam illud quod supra nostrum hemisphaerium, quam illud quod supra alterum oppositum voluitur, dies naturalis dicitur, constatque viginti quatuor ho-

Quis dies naturalis.

Quis artificialis dies.

ris. Verum si accipiamus tempus tantum illud quo supra nostrum hemisphaerium apparet & mouetur, dies dicitur artificialis. Et hi dies, non aequalis sunt longitudinis. Nam hyeme bre

breuiiores sunt dies, & æstate longiores, iuxta quod supra nō
 strum hemisphærium Sol magis eleuatur. Fit autem motus
 iste primi mobilis super duobus polis mundi directè sibi in *Duo poli*
 cœlo oppositis : quorum alter arcticus nominatur, semper *mundi.*
 nobis apparens: alter antarcticus, nunquam, sed nostris anti-
 podibus perpetuò est præsens, quibus econtrario noster po-
 lus arcticus semper abest. A polo enim arctico qui in sum-
 mo cœli ponitur, vsque ad polum antarcticum, qui directè
 ex parte altera est oppositus, linea recta per medium mundi
 ducta intelligitur, quam axem mundi appellant, eò quòd cir- *Quid axis*
 ca ipsum fiat motus iste primi mobilis, & cum eo omnium *mundi.*
 sphærarum cœlestium, quemadmodum rota voluitur circa
 axem. Fit autem motus iste ab Oriente, per Meridiem, in
 Occidentem, atque ita deinde per Septentrionem redit ad
 Orientem. Præter hunc vero motum primi mobilis, in *Motui ra-*
 feriores sphæræ omnes sibi proprium habent, quo mouen- *ptus motus*
 tur contranitando ab Occidente, per Meridiem, in Orientē, *aduersus.*
 atque hinc redeunt per Septentrionem, in Occidentem. Hic
 autem motus non circa eundem axem mundi fit, nec super
 iisdem polis, sed super duobus polis aliis, distantibus à præ-
 dictis per viginti tres gradus, & triginta tria minuta, aut se-
 cundum alios vnum & quinquaginta. A quorum polorum
 vno ad alterum, intelligitur transire per medium mundi li-
 nea rectissima, quæ dicitur axis huius motus, & nominatur
 axis zodiaci, quemadmodum prior dicitur axis mundi.

Quomodo intelligi debent in cælis motus oppositi, & motus
raptus. C A P. XVI.

Posset autem ex iam dictis scum aliquis hæsitare, quo-
 nam pacto possint esse motus oppositi in cœlestibus, cū
 motui circulari (vt ait Aristoteles) nullus sit motus con-
 trarius. Rursum quomodo fieri possit, vt rapiat primum
 mobile alias sphæras, cum in cœlestibus nulla possit esse
 violentia. Vt enim non est ibi contrarietas, ita nec violentia
 admitti potest. Ad hanc autem obiectionem remouendam,
 necesse est sanè intelligere quæ prius dicta sunt. Non enim
 motus isti propriè oppositi sunt adinuicem quasi contrarij
 (Contraria enim in eodem simul esse non possunt) sed quia
 diuerso modo sunt, vnus videlicet ab Oriente in Occiden-
 tem, alius ab Occidente in Orientem, quanuis non per eun-
 dem circulum, aliquo modo videtur oppositi. Insuper quod
 de

de raptu dicitur, debet absque violentia intelligi: quemadmodum cum inferiores sphaeras dicimus contraniti, absque resistentia aut rebellione accipimus. Nulla enim in coelestibus est contrarietas, nulla fatigatio, nulla violentia, nulla mobiliū resistentia. Non enim aliud sibi vult, quod dicimus inferiores orbes rapi, quàm quod simul ad motum primi mobilis per accidens moueantur: quemadmodum nauta mouetur vectus à naui, & aqua ad motum vasis in quo cōtinetur: vt sic ratione continentiae, inferiores simul cum superiore moueantur. Et quod de contranitentia inferiorum dicitur, nihil aliud sibi vult, quàm eas diuerso motu proprio moueri, ab alia parte ad partem oppositam.

Quanto tempore vnusquisq; caelestiu orbium suū propriū motum cōpleat, & obiter de anno bissextili. C. A. P. XVII.

OMnes igitur sphaerae coelestes huic motui primi mobilis (vt iam dictum est) contranuntur, secundum circum obliquum (qui & zodiacus dicitur) cursum suum peragentes. Verum illud notandum est, quod quanto propinquiores sunt primo mobili secundum situm, tanto suum motum proprium tardius perficiunt: quāto autem distantes, tanto citius suos cursus absolunt. Vnde cœlum crystallinum omnium tardissime moueri necesse est, contrā verò Lunæ orbis circūgyratur omnium velocissime. Quod vt fiat euidentius, volumus, iuxta Astronomorum traditionem, singu-

*Cœlum crystallinum
49000.*

larum sphaerarum motibus suum tempus subiicere. Dicunt autem nonam sphaeram cursum suum proprium perficere in quadraginta nouem millibus annorum, & in ducētis annis gradum vnum zodiaci cum dimidio percurrere. Atque hanc sphaeram dicunt hoc suo motu rapere secum octauam sphaeram, & omnes auge planetarum præter quàm Lunæ, de quibus tamen nihil nunc particularius dicemus. Octaua autem sphaera proprio suo motu (scilicet trepidationis, vel accessus, & recessus) in septem millibus annorum circulum paruum describit, pertransitque gradum vnum zodiaci: quādoque quidem in centum annis, quādoque in sexaginta, quādoque verò in alio intervallo. Saturni sphaera, reuolutionem integram annorū ferè trīginta spatio perficit: Iouis in duodecim: Martis ferè in ducibus: Sol reuolutionem integram facit in trecentis sexagintaquinque diebus, & ferè sex horis. Venus & Mercurius, ferè similiter. Nouissima autem

Luna,

Luna, in vigintiseptem diebus & octo horis suum circulum complet. Vbi illud obiter sese offert declarandum, quid sit quòd quartus quilibet annus vno die abundat, vt videlicet quartus quisque annus iuxta nostram computationem habeat dies trecentos sexaginta sex, qui & bissextilis nuncupatur. Cum enim sex horæ quater sumptæ diem faciant naturalem, hoc est, vigintiquatuor horarum, idcirco quolibet quadriennio ad dies consuetos 365. (quibus constat annus communis) addicitur prædictæ computationi dies vnus, vt seruetur temporum ordo, & festiuitatum vniformitas. Qui annus vno die (secundum huiusmodi computationem ex trium præcedentium senariis & suo residuo sex horarum confecto) abundans bissextilis nuncupatur: eò quòd cõtineat 366. dies: vbi bis senarius ponitur, à quo numero senario bis ita replicato, bissextilem eum appellauerunt.

De natura & conditionibus Astrorum. CAP. XVIII.

DE natura autem Astrorum, dubitatum fuit ab antiquis, fueruntque super hac re diuersæ diuersorum sententiar. Quidam enim antiquorum dixerunt, ea esse corpora animata, propter alimentum suo motu terram perambulantia, vt scilicet humidum aqueum ad se velut in potum, & siccum terrestre in cibum attraherent: quemadmodum videmus progressiuo motu animalia quæ apud nos sunt moueri ad quærendum alimēta, cibum atque potum. Sed hoc figmentum planè poeticum est, neque quicquā habet verisimilitudinis. Alij verò, de quorū numero fuit Empedocles, astra dixerunt esse de natura ignis, orbis autem cælorum de natura aquæ. Sed neque hic veritatem assequutus est, vt ex præcedentibus manifestè patet. Qui autem veritatem tenent, asserunt astra esse eiusdem naturæ & speciei cum suis orbibus, in quibus mouentur, neque à reliquis partibus suorum orbium essentialiter differre, sed tantum secundum accidentia.

Est enim astrum (vt ait Aristoteles) densior pars sui orbis.

*Arist. 1.
Meteor.*

Sicut enim in ligno cõtingit aliquam partem esse admodum densam & cõpactam præ reliquis partibus, quā nodum vocamus, est tamen eiusdē naturæ cum aliis: sic & in orbibus cœlestibus astra partes sunt densiores, atque compactiores reliquis, eiusdem autem sunt naturæ & speciei. Sunt enim cœli

cœli corpora homogenia, quorum singulæ partes & cum toto & cum se inuicem eiusdem naturæ, licet secundum accidentia possint differre. Ex hac verò densitate consequitur & alia differentia accidentalis, qua differunt astra à partibus reliquis suorum orbium. Nam ex hac sua densitate, compactione, & ut ita dicam, opacitate habent, ut possint radios solares ad se emissos reflectere, sicque effusum ad se solare lumen refundere: quod aliæ partes, utpote rariores & nimium perspicuæ non possunt, quoniam ob raritatem penetrantur à lumine, nec est refusio accepti luminis. Idcirco enim ipsi cœli quantum ad omnes partes, in se quidem luminosi sunt, lumine eorum substantiam penetrante, non sunt tamen nisi ratione astrorum lucidi, sic ut lumen possint de sese refundere. Alioqui neque nox, neque tenebræ haberēt locum, tanto corpore lumen suum perpetuò spargēte. Æquè enim per diem, atque per noctem Sol orbem cœlestes illuminat, neque potest interpositio terræ (quæ non nisi punctulus est cœlo cōparata) eorum illuminationem impedire. Ex quibus patet, quodd nomen astri siue stellæ duo includit, nempe partem cœli densiorem, & lucem solarem ab ea repercussam.

Differentia inter planetas & stellas fixas. CAP. XIX.

INter has autem stellas, quædam dicuntur fixæ, quædam erraticæ, quas Græco vocabulo planetas vocant. Siquidem *πλανήτης* Græcis sonat errorem. Vnde planetas, quod significat vagum siue erroneum. Fixæ dicuntur omnes quæ sunt in octaua sphaera, id est in firmamento: idque ob hoc, quod semper videantur adinuicem seruare eundem situm, & æquali distantia ab inuicem distare. Et hæc in numero sunt indeterminato, qui soli est Deo creatori cognitus, iuxta illud Psalmistæ, Qui numerat multitudinem stellarum, & omnibus eis nomina vocat. Planetæ autem siue erraticæ stellæ tantum septem sunt, quæ ob hoc dicuntur erraticæ, quod non semper eundem ad inuicem conspiciantur habere situm, neque æquali distantia ab inuicem distare: sed nunc quidem ad inuicem appropinquant, nunc verò ab inuicem elongantur: nunc hæc illam antecedit, nunc subsequitur, nunc in eleuatione est ad illam, nunc in depreffione, secundum quod suorum orbium varia celeritate vel tarditate variè feruntur. Dignoscuntur autem stellæ fixæ à planetis ex scintillatione. Omnes enim stellæ fixæ scintillare nobis videntur, quod

Psal. 146.

alii quidem propter longinquam nimis distantiam, & visus nostri debilitatem euenire putauerunt, alij propter motum cœli continuò angulos irradiationis variantem: sed verior ratio ex perspectiua petenda foret. Soli autè planetæ non scintillant, nisi fortè Saturnus interdum, quem dicunt flarte Bo-
rea non nihil scintillare. Illud autem certum est, scintillationem talem nihil esse in ipso astro scintillante, sed tantum secundum prospectum & apparentiam euenire.

Soli Planetæ non scintillant.

De ordine septem planetarum ad inuicem.

C A P. X X.

Septem autem planetarum hic est ordo. Luna infima, deinde Mercurius, succedit Venus, proximus Sol, supra hunc Mars, proximus Iupiter, supremus omnium Saturnus. Hic autem planetarum ordinem sic probant, quoniâ astrum illud per cuius interiectionem contingit alterum occultari, necesse est esse inferius eo quod occultatur. Vnde cum per obiectionem siue interpositionem Lunæ experientia nobis apertissimè monstret Mercurium abscondi, cum inter nostrum aspectum, & astrum ipsum media sese obiecerit, consequitur necessariò Lunam esse Mercurio inferiorē. Ita & de omnibus aliis planetis, quantum ad Lunam, demonstrari potest. Nam planetas omnes abscondit & occultat, propter quod omnium in fima cōprobat. Sic de Mercurio probat experientia, quod Venere sit inferior: & de Marte, quod subsit Ioui: de Ioue quoque, quod superiorem habeat Saturnum: Item quod omnes stelle fixæ omnibus his planetis sunt superiores, quia à quolibet planetarum possunt abscondi, ipsæ verò nullum planetarum occultare possunt. De Sole tamen talis experientia nulla est, quod abscondatur, nisi à Luna: propter quâ rationem quidam existimauerunt Solem esse proximum Lunæ in secundo orbe cœlesti. Quod tamen rationibus aliis manifestò probatur non habere veritatem, sed Solem esse in loco quarto.

Ordo planetarum probatur.

De planetarum distinctione.

C A P. X X I.

Ad cognoscendum autè hos planetas, quidam diuersorum colorum similitudinem illis tribuunt, quanquam iuxta veritatē colores nō habeāt, sed tantū iuxta lucis variæ sese monstrantis similitudinem, varias colorum apparentias participant. Vnde Saturnū dicūt esse coloris plumbei, Iouē itānei, Martem chalybei, Solē aurei, Venerem electri, Mercurium argenti viui, Lunā verò argentei, atq; horū singuli pro-

ductui dicuntur, quorum colorē referunt. A signāt quoque
 varias horum planetarum virtutes & differentias. Saturnus
 enim est frigidus & siccus, planeta masculinus, malus siue ma-
 leuolus atque nociuus. Quod sicut & in aliis sequentibus se-
 cundum effectum debet intelligi. Ipso dominante si foetus
 nascitur, aut moritur, aut debilitatus miserē viuic. Propter
 quod pueros dicunt octauo mense de matris vtero prodeun-
 tes, vel non superuiuere, vel secundum corpus miseros viue-
 re, cum tamen septimo mense & nono si prodeant, feliciter vi-
 uant. Dicunt enim Saturnum in mense octauo dominari fœ-
 tui, qui mortis est autor. Iouem verò in mense nono, qui est
 principium & largitor vitæ. Ob hanc verò pessimam no-
 cendi & mortificandi conditionem, depingi solet Saturnus
 falcem manu tenens, quasi viuientia, quantum in se est, deme-
 tens qualitate noxia, id est, mortificans. Iupiter proximus,
 eius malitiam cohibet, & condiciones malas temperat. Est
 enim ipse in qualitatibus optimè temperatus, calidus scili-
 cet & humidus, id est caliditatem & humiditatem efficiens.
 Vnde patet, ipsum complexionis aëreæ siue sanguineæ in ho-
 minibus esse effectiuum. Est enim sanguis calidus & humi-
 dus. Vnde propter suam naturalem bonitatem, principium
 vitæ meretur vocari. Quam ob causam depingitur sceptrum
 manu tenens, quasi vitæ imperator atque largitor. Quan-
 quam autem ex se clarus est, & in modum lactis candidus: at
 tamen cum ascenderit in circulum gelidi illius & sicci Satur-
 ni, pallorem quendam contrahit, quo modo nonnunquam
 etiam insigniter bonus aliquam suæ virtutis maculam cer-
 nitur ex mali hominis cōmercio contrahere. Ipsum tamen
 suæ claritatis faciēs participē, ex sese omnino pallidū, ut cun-
 que facit clarum: ut quemadmodum effectus malitiam suā
 bonitate tēperat, ita & coloris obscuritatem suā claritate læ-
 tificet: quomodo etiā pessimos videmus interdū ex bono
 rum consortio, ut minimum speciem aliquā virtutis indue-
 re, ut sic manifesta sit in naturalibus similitudo, cum iis quæ
 cernuntur in moralibus. Mars calidus est & siccus, & idcir-
 co noxiuus: non æquè tamen atque Saturnus, qui neutrā ha-
 bet qualitatem vitæ conducentē, & frigidus existens, & sic-
 cus. Hic verò Mars licet siccitatem habeat vitæ inimicā, ha-
 bet tamē caliditatē non inutilem, operaturque complexio-
 nē cholericam, id est calidam & siccam, ut Saturnus melan-
 cho

*Saturni
qualitas.*

Iupiter.

*Martis qua-
litas.*

cholicā, id est siccam & frigidam. Iupiter verò inter prædictos duos medius, duas qualitates optimas, caliditatē & humiditatem temperatas, possidet. Attende autē, obsecro te lector, miram dei in operibus cunctis sapientiam. Vides primum quemadmodum omnium planetarum maxime noxius *Attēda mē
rū in plano
tis ordinem.* & inimicus vitæ summus vel primus, longissime sit à viuentium regione ablegatus, & à terris (ubi viuentium locus est) elōgarissimus. Quomodo enim viuentia (si terræ proximus esset ille aduersissimus eorum hostis) aduersus tantæ crudelitatis impetum sese tuerentur? quomodo non ante debitā periodum compellerentur acutissima illius falce ante tempus occumbere? Nunc vero dei prouidissima sapientia lōge proscriptus est, vt non quantū ipsius cupit natura, propter intermedios meliores planetas, gelid⁹ ille falcatus nocere possit. Martem verò, quanquam noxium, tamen minus noxiū, propius ad terras eadem prouidissima sapientia & sapientissima providentia permittit accedere. In horum autem duorum medio Iouem quomodo sapiētissimē collocauit? videlicet totum bonum inter malos duos, vt vtriusque sua bonitate vinceret malitiā. Vide quomodo omnia numero, pondere, & mensura deus sapientissimus prouidissima cōsideratione disposuit. Quòd ergo Saturnus primū & summū locū obtinet, nō ex naturæ præstatis bonitate, neque conditionis dignitate procedit, sed tanquam hostis longe proscriptus ob malitiam potius arcetur à viuentibus, estquē loco nouissimo constitutus. Rursum considera, quòd eum qui magis noxius est, nempe Saturnum, à superiori parte Iupiter habet: eum verò qui minus, ab inferiori. Superioris enim virtus, ne transeat, subiecti inferioris obstaculo facilius videtur prohiberi, quàm inferioris possit virtus desuper emissā virtute cōtineri. Nam loco superior planeta, non potest suum influxum in terras mittere, nisi transeat per orbem intermedij.

De Venere, Mercurio & Luna. CAP. XXII.

Venus est planeta fœmineus, Martis malitiam & ignitum fereorē sua fœminea qualitate tēperans: quomodo virilis ira muliebri solet benignitate placari. Semper comitatur Solem: sed cum præcedit, dicitur lucifer: quando verò sequitur, hesperus siue vesper appellatur. Estque nuncius Solis vel aduenientis, dum lucifer est: vel abeuntis, dum hesperus. Vnde illud apud Vergiliū, *Vergilius.* Ite domum saturæ, venit

hesperus, ite capellæ. Habet quasi colorem candentem & refulgentem electo similem, estque lux eius præ luce omnium astrorū limpidissima atque gratissima, & oculorū aspectui placidissima. Vnde factum est vt primus ille angelorū (qui cæteris omnibus sublimitate & gloria cōditionis præeminebat) Lucifer vocaretur, eò quòd fulgore, atque claritate cæteros spiritus præcelleret, quomodo lucifer suæ lucis refulgentia & limpiditate cætera antecellit sydera. Vnde apud Esaiam sub figura regis Babylonis de illo dicitur, Quomodo cecidisti de cœlo lucifer, qui mane oriebaris? Et beatus Petrus Euangelicam doctrinam omnibus aliis doctrinis præeminentem, appellat luciferum, dicens de sermone prophetico, Cui benefacitis attendentes, tanquam lucernæ lucenti in loco caliginoso, donec dies illucescat, & lucifer oriatur in cordibus vestris. Post Venerem, est Mercurius, per se quidem nec bonus nec malus, sed per suam naturam inclinatur ad planetam cui coniungitur. Non enim aliorum malitiam temperat: sed est cum bonis bonus, & cum malis malus. Raro à nobis cernitur propter vicinitatem ad Solem. Semper enim cum Sole graditur, nunquam ab eo plus triginta gradibus distans. Hunc Mercurium dicunt eloquentiæ & ingenij, id est, boni sensus effectorem: vt quibus hic dominetur, faciendi sint sermone & bonis sensibus, ac bene ingeniati. Et quidem, si cum Saturno aut Marte iunctus fuerit, facundiam prauam, & astutiam malam, ad nocendum, ad concitandum rixas, discordias, tumultus, schismata, hæreses, dicunt significare. Eiusmodi homines præ omnibus seculis prioribus, nostra hæc ætas plurimos habet, quibus cum summa adsit faciendia & sensus clarissima perspicacitas, nihil tamen hisce dotibus aliud agunt quàm vt nihil relinquant integrum, sed vniuersa perturbent, erroribusque adimpleant orbem. Si verò Ioui iungatur, bonam facundiam & ingenium salutare significare dicunt, ad veritatis defensionem & virtutis promotionem accommoda. Cuiusmodi ingenia hac nostra tempestate nimium rara merito deploramus. Infima omnium Luna, frigida & humida est, operaturque complexionem phlegmaticam, id est, humidam & frigidam. Super aquas & omnia humida dominium habet. Vnde secundū variū accessum, & recessum causat fluxū & refluxū maris, iteq; aquarū augmentationē vel diminutionem: quemadmodū libro prioris dictum fuit.

fuit. Experiētia quoque monstrat, in plenilunio crescere medullas, & cerebrum, ac huiusmodi humida, quemadmodum in nouilunio ista decreſcunt & diminuuntur. Illuminatur diuerſimode, & nunc plena, nunc partim obſcura, nūc creſcēs, nūc decreſcens apparet noſtro aſpectui, ac iuxta diuerſitates iſtas diuerſimode corpora hominum & inferiora cuncta diſponit. Eius lumen terris ſingulariter deſeruit tam in illuminando, quā in agendo, eò quòd terris ſit proxima: neque vilius aliorum ſyderum tam efficax & manifeſta eſt in his inferioribus operatio: id quod in ægrotātibus maniſeſtiſſime cernimus. Minimo ſpatio ſuā circulationem abſoluit, ſuo motu menſium diſtinctionē facit. Et cū quātitate ſit minor cæteris planeris, maior tamen ob vicinitatē apparet hominibus. In ſcripturis nonnunquam bonā habet ſignificationē, veluti in Canticis Canticorū: *Quæ eſt iſta quæ progreditur quaſi aurora cōſurgens, pulchra vt luna, &c.* Et in Pſalmis, *Thronus eius ſicut ſol in conſpectu meo, & ſicut luna perfectā in æternum.* In malū verò Sapiens ab ea trahit cōparationē cū a it, *Stultum vt lunā mutari.* Et in Apocalypſi, *Mulier illa glorioſa ſole amiſta lunam viſa eſt habere ſub pedibus.* Per quod ſignificari dicunt ſacri Theologi, omnē mutabilitatē ſeculi huius & tranſeuntium in eo. Secundum lucis enim pleniorē ad terras infuſionem, bonam habet cōparationē: ſecundum inſtabilitatem autem & variationem, accipit malam.

De ſolis nimia præcellentia ſuper ceteros planetas. CAP. XXXIII.

INter hos verò ſex iam dictos planetas mediū locū Sol ob-
tinet, qui ſolus per ſeſe lucidus cū à nullo lucem accipiat, ipſe aſtris omnibus lumen præbet. Omnes enim ſtellas erraticas in ſuis orbibus, & fixas in firmamento, ſua luce illuminat, ſingulisq; lumē illud in quo cernūtur donat, hoc ipſo patēter in ſe dei patris luminū gerens ſimilitudinē. Ipſe enim admirandi fulgoris atque efficaciffimæ virtutis de ſua natura exiſtens, ſolus de ſe lucem habens, ſui luminis atque ardo-
ris vim, ſparſis flagrantibus radiis circūquaque diſfundit, cœleſtia & terreſtria cuncta illuminans, atq; efficaciffime in eis operās. Omnia ſiquidem aſtra (vt autor eſt Ariſtoteles, & veritas confirmat) à ſole ſuum lumen accipiunt, & per lumen quod à ſole accipiūt, ſuos operātur effectus. Viſum eſt tamē quibusdam præter hoc ſolis lumen, debere ea habere lucem aliquam propriam, quæ cauſa eſſet vt lumen à ſole procedēs

Cant. 6.

Pſal. 88.

Eccleſi. 27.

Apoca. 12.

Solis præcellentia.

Omniū ſtellarum lumē à ſole eſſe.

in hoc quàm in illo planeta, aliter operaretur. Nô est tamen id necessarium, ob hoc scilicet propriam lucem aliquam ponere. Sufficit enim ad hanc diuersitatē operationis, ipsa subiecti varia dispositio. Vnde lux Solis (iuxta doctrinam Astro-
 nomorū) in Saturno infrigidat, in Marte calefacit, & ita in ceteris: quemadmodum iuxta diuersam naturam astrorū idem Solis lumen diuersas colorum apparentias facit, vt supra declarauimus. Omnino itaque probabilius videtur illorū sententia, qui vnicum ponūt luminis fontem, à quo lux omnis deriuetur, ipsum videlicet Solem, qui in planetarum medio ordinatissimè consistit, tanquā rex in medijs regnū sui, in medio gradiēs suorum principū atq; magnatum, qui sunt proximi ipsum hincinde circundantes planetæ, sub se habēs Lunam, Mercuriū, Venerem: supra se vero Martem, Iouē, atq; Saturnū: proximos autem habet, hinc quidem igneū & bellicosum Martem, ardentibus radiis flagrantē: illinc verò placidam & amœnā Venerem, sua limpidissima ac placidissima luce suauiter resplendentē: illum velut potentē & animosum armigerum, hanc vt suauem coniugem. Quod tamen ne gentili opinione excipiat, præmonemus, vt ne arbitretur quis iuxta figmenta poetica, in cœlestibus vera nos ponere coniugia, concubitiūq; & generationes proliū. Sunt enim figmenta ista vanissima, neque veritatis quicquā possidentia. Secundo tamen similitudinem quandā, Venerem dicimus Solis esse coniugem. Est enim coniugis officiū, suo viro indiuidua societate adherere, neq; ab eo sese plus iusto elōgare. Ita Venus semper Solē comitatur, siue oriatur, siue occidat, indiuidua societate comitem illi se adiungens, estq; ipsa tota foeminea & placida lucis resplendentia blandissima, foeminearum qualitarum effectiua, vt ille totus est masculus, aureo superabundanti fulgore virili maiestate resplendēs, & virilium qualitarum maximè effectiuus. Vnde quemadmodū Solis calor magnos & fortes animos facit atque constantes, sic Venus molliores, faciles, & pios, ac minus stabiles, cuiusmodi in foeminis plerunq; conspiciamus. Item vt Sol vitalem calorem præbet, sic Venus vitalem humorē videtur suo cōcurso adferre: sicq; vitam pariter efficiunt, vt simul vir & mulier ad prolis generationem concurrunt. Post hos autē planetas (qui Soli velut propinquiore sunt principes) infiora circūdat, multitudine astrorum firmamēti, quibus tanquam militum

iūna

Quorūdam opinio.

Venus est Soli quasi pro coniuge.

Innumerabilium è longinquo subsequentiū exercitiis
 vndequaque circumdatus atque circumstipatus incedit, in ma-
 gnificentissimā gloria, singulis propriū suū lumē ex diui-
 tils thesauri sui velut in militiæ stipendium persolvens. Ob
 quam nimiam excellentiam veteres Poëtæ Solem dixerunt *Aristot. 2.
lib. Physic.*
 esse patrem deorum, hominūq;. Quod idē dictū vide-
 ri potest, quoniam in omnium generatione ipsius actionem
 necesse est concurrere, vt causā vniuersalem, sine qua effe-
 ctus nullus possit generari. Ipse præterea omnibus astris per-
 petuo lumen communicans, simul & cum hoc agendi in hæc
 inferiora virtutem, hoc modo non immerito omnia dicitur
 in astris omnibus operari, dum quod illa agunt, ab isto acci-
 piunt, vt agant. Est autem causā admodum rationalis ex
 parte naturæ, cur licet præcellētissimus Sol existat, tamen
 neque supremo neque infimo loco debuerit collocari. Cum
 enim Sol principium sit atque fons luminis & caloris vitalis,
 à quō & cætera astra lumen recipiunt, & viuētia omnia vi-
 tam, si esset Sol terræ proximus, nimio calore eam exureret,
 nec posset ipsa ferre eius ardorem, sicque viuētium consume-
 ret vitam, forsan etiam suprema astra non ita commodē pos-
 set illuminare. Si verò econtrario Sol locum haberet supre-
 mum, illic vbi agit Saturnus, terra calore sufficiēte desitue-
 retur, nec possent viuētia commodē in vita conseruari, &
 astra inferiora non sufficienter potuissent à tam distāte sole
 illuminari. Propter quod sapientissimus naturæ institutor, &
 conseruator Deus, Solem voluit in medio esse collocatum, in
 tali gradu vt à superioribus atque inferioribus mediocriter
 distaret, sicque terræ neque nimium vicinus esset, neque ni-
 mium elongatus. Illud quoque de solis proprietatibus non
 est prætereundum, quōd sicut Mars calidus existit, ita simili-
 ter & Sol. Multa tamen inter eos est differentia, quoniam so-
 lis calor temperatus est efficacissimus & viuificatiuus, om-
 niumque viuētiū perfectiuus: quemadmodum ipsa mon-
 strat experientia, eius calore cuncta viuificari & perfici, fru-
 ctūsque & omnia ipsius maximo calore maturescere, & ad
 perfectum peruenire. Martis autem calor est consumptiuus.
 Est enim Sol effectiuius caloris, cuiusmodi est calor cordis:
 qui est vitalis, & corpori vitam donans atque custodiens.
 Mars verò effectiuius est caloris, cuiusmodi est calor chole-
 ræ: quæ vbi dominari potest, consumit & depascit omnia.

quemadmodum patet in febricitantibus. Manifesta quoq; in effectu harum caliditatū apparet diuersitas, quoniam illi in quibus Sol secundum bonum aspectum dominatur, cordis sunt temperatè calidi, & animo verè magno, verè fortes, & magnanimi. In quibus autē Mars dominatur, corda habent intemperatè calida, & animo sunt feroci potius quàm verè magno; dicunturq; audaces magis quàm magnanimi. Excessus nanque caloris excessum facit audaciæ & temeritatis nimium & immoderate sanguinem inflammando. Similis penè differētia inter Venerem & Lunam posset assignari: quoniam Venus humiditatis est effectiua, quale est humidum radicale, quod est vitale & conseruationi animalis æquè vt vitalis calor necessarium. Luna verò magis humidi phlegmatici, quod vbi abundauerit, infirmitates varias gignit.

De sole in sacris literis quàm honorifica fiat mentio.

C A P. XXIIII.

OB hanc quoq; Solis excellentiā, in literis sacris honorificentissimā ubiq; audimus fieri eius mentionē, vt quoties insigne aliquid, & quasi super omnia excellentissimum efferre velint, Solis decori conferant. Vnde Matthæus Evangelista, transfigurationis gloriam describens, cum fulgorem vultus Christi gloriosissimū veller ostendere, non inueniens quicquā in rebus humanis altius: Transfiguratus est, inquit, ante discipulos, & resplēduit facies eius, sicut Sol. Sic & Ioannes in Apocalypsi, vultū filij hominis ait se vidisse quasi Solē lucentē in virtute sua. Vnde & in Canticis sponsam Ecclesiam cum admiratores dixissent pulchrā vt Lunam, augere cupientes laudem, adiecerūt electā eam esse vt Solem. Rursus verò oculos domini ait quidā sapiens multo esse lucidiores supra Solem. Idem quoque mulieris bonæ speciē in ornamentum domus, cōparat. Soli oriētī mundo in altissimis dei. Iterumque hominē sapientem & sensatum, manere ait vt Solē, dum stultus vt Luna mutatur. Ipse quoq; dominus Iesus Saluator hominum, de iustorum gloria loquēs: Iusti, inquit, fulgebunt sicut Sol in regno patris eorum. Ex quibus comparationibus manifestum est, Solis claritate nihil posse in mundo reperiri pulchrius. Hinc per Sapientem dicitur, Quid lucidius Sole? Et iterum, Sol illuminans per omnia respexit, & gratia domini plenum est opus eius. Sol in aspectu annuncians, in exitu, vas admirabile, opus excelsi. In meridiano exurit ter-

ram, & in conspectu ardoris eius quis poterit sustinere? fornacem custodiens in operibus ardoris. Tripliciter Sol exurés montes, radios igneos exufflans, & refulgens radiis suis obcæcat oculos. Magnus dominus qui fecit illum, & in sermonibus eius festinavit iter. Diuinus quoque ille Psalmographus, Solis istam magnificentiam & gloriam apertissime cecinit, aptissimèq; per singulas proprietates pinxit, Psalmo 18. vbi pro eo quod communis Græcorum atque Latinorum lectio habet, In sole posuit tabernaculum suum iuxta veritatem Hebraicam (sacro Hieronymo interprete) sic legimus, Soli posuit tabernaculū in eis (nempe cœlis) & ipse tanquam sponsus procedens de thalamo. Exultauit, vt gigas (siue vt fortis) ad currendā viam: à summo cœlo egressio eius, & occur- sus eius vsq; ad summum eius. In quibus verbis dam (iuxta quod in Hebræo legitur) Soli dicit positum in cœlis tabernaculum, significat ipsum in medio planetarū quasi in medio cœli locum possidere. Eundem verò sponsum appellans, signi- ficat decorem & formosam pulchritudinem splendoris eius, in qua exoritur mundo, cum maxima gratia & gaudio atque exultatione cunctorum viuentium: quemadmodum omni gloria & decore adornari solet sponsus in die solēnitatis suæ. Procedit autem sponsus iste de thalamo, quando ab occasu surgit, & in oriente mundo oriri incipit. Vt gigas fortis exul- tat ad currendam viam, quando magna alacritate quasi gi- gas fortissimus intra 24. horarum spatium totum mundum percurrit, per omnia respiciens, omnia quoque illustrans & viuificans. A summo cœlo est egressio eius, quia ab oriente oritur: & occursum siue reuerſio eius vsq; ad summū cœli est, quando rursus in oriētem reuertitur. Vel etiam à meridie, quādo in maxima eleuatione est, & quasi in summo cœlo tē- dit ad occasum, iterūq; suo ordine ad meridiē reuertitur. Nec est qui se abscondat à calore Solis, quoniā circumiens ter- ram perlustrat omnia, nihilque relinquit quod non lumine coningat, virtutisq; efficacia immutet. Quæ omnia diuinus Psaltes, penitissime consideratis conditionibus Solis admo- dum iucundis similitudinibus expressit. Hinc & doctissimus ille idiota sacer Franciscus, Solem cæterarū creaturarum do- *Franciscus* minum doctissime nominauit illiteratus, eūdemq; præ cæ- *quomodo so-* teris omnibus patenter in se Dei gestare similitudinē sapien- *lem magni-* tissime cecinit indoctus in suo cātico, quod Deo ex creaturis *ficabit.*

patria lingua decantauit, atque à solis præcellentiâ speciali-
ter canticum Solis nominauit. Ipse, inquit, Sol multo ardore
ebulliens siue feruescens diffundit circumquaque radios mi-
randa splendoris irradiatione, miram tui gerens, ô altissime,
similitudinem. Qui insuper discipulos docuit, oriente Sole
debere omnē creaturam magnas agere gratias Deo, ob tanti
iubaris gloriosum splendorem orbi redditum, cuius virtute
cuncta lætificantur atque viuificantur in terris, cuius accessu
lætificantur omnia, & quasi iuuenescunt, atque vigorem resu-
munt, horridæ tenebræ fugiunt, grauis sopor è membris pel-
litur, ægris dolor lenitur, & valetudo melior languentibus
redditur, noctium tempestates sedantur & cohibentur, dissi-
panturq; nubes & nebulæ ante faciē aduentus eius, illusio-
nes quoq; noctium, & dæmones amici tenebrarum effugiūt.
Quomodo econtrario Solis abscessu hæc omnia incōmoda
reuertuntur, quasi absente eo quem metuerunt. Deniq; tam
in scripturis quàm in aliis sanctorum patrum scriptis, & in
Ecclesiastico vsu, æternā patris sapientiā, Iesum Christū do-
minum nostrum, frequētissime Soli comparatū inuenimus.
Vnde & illud Psalmi quod prius secundum literam de Sole
corporali interpretati sumus, sancti Theologi plissime & ve-
rissime secundum mysticam intelligentiam ad Christum do-
minum accommodant: quam intelligentiam in Elucidatione
libri Psalmorū circa locū iam adductum plenius (Deo donā-
te) explicabimus. Hinc & per aliam Prophetā dicitur, Vobis
timentibus nomen meū orietur Sol iustitiæ, quod est sapien-
tia vera. Et in libro sapientiæ, Damnati impij queruntur sibi
non luxisse Solem iustitiæ & lumen intelligentiæ. Rursum
alio in loco ex persona Dei dicitur, Solē nube tegam. quod
rectè sic intelligi potest, Diuinitatem humanitate vestiam, &
occultabo. Sunt insuper alia in scripturis inspersa plurima,
quæ secundū mysticam intelligentiam accommodatis, me
Soli æterno possent applicari. nos tamē finem facimus theo-
logandi, ne nimia prolixitate cuiquam efficiamur onerosi,
atque ad naturalia contemplanda reuertimur.

De circulis maioribus, & primum de Æquinoctiali.

C A P. XXV.

AD cognoscendum autem melius in particulari plane-
tarum motum, præcipuè verò Solis & Lunæ, descri-
bendi sunt iuxta Astronomorum doctrinam circuli aliquot,
secun-

secundum quos eorum motus facilius poterit cognosci. Ad hoc enim circuli isti signantur, & secundum imaginationem monstrantur in cœlo, ut ex eorum designatione facilius possit motus illorum explicari. Describunt autem duplices circulos, maiores videlicet & minores.

Maiores circulos vocant, qui totam sphaeram in duas partes aequales diuidunt.

Minores autem, qui diuidunt quidem sphaeram, non tamen in partes aequales, sed una pars diuisionis maior est altera.

Sunt autem circuli maiores, numero sex, nempe æquinoctialis, zodiacus, colurus æquinoctiorum, colurus solstitorum, circulus meridianus, & horizon. De quibus nunc per ordinem est dicendum. Et primum de æquinoctiali.

Est itaque æquinoctialis circulus quidam diuidens totam sphaeram in duas partes aequales, æquè distans secundum omnes suas partes ab utroque polo mundi.

Est autem polus Græcum vocabulū significans verticē vel summitatem rei. Vnde polos mūdi vocamus vertices mundi, duo scilicet puncta extrema & summa in cœlo sibi directe ex opposito respondentia, ita quod si protraheretur linea rectissima ab altero ad alterum oppositum, illa directe trāsiret per cētrum & medium punctū totius mūdi, haberetq; duo istos polos pro terminis suis. Est itaque æquinoctialis, circulus, qui totam mundi sphaeram in sui medio in partes aequales diuidens, secundum omnes suas partes æqualiter distat ab utroq; polo mundi. Quācumq; enim in hoc circulo partē assignaueris, inuenire nō poteris vllam quæ vni polo sit quàm alteri propinquior. estq; huius circuli centrū idem cū centro mundi, & pertransit axis mūdi centrū æquinoctialis. Appellatur autē circulus iste variis nominibus. Primū quidem æquinoctialis dicitur, eò quod Sol cūm directe sub ipso inuenitur, æquinoctium facit. Est autē æquinoctiū, quādo nox diei est æqualis: quod nunquā contingit, nisi quando Sol sub hoc circulo directe moueri inuenitur: quod bis contingit singulis annis: semel videlicet in vere in principio Arietis: & semel in Autumno, in principio Libræ. Ob eandem causam etiam dicitur Aequator, videlicet diei & noctis.

quo

Aequator

Cingulū pri quoque cingulum primi mobilis: quoniā sicut homo in me-
ni mobilis. dio corporis cingulo se cingit (ita vt si in supremo capitis in-
 telligatur punctus, inuenietur cingulum ipsum secundum om-
 nē sui partem æqualiter secundum modum aliquem ab eo
 distare) ita tota sphaera primi mobilis intelligitur velut cin-
 gulo isto circumdata & circumcincta. Et quemadmodū quan-
 do homo cingulo circūcingitur, ipsum medium cinguli quo-
 dam modo idem censetur cum medio humani corporis: ita
 circulus iste æquinoctialis totius sphaeræ & mundi medium
 habet pro suo centro, & medio. De duobus autem polis iam
 suprā diximus: quod is qui semper nobis apparet, arcticus di-
 citur: is verò qui nunquam nobis, sed semper antipodibus se
 ostendit, nominatur antarcticus, eò quod arctico opponitur.

De circulo zodiaco, & signis eius.

C A P. XXVI.

Post hunc verò est circulus zodiacus, qui & ipse sphaeram
 diuidit in duas partes æquales, sed secundum obliquum,
 ita vt prædictum æquinoctialē obliquē pertranseat, secun-
 dum vnā partem declinans ad Septentrionem à polo arcti-
 co, secundum alteram verò ab antarctico ad meridiem. In-
 tersecat autem zodiacus iste æquinoctialem, vicissimque in-
 tersecatur ab eodem, in duas partes æquales, ita vt amborum
 idem sit centrum. Illud tamen est notandum, quod inter om-
 nes circulos, zodiacus iste solus habet latitudinem. Nam cæ-
 teros omnes imaginamur sine latitudine, hic autem habet la-
 titudinem. Intelligitur enim directissimè per ipsius medium
 pertransire linea quædam ipsum secundum latitudinem di-
 uidens in duas partes æquales, ex vtrāq; parte sex gradus re-
 linquens. Siquidem x i i. graduum est eius tota latitudo. At-
 que hæc linea ecliptica nominatur, eo quod eclipsis fiat, cum
 sub eadem hac linea simul inueniuntur Sol & Luna, quemad-
 modum posterius declarabitur. Secundum longitudinem ve-
 rò totus zodiacus in duodecim partes æquales diuiditur,
 quæ vulgò duodecim signa appellantur, nempe,

*Aries, Taurus, Gemini, Cancer, Leo, Virgo, Li-
 bra, Scorpis, Sagittarius, Capricornus, Aquarius, &
 Pisces.*

Quorum sex priora dicuntur Septentrionalia, arctica,
 vel borealia, eò quod ab æquinoctiali tendant ad Septen-
 trio

trionem, & tendunt versus polum arcticum. Sex autē posteriora dicuntur meridionalia, vel australia, vel antarctica, eò quòd tendāt versus meridiem, vnde surgit auster, & tendunt versus polum antarcticum. Appellantur enim signa arctica, quæ polo arctico sunt viciniora, vt sex priora: signa verò antarctica, quæ polo illi sunt viciniora, vt sex posteriora. Nul- lum enim est signum, quod æqualiter distet ab utroque polo mundi. Ex quo patet manifesta differentia duplex, inter zodiacum & æquinoctialem, cum partes æquinoctialis æqualiter ab utroque polo mundi distent. Habent autem singula horum signorum longitudinem graduum $\times \times$. Vnde patet, omnia signa zodiaci esse quadrangula, non quadrata. Omne enim quadratum latera habet æqualia, quadrangulum verò non item. Appellatur autem hic circulus primo quidem & vulgatori nomine Zodiacus, vocabulo ex Græco idioma te accepto. Nam *ζῷον* Græcis significat viuens, vel animal. Vnde hic circulus, quia signa dicitur ferre animalium diuersorum, Arietis, scilicet, Tauri, & Cancri, & cæterorum, idcirco videtur zodiacus appellatus. Simili causa Latina appellatione Signifer nuncupatur, quoniam in $\times \times$ signa diuiditur, quæ varias habent animantium figuras. Nonnulli zodiacum dictum putāt à vita, quòd Sol sub hoc circulo gradiēs vitam rebus præbeat, dum per hunc motum in zodiaco, secundum accessum & recessum, causa est generationis, & corruptionis. Græcè enim *ζωή* vita dicitur. Ab Aristotele verò in secundo libro de generatione circulus obliquus appellatur, cuius ratio patet ex præcedentibus. Sub hoc autem circulo zodiaco & Sol, & cæteri omnes planetæ suos proprios motus perficiunt, neque vnquam extra zodiacum possunt inueniri. Sol verò non solum sub zodiaco, verum etiam sub linea ecliptica regia via semper incedit, non declinans, neque ad dextram neq; ad sinistram, nunquā à medio zodiaci vel ad latum vnguem deflectens. Quam ob causam hæc linea ecliptica alio nomine via solis appellatur. Cæterorum verò planetarum nullus sub ecliptica perpetuò currit, sed declinant ab ea, vel hinc, vel inde, sic tamen vt non abeant extra zodiacum.

Omnes Planeta sub zodiaco motu absoluunt.

Linea ecliptica.

De coluris Solstitiorū, & æquinoctiorum. CAP. XXVII.

AD distinguendum autem solstitia duo, æstiuum & hyemale, alium imaginamur circulum transeuntem per polos mundi, & per principia Cancri, & Capricorni, qui est colurus

Solstitiorū distinctio.

Æstiuum solstitium. colurus solstitiorum. Quem circulum cum Sol attingit intrans Arietem, fit solstitium æstiuum, quoniam Sol altius scandere non potest, neque longius declinare, sed descendere incipit & reuerti versus medium zodiaci: propter quod stare dicitur. Non enim realiter stare putandus est Sol, qui nunquam quiescit, semper infatigabilis: sed quia non ascendit ultra, neque eleuatur altius, ut ex signis hyemalibus hactenus ascenderat, idcirco stare reputatur, & quasi gradum sistere, non quidem à profectione & cursu, sed ab ascensu & eleuatione. Est autem tunc solstitium æstiuum, cum Sol hunc circulum tangit in Cancro, quoniam Cancer signum æstiuum est, æstatisque principiū, quod nostris temporibus est die xiiij.

Hyemale solstitium. Iunij, circiter festum Barnabæ apostoli. Cum verò hunc circulum attingit Sol ex parte altera versus polum antarcticum in principio Capricorni, solstitium habetur hyemale. Solstitium quidem, quia desinit tum Sol à nobis recedere, nec progredi potest longius, & iterum ad nos incipit reuerti, ad signa videlicet nostro polo & nobis viciniore. Hyemale autem, quoniam Capricornus hyemale signum est, hyemisque principium, quod nostris temporibus est die xij. Decembris circiter festum Lucie. Ponunt quoque punctum solstitij hyemalis, & æstiuales. Vnde punctus solstitij æstiuales est primus punctus Cancri, ubi circulus iste interfecat zodiacum. Et dicitur punctus solstitij æstiuales, quia cum Sol in ipso existit, habetur æstiuum solstitium. Primus autem punctus Capricorni, ubi ex parte opposita diuiditur zodiacus eodem hoc circulo, vocatur punctus solstitij hyemalis. Consequenter ad distinctionem æquinoctiorum alium imaginatur circulum, similiter transeuntem per polos mundi, sed per principia Arietis, & Libræ. Quem circulum cum Sol attingit in principio Arietis (quod fit x. Martij, circiter festum beati Gregorij)

Æquinoctium vernale. habemus vernale æquinoctium. Æquinoctium quidem, quoniam dies ac noctes habentur æquales. Vnum autem, quoniam Aries signum est veris, eiusque principium. Et punctus iste primus Arietis, ubi interfecatur zodiacus hoc circulo transeunte, vocatur punctus æquinoctij vernalis. Cum verò ex opposito Sol attingit hunc circulum in principio Libræ xiiij. Septembris, in festo exaltationis sanctæ Crucis, habetur æquinoctium autumnale, quoniam Libra autumnale signum est, Autumnique principiū. Et punctus ille ubi interfecatur

catur

atur zodiacus, punctus æquinoctij autumnalis dicitur. Habemus itaq; quatuor punctos, secundū quos fit totius sphære diuisio, temporūque distinctio. Habemus & circulos duos in polis mundi sese ad angulos rectos sphærales intersecantes, secundum quos fit æquinoctiorum & solstitiorum secundum quatuor partes anni ordinata varietas. hos autem duos circulos vocant Græca appellatione coluros. Cuius nominis interpretationem varie assignant.

De Meridiano & Horizonte.

C A P.

XXVIII.

SVNT præter hos duos circuli alij maiores, meridianus, & horizon. Meridianus est circulus quidam qui transit per polos mundi, & per zenith capitis nostri. Est autem zenith capitis nostri, punctus directè suprapositus capiti nostro. Punctus autem diametraliter illi oppositus Nadir vocatur. Pro cuius intelligentia notandum, quòd si protrahatur secundum imaginationem linea recta ab extrema usque ad extremum cœli, per medium terræ, simul & per verticem capitis hominis alicuius, punctus vnus terminatiuus illius lineæ dicitur zenith, ille scilicet directè capiti suprapositus: alter verò, qui ex opposito respondet, dicitur nadir. Circulus ergo ille qui transit ab vno polo mundi per zenith capitis nostri usque ad aliud polum ex opposito consistentem, à quo iterum per nadir siue punctū zenith oppositum reuertitur ad primum polum, hic dicitur Meridianus illi per cuius zenith & nadir transit. Ex quo manifestum est, quòd illi quorū est idem zenith capitis, eundem habent meridianum: quorū verò diuersum, diuersos habent meridianos.

Meridianus.

Zenith.

Nadir.

Dicitur autē circulus iste meridianus, quia ostendit punctum meridiei: & quodcumque Sol hunc circulum tangit, meridies est illis quorum hic est meridianus: & quando eundem circulum tangit in hemisphærio inferiori, tunc est media nox illis, quorum est hic meridianus. In quacūq; enim regione sit homo, in quolibet die anni, quando Sol motu raptus primi mobilis tangit istum circulum in superiori hemisphærio, est punctus meridiei. Quando autem in inferiori hemisphærio ad eundem circulum peruenit, est punctus mediæ noctis. Per meridianos etiam longitudo cognoscitur locorum, & distantia eorum ab inuicem: cuius consideratio ad Geographiam spectat. Horizon verò est circulus di-

Horizon.

sphæ

sphæram diuidit in duas partes, siue in duo hemisphæria (Hemisphærium enim sphære medietas dicitur) quorum vnum à nobis videtur, alterum non videtur. Semper enim à nobis tantum altera pars cœli videtur. Illud autem quod sub aspectu nostro est, hemisphærium superius appellamus: & peculiariter nostrum dicimus. Illud verò quod infra nos, & nostro subtractum aspectui, dicimus hemisphærium inferius, neque nostrum illud appellamus, sed nostrorum potius antipodum. Dicitur autem horizon Græca appellatione, quasi finitor. Nam *ἰσῆς* significat finis, siue definitio, aut terminus. Vnde *ἐπίσῆς*, finitio, siue definitio. Dicitur ergo horizon, id est finitor, vel terminator: quia scilicet terminat & finit partem cœli visam à non visa, & illam partem visus transit vbi visus noster terminatur, & vbi nobis apparet cœlum terræ coniungi. Nam id nobis illinc contingere videtur, vbi est visus nostri terminus. Vocatur etiam circulus hemisphærij, eò quod hemisphærium vnum ab alio diuidat, & vnicuique suum designet. Huius autem Horizontis poli sunt zenith, & nadir, à quibus secundum omnes suas partes æqualiter distat, & nos semper in horizontis nostri centrum sumus. Ponunt quoque horizontem rectum & obliquum. Rectum dicunt esse eorum, qui sub æquinoctiali habitant: vel quorum zenith est in æquinoctiali: Obliquum autem habent omnes qui ultra vel citra æquinoctialem habitant. Et hæc quidem de circulis maioribus figuraliter sint dicta, quibus omnibus commune est sphæram totam in duas æquales partes diuidere: id quod ad oculum de singulis sigillatim potest facillimè in sphæra demonstrari.

De circulis arctico, antarctico, tropico Cancrī, & tropico Capricornī.

C A P. XXIX.

Circuli autem minores (qui sphæram diuidunt quidem, sed in partes inæquales) sunt IIII. arcticus scilicet, antarcticus, & duo tropici, æstiuus, & hyemalis, siue Cancrī, & Capricornī. Circulus arcticus, est circulus quidam paruus, quem describit polus zodiaci suo motu raptus circa polum arcticum. Circulus verò antarcticus, quem describit polus alter zodiaci, circa polum antarcticum. Ex præcedentibus enim manifestum est, alios esse polos zodiaci, secundum quem Sol mouetur motu proprio, à polis æquinoctialis, secundum quem mouetur primum mobile, item & Sol

motu

Circulus arcticus, & antarcticus.

motu raptus. Cum ergo totus zodiacus simul cum sole per singulos dies necessario semel per raptum circumuoluitur, necesse est ut circa polos mundi ipsius zodiaci poli circūferantur. Nam poli mundi, fixi manent & immobiles, poli autem zodiaci secundum proprium solis motum manent immobiles, secundum raptū tamen primi mobilis simul cum zodiaco circumferuntur circū polos mundi. Illos autē circulos quos sic motu suo circa polos describūt, dicimus arcticū & antarcticū. Arcticū quidē circulū, à polo arctico circa quē describitur: Antarcticū autē, ab antarctico polo. Tropicus Canceri est circulus quē sol raptu primi mobilis describit existens in principio Canceri in puncto solstitij æstiuales: qui circulus supremus est. quem sol potest describere versus circulum arcticum vel polum arcticum: quoniam tūc in maxima eleuatione est, ita ut altius ascendere nō possit, nec proinde superiorem aliquem circulū, aut arctico polo propinquiorē describere. Atque hic tropicus etiam æstiuales nominatur, quoniam in signo æstatis, imò quod principium est æstatis, describitur. Tropicus autem capricorni est circulus quem sol raptu primi mobilis describit in principio Capricorni, existens in puncto solstitij hyemalis. Estque ultimus quem sol potest describere versus polum aut circulū antarcticum, quoniam altius non potest quàm supra prædictū punctum solstitij ascendere, neque à nobis longius recedere, nec proinde ulteriores circulos describere. Vocatur quoque hic in ratione signi, quod est hyemis principium, tropicus hyemalis, quoniam illum tunc sol describit, cum nobis hyemis incipit. Verū huiusmodi appellatio, non nisi quo ad nos debet intelligi. Siquidem nostri antipodes suum tropicum Capricorni, æquē vocant tropicum æstiualem, ut nos nostrum tropicum Canceri. Vocantur autem circuli isti Græca appellatione Tropici, à versione vel conuersione. Nam Græce tropeo, significat retrouerto. Inde trope, reuersio vel conuersio, vel mutatio. Circulus igitur tropicus dicitur, quod in eo fit Solis trope, id est conuersio siue reuersio. Post hos enim descriptos circulos, cum ulterius illi non liceat proficisci, nec tamen stare possit, cogitur reuerti, ita ut si à nobis longissimè absuerit (quemadmodum in solstitio hyemali coniungit) mox redire ad nos incipiat, versus nostrum polum ascendendo, quod tamen statim percipi à nobis multum sensibi-

De duobus tropicis.

Cur tropici dicantur.

liter non potest, nisi post aliquanta dierum spatia. Si vero proximus nobis fuerit, & in summa super nos eleuatione (quod est in solstitio æstiuale) cogitur à nobis abscedere versus alterum polum.

De quinque zonis siue plagis.

C A P. XXX.

Torrida zona.

Secundū istos autem quatuor circulos minores, arcticum, antarcticū, tropicum Canceri, & tropicum Capricorni, fit diuisio totius cœli in quinque zonas, plagas siue regiones distinctas, atque proportionabiliter etiā ipsius terræ, secundum eosdem circulos. Vna regio est, totum hoc spatium quod est inter duos tropicos. Et hæc vocata est ab antiquis *Torrida zona*, propter calorem excessiuum, quē ibi esse dixerūt, ob hoc quod Sol perpetuo in ista regione inueniatur. Nā (vt supra diximus) extra tropicos non potest egredi. Quam ob causam dixerunt zonam hanc esse inhabitabilem. Alij tamen omnino id negant, assignantes in hac zona multas habitabiles regiones, vt Ptolemæus & cæteri omnes Geographi. Intelligi tamen potest illud antiquorū dictum, quod nō sit admodum cōueniens habitatio pro humana natura, maximè iuxta tropicos. Homines enim locorū illorū nigerissimi sunt, & brevis vitæ, ac parvæ staturæ: quod procedit ab excessu caloris cōsumēte in eis humidū radicale, vt non possint nec in iustam quantitatis mensuram excrecere, nec in communem hominum durationem vitam protēdere. Sub æquinoctiali autem experientia sentire facit esse regiones temperatissimas, atque habitationi maximè accommodas, quod fieri dicūt propter æqualem præsentiam & absentiam solis, per quam æqualem vicissitudinem fieri videtur maxima temperies regionum il-

Regiones frigidiſſime.

larum, & optima loci illius dispositio. Illæ vero duæ regiones, quæ sunt à circulis arctico & antarctico vsque ad polos mundi, similiter dictæ sunt inhabitabiles, propter nimium frigus, ob nimiam solis distantiam, tamen secundū veritatem non sint prorsus inhabitabiles. Nam intra circulū arcticum tradit Ptolemæus esse multas hominū habitationes, sed non multū aptas habitationi: id quod nimius pallor hominū illic habitantiū, & nimia lōgicudo supra quàm staturæ humanæ cōuenit, satis indicāt. Aliæ verò duæ regiones, quarum alte-

Regiones temperata. ra est inter circulum arcticū & tropicum Canceri, altera verò inter circulum antarcticum & tropicū Capricorni, propter

tem

reperiem sunt optimè habitabiles. Neque enim sol nimum eis propinquus est, neque nimium elongatus, & quodam modo mediæ constitutæ inter torridam zonam, & regiones illas frigidas supremas, illinc quidem calorem participantes, hinc vero frigiditatem, ita optimam accipiunt contèperationem. Harum autem zonarû particularior determinatio, ad Geographum magis, quàm ad Physicum spectat. Quapropter nobis ista sic generaliter dicta sint satis.

De eclipsi Lune, quomodo, & quando fiat.

C A P. XXXI.

SVperest, ut de cœlestium luminarium eclipsibus nonnihil dicamus. Erit enim non inutilis huius rei consideratio. Et primum quidem Lunę eclipsim determinemus. Pro cuius noticia attédendum est, quod Luna, licet moueatur semper sub circulo zodiaci, non tamé sub linea illa ecliptica, quam suprà diximus esse viam Solis: sed ab ecliptica deuiat, & suo motu lineam propriam describit (quæ linea Lunæ dicitur) interfecantē prædictâ eclipticâ lineâ in duobus punctis diametraliter oppositis, quos duos punctos vocant caput & caudam draconis. Propter quod nunquã cõtingit Solē & Lunam directe & diametraliter ad inuice opponi, nisi cum alter fuerit in capite draconis, & alter in cauda. Neque item perfecta fieri potest eorû cõiunctio, nisi simul ambo vel in capite, vel in cauda draconis inueniantur. Cum enim Sol perpetuo sub linea ecliptica directe inueniatur, Luna vero nũquam nisi in duobus his punctis, manifestum est, diametraliter cõiunctionem non posse fieri, nisi ambobus in vno horû pũctorû existentibus: neque diametralē oppositionem, nisi in his pũctis sibi ex opposito cõstituantur. Dicimus autē diametralē oppositionē, quãdo sic opponũtur, quòd eadē diameter intelligatur cõtingere centrũ vtriusque, ita ut linea protracta à centro Solis directe terminaretur in cẽtro Lunæ. Similiter & cõiunctionē diametralē dicimus. Deinde & hoc sciendũ est ex perspectiua, quòd omne corpus opacũ obiectũ corpori luminoso, facit vmbra. Et quidē si corpus luminosum fuerit maius corpore opaco obiecto, illuminabit plus quàm mediã partem corporis illius contra se positã, reliquã verò partem relinquit obscuram, & vmbra facit pyramidalem, quæ continuo minor fit, & ad acutiem tẽdit. Vnde sequitur, quòd terra minor existens sole, ipsi obiecta, pro medietate suã, aut

Caput, & cauda draconis opposita.

semper in oppositiōe Lunę ad Solē habeatur Lunę eclipsis. Oppositio enim singulis fit mensibus, raro autē eclipsis: nimirum quia non in qualibet oppositione Luna inuenitur sub linea ecliptica, nec in capite, nec in cauda draconis. Nūquam autem eclipsis Lunę fieri potest (vt diximus) nisi quādo Luna simul cum Sole sub ecliptica inuenitur.

Quod aliquando fieri possit eclipsis Luna partialis.

C A P. XXXIII.

Quamuis autem perfecta & totalis Lunę eclipsis non possit fieri, nisi cū sub linea ecliptica diametraliter opponitur Soli, potest tamen fieri eclipsis imperfecta & partialis, cū prope caput aut caudam draconis fuerit fere diametraliter, quamuis non omnino diametraliter opposita Soli intra metas siue terminos eclipsis, qui sunt xli. gradus ante & post caput, vel caudam draconis secundum longitudinem. Luna enim existens ita propinqua ad oppositiōem diametralē Solis, intra tale spatium, secundū partem suā eclipsatur, magis vel minus, iuxta quod vicinior est capiti, vel caudę draconis, aut ab eis distancior. Non tamen plane totaliter eclipsari potest, nisi cum in capite aut cauda fuerit diametraliter Soli opposita. Est tamen aduertenda differentia inter eclipsim Lunę totalem, & vniuersalem siue generalem. Totalis enim eius eclipsis dicitur, quando penitus, & totaliter secundum omnes partes priuata est Solis lumine. Generalis autem siue vniuersalis eius eclipsis dicitur, quando generaliter omnibus apparet luminis defectus. Ex quo cōsequitur, omnem eclipsim Lunę, siue totalem, siue partialem esse generalem. Luna enim eclipsim patiens vndecunque videatur, talis apparebit. Corpus enim quod denigratum est, aut maculam habet vel obscuritatem, siue in toto, siue in parte, vndecunque aspiciatur, talem denigrationem aut obscuritatem habere cernitur. Ita Luna vmbra terrę persusa & obscurata, vndecunque videatur, iudicabitur vt priuata Solis lumine, siue secundum totum, siue secundum partem. Non ergo cōuertuntur eclipsis Lunę totalis & generalis, cū etiā partialis probata sit esse generalis. Secundum eam enim partem qua aliquibus lumine priuatur, nemini potest apparere aliter quā lucē priuata, nec secundum eam partem aliunde videtur illuminata: cuius contrarium est in eclipsi partiali solis, vt ex sequentibus fiet manifestius.

De eclipsi Solis quando & quomodo fiat.

CAP. XXXIIII.

*Quomodo
eclipsa-
r.*

CUm vero Luna est in coniunctione ad Solem, si coniunctio fiat diametraliter sub linea ecliptica, ita ut coniungatur Luna Soli in capite vel in cauda draconis, per interpositionem Lunæ inter Solem & nostrum aspectum, continget nobis solem eclipsari. Cum enim Luna sit corpus opacum & non transparent, penitus illuminari à Sole non potest, sed illuminatur tantum à Sole secundum suam medietatem, vel maiorem partem (eò quod Sol maior sit Luna) proiiciturque umbra versus aspectum nostrum, & obumbratur nobis claritas Solis, sicque nobis Sol eclipsatur. Quod non est ita intelligendum, quasi Sol verè possit lumine priuari, cuiuscunque corporis obiectione. Est enim hoc plane impossibile, cum Sol à seipso & non ab alio suum habeat lumen. Sed quantum ad nostrum iudicium, nostrumque aspectum, dicitur eclipsari, quia scilicet nobis videtur eius lumen deficere, quod nobis propter interpositionem opaci lunaris corporis non appareat. Quomodo autem superius de Luna diximus quod perfecte & totaliter non eclipsatur, nisi cum ipsa sub linea ecliptica opponitur Soli in capite, aut cauda draconis: ita de Solis eclipsi dicendum est, quod perfecta fieri non possit, nisi quando est diametralis coniunctio Lunæ & Solis sub ecliptica linea in capite aut cauda draconis, ambobus in capite, aut ambobus in cauda existentibus, & diametraliter sibi inuicem ita oppositis, ut eadem diameter per utriusque centrum transeat. Potest tamen fieri partialis solis eclipsis, etiam tunc quando Luna est in coniunctione fere sub linea ecliptica, prope caput aut caudam draconis, intra meras, vel terminos eclipsis de quibus prædictum est. Inter eclipsim autem solis totalem, & partialem hæc differentia est: quod in totali eclipsi, existente coniunctione directe in capite vel in cauda draconis, totum corpus solis illis obrumbratur & obtenebratur, quibus est eclipsis, ita ut nihil videant de globo solis. In eclipsi autem partiali, quando coniunctio tantum est prope alterum dictorum punctorum, non obtenebratur totum corpus solis, sed solum pars aliqua, ubi contingit interponi lunam nostro aspectui. Et contingit interdum hanc eclipsim ita modicam esse, ut vix percipiat, nisi macula aliqua sub solari corpore. Ex prædictis patet ratio, quare non semper in coniunctione Solis & Lunæ videamus solem eclipsari, quoniam videlicet non in omni coniunctione.

functione, Luna in aliquo prædictorum punctorum inuenitur, aut propè intra metas eclipsis, sed frequètius in alia parte zodiaci soli coniungitur, extra punctos prædictos. Manifestum est insuper omnino non posse fieri solis eclipsim, nisi tempore coniunctionis & nouilunij, quemadmodum non potest fieri eclipsis Lunæ, nisi tempore oppositionis & plenilunij: quoniam videlicet alias non contingit Lunam obici inter solem & nostrum aspectum.

Multiplex differentia inter eclipsim Solis & Lunæ.

CAP. XXXV.

INter eclipsim autem Solis & Lunæ, non vnica differentia est. Primum enim hoc ex dictis patet, quòd eclipsis solis requirit coniunctionem in eodè pũcto, vel prope idẽ pũctum. Lunæ vero eclipsis exigit oppositionem in pũctis oppositis. Prior habet fieri tẽpore nouilunij, posterior in tempore plenilunij. In priori, Luna interponitur inter solem & terrã. In posteriori, terra inter Solẽ & Lunã obicitur media. In priore, vmbra Lunæ terram obscurat, in secũda vmbra terræ corpus Lunæ obfuscatur. In priori, tantum fit luminis ab aspectu nostro subtractio: in posteriori, etiã realis luminis priuatio. Sunt præter has duæ aliæ notabiles differentię, quarũ prior hæc est, quòd eclipsis Lunæ (siue totalis sit, siue partialis) semper est generalis in omni terra, eclipsis autẽ Solis nõquã est generalis. Priorẽ partẽ supra declarauimus. Posterior vero ita probatur, quoniam nõ simul omnibus Sol eclipsatur, neq; omnibus simul apparet lumẽ deficiẽs, sed dũ hi Solem eclipsari percipiũt, illi luce solis fruũtur, & dũ ad hos eclipsis peruenit, priores illi lucis fulgorẽ iam receperũt. Quia enim Sol in eclipsi suum lumen non perdit, sed tantũ eius claritas obumbratur, ex interpositione Lunæ, fieri potest, vt quibusdam obscuretur, quibusdam autem nõ. Cum enim Luna sit multo minor tota terra & Sol multo maior luna, nõ potest vmbra lunæ totã terram cooperire: maxime quia (iuxta prædicta) vmbra terræ secundũ acutiẽm pyramidalem continuo minuitur: propter quod etiam si terra esset æqualis tantũ Lunæ, adhuc non posset penitus ab ea obũbrari. Multo minus ergo nunc, vbi secundũ veritatem multo est maior (continẽs videlicet eam trigesies nouies) poterit ab ea penitus obũbrari. Vnde cõtingit fieri eclipsim in vna regione, non autem in alia, imò cõtingere potest vt duorũ vicinorũ satis propinquẽ

Eclipsis Solis nõquã est vnuerſalis.

commorantium vel consistētium, alter habeat eclipsim, alter non, utpote si intra vnus aspectum & Solem sic interposita Luna, non autem inter alterius aspectū: aut ille sit in vmbra Lunæ, hic autem nō: utpote si illum tēgat pyramidis acuties vmbrae lunaris, non autem hunc aliquantulum distantem ab altero. Nequaquam ergo potest fieri Solis eclipsis generalis in vniuersa terra. Tunc enim totā terram posset obumbrare luna, quod est impossibile. Totalis autē eclipsis Solis aliquibus potest fieri. Ad hoc enim non amplius requiritur, quā ut Sol in aliqua parte per directam interpositionē Lunæ penitus subtrahatur illic inhabitantium aspectui. Tunc enim nobis est totalis Solis eclipsis, quando nostro aspectui totaliter eius lumen subtrahitur, propter directā interpositionem corporis lunaris inter Solem & nostrum aspectum. Verūm interim dum nobis ita totaliter eclipsatur, in aliis partibus terræ nec partialiter videbitur eclipsari, eò quòd quantum ad illas partes terræ non sit interpositio Lunæ, sicq; generalis esse non poterit. Altera differentia est, quòd eclipsis Solis incipit à parte occidentali corporis ipsius, eò quòd Luna per proprium motum venit ab occidente. Sed eclipsis Lunæ venit primò à parte orientali corporis eius, eò quòd ipsa proprio motu ab occidente veniens intrat vmbra terræ, quam primo tangit in parte sui corporis orientali: verum tamen prius partem vmbrae occidentalem ingreditur.

De nouilunio, & plenilunio.

CAP. XXXVI.

Opportunè quoq; hoc loco, & de nouilunio & plenilunio, & varia Lunæ illuminatione dicendum. Aduertendum proinde est, qd cū Luna ex se lumē non habeat, sed omne suum lumen recipit à Sole, omnis ratio mutationis, & variae illuminationis, per respectus varios ad Solem debet considerari. Est enim Luna corpus admodū opacum, quod nō potest à Solis lumine (quantūvis forti & valido) totaliter penetrari, sed tantum secundū mediam partē, vel amplius, ab eo potest illuminari. Illic autem illuminatur, vbi à Sole respicitur. Propter quod non semper in eadem sua parte lumen habere cernitur, eò quòd non semper secundum eandem partem à Sole respicitur, sed nunc desuper, nūc ab infra, nunc à latere hoc aut illo. Et secundum hanc illuminationem diuersam, contingit omnis in Luna mutatio. Quando enim Luna est

est coniuncta soli, ita ut pariter inueniantur sub aliqua parte zodiaci, superior eius medietas, quæ est versus astra, est illuminata: inferior verò medietas versus terram, obscura est, proicitq; umbram: & tunc nouilunium dicimus. Hebræi verò *Nouilunium.* neomeniā appellabant, id est, nouum mensem. Distinguebant enim menses per Lunæ cursum, ita ut semper à nouilunio menses inchoarent, suâq; calendas ipsum diem coniunctionis habebant. Deinde vero, cum Luna suo motu celeriori à Sole incipit recedere, incipit simul & lux eius à parte superiori ad inferiorem permutari, incipitq; nobis lux aliqua apparere in nostra medietate. Et quâto Luna à Sole amplius declinat, tanto magis à parte superiori lumen recedit, & in parte laterali (propter lateralem Solis aspectum) illuminatur, primū quidē ut cornuta modicè, & appellatur bicornis, deinde pleniori lumine, & quarta cresceas vocatur: quæ cum plena fuerit, quasi semicirculus apparet, quâdo est Luna septima. Post hæc vero quartam primâ incrementi lunaris, continuo ad plenitudinem circuli tendit, secundum ampliorem à Sole declinationem, usq; dum ad similitudinem pleni circuli venerit (quod fit Luna 14.) ita ut Sol & Luna inueniatur in partibus zodiaci oppositis. Tuncq; pars eius inferior versus nos totaliter illuminatur, superiori omnino remanente priuata lumine, appellaturq; plenilunium, eo quod nobis tunc plene illuminata videatur, licet secundū veritatem æquè semper sit illuminata. *Quid plena lunaria.* Acque hic finitur medietas mensis lunaris. Post hoc iterum incipit Luna Soli appropinquare, & per consequens ab inferiori parte lumine priuari, & versus superiorē partem lumine crescere, rursūq; ut cornuta à parte altera, & semicirculi in modum apparet, Luna xx i. donec tandem iterum habeatur ex coniunctione nouilunium. Sicque perpetua hac instabilitate Luna mouetur, velocissimo suo motu quadruplicem sibi singulis mensibus varians illuminationem.

De eclipsi facta tempore passionis Christi.

C A P. XXXVII.

QUæ autem in capitulis præcedentibus de solis eclipsi dicta sunt, opportune nimium cōducere videntur ad considerationē eclipsi solaris, quam in sacris Euangelis factam legimus media die, pendente in crucis paribulo Solis, Lunæ, astringimque omnium, imo cœli & terræ cōditore Christo Iesu domino & Deo nostro: quæ tam notabilis & supra

naturam insolita fuit, ut etiam gentilium historiis, posterorum memoria sit prodita: præter quod diuinus ille Dionysius Areopagita, tum in Ægypto apud Heliopolim philosophu, in epistola ad Polycarpum se pariter cum Apollophane summo philosopho eandem conspexisse, & cum admiratione maxima diligenter considerasse testatur. Constat enim ex prædictis hanc eclipsim nequaquam secundum naturam potuisse fieri, sed supernaturalitantum virtute. Nam tempus passionis Christi minime conueniebat tēpori solaris eclipsi. Hæc enim (ut ostensum & probatum est) non nisi in coniunctione solis & lunæ fieri potest. Tempore verò passionis Christi plenilunium erat, & oppositio lunæ ad solem. Quod præter testimonium Dionysij, qui se asserit cum Apollophane in oppositione eam conspexisse, manifeste ex sanctorum Euangeliorum autoritate monstratur, quæ describunt Christum tempore Paschalis solennitatis in sancta Parasceue passum & immolatum. Paschalem autem solennitatem (ut ex legis præcepto habebant) Iudæi plena luna celebrare debebant, luna scilicet quintadecima: quemadmodum legimus Exodi xii. cap. Non solum igitur tempus non fuit secundum naturam accommodum solari eclipsi, verum etiam maxime incommodum. Nullo enim tempore impossibilius est eam fieri, quàm tēpore oppositionis. Nunquam enim longius sol & luna absunt à coniunctione, quàm oppositionis tempore. Exactius autem cuncta quæ in hac eclipsi contigerunt considerantibus, in vno portento quinque simul concurrunt consideranda miracula, quæ ad gloriam immolati in cruce agni, particulatim nos minime pigebit explicare. Primum itaque fuit ex parte temporis, quoniam (ut iam diximus) secundum naturam erat ad eclipsiis generationem minimè conueniens. Secundum erat in cursu Lunæ, quæ naturaliter suo motu proprio ab occidente in orientem progreditur. In hac autem eclipsi, visa fuit à Dionysio motu velocissimo reuertens præter naturam ab oriente versus meridiem, usque dum stetit sub Sole, ubi per tres horas quieuit, & Solis lumen mortalibus occultauit. Post verò mortuo domino ad proprium locum versus orientem, motu celerissimo, veluti in instanti regressa est. Atque ita quidem hora sexta & nona apparuit sub Sole, vespere autem occidente Sole, in oriente apparuit opposita Soli. Tertium mi-

racu

raculum fuit ex parte, à qua incœpit eclipsis: nam suprà declaratum est, eclipsim solarem debere secundum naturalem ordinem incipere à parte Occidentali corporis Solis. Illius autem eclipsis fuit initium à parte Orientali Solis. Nam Luna (ut iam dictum est) retrocessit ab Oriente versus meridiem, sicque primo Solem tetigit ex parte Orientali.

Quartum fuit miraculum ex parte in qua post peractam eclipsim primum cœpit corpus solare lucidum apparere. In eclipsi enim naturali, pars illa Solis, quæ primum obumbratur interpositione Lunæ, prima incipit apparere lucida post eclipsis medium. In hac autem eclipsi, ordine contrario (quod mirabile est) pars illa quæ primo obscurata fuit, & quam primum subintravit corpus Lunæ, postremo apparuit suo lumini restituta. Ultima verò pars Solis, & quam nouissime Luna intrauit (pars videlicet Occidentalis) primum detecta apparuit, & ab obscuracione libera. Non enim pertransiuit Luna Solem, uti solet in naturali eclipsi, sed sub eo stetit trium horarum spatium, ac deinde non pertranteundo Solem reliquit, sed rursus ad locum vnde venerat (id est, ad Orientem) redeundo. Quintum fuit miraculum, ex mora & duratione eclipsis. Nam eclipsis Solis secundum naturam diu durare non potest, sed ocyssime, & celerissime absolvitur, propter nimium solaris corporis ad corpus lunare superexcessum secundum quantitatem, & velocissimum Lunæ motum. Propter duas causas concurrētes, non diu potest corpusculum tanto minus, corpus tãto maius nostro subtrahere aspectui. Siquidem (propter motum velocissimum) Luna non diu potest nostro aspectui occultare Solem, corpus tantæ molis, quin aliqua ex parte mox emicare, & effulgere incipiat nostro aspectui. Quemadmodum videmus ad oculum, nonnunquam magni corporis molem nostro aspectui abscondi per minimi corporis interpositionem: quod tamen si vel transversum vnguem aut latum culmum loco moueatur, mox sub aspectum nostrum sese offeret quod ante fuerat occultum. Ut cum (exempli gratia) ante oculos manuum tantum tenentes, ita prohibemus ne conspiciamus globum Solis, qui mox se ingeret nostro aspectui, si vel minimum eam mouerimus. At verò eclipsis ista (de qua loquimur) tam admirabilis & horrenda, non modici temporis fuit, neque ad momentum transiens, sed perpetuo trium horarum spatium, ab hora sexta

sexta (vt Euangelista ait) vsque ad horam nonam. Cuncta vero hæc miracula beatus pater Dionysius Areopagita in supradicta epistola, paucis verbis particulariter videtur attingere, quemadmodum ex ipsius epistolæ verbis Astronomicæ rei perito facile fieri potest manifestum.

Quod eclipsis ista tempore passionis fuerit vniuersalis.

C A P. XXXVIII.

SVper hæc verò omnia, forsitan & aliud miraculū sextum adificiendum erit, secundum naturam, multo etiam magis quàm præcedentia impossibile. Videtur enim eclipsis ista de qua loquimur, fuisse penitus vniuersalis in vniuerso orbe. De quo tamen contrariæ extant sententiæ. Nam aiunt quidam, tantùm in Iudæa fuisse hanc eclipsim: & quod Euangelistæ dicunt tenebras factas super vniuersam terram, limitatè intelligunt de terra Iudææ. Atque hi nihil opus habent aliud superaddere miraculum. Altera verò probabilior, & scripturæ rationi, atque historicæ fidei magis consona opinio est, quæ vniuersalem dicit fuisse hanc eclipsim, super vniuersum orbem. Est enim hoc magis scripturæ consonum, quæ simpliciter dicit super vniuersam terram factas esse tenebras. Deinde & rationi magis consentaneum est, postquam ad glorificationem pendentis in cruce mundi conditoris eclipsim fieri voluisset gubernator naturæ, vt miraculum istud palam omnibus in toto mundo exhiberet: quandoquidem ad omnium salutem agnus ille in Iudæa immolabatur. Et decebat apud omnes lapidem hunc reprobatarum cœlitus clarificari: ita vt esset etiam exteris nationibus in testimonium abominandi facinoris, tam insolita conspecta eclipsis. Quod etiam rei docuit eventus. Non enim solus ille

Psal. 117.

in Iudæa Centurio, visis iis quæ facta fuerant, dixit: Verè filius Dei erat iste. Verum etiam apud Heliopolim in Aegypto

Matth. 27.

Dionysium audiuius conspecta re admiranda, memorabili

Dionysii

memorable

dictum.

Actus 17.

verbo exclamasse coram sodalibus, Aut Deus naturæ patitur, aut mundi machina dissoluitur. Et ex hoc signo apud Athenas (quod in Actis Apostolicis legitur) ignoto Deo fertur aram fuisse inscriptam. Præterea, miraculum illud de retrocessione umbræ solaris in testimonium sanationis Ezechie regis, non in sola Iudæa exhibitum neque perceptum fuit, verum etiam in exteris nationibus. Vnde & regem Babyloniorum legimus misisse ad eum literas, & nuncios, vt inquirere

rerent

rerent de porteto, quod acciderat super terram: quemadmodum in libris Paralip. legimus. Quanto magis ergo signum *Paral. 32.* istud, quod ad clarificationem Salvatoris mundi fiebat, non in Iudæa tantum, sed & in exteris regionibus decuit vniuersale fieri? Monstrat hoc ipsum fides historiarum, quoniam (vt Eusebius Cæsariensis refert) Phlegon egregius Olympiadum super *Eusebius, Phlegon.* putator, libro x i t. de hac eclipsi ita testatur: Olympiade c c i i. magna & excellens inter omnes quæ antè acciderant defectio Solis facta est, & dies hora sexta ita in tenebrosam noctem versus, vt stellæ in cælo visæ sint, terræque motus in Bithynia Nicenæ urbis multas ædes subuerterit. Ex cuius verbis manifestè patet, nec terræmotum peculiarem fuisse Iudææ, nec Solis deliquium. Id quod ex conspectu stellærum probatur. Non enim efficere posset eclipsi Solis particularis, vt illæ stellæ in cælo conspiciantur, cum lumen Solis non tollatur, vnde prohibetur stellarum aspectus. Maius enim lumen obfuscatur minus. Vnde licet nobis abscondatur globus Solis, non ob hoc lumen eius aufertur, quo obfuscantur stellæ, vt videri non possint. Apparet ergo non fuisse particularem illam eclipsim. Quod si roges, quomodo *Questio.* fieri possit vt fuerit vniuersalis, cum Luna (vt suprà dictum est) non possit sua interpositione totum corpus Solis occultare ab aspectu nostro: hoc videlicet est quod dicimus *Solutio.* nouum miraculum esse, vniuersaliter istius eclipsi, vt facta intelligatur non solum per interpositionem Lunæ inter Solem & terram, sed simul & per radiorum solarium retractionem. Diuina siquidem virtute factum creditur, vt Sol quasi exhorrescens impiissimum scelus, quod super terram tunc gerebatur, suum lumen à terra continuerit (quod nunquam fecisse legitur ab initio sæculi) indignum ducens suo lumine terram lacerare, quando suum creatorem cōspiciebat tam atroci & ignominioso mortis genere ab impiis cruciari. Itaque quemadmodum Lunæ eclipsi vniuersalis intelligitur per realem totius luminis subtractionem, sic & istam imaginamur factam per realem luminis à toto orbe subtractionem, quod nunquā secundum naturā in eclipsi Solis potest contingere. Et ne cui nouum hoc cōmentum videatur, inuenimus planè huius sententiæ fuisse beatum Hieronymum. Denique quod Dionysius, & alij cum eo Philosophi in Heliopoli ad contemplationem huius eclipsi animum intēderunt, nō est veri

verisimile factum esse, nisi quod etiam ipsi experirentur tenebras. Cum enim nullo modo secundum cursum naturæ tempus esset eclipsis, nullam habebant causam neque occasionem ad rem istam aduertendi animum, nisi quod easdem quas in Iudæa patiebantur tenebras sceleris perpetratores, sentirent etiam ipsi, ut fierent rei incognitæ admiratores. Vnde verisimile est propter subitas, & inopinatas tenebras quas sentiebant, mox incœpisse illos applicare animum ad huius rei considerationem, quemadmodum ab initio (ut Philosophus testatur) ex admirari cœptum est philosophari. Apparet ergo non in sola Iudæa fuisse hanc eclipsim particularem, sed penitus in omni terra vniuersalem: quemadmodum terræ motus non solum particularis fuit in Iudæa, sed etiam in aliis nationibus, ut retulimus ex descriptione digni fide etiam gentilis historici. Quæ vniuersalis eclipsis cum fieri non potuerit per solam Lunæ interpositionem, consequitur debuisse Solem suos continere radios, ut concordi testimonio & vna compassione terra mota, disruptæque petreæ in inferioribus, & luminaria obscurata superne, lugerent simul & clarificarent reprobatum lapidem, appensum in cruce Christum Dominum.

Solutio cuiusdā obiectionis, & libri conclusio. CAP. XXXIX.

Obiectio. Verum contra hanc nostram sententiā obiciat forsitan aliquis, Quoniam modo hæc constat, ut Solem dicamus continuisse lumen, stellas tamen in cœlo potuisse videri? Si quidem (ut iam antè dictum est) à Sole cætera astra lumen accipiunt. Si ergo (quemadmodum refert Phlegon) stellæ in cœlo videri poterant, certè & Solem oportuit luce non esse priuatum, alioqui & stellas suum lumen perdidisse. ablata

Solutio. nanque causa, auferri oportet etiam effectum. Huic obiectio ni respondebimus, dicentes, Solem quidem non secundum substantiam priuatum fuisse lumine, quod illi secundum suam substantiā indeficiens dedit altissimus, sed tantum suum lumen continuisse, & suos radios retraxisse, ut super terram eos non effunderet, nec aërem solito lumine illustraret. In terra enim scelus erat quod exhorrescebat, & cuius indignitatem volebat demonstrare. In superioribus autem non erat cur lumen contineret. Proinde quod in priori capite eclipsim istam similem fecimus eclipsi lunari, non ita intelligendum est, quasi sic sentiamus in eclipsi ista lumen verè defecisse Soli, & omni no non fuisse lucem in substantia Solis, quomodo in sua eclipsi corpus

corpus Lunæ realiter priuatur lumine: sed tantum in hoc constat similitudo, quod sicut Luna in sua eclipsi nullum lumen ad inferiora mittit, sic neque Sol tunc temporis radios vllos aut vllum lumē super terram proiiciebat. Srat ergo Solem continuisse suos radios, ne inferius lucerēt super terram: stellas tamen in cœlestibus solito lumine fuisse illustratas. Si rursus obijcias, Quorsum Lunæ interpositione opus fuit, si Solis radij erant cohibendi? aut quid operabatur illa Lunæ sub solari corpore suppositio, si continuerit Sol radios luminis sui? æque enim nihil lucis super terram fuisset effusum, posteaquam iussus est Sol suos continere radios, etiam si Luna non fuisset Soli supposita. Videtur ergo ista Lunæ interpositio prorsus fuisse superuacanea. Dicimus Lunā quidem vt creatorem glorificaret, & sceleris horrorem mundo declararet, suo creatori cōpatientem Dei iussu (à quo indubie mouebatur) præstitisse quod potuit, eamque hac in re suum voluisse præstare creatori obsequium, quoad posset Solem occultando, vt radios illius cohiberet, & morientis in cruce gloriam mundo patefaceret. Et verisimile est Lunam se directè Soli supposuisse ex ea parte, quæ respiciebat sceleris huius nefandissimi locum, id est inter Iudæam & Solem fuisse interpositam. Quod autē secundum naturam Luna sua interpositione nō potuit, id credimus diuina virtute per solariū radiorum retractionem adimpletū. Quidam verò etiā densissimarum nubiū ponunt cōcursum. Sed quæ prius dicta sunt, videtur magis probabilia. Nam si per nubes totum negotiū gestum fuisset, minus potuissent stellæ cōspici, quæ facilius obumbrātur nubibus quàm corpus solare. Item nō potuissent ita limpide in Aegypto per Dionysium prædicta considerari, si nubium talis interiectio perfecisset negotium. Sed nos iam à supremo cœlorum, in id quod fuit aliquādo terræ infimum delapsi, nempe in illū qui suo ipsius testimonio vermis fuit, & non homo, opprobrium hominum, & plebis abiectio, virorum nouissimus, vir dolorum & sciens infirmitates, cuius aspectus tanquam leprosi fuit, & non erat ei species neq; decus, cuius præ humilitate iudicium sublatū est, lapis reprobatus, agnus occisus, hircus pro peccato, caper emissarius in crucem adactus, tandem fessum calamū in eo reponamus. Siquidem bonum est nos hīc figere pedem, bonum est calami cursum finire, atq; in huius passionibus cōquiescere. Fasciculos enim

Obiectio.

Solutio.

Psalm. 21.

Esaiæ 53.

Psalm. 117.

Cantic. I.

enim myrthæ dilectus noster nobis, & sponsus sanguinum ipse est nobis: qui dum inter vbera commoratur, miras præbet cordis veras, solâsque puras delicias. Et licet mulca admodum iam diximus, in quibus altissima clarescit patris omnipotentia, & magnificentissima refulget eius gloria, veluti de cœlestium orbium incomprehensibili & inestimabili magnitudine, de Astrorum innumerabili multitudine, de cursus primi mobilis incogitabili celeritate, de ordinatissimis singulorum planetarum motibus, de Solis gloria, de claritate luminarium, de mirabili ordine plenilunii, nouilunii, ac aliis huiusmodi compluribus, quæ nostrum animum ad canenda in alacritate spiritus gaudiosa cantica meritò valeant prouocare: præeligimus tamen ad libri huius cōclusionem, in hoc terræ infimo reprobato lapide conquiscescere, & super doloribus ac humilitate eius vocem fletus assumere. Vicit enim admiratio humilitatis eius omnium conditorum supernorum gloriam. Siquidem in humilitate iudicium eius sublatū testatur Propheta. Nos proinde eiulationis vocem eleuantes, lamentationem canamus pendenti in cruce agno, qui tulit peccata mundi, cuius est nihilominus cum patre & spiritu sancto æterna gloria in secula seculorum. Amen.

Esai 53.

FINIT LIBER SEPTIMVS.

LAMENTATIO MORIENTIS IN CRUCE
 agni, propter quem perditam appensi: quem in terris reprobatum, supernè clarificarunt egregia duo luminaria, diei & noctis Domini.

Q Vis dabit capiti meo aquam: & planctum condignum super vniuentum?

Vtinam lacrymis inebrientur oculi mei, & fontes mihi exurgant aquarum calidarum in medio capitis mei.

Vtinam in absinthium vertatur mihi cor meum: & digna amaritudine amaricetur in medio ventris mei.

Peccatum peccauit Hierusalem: & contaminata est vniuersa terra preuacatione.

Virum iustum à Deo donatum, signis glorificatum plurimis, interemerunt, virum optimum, & mansuetissimum præceptorem.

Non sustinuerunt impij in mansuetudine arguentem, tollere animam eius conciliati sunt.

Oblatus est, quia voluit, & non aperuit os suum sicut ovis ad occisionem ductus est, & non aperuit os suum.

FINIS

